


中華文史叢書之八十八
清·同治刊本影印
王有立主編

皇朝政典舉要

(全)

增田貢原著
毛淦補編

華文書局股份有限公司印行



原序

孫仲謀使呂子明就學曰孤豈欲卿治經爲博士耶但當涉獵往事耳此言精詣造士之法亦不外於此也今治經之習廢庠序之教必從節史亦學風之一變也夫索往事宜由歷史而歷史之浩瀚涉獵亦難故必從節史之精覈而節史之最捷者爲通鑑攬要予欲承姚氏之後記滿清之事而遲迴不果者有年於此夫愛新覺羅氏之代明也當我正保之初而燕雲遼遠聲氣不通及朱舜水歸化鄧大木請援始知明社已屋旣而賈舶致三朝實錄其國初隆興之狀可以徵而順治之後乃絕及聖武記出康熙之於三藩臺灣雍正之於厄魯得乾隆之於準回廓顏金川嘉慶之於畿輔湖苗川陝道光之於回疆湖粵戡亂之迹昭然矣而道光之後乃絕近者先正事略出廣西洪賊之事最詳而咸豐之後乃絕及粵匪紀畧出而同治殄寇之略可以徵而其三年之後乃絕無復書之可考予欲待其書出而記之此所以遲迴不果也然而今則翻然以爲可記也夫我明治之初與清國通也承和遣唐使之後絕無

而僅有是可以記也臺灣之役戮其生番也豐公破明軍之後絕無而僅有是可以記也因載兩國交涉之事遂成同治之記上起順治下終同治又附以開國之記前後二百五十餘年名曰清史攬要凡所採之書其文鬱者暢之冗者裁之以便涉獵則此編未必無裨於造士初學由此而進非復昔日阿蒙矣嗚呼孫仲謀豈欺予哉

日本明治十年三月三日岳陽增田貢撰

凡例

一日本增田貢所著原名清史攬要貢乃日本人不妨以清史名篇滄等屬在臣民自有定分仰維 王者無外之義未敢言清猶不逮稗官野史之林何堪言史謹改其名曰 皇朝政典舉要非敢獵美名分然也閱者諒之

一原書所載舛誤頗多或數事而先後倒置或一事而年月不符至官階地名人名之類尤多差謬且如戡定叛亂頭緒繁多歷年亦久未免記此失彼俾閱者不能備識終始在增田貢以外國之人述我 朝之事能提綱挈領大致楚楚自堪欽佩滄等既忝爲紹述何敢不重加攷訂俾原稿益底精詳謹證 國朝掌故諸書訂譌補闕釐爲八卷至提綱書法多所纂改亦祇求不悖中國體裁增君見之幸寬其僭妄之罪

一此編專詳文治武功故於儒林文苑隱逸之流雖事多可傳皆從簡略至祥瑞偏災似無關聖治之要亦付闕如

一此編起順治迄同治凡八世二百五十餘年冠以開國天命天聰崇德兩朝以昭神聖幅輿之盛

一凡擡頭字樣以限於篇幅謹依東華錄體例空一格寫以昭慎重

一凡縮印諸書傳鈔既易舛錯而小楷尤難勻整爰用宋字繕成精加校勘俾閱者眉目一清

皇朝政典舉要目錄

卷一

天命

天聰崇德

順治

卷二

康熙

卷三

雍正

卷四

乾隆

卷五

皇朝通志卷之六

嘉慶

卷六

道光

卷七上

咸豐

卷七下

咸豐

卷八上

同治

卷八下

同治

皇朝政典舉要卷一

日本增田貢原著

遂安毛

淦補編

仁和汪厚昌

訂正

錢塘顧梓田

太祖高皇帝

天命十一年

太宗文皇帝

天聰十年崇德八年

我朝之先。當遼金之末。國於長白山下。姓愛親覺羅。國號滿洲。數傳至 肇祖

興祖。興祖子為 景祖。景祖諱覺昌。安饒才智。漸併諸部。景祖三子為

顯祖。諱塔克世。顯祖子為 太祖。智勇天錫。舉止非常。明萬歷十一年。滿洲圖

倫城。有尼堪外蘭者。陰誘明寧遠伯李成梁。攻沙克城。殺城主。又攻古勒城。城主

阿太章京妻。即 景祖女孫也。景祖與 顯祖。俱往救之。先後入城。成梁攻城

不克。尼堪外蘭請來招撫。給城中人。使殺阿太。并害 二祖。太祖大怒。欲得外

蘭而甘心焉。明人不肯。且曰。當令外蘭為滿洲國主。國人信之。皆歸焉。太祖愈

太祖

滿洲

關攻尼堪外

中五十創

鴨綠江

破九國兵

攻葉赫

七大憾

破明兵

楊鎬
杜松

怒。亟攻外蘭於圖倫城。外蘭遁。克其城。時年二十五。僅有顯祖遺甲三十副。兵百人而已。明人卒執外蘭來歸。乃斬以復仇。先是明歸二祖喪。至是又給龍虎將軍印及歲幣八百兩。十五年。攻哲陳部。阻漲渾河。聯繩而渡。跨堞而戰。身中五十餘創。遂克之。十六年。復克完顏部。滿洲五豪部皆服。遂有建州。兵食強富。又收鴨綠江部。而葉赫等九國忌之。合兵三萬來侵。國人大懼。太祖酣寢達旦。奮兵出戰。大克之。斬級四千。獲馬三千。禽布占泰。軍威大震。二十七年。始絕明貢。惟爲互市。三十五年。滅輝發國。取烏拉。尋征葉赫。葉赫乞援於明。明使遊擊馬時枏。率火器千助之。太祖戰下其七城。遂誓師讐明。明萬歷四十三年。太祖年五十八。建元天命。國號滿洲。海西四國平其三。惟葉赫恃明不下。明亦倚爲北關。太祖謀大破明。乃休兵二年。以三年興師伐明。以七大憾誓告天地。步騎二萬發興京。圍撫順城。降明游擊李永芳。夷其城而還。復克清河城。斬副將鄒儲賢等萬人。四年。明遼東經略楊鎬集兵瀋陽。二十四萬。四路深入。各率兵六萬。總兵杜松入

李如柏
馬林
劉綎
渾河

薩爾大戰

杜松死
尙間
匡戰

河水赤

劉綎陣法

撫順關。李如柏入鴉鶻關。馬林入三登口。劉綎入寬甸。合向都城。太祖盡徵各路屯兵。集城中。戒嚴以待。杜松素勇輕敵。欲立首功。日馳百餘里。抵渾河。河流迅急。策馬徑渡。軍多溺死。松以二萬圍界藩城。分三萬屯薩爾濟山。太祖命大貝勒等。以萬五千人援界藩。親率四萬五千。攻薩爾濟大營。明兵恃火礮爲戰。及晡。大霧晦。咫尺不辨。明兵列炬以戰。我兵從暗擊明。萬矢雨集。發無不中。而明兵從明擊暗。銃礮皆中柳林。我兵無傷者。踰塹拔柵。破明兵三萬。而右翼援界藩者。合山上兵。據高馳下。與山下兵夾攻。衝陣爲數隊。杜松中矢死。太祖又馳赴尙間。匡遇北路明兵二萬。乃陳山麓。下馬步戰。得令未徧。而敵突至。諸旗縱馬馳突。人自爲戰。諸貝勒貫陣出背。表裏夾擊。聲震天地。明兵大敗。河水爲赤。楊鎬聞敗。止如柏綎軍。而綎軍已迫都城。太祖回軍禦之。綎軍連破數寨。節制嚴整。軍行皆持鹿角。止卽成陣。礮軍火器甚練。太祖使降卒持杜松令箭。往給綎曰。西軍已薄敵城。可速進。合兵相助。綎遂棄鹿角而進。分四萬人入隘。四貝勒引右翼出其

冒旗幟
劉綎死
朝鮮兵

姜功烈降
三路敗
熊廷弼邊
備

應袁泰代

賀世賢
尤世功

章仲揆陳
策
渾河戰

第一血戰

遼陽戰

上乘高擊之。綎軍殊死戰。大貝勒又引左翼出其西。冒杜松旗幟。被其衣甲。直入
 綎營。大呼格殺。綎軍遂潰。綎力戰死。其康應乾步兵。合朝鮮兵二萬。營富察之野。
 方戰。大風走石揚沙。敵目不得開。火器反擊。我兵乘勢衝之。應乾大敗。遁去。朝鮮
 之帥姜功烈。以殘兵五千降。是役。明傾天下之力。盡徵宿將猛士。而五日間三路
 皆敗。我兵僅損數百人。天眷之歸。實基於此。明誅楊鎬。以熊廷弼代之。時遼瀋
 大震。廷弼兼程冒雪。徧閱形勢。招流亡。繕守備。簡士馬。肅軍令。主固守之策。集兵
 十八萬。分布衝要。以伺機變。我亦按兵不動者歲餘。明咎廷弼不戰。以袁應泰代
 之。然非將材也。六年。攻瀋陽。明總兵賀世賢。勇而善戰。身中十四矢。尤世功救之。
 皆沒於陣。城遂破。總兵章仲揆。策秦邦屏。亦來援。師次渾河。我兵急攻。斬邦屏。
 明兵入營。發火器。多殺傷。已而丸盡。短兵接。我兵萬矢環射。策仲揆揮刃衝突。各
 殺十餘人。乃死。是役。明以萬人。當我數萬。雖力屈而覆。為遼左用兵以來。第一血
 戰。我兵乘勝攻遼陽。袁應泰引水注濠。自出戰而敗。又入城固守。太祖命塞水

真應泰死

張銓
都遼陽

起廷弼

圍清平堡

劉渠

祈秉忠

王化貞逃

錦州降

孫承忠

袁崇煥築
宣遠城

源渡濠冒敵而登城。明兵照炬達旦。苦戰不勝。經略袁應泰佩印自焚死。御史張銓被執不屈死。於是遼河以東七十餘城俱下。遂遷都遼陽。遼瀋既克。明大震。起熊廷弼。廷弼立三方節制之策。與廣寧巡撫王化貞議不合。化貞言願得六萬兵。一舉蕩平。兵部尚書張鶴鳴信之。無言不從。廣寧有兵十四萬。而廷弼關上無一卒。徒擁經略虛號而已。十月冰合。我兵渡河。圍清平堡。化貞命孫得功祖大壽往援。并檄鎮武閭陽之師共援。途遇我兵。而得功大壽皆走。鎮武兵亦潰。總兵劉渠祈秉忠戰沒。得功陰通我。訛言敵迫廣寧。城中聞之大亂。化貞單騎走。遇廷弼於大陵河北。化貞哭。廷弼笑且憤。乃以所將五千人授化貞。使為殿。盡焚積聚。護難民數十萬入關。得功迎我兵入廣寧。化貞已竄二日矣。錦州等四十餘城皆降。明逮王化貞。及熊廷弼。以大學士孫承宗經略遼東。承宗才不下廷弼。而器度過之。使袁崇煥築宣遠城。守關外二百里地。練兵十一萬。開屯田五千頃。宣遠迄成雄鎮。魏忠賢黨排承宗令去。以高第代之。第欲棄宣遠。崇煥以死誓守不去。十二年。

刺血書
實遠戰

太祖崩
太宗立

八旗戰法

賞罰嚴明

耕戰

天聰元年

錦州戰

我兵十三萬抵寧遠。崇煥刺血書誓將士。我兵進攻。戴楯穴城。矢石雨下不退。崇煥令閩卒發西洋巨礮。一發決血渠數里。傷數百人。三日再攻再卻。圍遂解。太祖不懌。是年崩。年七十四。子太宗立。太祖每有征伐。與諸貝勒趨野而謀。畫地而議。上馬而傳令。以五大臣議政。十大臣理事。無留獄。無壅情。令簡而速。故事無不舉。臨敵七旗卻走。一旗拒戰。即以七旗佐領之。丁給一旗。一旗卻走。七旗拒戰者亦如之。一旗內半卻走半拒戰者亦如之。罪親不貸。功疏不遺。令信而必。故戰無不克。興京內城。居宗室勳戚。外城居宿衛親兵萬餘。此外遠近十餘萬戶。散處遼河東西。無事耕獵。有事徵調。戰勝分俘受賞。人自為兵。人自為饗。無養兵之費。故用無不給。起兵二十載而國基建。又十載而王業大定。天聰元年。即明天啓七年也。攻明取大陵河城。守兵皆遁。進攻錦州不克。袁崇煥守城。滿桂尤世祿背城列火器。諸將以險請退。太宗怒。命侍衛持盾大呼馳進。諸軍殊死衝突。貝勒數人負傷力戰。滿桂中數矢。亦不退。殺傷相當。屍滿濠塹。遂收兵而還。自我起兵。

逮崇煥

紅衣礮
大陵河戰

宋偉

吳襄

祖大弼

萬人敵
大壽降
孔有德
仲明降
尚可喜降

明軍望風潰。議戰守自崇煥始。二年。明數遣使來議款。久不決。三年。大舉伐明。與崇煥遇於沙河。鏖戰互有殺傷。會天暑。我兵不能下。遂縱反間。明逮崇煥。復起孫承宗以鎮關。我兵宵冒明旗幟。黎明突其不意。攻之。滿桂戰死。三年。明軍二十萬。以馬世龍統之。與承宗犄角。攻灣州。人斫一柳立平其濠。發大礮摧城堞。我守將潰走。貝勒阿敏見明軍勢盛。不援而遁。遵化諸將亦為明軍所襲破。明遂復關內四城。五年。始鑄紅衣礮。命漢軍演火器。與明軍戰於大陵河。敵陣堅不動。太宗自率兩翼勁兵。先衝宋偉營。營中火器震天。左翼避礮。隨右翼而進。宋偉殊死戰。我前鋒多死。復麾左翼。以火箭攻吳襄。時黑雲起。風從西來。襄軍乘勢縱火。忽大雨。反風燬敵。右翼與偉力戰至晡。敵軍遂大敗。明副總兵祖大弼率死士百餘人。滿語者。易服辮髮。夜突牙營放火。麾下驚擾。侍衛親軍力戰卻之。大弼大壽弟。號萬人敵。嘗以五百騎突錦州。刃及太宗之馬。已而大陵河援盡糧絕。大壽遂降。六年。明登州參將孔有德。耿仲明。以舟師來降。明年。廣鹿島副將尚可喜亦降。三

毛文龍

崇德元年

徧燕京

朝鮮降

盧象昇死

人者毛文龍部將也。袁崇煥殺毛文龍。而孔耿反登州。可喜亦收諸島衆數千。至是耿孔爲天祐兵。可喜爲天助兵。九年。貝勒多爾袞降。搆漢國。由朔州破寧武。入略代。析應。惇四州。斬明兵六千人。十年。改元崇德。國號大清。卽明崇禎九年也。是秋。命武英郡王阿濟格入居庸。克昌平。徧燕京。取十二城。五十六戰皆捷。二年。帝親率兵十萬伐朝鮮。朝鮮王李倧徙妻子於江夏島。棄國都保於南漢山城。告急於明。并檄國中諸道勤王。欲固守以待外援。時明庭方急流寇。不暇卹鄰。諸道援兵相繼奔潰。我兵圍南漢山城。四路並出。分略諸道。且破島城。獲王妃王子。并郡臣家口焉。李倧乃出降。奉正朔。歲時貢獻。一如明庭舊制。三年。多爾袞與明督師盧象昇大戰於保定。又戰於鉅鹿。象昇血戰兩月。礮盡矢竭。猶徒手格殺數十人而死。我兵進略眞定。深入破濟南。執明德王。降五十城。六年。明薊遼總督洪承疇率曹變蛟。吳三桂等八總兵。軍十三萬。馬四萬。集寧遠。進圍松山。太宗親統大軍赴援。吳三桂等六總兵皆潰走杏山。曹變蛟入松山。與洪承疇固守。突圍

大破明兵

曹變蛟邱民仰死

順治元年

五次皆不遂。最後斫牙營傷而還。太宗又料杏山兵必奔寧遠。張伏破之。先後殺五萬三千餘人。海中浮屍如雁鷺。我兵昏夜僅傷十人耳。七年。松山副將夏承德爲內應。我兵入城。禽洪承疇。祖大樂等。曹變蛟。邱民仰戰死。錦州亦降。旋克杏山。於是明國大震。始決和議。遣官至錦州。太宗不報。明復申前議。將成而復敗。命貝勒阿巴泰伐明。自雁門入會州。東至兗州。下十八州而還。明自萬曆歲徵遼餉六百六十萬。崇禎中復加勦餉二百八十萬。練餉七百二十萬。先後共增賦千有六百七十萬。竭天下兵餉大半以事關東。而中原盜賊蠭起。是年。太宗崩。世祖繼立。改元順治。卽明崇禎十七年也。世祖使睿親王伐明。師次遼河。時李自成已陷燕京。僭稱帝。僞號大順。明將吳三桂乞援。世祖發兵援三桂。掃蕩李自成。遂代明定天下。

世祖章皇帝順治十八年

順治元年甲申命甲喇章京沙爾祐達征瓦爾喀。

祭孔子

遣官祭先師孔子春秋爲例。

定儀仗

定攝政王及諸王貝勒等儀仗。

凡行獵出兵攝政王儀仗前導奉樂而行其餘和碩親王多羅貝勒領兵馬或守城池則如攝政王之儀又定官民祭葬及屋基之制。

譯史

大學士希福等譯遼金元三史告成。

多爾袞

命攝政王多爾袞率師進圖中原。

勅曰朕年冲幼未能親履戎行特命爾攝政王多爾袞往統大軍用加殊禮錫以御用燾蓋等物及奉命大將軍印往定中原一切賞罰俱便宜從事。

馮銓入仕

九月徵故明大學士馮銓更定樂章。

陳七事

馮銓聞命卽至攝政王賜以所服衣帽並鞍馬銀幣及更定樂章名銓言本朝削

王應登

洪承疇

額時憲歷

湯若望

平寇亂以有天下擬改用平字為始平景平威平壽平嘉平等從之。

以兵部尚書洪承疇佐理機政。

詔頒時憲歷。

明崇禎二年西洋人湯若望脩西洋歷法進呈留在北京推步諸器盡遭賊燬及

攝政王至若望別製進呈。

定諸王貝子公俸祿。

攝政王銀三萬兩輔政王一萬五千兩親王一萬兩郡王五千兩貝勒二千五百

兩貝子一千二百五十兩鎮國公輔國公俱六百二十五兩。

明寧遠總兵吳三桂請援攝政王多爾袞出師大破李自成。

先是明以流寇內倡棄關外四城召寧遠總兵吳三桂衛京師三桂徙寧遠民五

十萬衆而西途聞燕京陷不敢前又知家口被掠而賊向山海關乃回兵擊破之

急遣使乞師於我時攝政王未至寧遠及得三桂書即日進兵次沙河時李自成

吳三桂乞
援

山海關大
戰

李自成大
敗

屠三桂家

崇禎帝

自將精銳二十萬。東擊三桂。又使白廣恩二萬騎。繞出關外夾攻。三桂先擊破賊。自將五百騎謁于。薙髮盟誓。請大軍入關。上命三桂嘗賊。殺傷相當。翌日大戰。賊衆自北山亘海。我軍陣不及其半。王以敵勦。乃命三桂先衝中堅。而後軍蓄銳以待。是日賊挾明太子屯西山。王率英豫二王登東山。立馬觀戰。賊張兩翼圍三桂數重。三桂軍人人血戰。衝盪數十合。呼聲震天。及午。塵沙大起。兩軍不辨。已而風止。英豫二王率鐵騎二萬。橫衝賊陣。所向摧陷。賊見辮髮。驚曰。滿洲兵也。陣遂動。自成先走。賊衆盡潰。斬首數萬。命三桂以二萬騎追之。賊至永平。遣使議和。還太子。非真也。三桂益進兵。自成走燕屠三桂家。殺明諸王。焚宮殿。西遁。王檄三桂及英豫二王兼程長驅。及賊於慶都。賊以精兵死戰。大風忽起。天地晝晦。賊旌旗皆折。我兵奮擊。復大破之。賊走山西。

攝政王入燕京奏捷。葬明崇禎帝。

王入燕京。明百官迎候。王登武英殿受朝賀。令曰。爾朝皇帝尙未收斂。明日宣令

官民哭臨。乃謚為懷宗端皇帝。周后為烈皇后。

明福王立

明福王由松立南京稱帝。攝政王招大學士史可法不屈。

史可法

明福王由松避賊次淮安。南京諸官立為帝。改元弘光。召兵部尚書史可法入閣理事。可法請督師江北。攝政王屢致書招之。可法報書不屈。福王亦遣左懋第具

書幣來通聘。并運米十萬石。銀五萬兩。犒吳三桂軍。命邵之

都燕

帝發盛京。定都於燕。祭告天地。

詔中外大赦。盡除明弊政。文臣衣冠。暫從明制。

巡撫陳錦討登萊賊。秦尙行平之。

登萊十寇秦尙行等。乘青州之變復叛。欲連明劉澤清兵。奉助楊威稱帝。勢甚熾。

陳錦遣兵禽尙行誅之。又降楊威而斬之。

十二月內監楊玉。指揮李時陰。有罪伏誅。

有劉姓者。自稱崇禎帝太子。內監楊玉送至故明周奎家。時明公主亦在奎家。相

僞太子

封衍聖公

葉臣等破賊

黃河清

行鄉飲酒禮

祭金主陵

見泣。奎跪獻酒食。既而疑其僞。以聞。令故明東宮官屬視之。皆不識。問以宮中舊事。亦不能對。惟內監常進節。指揮李時蔭執爲真。吏部侍郎沈惟炳。御史趙開心。言事關重大。宜加詳勘。因下法司。得假冒狀。楊玉李時蔭等十五人皆棄市。

封孔胤植爲衍聖公。

胤植孔子六十五代孫也。顏紹緒曾聞達孟聞璽仍襲五經博士。

將軍葉臣等破賊山西。畿南悉平。

葉臣進伐三晉。所至迎降。禽陳永福於太原。敗李過於大同。巡撫馬國柱征汾州。

山西悉平。巡撫衛國允破真定之寇。畿南始定。

二年乙酉正月黃河清。

自河南孟縣至梅子村。清二日。

於順天府行鄉飲酒禮。

命祭太宗世宗陵。

追封孔子

旌明王承恩

追封孔子 爲大成至聖文宣先師。

旌故明殉難太監王承恩。

給香火地六十畝立碑旌其忠葬故帝陵側。

詔修明史。

博選文行鴻儒充總裁纂修官。

豫親王

二月豫親王多鐸大破賊於潼關李自成走死。

戰三敗

豫親王軍渡孟津破張有聲於洛陽張有曾於靈寶盡收關外地李自成盛兵潼關遣劉宗敏圍我前鋒三日我兵不動賊疑不敢擊已而豫王至自成出關迎戰我兵三千從圍中起夾攻破之遂徧潼關賊掘重濠發礮遙擊竊出銳卒繞襲我

英王

軍之後爲我兵所破英王阿濟格吳三桂渡河破李錦克延安廊州自成腹背受敵遁走西安守關賊降我兵向潼關進自成又焚西安宮室走湖廣豫王移師伐明命英王及吳三桂勦賊時賊尙三十餘萬聲言取南京我兵水陸躡後於鄧州

自成斃

史可法死

高傑

克南京
王降

鄭鴻逵

承天武昌九江破賊者七。一日自成晨離大隊。以十餘騎入禱九宮山。拜廟前。鄉民狙之。以鋤碎其首而斃。餘衆二十餘萬降。明湖廣總督何騰蛟。豫親王多鐸屠揚州。明大學士史可法死之。

我兵南下。明睢州總兵許定國。殺瓜州鎮將高傑以降。爲我鄉導。河南郡邑望風悉降。淮安鎮將劉澤清。率兵四萬據三河口。我兵以礮毀其戰艦。別軍渡上游。破其步騎。澤清走入海。史可法收高傑舊部十餘萬於揚州。馬士英忌之。自內掣其肘。故其兵潰。揚城爲空。可法獨督二萬登陴。豫王屢貽書招之不應。拒守七晝夜。傷我軍數百。王怒。大礮激攻。城西北隅崩。聲如雷。可法督戰不退。我兵踐積尸而登。城遂克。總兵劉肇基巷戰。殺傷千餘。可法遂死於難。我兵留十日。屠其城而南。豫親王克南京。明總兵田雄福王出降。

我兵至楊子江。明總兵鄭鴻逵以水師守南岸。侍郎楊文驄壁金山。時高傑潰兵欲渡江者爲陸軍所拒。皆降。豫王命置燈於筏。放中流。明軍礮擊。日報虛捷。我兵

黃得功死
福王亡

左良玉

袁繼成死

博洛
明潞王

乘霧夜渡。數百騎鳴螺樹幟。明軍潰走。我兵方舟畢濟。遂陷鎮江。抵南京。而福王已走蕪湖。其諸王留者皆迎降。王駐軍城外十日。始入城。祠史可法以旌其忠。降瓜州兵十三萬。淮安兵十萬。又追福王。明靖南侯黃得功拒戰中矢死。總兵田雄馬得功擁福王出降。江南悉定。初福王之卽位也。馬士英阮大鍼諸奸專政。王亦荒於酒色。甯南侯左良玉舉兵東下。劾士英七大罪。乞誅之。帝專發兵備焉。故我兵得速破揚州。左良玉亦會病死。

英王阿濟格率師至九江。明左夢庚降。督師袁繼成死之。

英王上游之兵至九江。明左夢庚以兵十萬降。督師袁繼成不屈死。王又徇江西。夢庚良玉之子也。

豫王多鐸敗明大學士馬士英等。平浙西。

豫王令貝勒博洛追明潞王常滂於杭州。徇松江太倉下之。馬士英迎戰敗走。渡錢塘江。我軍營江岸。明兵望見曰。潮至必沒。既而潮不至三日。驚為神。皆倒戈。淮

淮王降

唐王立

黃道周
蘇觀生

魯監國
張國維
朱大典
熊汝霖
孫嘉績
饒應龍
張煌言
王之仁
浙東之師
頭刺之令

王常清等皆降。浙西悉定。王承制。改南京為江南省。俘福王凱旋。尋害之。

明唐王聿鍵稱帝於福建。魯王朱以海稱監國於紹興。

唐王者太祖九世孫。世封南陽。崇禎九年起兵。勳王廢為庶人。幽鳳陽高墻。福王立。釋之。徙廣西。行至杭州。而南京陷。鄭鴻逵奉入閩。南安伯鄭芝龍。禮部尚書黃道周。戶部主事蘇觀生等。勸進即位。改元隆武。是為福建之師。魯王者太祖十世孫也。世封兗州。北京之變。諸王南下。及福王立。唐王移台州。次年潞王以杭州降。兵部尚書張國維。朱大典起兵金華。給事中熊汝霖。孫嘉績起紹興。吏部員外郎錢肅樂。行人張煌言。諸生王翊起甯波。定海。總兵王之仁。石浦游擊張名振。以海上兵應之。殺我招撫使。迎請魯王監國。盡驅錢塘之船。列兵江上。西取富陽。以扼上游。潛通太湖。是為浙東之師。

下剃頭之令。

詔曰。向來剃頭之制不怠。姑聽自便者。欲俟天下定。始行此事。朕已籌之熟矣。君

士民之師
 陳子龍 沈猶龍 夏允彝 黃蜚 吳志葵 吳兆奎 盧象觀 孫象觀 盧象觀 瑞昌王 通城王 葛期昇 王本微 荆廷揚 沈廷揚 王廷揚 侯嗣才 黃滔會 侯嗣才 徐石麒 陳梧

猶父也。民猶子也。父子一體。豈可違異。若不歸一。不幾為異國人乎。自今布告之後。京城限旬日。直隸各省地方。自部文到日。亦限旬日。盡行剃頭。若惜髮爭辨。決不輕貸。

明遺臣上下江之師大起。

是時薙髮令下。蘇州巡撫士國寶。松江提督吳兆勝。吳淞總兵李成棟。皆以降將乘勢逞虐。明故給事中陳子龍。總兵沈猶龍。吏部主事夏允彝。約水師總兵黃蜚。吳志葵。起兵松江。兵部主事吳易。舉人孫兆奎。起吳江。行人盧象觀。奉宗室子瑞昌王盛澂。起宜興。中書葛麟。主事王期昇。奉通城王盛徵。起太湖。主事荆本徹。員外郎沈廷揚。起崇明。副總兵王佐才。起崑山。通政使侯峒曾。進士黃滔耀。起嘉定。吏部尚書徐石麒。平湖總兵陳梧。起嘉興。典史閻應元。陳明遇。起江陰。僉都御史金聲。借邱祖德。尹民興。吳應箕。起徽州甯國。並通表唐王遙受。除拜。或近受魯王節制。揭竿裂裳。抗我者十餘萬。是為上下江士民之師。

閻應元
金聲德
邱祖德
尹民興
吳應箕
益王
永寧王
楊廷麟
江西之師

明諸王江西之師起。

降將金聲桓奉兵招撫。所至屠殺立威。於是明益王朱由本據建昌。永甯王朱慈炎據撫州。兵部侍郎楊廷麟據贛州。各招五嶺峒蠻數萬。以抗我兵。是為江西之師。

明總兵吳志葵攻蘇州。我軍擊破之。

吳志葵率海上軍。由泖湖進攻蘇州。黃蜚以太湖軍會之。時城中驍騎僅千餘。李延齡土國寶使百餘騎繞城外。各張旗幟。佯為江南援兵。志葵前鋒數百斬胥門入。不見一敵。忽我勁騎突出。截擊殲之。城中軍亦引退。延齡急閉城。督雜髮違者斬。不數日。城中皆燼。即驅之登陣。內應始絕。外攻遂潰。

我師連破明上下江兵平之。

李成棟破崇明。截黃蜚吳志葵之兵於淞江。與蘇州軍以火夾攻。潮落風烈。明兵舟重。膠汝而燼焉。禽蜚志葵。克淞江城。盧象觀率眾二萬。窺江南。洪承疇先誅內

吳志葵敗

江陰城守

閻典史死

徵甯陷
樊山王

高安王
上下江定

孔聞諜

應出鐵騎衝之。外軍驚潰。禽瑞昌王。象觀收殘卒。亡入太湖。復與王期昇合。提督吳兆勝火攻其舟。期昇遁。象觀燬。惟太湖吳易一軍。江陰閻應元一軍。有紀律。尚負固。吳易敗。嘉興總兵李遇春五十艘。奪吳兆勝二十艘。與浙東應和。閻應元固守江陰。兩月餘。屢卻劉良佐。李成棟之兵。至是。貝勒博託俘潞王。振旅至吳江。破吳易軍。殲之。進圍江陰。晝夜礮擊。會大雨。城崩。應元死之。時金聲據徵甯。天險以副將十三人守各營。自扼叢山關。我兵攻之。兩月不下。降臣黃澍未薙髮。服明衣冠。詭稱援兵。聲啓城納之。澍為內應。徵甯遂陷。洪承疇復禽樊山王。常采於潛山。高安王常淇於婺源。金聲桓亦取建昌。王得仁取撫州。益王等敗竄。上下江略定。陝西巡撫孔聞諜犯薙髮令。褫職。

孔聞諜奏臣宗家衍聖公已薙髮。念先聖為典禮之宗。章甫縫掖。自漢及明。三千年之久。未之有改。一旦變更。恐非崇儒重道之典。請蓄髮以復衣冠。報曰。薙髮嚴旨。違者無赦。姑念汝聖裔。免死革職。永不叙用。

日本漂流民

命朝鮮交還日本漂流之民。

諺朝鮮王曰。前有日本國民人十三名。飄泊至此。已給衣糧。念其父母妻子。遠隔天涯。深用憫惻。使臣至日。備船送還。

三年丙戌。肅親王豪格征張獻忠於四川。平之。

豪格為靖遠大將軍。師至西安。時明副總兵孫守法。鄖陽總兵王光恩。固原副將武大定。賀珍。起兵於興安漢中。屢破流賊。遂取鳳翔。圍西安。受唐王封爵。關中響應。總督孟喬芳屢敗其兵。王分兵勦邠州。延安之寇。淮軍漢中。破賀珍。進征四川。時張獻忠使其將劉進忠守保甯。進忠迎降。而賊不知也。我師襲獻忠於酉。充斬之。四川略定。

二月。尚書覺羅郎邱。大破賊於荊州。賊首李孜等來降。

覺羅郎邱大破賊於荊州。獲戰艦千餘艘。與將軍巴爾泰兩路追擊。賊軍殆盡。李自成弟孜。及田見秀等三十九人。詣軍降。

豪格
孫守法
王光恩
武大定
賀珍
孟喬芳

浙東平

博託

方國安敗

阮大鍼
馬士英

何騰蛟

四月除貫穿耳鼻刑。

貝勒博託大破明魯王平浙東。

博託爲征南大將軍。我兵臨錢塘江。張國維王之仁乘風拒我兵。觸之舟多碎。國維渡江進攻杭城。不克而退。尋我兵隔江礮擊。方國安營。國安恐。挾魯王走台州。明諸將臨江留守。廣十餘里。我兵難之。會旱涸。水僅及馬腹。我兵數萬自上游濟。列戍望風驚潰。馬士英阮大鍼嗾方國安使執魯監國以獻。監國脫走航海。王子仁沈妻子於江而死。江甯紹興甯波溫台悉下。惟朱大典守金華。張國維守義烏。我兵擊斬之。阮大鍼導我兵屠金華。我兵惡之。禽士英國安大鍼。責其不忠之罪。誅之。進破衢州。禽蜀王樂安王。浙東略定。初方國安與鄭芝龍皆馬士英門下也。合流薦士英於唐王魯王。皆不納。士英與阮大鍼方國安使與諸義兵爲難。於是通國水火。遂大敗。

明大學士何騰蛟據長沙立十三鎮。

芝龍抑制

黃道周死

左闔之降兵

十三鎮

楊廷麟軍振

萬元吉蘇觀生

初唐王之立也。閩粵兵饑，盡歸芝龍掌握。唐王奮志有為，而芝龍抑制，令不行於下。王遣大學士黃道周出關募兵，徒手號召，無所濟。道周敗於婺源而死之時，湖廣總督何騰蛟領部兵三萬，繼撫左良玉舊部馬進忠王允成衆數萬於岳州。又降李自成舊部李錦衆十餘萬於常德。於是左闔之兵皆歸騰蛟麾下，驟增數十萬。唐王大喜，告廟進騰蛟大學士，封定興伯。堵允錫爲右副都御史，總督其軍。騰蛟部署降卒，參以舊軍，以張光壁黃朝選等十三人爲總兵，分鎮湖之南北。與我武昌荊州之軍相持，所謂十三鎮也。

明總督楊廷麟破南昌兵取吉安。

江西自建昌撫州之破，惟楊廷麟守贛，募民兵二萬，峒蠻四萬，又留廣東雲南入援之兵，與南昌我兵戰，屢捷。取吉安守之，軍頗振。何騰蛟請唐王赴湖南，廷麟請往江西，浙中諸將請趣衢州。唐王以鄭芝龍不足恃，亦欲棄閩倚騰蛟。先遣兵部侍郎萬元吉督師於贛，遣大學士蘇觀生募兵南安。芝龍使兵民數萬，抑唐王不

得行。

貝勒博洛敗明唐王執之。鄭芝龍降。

鄭芝龍反

努山

唐王祖

田川氏

國姓爺

鄭成功起兵

博洛之兵渡浙東。降將金聲桓克吉安撫州。鄭彩鄭鴻逵棄廣信走入關。楊廷麟萬元吉退守贛州。鄭芝龍陰受洪承疇之款。託言海寇。馳還安平。盡撤關隘諸防。我兵長驅而入。斬明大學士黃鳴駿。連下建甯延平。騰蛟遣五千騎迎唐王。其兵次韶州。不能進。王遂奔汀州。我前鋒統領努山冒明軍旗幟。馳七晝夜。追及之。并敗其總兵姜希援兵二萬。遂執唐王。王不食死。芝龍詣福州乞降。博洛俘以凱旋。明鄭成功起兵。

成功。芝龍之子也。母田川氏日本肥前平戶士人女也。唐王曾撫成功背曰。惜無一女配卿。卿當盡忠吾家。改姓朱。儀同駙馬。中外皆稱之曰國姓爺。尋封忠孝伯。芝龍之降也。成功痛哭而諫。芝龍不聽。成功以讀書爲事。未曾預兵柄。至是慷慨募兵。焚所著儒服。拜辭孔廟。乘巨艦而去。

立唐王弟
楊廷麟敗
李成棟

桂王立
瞿式耜
呂大器

桂王走

明朱聿鎮自立於廣州。改元紹武。李成棟襲執之。

金聲桓乘勝圍贛州。楊廷麟聞唐王被難。圍城氣索。遂為聲桓所陷。是冬蘇觀生立王弟聿鎮於廣州。改元紹武。李成棟已下惠潮二州。用其故印。移牒詭報平安。而潛師從之。遂報聿鎮明。及周益遠諸王宗室世子二十餘人。殺蘇觀生。

明桂王由榔。稱帝於肇慶。改元永曆。

我師定福建。進攻粵。明兩廣總督丁魁楚。廣東巡撫瞿式耜。兵部尙書呂大器。湖廣總督何騰蛟。巡撫堵允錫。復擁桂王由榔。稱帝於肇慶。改元永曆。初蘇觀生與魁楚議不合。別立唐藩之弟。旬日而敗。惟桂王據西南。至十餘載。

四年。丁亥。廣東總兵李成棟克肇慶。桂王走武崗。

李成棟克肇慶。下梧州。桂林大震。丁魁楚棄桂王。以輜重四十艘降。成棟殺之。王將走。依何騰蛟於湖南。瞿式耜極陳桂林形勢。固留不聽。式耜自請留守。與城存亡。王遂就劉承允於武崗。以岷王府為行宮。尋成棟攻桂林。式耜督參將焦璉戰。

城下。成棟敗。退屯昆陽。

明大學士陳子壯等起兵不克而死。大學士瞿式耜連破我兵。取廣西。

明給事中陳邦彥起兵高州。兵部侍郎張家玉起東莞。大學士陳子壯起端州。合兵襲廣州。以圖牽制。總督佟養甲檄李成棟圍家玉。旬日破之。子壯邦彥方圍廣州不克。乃要成棟於禹珠洲。乘風潮夜戰。燬其船數十。俄風轉。成棟回舟。撞炎大捷。斬子壯邦彥。廣東復定。時瞿式耜乘我兵之返。遣焦璉陳邦傳破陽朔平樂。下潯梧。廣西復陷。

明御史彭遇颺取建甯邵武興化。

時鄭成功據廈門。奉隆武年號。兵最強。以與唐魯二王有讐。不願奉之。乃自次長垣。其浙中遺臣錢肅樂等先後奔附。時唐王甫滅。所遺郡縣聞明兵至多應之。彭遇颺乘之起。連取建甯邵武興化福甯及漳浦等二十七縣。其取興化也。遇颺乘我守將出戰。襲登陣。盡易明幟。我兵返見之。遂潰。其取建甯也。城中舉火爲內應。

主新

桂王走廣西

岷王降

王還桂林

王光代

其取邵武也。明鄖西王將王祈善戰。先據上游。夜收几案數百。合挿香炷。順流放之。環邵武城而過。我守兵望火。大礮齊發。遲明審其偽。習不復備。一夕明兵突至。城遂陷。祈等又進圍福州。

定南大將軍孔有德等克武崗。桂王走廣西。

孔有德與尙可喜耿仲明帥師出岳州。敗馬進才黃朝宣何騰蛟。退保衡州。有德進薄之。斬朝宣。復分兵四擊皆勝。張光壁走寶慶。堵允錫走永定。李錦潰入歸巫。馬進忠遁五溪。有德合兵攻武崗。劉承允敗降。桂王走廣西。尙可喜追拔桂陽。遂克黎平府。降明岷王等二十餘人。騰蛟與式相會。諸將於桂林。畫地分守。復親視師全州。督焦璉印選及十三家營。分路扼戰。連營亘三百里。式相饋餉不絕。我兵遂退。式相迎王還桂林。

七月。鄖陽王光代起兵。用永歷年號。

鄖陽王光代起兵於湖北。衆十餘萬。進據鄭湯。用永歷年號。自稱鎮武伯。提督孫

定遠引兵擊之敗潰。

定三載考績之制。

吏部奏言三載考績肇自唐虞歷代相承久而不敝今幸 聖功格被廣興大勢盡入版圖請以三載考績為定制自順治五年至七年合天下之郡吏而大計之庶大典畫一易於遵守報可。

五年戊午江西總兵金聲桓廣東提督李成棟反降於明。

初我兵之取江廣也金聲桓李成棟之力為多及事平章天宇巡撫江西修養甲

總督廣東聲桓成棟受其節制心常嫌之天宇尤黷貨驕武士聲桓與副將王得

仁殺巡按董成學脅天宇迎明故大學士姜曰廣僉都御史楊重熙於家以江西

叛成棟聞之移檄遠近通表桂王奉永歷年號各擁兵十萬餘據上游江甯震動

明張名振取舟山奉魯王據之。

松江提督吳兆勝謀反與明陳子龍以浙東兵內犯張名振沈廷楊會之遇颺盡

江西廣東
俱反

江甯震

取舟山

喪其軍。廷楊溺死。兆勝事泄被誅。名振遁還。與阮駿合軍。迎魯王。復入浙。合王朝先兵攻黃斌卿於舟山。殺之。奉魯王。浙師盡歸名振。

明堵允錫圍長沙。守將徐勇戰卻之。

長沙城守

何騰蛟遣焦璉攻永州。王進取寶慶。馬進忠攻常德。堵允錫敗線國安。取衡州。進圍長沙。守將徐勇以三千當數萬。晝夜拒戰。砲擊敵舟。屢卻雲梯地道之攻。又密遣兵。駕小舟。布滿湘江。佯為援兵。敵遂驚潰。

五月。天津妖婦張氏謀反。伏誅。

張氏稱故明天啓后。其黨王禮等私製玉印令旗。謀為不軌。事洩。伏誅。

滿漢婚姻

八月。許滿漢官民聯姻。

諭禮部。欲滿漢官民和睦。莫如聯姻一事。凡滿漢官民有欲聯姻者。皆從其願。定諸王及官民婚姻聘禮。

十月。以睿親王多爾袞為攝政王。

皇朝通志卷一百一十五 禮治

姜瓖反

明有七省

劉武元
高進庫

詭降緩師

書事正史

大同總兵姜瓖反。明舊將李占春等起兵江南。

姜瓖煽動秦晉。李占春、譚洪、譚文、譚誼及義勇楊大展于大海、袁韜武大定等各以兵數萬分據川南川東。皆附桂王受封號。請官吏。明以錢邦芑巡撫其地。呂大器總制其軍。於是明有雲貴兩廣江西湖南四川七省之地。桂王進據肇慶。勢甚熾。

明金聲桓犯贛州。巡撫劉武元擊退之。

初聲桓叛。惟贛州不從亂。巡撫劉武元副將高進庫固守。而進庫尤善戰。聲桓陷九江。欲順流突江甯。而懼贛師乘其後。乃回軍攻之。三月不下。江甯兵二十萬水陸並進。復九江南康。長驅擣南昌。聲桓回救而敗。入城拒守。我兵據山岡下瞰。復以舟師截江路。聲桓大困。

明李成棟援南昌。贛州副將高進庫擊破之。

李成棟逾嶺犯贛州。高進庫詭約降。緩其師。成棟還軍嶺上。已而南昌糧盡告急。

甯完我

成棟復大舉攻贛。進庫奮戰敗之。成棟走信豐。六年己丑。輕車都尉甯完我討大同賊。大破之。

甯完我統兵渡河。討大同賊。復蒲州臨晉河津。進征平陽。賊將白璋率步騎六千。至滎河迎戰。完我奮擊破之。斬三千級。追至黃河。賊未及濟。我兵薄之。溺水死者無算。遂斬白璋。餘賊走吉鎮。又追破之。移師猗氏。賊將衛登芳依山結寨。與張萬全為犄角。完我擊斬萬全。轉戰禽登芳。斬王國興。復進破郭傑於聞喜。

滅姜瓖

英親王等滅姜瓖。誅李建泰。

郡王博洛破姜瓖勁騎於大同。吳三桂亦破王永強於同官。延綏榆林先後克復。巡撫祝世昌亦破萬鍊於太原。總督孟喬平丁國棟又敗賊將張萬全。英王師圍大同。城中食盡。賊黨姜瓖降。屠其軍民。毀其城垣。巽親王滿達海別平潞澤諸州。破李建泰。殺之。山西陝西悉定。

定山西陝西

江西復定

我兵克南昌。金聲桓中矢死。又克信豐。李成棟墜水死。江西復定。

皇朝文獻通考 卷一百一十四 朔方道志

南昌守門賊潛約內應。我兵急攻東門。而奇兵襲西門。城破。姜曰廣死之。聲桓中矢死。禽王得仁斬之。明楊重熙以援師至亦敗。我兵鼓行援贛。成棟師亦潰於信豐。成棟大醉上馬渡河。甲重人馬俱沈死。

平永州

定南王孔有德破明曹志建平永州。

明堵允錫所部李錦與何騰蛟所部馬進忠爭常德。進忠焚常德走李錦尾之。而郡縣守將皆遁。騰蛟入守湘潭空城。爲我將徐勇所斬。孔有德攻曹志建於道州。不利。再戰破之。志建走據永州。復攻克之。降其衆數萬。

曹志建

十二月攝政王多爾袞薨。

王出獵。薨於喀喇城。年三十九。追贈帝號。廟號成宗。後謀篡之事發覺。奪其追封。撤廟享。

七年庚寅。正月。孔有德陷桂林。明大學士瞿式耜總督張同做死之。瞿式耜使張同做率趙印選等守全州。我兵薄之。明將走桂林。印選前忌焦璉使

瞿式耜死節

廣州平

屯平樂。又抑其援桂。而自倡衆遁。孔有德入桂林。城空無人。執督師瞿式耜及張同敞。皆不屈死。

七年庚寅。我兵下廣州。桂王走梧州。

我兵入庾關。克南雄。走巡撫羅成耀。取韶州。降總督杜永和。桂王留李元允。而自走梧州。

將軍尚可喜屠廣州。桂王走南甯。

高陳相讎

桂王走南甯

時廣州城外列礮臺。樹木城濬。三濠。通海潮。我兵阻淖不能攻。築長圍困之。會暑雨蒸溽。弓弦解膠。士卒患疫。幾欲退師。會明援將高一功。與陳邦傳相讎。一功西走。我兵敗邦傳兵萬餘。尋江西諸軍畢至。尚可喜令軍士徒步涉淖。冒矢石奮戰。毀其木柵。以礮擊西北隅。軍士乘勢登城。守將范承恩等降。桂王走南甯。

明陳邦傳殺焦璉。以潯州降。

尚可喜禽李元允於欽州。孔有德克梧柳二州。陳邦傳殺焦璉降。有德又敗趙印

焦璉死

魯王走廈門

平寇策

阮駿

張肯堂
張名揚

舟山陷

選胡一清取南甯慶遠諸府。

八年辛未總督陳錦取舟山魯王走廈門。

張名振忌王得先殺之其部將來降盡報虛實陳錦奏浙東舟山及山塞之寇皆以興明為名狼狽相倚海寇登岸則山寇接應山寇被勦則入海以避鋒交通閩粵伺蘇松久為東南之患臣廣訪進兵道路由定關出海拒舟山百餘里乘風潮半日可到攻其不備決可克復乃詔錦會兵先勦山塞以除內顧用山民為鄉導進擣四明諸山盡破之遂乘大霧渡海抵螺頭門明軍方覺阮駿以火舟邀戰於橫水洋風返焚之駿大敗張肯堂張名揚率兵勇數千背城力戰我兵掘隧陷之屠其民初名振恃海島之險謂我兵必不能渡先期奉魯王擣吳淞惟留兵六千使阮駿守舟山名振聞警回救則城已破乃奉魯王赴廈門去監國號為鄭氏之寓公。

鄭成功取同安等六縣進圍漳州。

鄭成功大

蜀賊降明

獻賊餘孽

迎沐天波

加賊封王

鄭成功在閩復乘我兵攻舟山之隙。大舉攻沿海。取同安海澄長泰等縣。進圍漳
州。

蜀賊孫可望降明。寇成都及桂林。

吳三桂入四川。乘楊展袁韜武大定自相仇殺破之。余大海李占春來降。三桂以
其間取成都重慶敘州。時我兵克湖江兩廣。桂王窮竄土司境。而孫可望李定國
之事復作。初張獻忠既滅。其黨孫可望李定國劉文秀艾能奇白文選馮雙禮擁
衆川南各數萬。推可望爲長。可望襲重慶。陷遵義。入雲南。又使定國文秀追明叛
土司沙定洲於迤東。而可望自赴貴陽。并艾能奇之兵。襲明貴州鎮將皮熊。雲南
鎮將王祥。皆奪其兵。定國惡之。及殺沙定洲。迎沐天波。還雲南。不復相下。可望乃
納款於桂王。求王封。欲藉以服衆。及是我兵四迫。桂王不得已。封可望爲秦王。定
國爲西甯王。文秀爲南康王。趣其出兵。可望遣兵三千。扈從桂王。居安隆。使文秀
文選以步騎六萬。分出徐州重慶。寇成都。使定國雙禮率步騎八萬。寇桂林。

吳劉勝敗
相當

九年壬辰將軍吳三桂與明劉文秀戰叙州克復東西川

吳三桂敗於叙州被圍數重力戰走錦州而都統白含貞亦敗績文秀乘勝犯成都圍三桂於保甯連營十五里使張光璧軍其西王復臣軍其南氣驕甚三桂巡城見光璧不整出精騎突光璧軍果驚潰轉戰而南入復臣營亦不支文秀解圍去三桂不追歛軍回漢中四川遂復

都統金礦與鄭成功戰海澄敗績

奴殺陳錦

陳錦與鄭成功戰不利退屯同安其奴刺錦於帳中以首奔成功斬之以徇尋金礦援軍至屢捷成功退保海澄我兵圍之城壞十餘丈成功親當矢石不退一日聞空礮互發成功曰此號礮也將薄城乃下令兵皆執巨斧以待我兵蟻傅城城上衆斧迎斬隨斧而墜濠爲之平我兵解圍去張名振張煌言亦以別軍入長江軍勢俱振成功登金山遙祭明孝陵奪戰艦三百於吳淞口時成功始終爲唐王一張始終爲魯王所奉各不同而其交甚睦時明遺臣義旅漸亡獨兩軍犄角海

衆斧迎敵

祭孝陵

上而成功尤稱雄。

廣西復陷

明李定國襲桂林。定南王孔有德死之。廣西復陷。

孔有德以楚粵寇氛日熾。檄將軍沈永忠以重兵扼沅州門戶。令線國安馬雄馬全節分守南甯慶遠梧州。未幾李定國取沅靖武岡。永忠告急。有德遣兵分援沅寶。則永忠已退保湘潭。定國乘間襲桂林。城守兵少。有德檄三鎮乞援。未至而城陷。有德死之。定國禽陳邦。傳送貴州。醢之。以其前劫桂王於梧州。害從官輻重。又誘殺焦璉以降我也。

釋奠

帝幸大學。釋奠先師孔子。視學。

遣官祭明殉難諸臣范景文等十六人。予諡。

定警備制

十一月。定號礮警備之制。

北京白塔山及九門。各設礮五座。遇有警急。則白塔鳴礮。九門俱應之。各旗聞礮聲。皆被甲。御前入直者仍留直所。左翼於紫禁城東華門。右翼於西華門外。聚集。

以待命。

辰州陷

孫可望攻辰州。總兵徐勇死之。遂陷辰州。

徐勇死節

孫可望率白文選以獬獬兵五萬列象陣攻辰州。總兵徐勇戰死。城遂陷。

十月癸巳。明鄭成功攻福州。

朝命鄭芝龍作書招其諸子。芝豹彩聯皆降。獨成功不受。張名振病卒。遺命以軍

付張煌言。煌言亦屢拒李率泰郎廷佐之招。是冬成功攻福州興化諸府。

敬謹親王尼堪敗李定國於衡州。王亦沒於陣。

尼堪戰沒

尼堪敗馬進忠於湘潭。進破李定國於衡州。尼堪輕騎逐北。遇伏沒於陣。定國收

軍保武岡。

敗李定國

十一年甲午。貝勒頓齊敗李定國於永州。又敗孫可望於寶慶。

敗孫可望

貝勒敗李定國兵四萬。定國走攻靖沅不下。遂遁桂林。貝勒回軍。遇孫可望兵於

寶慶。馮維禔將左。白文選將右。可望建龍旗居中。我兵急攻之。可望敗走。惟雙禮

破李定國

復廣東

軍不動。我兵引還。將軍阿爾津亦破文選於辰州。廣西將線國安馬雄定尋梧。乘定國之虛。盡復平樂桂林。屢破胡一青等於象州。招撫睿川。猺獞。廣西畧定。十二年乙未。平南王尚可喜。連破李定國。復廣東。

李定國以步騎四萬攻廣東。猝陷廣州。薄肇慶。圍新會。尚可喜耿繼茂急請滿兵會勦。命靖南將軍朱瑪喇赴援。連敗定國於新會。可喜結營山巔。伏兵江隘。與朱瑪喇合兵。復破之於珊州。定國悉精銳據山列礮。象拒戰。我勁騎突陣破之。定國復出兵四千。自巔馳下。橫截我兵。我諸將奪山。定國且戰且走。追擊連日。敗之。廣東州邑悉復。

孫可望犯岳州。武昌都統辰泰等大破之。

孫可望率兵六萬。戰艦千餘。出川峽。遣盧名臣馮雙禮分犯岳州武昌。辰泰以荆州兵邀戰。文秀回舟寇常德。荆州長沙之兵皆赴援。設伏城外。俟其半過。夾擊大敗之。六戰皆捷。火其戰艦。斬獲無算。名臣赴水死。文秀雙禮遁回貴陽。可望使文

辰泰大破孫可望

秀守雲南。時定國文秀兩軍不振。惟可望據貴陽益跋扈。擅殺宗室諸臣。桂王懼甚。召定國兵入衛。可望遣關有才襲定國於南甯。又使白文選徙桂王於貴陽。未就道而定國已至。擊敗有才。奉桂王赴文秀於雲南。

六月立內十三衙門鐵牌以制宦官。

制宦官

諭曰。中官之設。任使失宜。遂貽禍亂。近如明王振汪直曹吉祥劉瑾魏忠賢等。專擅威權。干預朝政。枉殺無辜。出鎮典兵。流毒邊境。甚至謀爲不軌。陷害忠良。以致國事日非。覆敗相尋。足爲鑒戒。朕今裁定內官衙門及員數職掌。以後有干政竊權。屬託內外交結官員。并擅奏外事。上言官吏賢否者。卽行凌遲處死。特立鐵牌。世世令遵守。

十月。帝親試武舉騎射。

御試武舉

帝嘗幸南臺。賜晏羣臣。持弓曰。我朝定天下此弓也。每年出獵二三次。練習騎射。身雖無暇。心念此不忘。

伊爾德
陳六御

王長樹
毛光祥

黃梧降

田雄

施琅降

甯海大將軍伊爾德破陳六御於舟山斬之。

先是明魯王崩其黨據舟山抗拒舟山在甯波海中一日翁洲綿亘百餘里魯王
兩次居此我兵攻陷之屠其城至是復爲其黨所據伊爾德統師往勦至則故總
兵王長樹毛光祥掠大嵐山伊爾德擊斬之自攻甯波赴定海三路進發渠魁陳
六御阮思列艦拒守伊爾德進擊敗之追至衡水洋斬六御遂取舟山

十三年丙申鄭成功將黃梧降。

鄭成功攻甯德殺守將告捷於桂王將北進留黃梧守海澄梧以成功用法嚴曾
以揭陽之敗斬大將蘇茂懼而來降詔封海澄公守漳州已而田雄克舟山斬
阮思李率泰亦破泉州盡取閩安海澄諸邑。

十四年丁酉鄭成功陷溫台其將施琅復來降。

明桂王遣使自雲南航海進封成功延平郡王招討大將軍成功分所部爲七十
二鎮設六官理事假永明號便宜封拜遂議大舉戈船之十七萬五萬習騎射。

五萬習步擊。萬人來往策應。又有精兵萬。披鐵甲。繪朱碧彪文。進陣前。專斫馬足。矢銃不能入。時張名振已死。張煌言代為導。取溫台二州。成功兵次羊山。遇颶碎艦。乃旋師。是年。成功將施琅復來降。授副將。成功聞我兵攻雲貴。大舉攻江南。以圖牽制。

孫可望大舉攻桂王。李定國赴援。大破之。

孫可望兵十餘萬。使白文選統諸軍前行。留馮雙禮守貴陽。可望抵三空河。與定國夾水而陣。使馬寶間道襲桂王於滇城。諸將皆不直。可望約陣而不戰。定國悉精銳突中堅。諸軍解甲。大呼迎定國。可望大敗。馬寶倒戈降。雙禮亦來。可望攜千餘人走湖。降於洪承疇軍前。召至京。封義王。

十五年。戊戌。俄羅斯東部老察寇邊。

黑龍江之老察犯邊。諭朝鮮發烏鎗手助軍。

平西王吳三桂等破李定國。入曲靖。

李定國破孫可望

孫可望降

俄羅斯入寇

入曲靖

明師敗

吳三桂以是春發漢中。沿途戰克。四川貴州皆復。我兵共三路十餘萬。戒期入滇。李定國分兵守要害。自在北盤江策應。三桂由苗疆繞出其背。白文選驚潰。走烏撒。廣西軍亦由間道入安隆。定國聞之。以兵三萬。倍道趨戰於炎遮河。不利。詰朝大戰。風北來。礮火及茅葦。野燎焰天。我兵乘勢奮戰。大破定國。追至北盤江。定國焚鐵索橋遁。我兵一夕造浮橋。遂抵曲靖。

十六年己亥。我兵入滇城。桂王西走永昌。

桂王走

我兵三路入滇城。桂王已走永昌。李定國令總兵靳統武。以兵四千。扈桂王奔騰越。而自率精兵六千。設三伏於磨盤山。以謂我兵窮追必不戒。俟我兵盡至山巔。放號礮。首尾截攻。不復使一騎返。乃設三伏。我兵渡瀾滄江。逐北數百里。無一夫拒之。謂定國竄遠。隊伍散亂。上山者萬餘人。忽降人盧桂生來泄其計。則前驅已入二伏。諸帥急退。傳令舍騎而步。以礮發其伏。明兵死箐中者三之一。伏起而鬪。死者亦三之一。定國坐山巔。聞信礮失序驚怪。忽有飛礮落其前。擊土滿面。定國

實名望王
聖死

乃奔。實名望王。聖皆戰死。我兵亦亡都統以下十餘人。我兵追至騰越。瘴深餉盡。懲唐盤之役。不復追。降其閣部大臣侯伯將軍總兵以下數十。獲士馬象駝數萬。詔以雲貴川廣湖五省蕩平。宣示中外。是冬洪承疇以疾回京。命吳三桂鎮守雲南。

鄭師陷金陵

鄭成功陷鎮江。入金陵。張煌言陷徽甯。

鄭成功破瓜州。獲提督管效忠。圍鎮江。五路疊陣。傳礮聲。沸江水。進攻北固山。士皆下馬死戰。我兵退入城。成功軍來追。亦入城。遂陷鎮江。屬邑從之。部將甘輝。精取楊州。斷山東之師。據京口。斷兩浙之漕。嚴扼咽喉。號召各郡。南畿可不戰自困。成功不聽。直薄金陵。謁孝陵。而張煌言進取徽甯諸路。時江甯兵征雲貴。城大守虛。成功移檄遠近。太平甯國四府三州二十四縣。望風納款。維揚常蘇。旦夕待變。東南大震。

禽甘輝

總兵梁化鳳。大破鄭成功。禽甘輝。

議親征
郎廷佐

梁化鳳

甘輝死
燒海舟

圖形進兵

鐸尼

帝幸南苑。集六師。議親征。兩江總督郎廷佐。佯使人通款。以緩其攻。成功信之。按兵儀鳳門外。依山為營。連亘數里。崇明總兵梁化鳳赴援。化鳳登高望敵營不整。軍士浮湖而嬉。乃率勁騎五百。夜出神策門。先擣白土山。破其一營。以作士氣。次日大出師。攻其前。而騎兵出山後。夾攻。成功令甘輝守營。而自調舟師。諸營見山上。麾蓋不動。不敢退。又不暇相救。遂大潰。甘輝被執而死。化鳳復燒海舟五百餘。成功遂以餘艦揚帆出海。攻崇明不下。煌言軍遇貴州凱旋兵。戰敗走徽甯山中。是役。化鳳有首功。詔圖其形以進。是冬。令將軍達素擣廈門。我兵不習海戰。暈眩不能軍。成功手自率旗督陣。風猛濤湧。我兵敗還。達素自殺。

十七年庚子。明桂王入緬甸。信郡王鐸尼等班師。

鐸尼等班師。留滿漢兵數萬。及西洋大礮。分屯要鎮。時桂王入緬甸。李定國白文選。竄孟良木邦。惟與緬交訐。無能患邊。朝廷亦度外置之。議徹兵。而吳三桂貪兵權。必欲俘桂王為功。征緬之師復起。

帝崩

好儒

日本甲螺

赤嵌城

荷蘭酋長

十八年辛丑春正月丁巳帝崩聖祖卽位

遺詔曰朕子岐嶷穎慧克承宗祧茲立爲皇太子釋服卽皇帝位

明鄭成功取臺灣逐荷蘭人

明天啓中有顏思齊者爲日本國甲螺甲螺猶頭目也思齊引日本酋歸一王屯臺灣閩人遇颶者借居之遂與日本約盡有臺地而歲輸鹿皮三萬荷蘭人善火器以夾板船爲犄角雖兵不滿千而南北土酋咸畏之又建赤嵌城以居順治甲寅日本甲螺郭懷一謀逐荷蘭人事覺死於歐江會成功自江南敗歸勢日蹙頓軍廈門適日本甲螺何斌與荷蘭酋長有隙潛誘成功進取臺灣鹿耳門詰屈回旋沙浮水淺猝難飛渡成功舟至水忽漲十餘丈巨艦縱橫畢渡荷蘭人退保平鎮城以死拒之成功力攻不克乃以火燒船荷蘭酋長遁歸其國成功乃改臺灣爲東甯赤嵌城爲兼天府土酋皆受約束

皇朝政典舉要卷一終

皇朝政典舉要卷二

日本增田貢原著

遂安毛

淦補編

仁和汪厚昌

訂正

錢塘顧梓田

聖祖仁皇帝

康熙六十一年

康熙元年壬寅殺鄭芝龍及其弟芝豹。

誅鄭芝龍

先是囚鄭芝龍及其弟芝豹於甯古塔。至此與其子世恩世蔭等照謀反例族誅。緬酋莽應時禽送明桂王。吳三桂殺之。

王氏
體葬

八旗將士

吳三桂進兵至木邦。破明將李定國白文選。進入騰越。使緬酋執送明主。緬酋莽應時內叛。遂挾桂王致軍前。太后王氏不食薨。戶部尙書龔彝頭觸地而死。三桂見桂王。初甚倨傲。長揖不拜。王問爲誰。三桂噤不敢對。數問始稱名。王切責三桂曰。朕欲還北京。見十二陵而死。爾能任之乎。對曰。任之。伏不能起。左右挾之出。則色如灰。汗浹背。後不復見。尋八旗將士望桂王之出。皆呼萬歲。曰此真主也。不如

桂王太子

焚桂王尸

鄭經
殺鄭世襲

奉明年號

石泉王
李國英

富喀禪
東安王

奉此以為不世之功。事將成而洩。三桂大驚。即輦桂王及太子出。以弓弦絞於市。時太子年十二。臨難罵曰。黠賊我朝何負汝。我父子何仇汝。而至此耶。是日風霾大作。三桂焚桂王屍。揚灰傳賜諸將。前所謀八旗將士二千人皆殺之。沒其妻子。

明監國魯王殂。安平王鄭成功卒於臺灣。

鄭成功卒年三十九。長子經守廈門。入臺嗣立。成功弟世襲謀據其位。為經所殺。靖南王耿繼茂。貽書招經。經請如琉球朝鮮例。不登岸。不薙髮。易衣冠。不報。是年魯王又殂。明桂王亦滅。而經猶奉其永曆之號。

四川總督李國英擊石泉王朱聿鎔平之。

明朱聿鎔煽土夷攻叙州。馬湖李國英戰禽之。復西郡。國英又破蜀賊劉二虎等。盡平之。

二年癸卯。西安將軍富喀禪禽郡賊。川東平。

富喀禪三路進兵。截賊走路。斬劉體純。禽袁宗弟及東安王朱盛蕙。先後招降十

餘萬川東底定。

三年甲辰靖南王耿繼茂等破鄭經取金廈兩島。

耿繼茂率李率泰施琅黃梧進兵并檄荷蘭夾板船會勦克金廈兩島鄭經遁歸臺灣。

浙閩總督趙廷臣執明行人張煌言不屈死。

張煌言不屈

張煌言仕魯藩周旋海島二十餘年後知事無成散遣部曲入普陀爲僧至是就禽賦詩見志曰海甸縱橫二十年孤臣心事竟茫然桐江空繫嚴光釣震澤難回范蠡船生比鴻毛猶負國死留碧血欲支天魯戈莫挽將頽日敢望千秋青史傳諸將重其義欲降之不可且曰予窮海孤臣豈至今日而復改節耶辭氣慷慨至死不屈。

窮海孤臣

靖西將軍穆里瑪等擊蜀賊李來亨平之。

穆里瑪

李來亨擁衆於茅鹿山最爲峻險穆里瑪率禁旅與三省兵合勦晝夜環攻來亨

窮迫自縊。餘寇盡平。

平西將軍吳三桂擊水西土司禽之。

吳三桂統滇兵由七星關入。令提督李本深統貴州兵。由六歸河夾攻。檄文誤六歸為陸廣。本深屯陸廣。聲息不通。安坤悉衆迎戰。三桂受圍兩月。糧竭援絕。會本深擒賊。謀知之。即赴援。圍始解。大破賊于波羅箐。遂禽安坤。又克烏撒。禽土酋安重聖。

四年乙巳。總督卞三元擊迤東王耀祖。禽之。

迤東酋王耀祖據新興。僭號大慶。攻陷府縣。卞三元戰禽之。盡復州縣。

六年丁未。內大臣鰲拜有罪。褫職。

諭曰。鰲拜以勳舊大臣。受恩深重。且受遺詔輔政。理宜盡忠圖報。不意結黨專權。紊亂國政。紛更成憲。朕久已悉知。尙望其改行從善。乃近觀其罪惡日多。公同究審。俱已得實。以所犯重大。擬以正法。但念鰲拜累朝効力。皇考曾倚任。朕不

李本深

卞三元

討鰲拜

忍加誅。姑從寬革職籍沒。

八年己酉。以西洋南懷仁爲欽天監副。

先是南懷仁劾欽天監吳明煊所造七政歷多誤。命赴觀象臺測驗。懷仁推算之法。與節氣占候符合。故有此命。

九年庚戌。命刑部詳勘罪囚。

諭曰。盜案內論死者甚多。宜加詳勘。夾棍慘痛之刑。必不得已而後用。慎勿忽。又諭甯古塔流人衣薄凍死于路。甚爲可憫。自十月至正月俱勿遣。

十二年癸丑。平南王尙可喜。請撤藩歸老。許之。

尙可喜老病。以兵事屬其子之信。之信橫虐。可喜受其制。不得已用其客金光之計。請撤藩歸遼東。冀見帝自陳。部議遂令其盡撤藩兵回籍。

平西王吳三桂反。雲貴總督甘文焜死之。

尙可喜撤藩。吳三桂耿精忠聞之不自安。疏請撤藩。以探朝旨。廷臣皆主勿徙。惟

南懷仁

勅囚

平南撤藩

米思翰
明珠
莫洛

朱國治

稱周易服

節
甘文焜死

楊起隆反

稱朱三太子

傅宏烈起

戶部尚書米思翰。尚書明珠。刑部尚書莫洛。力請徙藩。上念藩鎮非利。又念其子弟宿衛。必無反。特允之。時三桂冀朝廷慰留。如沐氏世守雲南故事。及命下愕然。乃陰勒士馬。禁遏郵傳。密召其子應熊于京師。應熊不肯行。使者取庶子世璠歸滇。三桂欲立明後。號召天下。則緬甸之役。殺桂王無可自解。乃發兵反。殺巡撫朱國治。自稱天下都招討兵馬大元帥。以明年為周元年。蓄髮易衣冠。旗幟皆白。貴州巡撫曹申吉。提督李本深。雲南提督張國柱皆從之。雲貴總督甘文焜聞變。欲拒守。而兵士不為用。疾馳至鎮遠。為賊所遮。死之。變聞京師。詔削三桂官爵。賜吳應熊及長孫死。大學士索額圖請誅建議撤藩者。

奸民楊起隆。謀反而遁。捕其黨誅之。

起隆稱朱三太子。約放火京城舉事。潛會降將周全斌家。全斌之子首告。都統祖永烈率兵圍之。禽其黨朱上賢等數百人磔市。起隆逃去。

故慶陽知府傅宏烈起兵討賊。

閩藩反

范承謨不
屈

全閩陷

吳三桂以書招廣西鎮守孫延齡。延齡應之。殺巡撫馬雄鎮。提督馬雄亦以柳州降。廣西全陷。傅宏烈曾為慶陽知府。預許三桂不軌。坐妄言謫蒼梧。及是獨圖恢復。乃佯受三桂職。入思州廣南富川土思及交趾界聯絡義勇。得五千人。遂移檄討賊。三桂使馬雄害其家百口於柳州。宏烈以大義說延齡令反正。自往迓我兵。圖進取。

十三年甲寅。靖南王耿精忠反。執閩浙總督范承謨。

耿精忠詭言海寇至。邀范承謨計事。巡撫劉秉政通精忠。促之行。承謨知有變。左右請擐甲以從。承謨曰。衆寡不敵。備無益也。乃坦然按轡。至則逆衆露刃相脅。承謨挺身前罵賊。精忠憚其威望。恐殺之重民怒。乃拘土室。置守者三十二人。絕粒八日不死。精忠遣秉政說降。承謨蹴之仆地。罵曰。逆臣不日當就誅。我先褫其魄。遂不屈。精忠遂舉兵變服。以都統馬九玉。總兵曾養性。白顯忠為爪牙。移檄遠近。遂陷全閩。分三路出寇。

鄭經攻彰州海澄公黃芳度死之。

先是耿精忠與鄭經和以楓亭爲界。經部將劉國軒何祐徇屬邑。未下者尙可喜。兵十餘萬。盡銳來攻。相持久。國軒食盡。議退守潮。可喜麾毅騎晨掩祐軍。戰蠻母山下。祐以身先旗直貫驍騎。出其左右。國軒繼之。大破可喜。斬首二萬。勢大振。經遂圍漳州。黃芳度陽爲受其命。陰固備禦。經覺急圍之。芳度盡力防戰。至是城陷。投井而死。

閩寇窺衢州。閩浙總督李之芳擊破之。

曾養性窺衢州。李之芳直薄賊壘。手刃督陣。親冒矢石。越壕拔柵。敗其衆。乘勝得義烏湯溪壽昌。又遣兵破賊於金華紹興。賊又數萬營溝溪。之芳夜突。復斬萬餘人。

吳三桂分兵陷諸州。命安親王岳樂等討之。

賊將襲應麟軍至湖南。提督桑額棄澧州。巡撫盧震棄長沙而走。四川巡撫羅森

造艦
鑄錢

王輔臣反

殺莫洛

于成龍
斬賊

亦應賊。三桂自赴常澧督戰。驅土司苗傑助軍鋒。伐黔楚木造巨艦。鑄滇銅為錢。文曰利用。轉川湖之粟以餉軍。號召天下。賊將吳應麒據岳州。陷坑鹿角以拒步騎。又列木材于湖峽。拒舟師。而我兵雲集荆襄。無敢渡江撻其鋒。

陝西總督王輔臣反。殺將軍莫洛。陷漢中。

安西將軍瓦爾喀復漢中。會賊將王屏藩斷我兵之餉。又劫糧舟于洛陽。截陸運于棧道。我兵缺餉兩月。標兵四千潰散。提督王輔臣生異志。遂嗾其眾二千。攻殺莫洛于甯羌。降三桂據平涼。而漢中復陷。三桂聞之。急給輔臣犒軍銀二十萬。又令蜀將王屏藩吳之茂出隴西援之。所在響應。土寇羌番亦蜂起。賊勢甚熾。

前武昌知府于成龍。破大冶賊黃金龍斬之。

黃金龍亡匿。劉君孚家。受吳三桂檄。相偕反于曹家河。于成龍直趣賊寨。未至十里。駐兵招脅從。降者日千人。賊勢衰。君孚欲降。僅誅。成龍單騎往。諭令人傳呼太守來。君孚匿山。鎗弩夾道。成龍直入營中。賊眾環列。成龍問老奴安在。君孚舊隸

斬金龍

于成龍破賊

成龍麾下。故暱易之。又問汝良民。何爲取屠戮。皆羅拜泣。成龍曰。熱甚少憩。遂睡。鼾聲如雷。醒又罵曰。君孚老奴。何不設酒。君孚遂出謝罪。卽降其衆數千。復問金龍安在。曰。在望花山。立以君孚爲導。掩其不備。斬之。

十一月。黃州知府于成龍。破劇賊何士榮禽之。

于成龍抵黃州。時湖北大亂。何士榮陳鼎業等各擁衆。號十萬。逼州城。吏民纒數百。欲走避。成龍曰。黃州七郡咽喉也。棄之則荆岳瓦解。乃集鄉兵二千人。遣把總羅登雲迎戰。前鋒少卻。成龍疾馳赴援。士榮以數萬人來迎。把總吳之蘭中礮死。賊戰益急。火燒成龍鬚。左右勸避。成龍叱曰。今吾死日也。敢言退者斬。遂鞭馬直進。千總李茂昇馬傷。乃步射賊。矢盡揮劍戰。武舉張尙聖繞出賊後夾攻之。斬首數千。遂禽士榮。得賊名籍焚之。乘勝至呂王城。衆欲少憩。成龍曰。破竹之勢。不可失也。據鞍草檄馳諭曰。禽賊獻者有賞。降者不殺。脅從者閉門。藏兵仗者誅。於是賊衆解散。黃州平定。

張勇

趙良棟

土圖海

康親王

傅喇塔

十四年乙卯甘肅提督張勇復蘭延鞏昌諸郡。

秦州鞏昌臨洮延安等處相繼陷。王輔臣使其黨分據各郡。隴右盡陷。惟張勇與總兵孫思克復秦州。進攻平涼。又遣諸將復蘭延鞏昌。以絕隴蜀相通之路。詔以勇為靖逆將軍。命輔臣之子賚勅招撫。輔臣雖具疏謝罪。猶與洵鄂軍相持。一年不下。又煽甯夏興安兵同叛。命天津總兵趙良棟疾馳赴甯夏。定其亂。

蒙古察哈爾反。命大學士土圖海討平之。

察哈爾等部拒命。時京師禁旅已無可遣。乃發滿州家丁數萬。命土圖海討蒙古。半年平之。

康親王傑書大破閩賊。復處州黃巖。

傑書誓師金華。破會養性徐昌朝等數萬。復處州。將軍傅喇塔亦破二十五營。復黃巖。養性走溫州。追擊斬二萬人。養性墜馬。浮水入城。浚壕固守。環溫皆水。我軍不能陸攻。城久不下。

尙之信反

討寇將軍尙之信反降吳三桂幽其父尙可喜。

先是尙可喜執吳三桂使奏其叛書遣次子之孝討叛鎮劉進忠於潮州請以之孝襲封。詔授之孝平南大將軍而之信以討寇將軍協剿時叛者四起獨可喜一心王室晉封親王會進忠復結鄭經掠潮惠祖澤清叛高雷三桂使馬雄偪肇慶廣東十郡失其四可喜東西受敵力不支請援。詔將軍羅舒恕赴廣東之信受三桂招討大將軍號易幟改服以兵守可喜府禁出入時惠州有尙之孝之軍高州有金光祖舒恕之軍光祖及巡撫佟養鉅降三桂之信猖獗擊舒恕走之可喜憂憤而死。

尙可喜死

十五年丙辰康親王傅貝子等入福建取精忠降總督范承謨死之。

傅貝子

詔康親王徹溫之師直取福建先是精忠約鄭經掠潮惠圍海澄公黃芳度於滄執續順公沈瑞於潮復益白顯忠兵使犯武昌以阻援師至是與經交惡經奪其漳泉汀邵諸府遂爲我兵所乘康親王連戰破賊長驅入仙霞關將軍希爾根亦

麻尼死義

范承謨死節

土圖海

破白顯忠復建昌。顯忠遂降。精忠既失兩路兵。鄭經半取閩地。大軍至延平。精忠軍望風瓦解。乃不知所為。先害范承謨。而後出降。承謨幽囚三載。冠御賜冠衣。辭母時衣。每朔望北面再拜。間為詩文。以炭書壁上。部曲有張福建者。欲奪承謨手雙刀。奮呼奪門。連斃賊而死。蒙古人麻尼守者。三十二人之一也。感承謨忠義。謀出走。事泄。精忠將磔之。麻尼大言曰。吾甯與忠臣同死。不願與逆賊同生。至是精忠將降。冀飾辭免死。而懼承謨暴其罪。乃謀滅口。命以夜迫承謨起索冠。執者奪之。承謨以械扶執者。整衣望闕拜畢。就縊。幕客稽永仁。王龍光。沈天成。從弟承諧。及親屬家丁五十三人。竝遇害。舊卒王道隆亦自刎死。

定遠大將軍土圖海破王輔臣降之。

土圖海往蒞西師。時三桂犯秦隴。與輔臣合。圖海督諸將破賊于平涼。奪虎山墩。俯瞰礮攻之。輔臣懼遂降。三桂兵亦為張勇所敗。遁還漢中。

安親王岳樂克岳州。圍長沙。吳三桂來援。我師敗。

安親王屢
破三桂
勒爾錦破
三桂

江西略定

尙之信降

三桂以兵七萬據岳州。拒江北之師。又以七萬援長沙。拒江西之師。安親王乘三桂西上。襲破其城。遂攻萍鄉。斬萬餘人。進攻長沙。三桂聞急。自將來援。營城外。列象陣拒守。將軍勒爾錦突湖口之虛。破賊於公安。又破於豆洲。尙善舟師。亦克君山。下游賊望風潰。而諸軍遷延不進。賊船援至。勒爾錦引還江湖之險。復為賊所據。三桂使高大節陷吉安。以斷安親王後路。簡親王頓兵南昌不援。大節驍果善戰。選鋒四千。常以少擊衆。我師屢挫。嘗以百騎破我軍於大覺寺。又突大軍于螺子山。簡親王希爾根皆走。賊入營。縱飲而去。會賊將韓大任妬而搆之。大節快快死。吉安遂復。大任尋降。江西畧定。

十六年丁巳。尙之信降。吳三桂攻之。敗績。

吳三桂封尙之信輔德親王。趣其出師。索助餉。又遣偽總督董重民往守衝要之信。信中悔。密通款於我。執重民。率軍民薙髮反正。三桂遣馬寶出韶州攻之。信將軍莽依圖踰嶺援之。自七月至九月。賊攻城不拔。乃據蓮花峯。俯瞰發礮。女牆盡壞。

廣東略定

我兵退保土城。會將軍額楚援至。與城兵夾擊。乘夜追斬無算。河西賊亦遁。餉運始通。於是叛鎮佟國卿以瓊州降。祖澤清以高雷廉州降。廣東略定。我師逐鄭經復漳泉。貝子傅喇塔薨於軍。

福建略定

鄭經回廈門。劉進忠亦以潮州降。福建略定。而傅喇塔卒。初逆藩之變。宿將已盡。惟安親王傅貝子勦流賊於川楚。習戰陣。故兩軍最立功。浙閩。傅貝子尤有紀律。及卒。經復連攻沿海郡邑。事更棘於耿藩。

三桂僭號

十七年戊午。吳三桂僭位。偽號周。諸將專力湖南。安親王復永興茶陵等十二城。賊失陝閩粵三大援。又失江西。聃宇日蹙。時三桂年六十七歲。情竭勢絀。乃思竊帝號自娛。其下亦爭勸進。遂即位。改元昭武。偽號周。自長沙徙衡州。改爲定天府。置百官。封諸將。造新厯。厯舉雲貴川楚鄉試。號召遠近。殿瓦不及易黃。以漆髹之。構廬舍萬間爲朝房。適大風雨。潦草成禮而罷。人以爲不祥。

三桂死

吳三桂死。其孫世璠據滇南僭號。

吳世璠
僭位

帝怒諸軍曠日持入。下親征之令。會賊悉銳偪永興。都統伊里布副都統哈克山相繼戰歿。統領碩岱入城死守。賊三面環攻。晝夜不息。簡親王不敢救。城壞於賊。囊土補之。且築且戰。凡二十日。瀕危者數矣。一日賊將馬寶忽拔營去。則三桂已死。其孫世璠自滇至。始發喪僭號。改元洪化。擁樞歸滇。至是罷親征之議。

桂林陷

賊將吳世琮陷桂林。將軍莽依圖敗還梧州。

賊陷桂林。殺孫延齡。水陸數萬來援平樂之圍。與我兵夾江而營。賊渡江先破綠營。據河扼餉道。莽依圖軍復退梧州。所復郡邑皆陷。祖澤清復叛於高州。粵東亦震。

三路征滇

十八年己未。安親王岳樂等三路討吳世璠。俱破之。

大兵復岳州。賊棄長沙走。安親王進衡州。取永州武岡。克辰沅二州。是為湖南入黔滇之師。大將軍貝子賴塔自南甯進雲南。破賊於安籠。是為自粵入滇之師。提

克復廣西

督王邁寶復漢中。大破王屏藩於保甯。殺之。禽吳之茂。提督趙良棟進克陽平。取成都。將軍佛尼勒復永甯夔州。而四川盡平。是爲由蜀入滇之師。將軍莽依圖傅宏烈大破賊於南甯。

賊圍梧州。傅宏烈莽依圖三面夾擊。賊大敗走。遂長驅復桂林。而賊圍馬承蔭於南甯。莽依圖倍道援之。伏兵山後。截其歸路。禽斬殆盡。吳世琮負傷以數十騎遁。南甯圍解。廣西盡復。宏烈請進取雲南。帝壯其志。許之。

臺灣賊將劉國軒陷海澄。黃芳世死之。

鄭經將劉國軒吳淑何祐等分路來犯。總督郎廷相黃芳世等拒戰失利。國軒圍之於海澄。環塹樹柵。我兵至。國軒恐內外受敵。故開一面縱之入。以耗城中糧。而圍復合。城中食果盡。陷軍三萬。馬萬匹。都統提督以下皆死。

福建總督姚啓聖大破劉國軒走之。

詔罷郎廷相以姚啓聖代之。時國軒乘勝下漳平等八縣。自圍漳州。與我兵戰。互

姚啓聖

海澄陷

臺兵敗

殷化行

有勝敗。國軒又以衆五萬分軍龍虎蜈蚣二山。勢甚盛。漳城兵少。啓聖閉城偃旗。鼓乘大霧突出。連破十六營。斬四千餘級。復長泰同安。國軒遂還海澄。滇賊胡國柱陷永甯。漢中副將殷化行全軍而還。

永甯陷。將軍鄂午濟哈等軍敗。退守叙州。大軍先行。殷化行以孤軍殿。胡國柱驅二萬人來追。衆甚恐。化行曰。今日之事。以必死求生則生。以倖生求生則必死。我如是。賊追躡之立盡。兵法易地用衆。險地用寡。當據險待敵。猶兩鼠鬪穴中。力大者勝耳。遂扼險而陣。賊悉銳來攻。士皆殊死戰。迨暮以草人秉炬爲空營。引軍潛退。賊疑不敢追。乃得與大軍會。夜半追軍復至。火光燦天。諸軍皆引去。化行爲後殿。自永甯至瀘州二百餘里。山路險峻。化行日戰且退。十二晝夜不解甲。竟得全師還。化行語諸將曰。兵不難於進。難於退。進則士氣勇。退則士氣怯。兵法曰。攻必攻其心。守必守我氣。我軍不失守氣之道。故得全。諸將乃服其智勇。多就化行決機宜矣。

萬正色

十九年庚申。水師提督萬正色克廈門。鄭經遁歸臺灣。

劉國軒據海澄。城本三面環海。乃以一面掘濠引潮。以阻我軍。兼列艨艟固守。諸島相持一年不決。乃議檄荷蘭夾板船爲助。詔萬正色督湖南江浙戰船二百。由海赴閩。姚啓聖新修三百艘。又縱反間。重賞購募。降官四百餘員。兵萬四千人。進攻復海澄。正色克復海壇。水陸並逼。廈門復降。其戈船將朱天貴。乘勢擣澳寨。鄭經戰敗。棄金廈二島而歸臺灣。

馬承蔭反

馬承蔭反。執將軍傅宏烈送貴陽。不屈而死。

傅宏烈死

馬承蔭請以七千人。分設七營。部議止許五營。而承蔭復反。給傅宏烈赴柳城。乘間襲破其營。執送貴陽。吳世璠夙重其盛名。誘以僞職。宏烈罵曰。爾祖未反時。吾卽劾奏。知爾家必作賊。恨不早滅爾。吾豈從賊耶。遂遇害。

誅馬承蔭

將軍莽依圖等破馬承蔭俘之。

莽依圖再討馬承蔭。以勁弩射象。反奔。賊亂。鐵騎乘之。大敗之。俘承蔭誅之。

尚之信謀變將軍賴塔禽之。詔賜死。

初尚之信之降也。仍懷兩端。詔使其援宜章。援韶。援梧。援永興。皆託故不行。傅宏烈金雋先後劾其不法。至是復爲護衛張士選等首告。乃命將軍賴塔以兵赴廣州。勅侍郎宜昌阿達入京。之信果殺王國棟。謀變爲賴塔兵所禽。誦磔其尸。兄弟同死者三人。

二十年辛酉。四川提督趙良棟復滇城。吳世璠自殺。雲貴平。

湖南大軍自平越趨貴陽。吳世璠奔雲南。我兵進擊。降僞官二百餘人。進據盤江險。賊已焚鐵索橋而遁。乃結浮橋以濟師。賊又擁兵二萬以象迎戰。我軍驚潰。死傷山積。逾日復進。賊不能支而走。貴州盡復。大將軍貝子賴塔自廣西進滇。亦屢敗賊。與楚師會入雲南。世璠改郭壯圖率步騎數萬。列象陣迎戰三十里外。貝子彭泰軍其左。賴塔軍其右。自至至午。賊五卻。五進。殊死戰。象忽反踐其軍。我勁騎衝之。始大敗。禽斬殆盡。賊入城守禦誓必死。世璠復割地乞師於西藏。其書爲邏

趙良棟力

世璠自殺

良棟軍律

鄭氏內亂

兵所得。我軍築長圍數十里。距城遠。賊負固抗拒。數月不下。會趙良棟之師至。良棟連逾三濠。奪三橋。直薄城。諸軍從之。圍數重。又施樓櫓於昆明池。以斷接濟。十月。城中食盡。援絕。守門賊內應。納師。世璠及壯圖自殺。俘偽大學士方光琛。將軍夏國相馬寶等。函世璠首獻闕下。折三桂骸骨。頒示海內。諸將爭取子女玉帛。惟良棟嚴禁軍士。雲貴川楚悉平。命班師大赦天下。

鄭經卒於臺灣。其下殺其長子克壑。立次子克塽。

鄭經卒。克壑長而才。乳婢出也。先是有人構經父子。謂克壑母賤。不當嗣立。故亡在外。成功歿而經嗣偽位。信用陳永華之言。命克壑監國。克壑禮賢恤下。羣小憚其明。經諸弟亦不利其立也。侍衛馮錫範先以計罷永華兵柄。永華憂死。克壑失助。時成功妻董氏尚存。復入間言。遂襲殺克壑。而立次子克塽。襲延平王。克塽幼弱。不能蒞事。事皆決於錫範。鄭氏遂敗。

二十一年壬戌。故靖南王耿精忠謀反。伏誅。

誅耿精忠

耿精忠降後。怏怏不得志。復謀不軌。為諸弟及部將所首告。於是討其罪。俘至京。與吳三桂將馬寶同磔於市。

帝奉 皇太后行幸溫泉。兼 巡塞外。

帝射虎

帝駐蹕於察漢城。親射圍中一虎。應弦而斃。蒙古諸部。覩弦矢之威。無不頌服。至西爾哈河。又親射一虎。西巡發龍泉關。崇崖竦峙。乃停駕而射。連飛三矢。直逾巖頂。三百餘步。居民呼其地為三箭山。又獵信安。發三十矢。獲兔二十九。

三箭山

帝避暑瀛臺。 諭羣臣 命遊釣。

避暑設網

諭部院曰。朕思天熱。移瀛臺。今天下少安。卿等勤職。宋時會諸臣於後苑。賞花釣魚。傳為美談。今設網以待卿等遊釣。以見朕一體燕適之意。

平臺灣

二十二年癸卯。水師提督施琅。平之。鄭克塽降。

施琅奏澎湖不破。則臺灣不取。理澎湖失。則臺灣不攻。而自潰。請戰艦三百。水師二萬。而行。時劉國軒守澎湖。壘壁環二十里。列巨礮。會颶風夜發。怒濤山立。我

舟戰

海洋占候

鄭氏平

封周公後

舟師前鋒簸蕩。飄散敵艦。四面圍攻。琅親督大鯨衝圍。矢集琅目。幾殆。力戰得解。時國軒自率二萬人泊牛心灣。別屯萬人于雞籠嶼相犄角。我軍懲前戰夾攻。乃分三路。以五十艘出雞籠為奇兵。分敵勢。而琅自督五十六艘。分八隊。攻其中堅。又以八十艘繼後。每路中復各分三隊。不列大陣。惟約以五艘攻其一艘。人自為戰。酣鏖竟日。聲震數百里。焚其百餘艘。殺萬二千人。凡海洋占候。雲合風生。雷鳴風止。是日將戰。黑雲起。敵方相賀。忽聞霹靂。皆錯愕。遂大敗。國軒由吼門冒險突圍而逸。我軍乘勝至鹿耳門。膠淺不得入。泊海中。十二日潮不至。忽大霧。潮高丈餘。舟師浮而入。鄭氏驚曰。先王得臺灣。鹿耳門漲。今復然。天也。於是國軒以克塽降。琅固鄭氏之將。熟海戰。故能奏捷。鄭氏割據三世。凡三十八年而平。詔封克塽漢軍公。

二十三年甲子。帝東巡。以周公後東野沛然。世襲五經博士。東野沛然。周公七十三世孫也。帝召問曰。周公姬姓。女稱東野何故。對曰。昔伯

禽季子曰魚伯禽賜以東野田一成因以為民。帝曰周公廟何在對曰在曲阜城北二里。帝悅。御製祭文。命恭親王致祭。又幸孔子廟行三跪九叩首禮。

夏逢龍反

二十七年戊辰武昌親兵夏逢龍反湖廣提督徐治都討平之。

齊國政

瓦岱 徐治都

禽夏逢龍

撫標親兵夏逢龍乘汰兵索餉之變作亂於武昌據城巡撫柯永昇投井死逢龍自號兵馬大元帥其黨剪髮為識招裁汰之兵數千皆征滇百戰之卒又募盜縱囚四劫連陷咸甯等縣應城知縣齊國政守禦九晝夜與援軍擊賊大破之都統瓦岱亦連捷黃州武昌皆復湖廣提督徐治都以舟師戰赤磯山適大雨賊弓膠火藥溼乃上風縱火以精騎蹂之賊大潰逢龍單騎奔武昌則胡耀乾已獻城逢龍走索飯村寺遂就禽與耀乾等皆伏誅亂兩閱月而平。

閱河弼賦

帝南巡閱河遂至會稽弼江南賦。

親祭禹廟弼江南賦二百二十餘萬駕舟由天津還。

親征

駝城

俄羅斯

帝親征破噶爾丹。不豫班師。

下 詔親征。裕親王福善爲左翼。皇子允禔副之。出古北口。恭親王常甯爲右翼。出喜峰口。大戰於烏蘭布通。虜騎數萬陣山下。以萬駝縛足臥地。背加箱垛。蒙以溼氈。環列如柵。士卒於梁隙發矢銃。謂之駝城。我師隔河而陣。以火器爲前列。遙攻中堅。聲震天地。自晡至暮。駝斃於礮。虜陣斷爲二。步騎爭先陷之。左翼兵又繞山橫擊。遂破其壘。賊乘夜走。會 帝不豫。班師。

二十八年己巳。俄羅斯使來議定黑龍江經界。

先是俄羅斯東部羅利以火器來據黑龍江城。我兵圍之。死守不去。時荷蘭貢使在京。稱與俄羅斯鄰。乃付書達其國汗。明年。俄羅斯察汗上疏乞和。命撤兵。此年使果至。始與我大臣索額圖會議於黑龍江。石勒會議七條五體文於黑龍江西岸。於是東北數千里。化外不毛之地。盡入版圖。

三十一年壬申。詔免朝鮮之貢。

火器營

噶爾丹
使臣

再親征

子母礮
親拊士卒

御繪陣圖

以前征準噶爾時。火礮便利。立火器營。朝鮮國王進鳥鎗三千桿。詔永免黃金及藍青紅木棉等貢。

三十三年甲戌。召噶爾丹來盟。不至。

噶爾丹侵喀爾喀益甚。且害我使臣。誘內蒙古各部叛歸己。明年又入寇。

三十五年丙子。帝親征噶爾丹。至拖諾山而還。

帝親征噶爾丹。將軍薩布素出東路。大將軍費揚古出西路。帝親統禁旅出中路。皆赴瀚海約夾攻。沙磧不宜車。乃留大礮。駝載子母礮。每駐營。帝親拊士卒。相水草。師逼虜境。而東路軍未至。西路軍亦奏。虜焚草地。行軍迂道秣馬。糧運阻。兩師行七十餘日。士馬饑困。乞。帝緩軍以待。途次復有傳俄羅斯助虜之信。大學士伊桑阿力請回鑾。帝怒曰。朕祭告天地宗廟出征。不見虜而返。何以對天下。且大軍一退。則虜盡銳向西路。不其殆乎。遂疾趨克魯倫河。手繪陣圖。指示方略。噶爾丹望見。御營黃幄龍纛環以幔城。又外爲網城。軍容山立。大驚。拔營夜

虜遁

破噶爾丹

遁。帝親率前鋒追之。三日至拖諾山。不及而還。

大將軍費揚古。大破噶爾丹於昭莫多。

西路兵遇虜於昭莫多。遵 帝所授方略。皆下馬步戰。約聞角聲始上馬。將軍孫思克以綠旗兵據山頂臨之。賊爭山頂。鋒甚銳。我兵據險俯擊。弩銃迭發。藤牌繼之。每進輒以拒馬木列前自固。虜冒矢流鏖鬪。至暮不退。人人如怒虎。林木皆震。費揚古遙望虜陣後人馬不動。察其婦女駝畜。乃麾沿河伏騎。一橫衝入陣。一襲其輜重。山上軍奮呼夾擊。虜始敗。夜追三十里。曉收軍。斬數千級。降三千人。獲馬駝牛羊廬帳器械無算。并噶可汗之妃可敦。可敦願暫敢戰。披銅甲。佩弓矢。騎異獸似駝者。精銳悉隸麾下。至是亦斃於礮。噶爾丹以數十騎遁。

皇師凱還。

帝親撰銘。勒石於察罕拖諾山及昭莫多之山而還。次歸化城。犒勞西路之師。大享士卒。獻厄魯特之俘。彈箏笳。歌者畢集。有老胡工笳。口辨有膽氣。兼能漢語。賜

勒功虜山

老胡歌

三親征

噶魯死

南巡

之灌酒。使奏技。音調悲壯。歌曰。雪花如血撲戰袍。奪取黃河爲馬槽。滅我名王兮。虜我使歌。我欲走兮無路。嗚呼北斗以南奈若何。乃伏地謝。帝大笑。遂班師。三十六年丁丑。帝復親征。噶爾丹自殺。朔漠平。

自噶爾丹敗亡。北赴俄羅斯。俄人不受。而卒偏強不至。帝復親征。自甯夏進兵。噶爾丹進退無地。遂仰藥死。所部盡降。自是阿爾泰山以東。皆隸版圖。拓喀爾喀西境千餘里。凡三駕而朔漠平。

三十八年己卯。帝巡閱河工。遂至杭州。

帝曰。今四海太平。所最重者治河一事也。

四十一年壬午。二月。都統嵩祝偕等平連州獠。

嵩祝偕調湖廣兵進勦。先遣人招撫。獠人懼服。皆薙髮而降。連州平。

四十二年癸未。正月。巡視南河。

登泰山。至杭州。幸江甯。

探河源

八月湖南紅苗叛。巡撫趙申喬等討平之。

鎮筓苗作亂。趙申喬合黔楚粵兵進勦。貴州提督李芳遠深入苗地。尙書席爾達等率荊州兵至。分路攻之。斬千餘人。降三百寨。

四十三年甲申。九月。侍衛拉錫探河源還。

拉錫歸奏云。登高山視星宿海之源。小泉萬億。周圍羣山。蒙古名爲庫爾滾。卽崑崙也。自京師至星宿海。共七千六百餘里。天氣漸低。地勢漸高。人氣閉塞。故多喘息。

四十四年乙酉二月。南巡閱河。

遂幸杭州府江甯府。

四月。以李光地爲文淵閣大學士。

直隸總督李光地。劾雲南布政使張霖假稱奉旨。販賣私鹽。得銀百六十餘萬兩。上令光地審擬。霖論斬。籍沒家產。尋以光地爲文淵閣大學士。

李光地

李天極伏誅

允礽

土爾扈特

四十五年丙戌。雲貴總督貝和諾。執叛人李天極誅之。

昆明人李天極謀不軌。稱文興三年。以鉛模明桂王之寶及諸印。入黨者改裝長髮。潛期犯掠州縣。貝和諾禽斬之。流其餘黨。

四十七年戊子。廢皇太子。

太子允礽忽染狂疾。手詔廢之。使居咸安宮。

四十八年己丑。復立允礽爲皇太子。尋又廢之。

四十九年庚寅。皇太后七旬萬壽。行慶賀禮。

帝諭禮部曰。蟒式舞者。滿州筵宴大禮觀慶之盛典。今朕欲親舞稱觴。及進宴上近前起舞進爵。

五十年辛卯。土爾扈特來貢。遣使報之。

土人於明季與厄魯特不睦。西投俄羅斯。俄人以其行國界地使游牧。已七八十年。是歲聞準夷敗滅來貢。命兵部郎中圖理深往報之。悉其要領。假道俄羅斯往。

返經三城。繪圖獻之。

帝巡視通州河堤。

三月。帝北巡。駐蹕熱河。

五月。命靖逆將軍富甯安等征準噶爾。

五十四年。乙未。厄魯特入寇。游擊潘至善擊破之。

厄魯特策妄阿拉布坦侵掠五寨。到哈密城下。駐防游擊潘至善帥二百人敗其
二千人。

五十六年。丁酉。廣東總兵陳昂請禁天主教。從之。

陳昂疏言。天主教設自西洋。招集匪類。居心難測。立教堂於廣州。內外布滿。加
以匪類。洋船叢集。安知不交通生事。乞早爲禁。從之。

五十七年。戊戌。將軍佛尼勒與托布齊戰。敗績。死之。

佛尼勒與侍衛色稜分路進師。連戰破虜。多所斬獲。虜酋托布齊以數千人來拒。

佛尼勒戰死

征青海

我師欲渡河扼險而色稜亦至乃合力敗虜虜數萬復來佛尼勒被重創戰益力相持月餘自知衆寡不敵仍勵兵進戰射殺虜無算矢已盡又持刀奮突遂歿於陣。

五十八年己亥西藏達藍占巴反以皇子允禔爲撫遠大將軍視軍青海。

命皇十四子允禔統師遣兩將軍分屯巴里坤又兩將軍由四川青海入藏擁立達賴破厄魯特之衆絕其南牧之路副將岳鍾琪領兵六百爲先鋒謀禽藍占巴等番兵三千人餘部落皆納款。

五十九年庚子征西將軍祈里德等擊厄魯特破之。

祈里德克厄魯特禽虜酋吳梁海等四百餘人又破寨桑色布騰降之獲牲畜萬餘阿刺納亦破虜進至吐魯番乃凱旋。

永甯協副將岳鍾琪大破西藏平之。

岳鍾琪領兵四千先至察木多獲逃酋探知有準噶爾使者在其地誘各番酋守

神兵降

番鍾琪奇功

噴一腔血

三巴橋過我軍。鍾琪念此橋。遺藏第一險也。虜若斷而守之。勢難飛越。而其時大將軍隔數千里。無由秉令。選能番語者三十人。衣番服。馳禽其使者五人。殺六人。諸番驚。以爲神兵自天而降。相與匍伏降。無梗道者。已而副將軍噶爾弼來。虜中有黑喇嗎者。號萬人敵。鍾琪以計手禽之。遂下喇哩。將鼓行入藏。大將軍以蒙古兵未至。毋輕動。鍾琪請副將軍曰。我兵齎兩月糧。自察爾多來此。已四十餘日。若再待大軍。糧且盡。聞西藏部落。有公布爲其右臂。最強。能檄令先驅。無俟蒙古兵也。副將軍然之。鍾琪招撫公布。未浹旬。其頭目以兵二千至。鍾琪請乘機疾進。十日可抵西藏。將軍猶豫未決。欲集衆議。鍾琪昌言曰。事在必行。何議爲。某願噴此一腔血。仰報朝廷。請以旦日行矣。將軍壯其言。遂進師。鍾琪先渡江。抵西藏。大破虜巢。生禽準噶爾內應喇嘛四百餘人。降番兵七千餘人。西藏平。

六十年辛丑。臺灣民朱一貴反。水師提督施世驄。總兵藍廷珍討平之。知府王珍稅斂苛虐。捕私伐山木之民二百人。妄刑之。鳳山奸民黃殿等。因民不

朱一貴反

劉得紫

許雲游崇功

鄭氏砲
賴池反

明冠清衣
施世驃

藍廷珍

侯觀德
李直三

陳徵
林亮董方

鯤身

忍。遂謀亂。以一貴朱姓。可託明裔。煽烏合數百。夜劫岡山塘汛。揭竿荷耰。總兵歐陽凱遷延出兵。則賊兵已熾。游擊周應龍遁歸。參將苗景龍敗死。府城大震。游擊劉得紫破賊。而把總楊泰通賊。殺歐陽凱。官兵大潰。游擊劉得紫還救。馬踣被執。副將許雲游崇功。血戰至日中。矢砲俱盡。手刃數十賊而死。賊遂陷府城。大獲鄭氏砲械硝磺鉛鐵。北路奸民賴池。同日陷諸羅。殺參將羅萬倉。凡七日而全臺陷。一貴自稱中興王。年號永和。大封羣賊。公侯太師將軍總兵以千計。民爲之謠曰。頭冠明朝冠。身衣清朝衣。時水師提督施世驃。在廈門聞警先發。總督覺羅滿保。復調總兵藍廷珍。會世驃於澎湖。共兵萬二千。舟六百艘。時賊黨互相攻擊。杜君英爲一貴所破。遁走淡水。義民侯觀德李直三。以鄉兵破一貴。斬賊萬計。諸羅義民陳徵等。亦起兵。旋爲賊陷。世驃廷珍發澎湖。突鹿耳門。守備林亮。千總董方。以六舟直渡鯤身。鯤身海沙也。是日潮漲八尺。四百艘齊薄岸。廷珍破賊。取安平鎮。此夕世驃亦至。次日賊又犯安平。廷珍等迎戰。燒船於四鯤身。翌日賊數萬人。駕

良民幟

陳策

岳鍾琪破番

千叟宴

牛車列盾爲陣。冒砲死突。廷珍親督戰於二鯤身。而林亮小舟載砲夾攻。賊敗入城不出。世驃下令禁殺掠。降者皆樹大清良民幟於門。遠近脅從。望風解散。廷珍又設奇伏。破西港賊。其夜廷珍料賊劫營。偃旗伏蔗林。賊果至。大破之。遂北至府城。賊數萬皆遁。而世驃亦破西南之賊。同日抵城。而劉得紫亦拔歸爲鄉導。守備陳策先下諸羅。與大軍合。一貴遂走灣裏谿。爲邨民所禽。檻送京師磔之。

四月。提督岳鍾琪擊郭羅克。破之。
岳鍾琪勦郭羅克逆番。破伏賊千餘。連破四十六寨。
詔行千叟宴。

正月。賜饌百官。年六十五以上者得三百四十人。命各賦盛事。名曰千叟宴。
六十一年壬寅十一月甲午。帝崩。世宗卽位。

帝疾大漸。召諸皇子及理藩院尙書隆科多。諭曰。皇四子人品貴重。深肖朕躬。必能克承大統。著繼朕登基卽皇帝位。是日戌刻。帝崩。遺詔曰。從來帝王

之治天下。未嘗不以敬。天法。祖爲首務。敬。天法。祖之實。在柔遠能邇。休
養蒼生。共四海之利爲利。一天下之心爲心。保邦於未危。致治於未亂。夙夜孜孜。
寤寐不遑。爲久遠之國計。庶乎近之。

皇朝政典舉要卷三

日本增田貢原著

遂安毛

淦補編

仁和汪厚昌

訂正

錢塘顧梓田

世宗憲皇帝雍正十三年

雍正元年癸卯正月河道總督陳鵬年卒予諡恪勤

陳青天

陳鵬年治武陟決河日夜立風雪中得疾而卒喪歸繞棺哭者數萬人鵬年常以澤不被民為恥在官廉幹得民心人呼曰陳青天河南江甯西安皆建祠祀之

責大學士張鵬翮等不職罷之

科場之弊

帝耽書史善綴文又能評騭人材諭大學士曰國家養育人材首重翰苑必當立品端方居心敬慎聞有僥倖之徒平昔結黨營私至科場年分互相援引請託遇謹守之人畏法不肯通反相排詆飛語誣陷此風斷不可長以謝際世為御史尋覈其職

謝際世

謝際世就職未浹旬。面奏河南巡撫田文鏡不法狀。帝不懌曰。彼號能臣。朕方倚任。爾毋惑浮言。誣奏。擲還其疏。際世伏地不肯起。爭益力。上怒。褫其職。令往阿爾泰軍前効力。

以孫嘉淦為國子監司業。

孫嘉淦

狂士
服其膽

孫嘉淦上封事三。曰。親骨肉。曰。停捐納。曰。罷西兵。帝召諸大臣示之。責掌院學士曰。爾翰林乃容此狂士。學士叩頭謝。大學士朱軾徐對曰。此生誠狂。然臣服其膽。上大笑曰。朕亦不能不服其膽。即召對。授國子監司業。他日。帝手指嘉淦。示九卿曰。朕即位以來。孫嘉淦每事直言極諫。朕不惟不怒。且嘉悅焉。爾等當以為法。

以甘汝來為太平知府。

甘汝來

甘汝來以賢能薦。凡四任不出廣西。歷著才略。在郡禁絕屬僚餽送。戒流言。先後禽叛人莫東旺羅文剛。皆兵不血刃而平之。

年羹堯破
青海

武格
宋可進

馬有仁

黃喜林

李紱

陣法六

五子礮

封明裔

青海酋羅木藏丹津反。大將軍年羹堯討破之。

厄魯特二千人圍鎮海堡。都統武格參將宋可進破之。斬六百餘人。羅酋之兵五千人。又圍申中堡。守備馬有仁擊走之。宋可進又破之。年羹堯亦禽厄爾布謝爾。蘇二酋斬之。厄魯特復奪新城堡。殺守備李國強。羹堯遣總兵黃喜林破之。虜遂逃去。

二年甲辰。以李紱為廣西巡撫。

李紱始蒞任。陳練兵事宜。一先定操地。次定操期。一嚴賞罰。一廣西多山谷。背山而戰。宜用一字陣。山曲用三才陣。來谿田雙龍陣。八面受敵。用八門陣。四圍合攻。用圓陣。亦曰風雷掃地陣。羊腸鳥道。用連環陣。均演習如式。一馬步兵各佩腰刀。一土苗所用鳥鎗可及百五十步。惟礮足制之。五子礮施放尤便。宜增製。得旨嘉勉。

封明裔真定知府朱之璉世襲一等侯爵。

祭明陵

又遣使祭明太祖陵及昌平十三陵。

四川提督岳鍾琪擊羅木藏丹津大破之。

破羅密

虜寇西寧以岳鍾琪為參贊大臣沿途相機勦撫自松潘至西寧五千餘里烽煙

肅清青海為之奪氣進至華里山五堡環峙寂無人聲鍾琪曰是有伏兵搜之伏

果起乃擊破之是役也我兵止三千破虜萬餘人奪三嶺十七寨既而還營羹堯

岳鍾琪

曰已奉 旨命公領馬步軍萬七千直擣青海以四月草生時鍾琪曰青海虜

十萬以萬七千當之宜乘其不備日塞外無駐牧定所賊若散而誘我反四面受

敵非計也願假精兵五千馬倍之羹堯奏 帝壯之

青海壯圖

奮威將軍岳鍾琪襲擊青海平之。

岳鍾琪出塞抵喀喇烏蘇斬虜千餘人尾追一夜禽台吉等二百餘人乘勝進路

見獸走曰此前有虜也葺食疾馳果禽百餘人自此探者斷矣進渡哈達河又斬

獸走有賊

千餘人降虜為言羅密數萬駟烏蘭木呼兒相距百六十里乃拔營夜行黎明而

衣婦衣走

帝鍾琪青
海大功

石堡城

定番縣

滿寶

禁洋教

撤外戍

至虜尙臥馬未銜枚衆皆驚走禽其母妹羅酋衣婦衣騎駝走鍾琪自追三百里至桑駱海紅柳蔽天彌望不極乃班師是役以五千人冒險深入往返未兩月禽台吉十五人斬賊八萬人俘男女數萬口獲軍器駝馬甲帳無算俘獻京師以青海平大赦天下賜鍾琪三等公世襲又賜金扇書御製詩仍命率二萬人征青海莊浪餘孽聚石堡城鍾琪聲東擊西夜遣死士攀蘿登險出其背禽斬五千虜盡平奏改莊浪爲定番縣

閩浙總督滿寶請禁西洋天主教

滿寶奏西洋人入各省行天主教煽惑人心請將各省洋人送京効工之外俱置澳門改撤天主堂禁入其教者詔從之

策妄阿喇布坦遣使人貢

大將軍年羹堯奏哈密寧夏賀蘭山等處便宜置戍餘撤回從之

詔立昭忠祠祀開國以來授命立功之臣

殺年羹堯

三年乙巳大將軍年羹堯有罪賜死。

諸大臣奏羹堯九十二大罪供狀昭著。帝念青海功令自裁。誅其弟年富。父遐齡以老怨死。子孫發邊遠充軍。

皇太弟允禩有罪幽之。

允禩引允禔允禵允禳為黨糾合術士兇徒陰謀不軌發覺俱行拘禁除宗人府名。

雲貴總督鄂爾泰征貴州仲苗平之。

仲苗負險肆逆議撫久無成鄂爾泰奏欲百年無事宜悉令獻土納貢違者勦之。帝大悅曰此奇臣天賜朕也。手鑄三省總督印賜之。三路進勦焚其七寨克

羊成仲苗窩黨悉就禽。

五年丁未前藏頗羅鼐斬後藏阿爾布巴平其亂。

阿爾布巴作亂圍布達拉喇嘛前藏頗羅鼐率所部兵直攻後藏平之斬阿爾布

幽太弟

鄂爾泰平苗

奇臣天賜

平烏蠻

巴。詔命頗羅鼐管兩藏。

川陝總督岳鍾琪討烏蒙蠻平之。

四川烏蒙土知府祿萬鍾反。犯雲南。鎮雄土知府隴慶侯助逆。鍾琪征勦。禽萬鍾慶侯。餘黨悉定。

六年戊申。命諸臣各保舉賢才一人。

湖南巡撫汪柟舉其父刑部司官汪雲。曰。學問優裕。政事練達。其忠愛之性。出於至誠。詔以知府特用。

七年己酉。貴州提督黃廷桂擊廬苗。平之。

黃廷桂
張廣泗

提督黃廷桂擊平廬苗。破百餘寨。張廣泗亦降。丹江雞江等。貴州悉平。

靖邊大將軍傅爾丹征準噶爾。

傅爾丹出北路。岳鍾琪為寧遠大將軍出西路。帝親行授鉞禮。視大軍啓行。大雨如注。旌纛皆溼。識者以為不祥。

湖南生員曾靜謀反伏誅。

曾靜反

靖州人曾靜怨考試下第。家居憤鬱。忽圖叛逆。贈書於岳鍾琪。以同謀舉事。鍾琪併其書奏之。命捕靜誅之。

建賢良祠

八年庚戌。詔建賢良祠。於京城內關帝廟側。建祠祭漢大臣才德著聞。名節完備者。

哈元生破蠻

總兵哈元生伐烏蒙蠻大破之。

韓勳

烏蒙蠻祿萬福叛。陷鎮城。屠兵民。煽動東川鎮雄及四川蠻數萬。勢大振。總督鄂爾泰以烏蒙委哈元生。以鎮雄委參將韓勳。勳以四百人。敗蠻四千。復斬二千級。盡焚其壁。元生以千餘人。至得勝坡。遇賊二萬。其酋黑寡暮末皆稱萬人敵。黑寡持長槍。直犯元生。元生左格槍。右拔矢。應手殪之。又射暮末。揭二首於竿。遣苗兵奪氣。元生再戰再捷。進至倚那岡。設伏破其數萬。平八十餘營。軍勢大振。苗望元生旗即反走。祿萬福匿東川。鄂爾泰遣徐有貞一戰禽之。

九年辛亥。大將軍傅爾丹與策零戰。

定壽

傅爾丹大
敗

穿脛盛囊

破小策零

傅爾丹進城。科布多噶爾丹策零以三萬犯北路。先遣諜佯爲我兵所獲。詭言厄魯特大隊未至。前隊千餘。駝馬二萬。在博克托嶺。距三日程。傅爾丹信之。以萬餘人襲之。副都統定壽諫不聽。虜以弱兵牲畜誘。而伏二萬於谷中。胡笳俄起。乘高突衝。圍前鋒四千。萬矢雨集。衆寡不敵。傅爾丹以後軍往援。虜已破前軍。直犯大營。諸軍遂大敗。惟滿兵四千衛輜重。且戰且進。後將軍巴賽查納弼等戰死。軍得還者二千人。虜獲我兵。皆穿脛盛以皮囊。繫馬後。唱胡歌而返。

郡王額駙策凌與小策零戰。大破之。

小策零以精騎六千人。大策零擁二萬人應之。額駙策凌與親王丹津多爾濟合兵。迎擊於鄂登楚勒河。使六百騎宵入賊營。挑戰誘其來追。伏兵擊之。大破其衆。斬驍將喀喇巴圖魯。

寧遠大將軍岳鍾琪襲擊烏魯木齊破之。

破烏魯木
齊

傳爾丹大敗。岳鍾琪襲擊烏魯木齊。以分賊勢。越木壘。渡阿察河。斬馘無算。虜敗遁。

十年。王子郡王額駙策凌。大破噶爾丹策零。

策零傾國入寇。探策凌赴本博圖山。襲其帳。掠子女牲畜。策凌中途聞之。大怒。卽斷頭髮及所乘馬尾。誓天。反旆馳救。驅蒙古兵二萬。問道出山背。黎明自天而下。勢如風雨。虜夢中起。人不及弓。馬不及銜。追殺兩日。虜大敗。又追至杭愛山。卽古燕然山南麓。虜無走路。策凌薄險擊虜三萬。呼聲震大漠。斬溺無算。河水爲赤。我兵僅傷十餘人。策零夜突圍遁。

秦桑額爾克犯火州。參將劉廷琰戰破之。

虜得松嶺衆二千。分三路來犯。喇火州城。劉廷琰擊走之。

臺灣大甲番作亂。閩浙總督郝玉麟遣兵平之。

臺灣北路大甲之二番殘害官兵。總督呂瑞麟撫定之。已而復亂。官兵進勦平之。

刁與國叛

雲南土司刁與國叛。把總康天錫戰敗死之。

思茅土把總刁與國煽動元江夷攻普洱府。又通苦葱犯他郎地方。元江把總康天錫戰敗死之。總督高其倬遣兵攻之。斬土目楊昌祿等。

策零賊犯烏孫珠爾。大將軍傅爾丹擊之。敗績。

傅爾丹兵已破賊前隊。賊又大至。遂敗績。詔責其罪。褫公爵。已而副將王丹津連戰破賊萬餘人。

鄂爾泰入

以鄂爾泰為大學士兼兵部尚書。

鄂爾泰為軍機大臣。世襲一等伯爵。賜金甲上方劍。出巡烏爾蘇。奏屯田事宜。謂西虜未可遽滅。帝遂罷兵。與天下休息。鄂爾泰受世宗非常之知。每具一疏。帝必嘉獎忠誠。頒示天下。事無大小。必命平章以聞。鄂爾泰亦以身殉國。知無不言。一切嫌疑形迹。無所復避。

十一年癸丑。貴州提督哈元生擊黔苗。破之。

破黔苗

初苗疆闢地三千里。當貴州全省之半。巡撫元展成駐兵。時秋稼未穫。苗伴聽版築。刈穫甫畢。即傳與上下九股數百寨偕叛。圍大營。樵汲皆斷。營中掘草根。死守彌月。援至始解。提督哈元生攻苗於蓮花壘。壘據萬山之巔。四面削箐。糧支二年。官兵六路破之。設戍其上。

平普思蠻

十二年甲寅。雲貴總督尹繼善討普思蠻。平之。

尹繼善進勦普思。禽斬賊首神仙喃奔等二百餘人。降八千人。攸樂思茅一帶悉平。

詔止貢牙

詔止廣東進象牙。

以其過華麗也。凡自海津來者。禁止勿售。

噶爾丹策零遣使請和。命定游牧境界。

厄魯特平

策零欲得阿爾泰山故地。不許。使命往返。議始定。以阿爾泰山為界。厄魯特游牧。不得過東。喀爾喀游牧。亦不得過西。厄魯特平。

十三年己卯黔苗陷諸縣。命揚威將軍哈元生等討之。

苗疆吏徵糧不善。各寨蠶起。陷重安等數處。焚掠及鎮遠思州。省兵徵調殆盡。奔救不遑。詔發滇蜀楚粵兵。特授哈元生揚威將軍。苗見援至。棄城不守。轉攻新疆。台拱清拱丹江八寨同時告急。元生遣兵攻燬各巢。副將馮茂復誘殺降苗六百餘及頭目三十人。以冒功。苗怒逃歸。詛盟益堅。多手及妻女出抗官兵。蔓延不可招撫。又陷青溪縣城。柳羅丹江糧盡援絕。至九月圍始解。

八月己丑。帝崩。仁宗即位。

八月。帝大漸。命四子寶親王為皇太子即位。命莊親王果親王及大學士鄂爾泰張廷玉受遺詔輔政。

皇朝政典舉要卷三終

皇朝政典舉要卷三終

皇朝政典舉要卷四

日本增田貢原著

遂安毛

淦補編

仁和汪厚昌

訂正

錢塘顧梓田

高宗純皇帝

乾隆六十年

乾隆元年丙辰。命大學士鄂爾泰典會試。

鄂爾泰受世宗遺詔。同莊親王允祿。果親王允禮。及大學士張廷玉。總理事務。

帝嗣位旬日。起楊名時於滇南。士大夫知與不知。相率祖道。至環馬首不得前。

正月至自滇。年七十七。以禮部尙書入教。皇太子侍直南書房。是年七月薨。

贈太子太傅。賜謚文定。名時以斯道爲己任。凡一言一事。皆以至誠出之。故感

人如此。

大學士朱軾卒。予謚文端。

遺疏曰。國家萬事。根本君心。政之所先。莫如國用。人臣綜核庫儲。自宜度支充裕。

朱軾

起楊名時

然言利之臣。歛財之策。亦或有乘隙而進者。以義爲利。自在。睿斷。至於用人。邪正公私。幾微之際。尤易混淆。在審擇君子小人而進退之。慎之又慎之。

湖廣總督張廣泗擊貴州苗平之。

先是張廣泗爲七省經略。調全黔兵集鎮遠。以通雲貴大路。簡選將士。面授方略。以精兵四千攻上下九股。自以三千餘攻清江寨。所向克捷。是年復增兵爲八路進剿。其遺孽盡竄牛皮犬管。其中盤亘數百里。蛇虺所窟。雖苗蠻莫測其遂。故特官兵不能至。軍退復圖出沒。廣泗扼箐口。布奇兵。以漸進逼。蠻人飢餓隕死崖谷者以萬計。廣泗乘勝剿附近熟苗。先後共燬千二百餘寨。赦三百八十寨。斬萬七千六百人。俘二萬五千人。獲銃礮四萬六千五百餘。刀矛弓弩標甲十四萬八千餘。乃設九衛屯田養兵戍之。詔盡豁新疆錢糧。永不徵收。以塞官胥之擾。凡遇訟獄。從苗俗處分。不拘律例。以廣泗總督雲貴并兼管巡撫事。自是以後。南夷不復反。

以史貽直為湖廣總督。

苗匪屢發。蒲寅三鳳老一為渠魁。貽直至。簡軍實嚴守備。為剪滅之計。一日密檄鎮將。提勁兵二千入山勦捕。盡獲之。尋入為正卿。常言天下辦事人多。解事人少。深刻非明。縱弛非寬。交際非私。協恭非黨。

三年戊午。以吏部尚書孫嘉淦總督直隸。

孫嘉淦蒞任。會水災。奏發山東穀三十萬石。由海達畿輔。以濟飢民。引水溉田。開渠五百八十。使溝水通道。水道通河水。河通淀水。水害去而水利以興。

四年己未。帝親策試貢士。

是年明史告成。願刊刻者許之。尋命採訪遺書。

五年庚申。湖南廣西徭同叛。欽差大臣張廣泗擊平之。

靖州武岡徭橫嶺苗與廣西徭同叛。詔廣泗復以欽差大臣節制軍務。先後斬馘五千。俘獲五千。以班師。

皇朝通志卷一百一十五

六年辛酉以雷鉉為編修

特旨授編修侍皇子學其學以躬行為主生平出處張弛語默按之無不合於道

者

十年乙丑準部亂殺那木札爾汗

準部自噶爾丹以後三世皆梟雄能用衆至此策零死次子那木札爾嗣立童昏

恣睢以讒幽其女兒女兒之夫殺之立庶兄喇嘛達兒札帝詢悉之議大舉雪

兩朝之憤羣臣懲博克托嶺之敗難之惟大學士傅恒主征伐與帝意合

大學士伯鄂爾泰薨予諡文端

鄂爾泰性明決有威重勇於任事好獎勵名節惡偷合媚世者及為相益自任進

賢退不肖士有學行者多以禮進之

十二年丁卯金川土司莎羅奔叛雲貴總督張廣泗等擊之

莎羅奔反改革布什札及明正兩土司命雲貴總督張廣泗征之調兵三萬阻

雷鉉

議討準部

鄂爾泰相業

金川反

險不前。復請增萬人。

帝幸木蘭觀獵。

十三年戊辰。金川軍敗。詔誅雲貴總督張廣泗。賜大學士訥親死。

諸將多失律。副將張興游擊孟臣等戰死。帝命大學士訥親視師。又起故將軍

岳鍾琪赴軍。訥親銳意限三日取賊。總兵任舉參將賈國良戰死。將相不和。軍士

解體。方攻拉底山。十餘賊噪而下。我兵三千皆潰。詔責岳鍾琪。鍾琪奏廣泗信

降蕃生變。訥親亦劾廣泗老師。詔逮至京。責以挾私觀望之罪。廣泗抗辨不屈。

帝怒。令斬之。命大學士傅恒代訥親。命訥親覆奏。嗷嗷萬言。無一要領。帝

又以其祖邁必隆之劍。郵寄軍前。賜死。

四川提督岳鍾琪大破金川蠻。

岳鍾琪統四川官兵逼賊隘上。有康八達爲勒烏圍門戶。乃募健勇數千。聲言攻
康八達。潛以銳卒出其不意。克碉寨十七。斬殺無算。遂進扼勒烏圍隘口。僞爲還

岳鍾琪威名

陳大受

張廷玉

糧狀誘賊。伏火器待之。賊果出劫糧。鎗筒齊發。燔其衆。先是金川聞用鍾琪。不信。曰。岳公死久矣。至是大敗。始知鍾琪果來。

以陳大受爲協辦大學士充軍機大臣。

時金川用兵。上憂勤方略。軍書如織。雖深夜必達覽。陳大受日數被對。夜宿直廬。凡樞密重事皆與焉。出入見星以爲常。歸則積帙數寸。刻燭披覽。無留牘。上亦深任之。

帝東巡謁闕里孔廟。遂登泰山。

致仕大學士勳宣伯張廷玉薨。予諡文端。

張廷玉薨。年八十四。性孝友。子姓戚黨列仕數十人。皆約以禮法。在政府無與督撫外吏接。凡餽禮。輒峻卻之。生平無聲色玩好之嗜。退食泊然。時手一編而坐。室中閤如無人。

十四年己巳。四川總督岳鍾琪招降莎羅奔。金川平。

岳鍾琪入
苗營

苗進茶

宿帳

金川平

紫光閣

胡寶琮

經略大學士傅恒至軍。誅姦人阿扣王秋等。賊懼欲降。又恐降而見誅。負固未決。而岳鍾琪初督川陝時。勘金川爭界事甚公。且奏給莎羅奔印信。莎酋甚德之。至是鍾琪請於傅恒。輕騎入苗集。諭順逆。傅恒問帶若干人。鍾琪曰。多則彼疑。非所以示信也。乃袍而騎。從者十三人。傅呼直入。群苗衷甲持弓矢迎道左。鍾琪目酋長。故緩其轡。掀髯笑曰。爾等認我否耶。皆驚曰。果岳公也。皆伏地羅拜。爭先導入。酋長手茶湯進。鍾琪飲之。再索。因宣布威德。待以不死之意。群苗感泣立誓。椎牛行炙。留宿帳中。鍾琪大駭。如雷。次日莎羅奔乘皮船出洞。詣大軍降。金川始平。十五年庚午。西藏逆黨殺左副都御史拉布敦。固原總督傅清策楞討平之。詔畫功臣像五十人于紫光閣。

十六年辛未。命左副都御史胡寶琮鞫偃氏獄。誅奸民傅毓俊。

傅毓俊以私憾控張天重謀逆。逮繫百餘人。胡寶琮往鞫。乘傳七日而至。集案牘視之。比夜分曰。吾已得其實矣。一訊而伏。止誅毓俊一人。餘皆省釋。人以爲神明。

帝奉 皇太后幸盛京。

太后六旬上誕。帝親奉駕幸盛京。舉行大慶典禮。

帝巡幸江南。

詔曰。經史。學之根柢也。朕時巡所至。如江甯之鍾山書院。蘇州之紫陽書院。杭州之敷文書院。各賜武英殿所刊之十三經二十二史一部。資髦士稽古之學。

舒赫德

十七年壬申。河決馬路口。命戶部尚書舒赫德往治之。

雜谷土司蒼旺叛。兵部尚書岳鍾琪討平之。

蒼旺構逆。岳鍾琪奪維關直搗其巢。誅之。群番懼伏。

十八年癸酉。緬酋麻哈祖遣使入貢。

十九年甲戌。緬酋麻哈祖爲木疏土司雍籍牙所篡。

岳鍾琪卒

兵部尚書岳鍾琪討墊江賊。薨于軍。

奸民陳崑作亂。岳鍾琪力疾督勦。薨於資州。年六十九。命弟鍾璜由廣西提督入

一門列戟

祈天泉湧

好吟詩

武穆後

阿酋內附

四川代領其衆。雍正時鍾琪督川陝。季父超龍提督湖廣。弟鍾璜提督廣西。子濬巡撫山東。兒子含奇總鎮兗州。一門列戟。而鍾琪受主知尤篤。能以功名終。性嚴毅。每登壇將弁股栗。部伍整肅。無敢譁。遇敵謀定後戰。士卒疾苦。必躬拊循。以故人爭效命。其忠誠出天性。曾征青海。至哈喇烏蘇。水泉斷。軍行一晝夜。未得飲食。乃禱於天。甘泉隨湧出。一軍歡奮。事聞。詔遣官致祭。又有知人鑑。同時傅爾丹爲大將軍。鍾琪過其帳。見壁上刀槩森然。傅曰。此皆吾所素習者。故懸以勵衆。鍾琪頷之。出語人曰。爲大將者。不恃謀而恃勇。亡無日矣。已而傅果敗。嘗選馬兵治大雄等三十六人爲親軍。後皆任封疆。邀世職。鍾琪好吟詩。所著有薑園集。蛩吟集。鍾琪爲岳飛之後。其文武之略。可謂有祖風矣。

以劉統勳爲協辦大學士總督陝甘。

阿睦撒納內附。封親王。

達瓦齊攻阿睦撒納。阿酋不能抗。叩關內附。備言伊犁可取狀。帝大喜。以親王

大破達瓦齊

封之。

二十年乙亥。定北將軍班第大破達瓦齊。擒之。

將軍班第將軍永常率兵五萬。攜兩月糧。征達瓦齊。副將阿睦爾撒納。薩賴爾。皆準夷渠帥。建其舊纛。先進。各部望風迎降。達瓦齊敗走。投霍吉斯。霍吉斯執以獻。并獲青海叛酋羅木藏丹津。獻俘京師。帝皆赦其死。

阿魯叛

阿睦爾撒納叛。將軍班第被圍。死之。

伊犁舊分四部。帝欲建衆分力。仍之。而阿睦爾撒納未鑒志。必欲爲四部總台吉。專制西域。反形漸著。召至熱河。行飲至禮。同四部台吉受封。阿魯聞之。竟北歸。四出煽亂。伊犁諸喇嘛。遙起應之。時大兵已還。僅餘五百人。留伊犁者皆其黨羽。班第鄂容安力戰。走二百里。被圍。死之。帝責副將額林沁縱阿睦爾撒納之罪。賜自盡。

班第死

達爾黨阿

二十一年丙子。將軍達爾黨阿擊阿睦爾撒納。

兆惠被圍

將軍策楞頓伊犁。命褫職。以達爾黨阿代之。出西路擊薩哈薩。破虜二千。阿酋潛遁。我兵追及之。僅隔一谷。虜令哈薩人佯告欲禽獻阿酋。姑緩師待。達爾黨阿信之。駐軍數月無要領。阿酋早颺去。詔逮達爾黨阿罪。

二十二年丁丑。將軍兆惠被圍於訥格。侍衛圖倫楚率師救之。

先是準部大亂。兆惠孤軍駐伊犁。自率五千人東旋。擊虜。斬數千人。是年正月至烏魯木齊。虜軍畢會。連日數十百戰。我軍無不一以當百。行冰雪中。食瘦駝疲馬。且盡。二十二日至特訥格。不復能衝擊。結營自固。遂被圍。時天大風雪。驛傳聲息。不相聞。巴里坤辦事大臣雅爾哈善入告。詔趣侍衛圖倫楚率兵二千間路馳援。以三十日至軍。圍乃解。

將軍圖倫楚等破準賊。阿睦撒爾納死。準部平。

圖倫楚連破虜。阿酋竄入俄羅斯。道為回酋所殺。準部平。

帝南巡。

圖倫楚救
兆惠
圖倫楚破
虜
回酋殺阿
酋

肇和卓木

二十三年戊寅將軍兆惠擊和卓木被圍於黑水將軍阿里衮赴援

兆惠苦戰

虜兄弟相犄角霍集占據葉爾羌堅壁清野歛民入城我兵無所掠虜出精銳三戰三北不復出城大十餘里凡十二門兆惠以兵少不能攻先營城東隔水草地自固所謂黑水管也兆惠欲取河南牧羣出千餘人始渡四百騎橋忽斷虜出五千騎來截我兵方奮突其陣虜又以步兵萬餘繼之騎兵復張兩翼攻我陣後我兵隔河不能救且戰且退徒步還營中途賊又分數隊來截我兵人自爲戰自旦至暮殺虜千計馬多陷淖死傷數百人兆惠左右衝突馬中鎗再斃再易明瑞亦受傷總兵高天喜戰沒虜復越河來攻五晝夜我兵且戰且築虜亦作長圍困我兆惠乃遣五人分道赴阿克蘇告急舒赫德飛章入告虜又決水灌營營兵溝而洩之營依樹林鎗炮如雨我兵伐樹反得鉛丸數萬以擊虜又縱火焚虜營虜疑布魯特與我軍有約乃使人議和兆惠執其使射書諭以必縛獻霍集占方許納款又掘井得水掘窖得粟三閱月不困賊駭爲神富德在北路聞黑水圍急帥兵

伐樹得丸

掘井得水
掘窖得粟

噶冰救渴

二千人冒雪赴援。遇虜五千騎。轉戰四晝夜。噶冰救渴。距黑水尙三百里。虜逾多不能進。於是兩軍皆被圍。阿里袞以巴里坤兵六百。合愛隆阿兵千餘。夜至。遙望火光。知圍急。卽張兩翼直壓賊壘。與富德軍奮逼虜。虜黑夜相格殺潰走。我兵未至黑水數十里。又擊破之。兆惠遙聞礮聲。知援來。潰圍殺虜千餘。焚其壘。虜大敗入城。兩軍會合。振旅還阿克蘇。

祭潘思渠

帝南巡。遣使祭故福建副都御史潘思渠。南巡之次。屢遣大臣卽其家致祭。潘思渠在官敏決。明法律。習吏事。力持大體。以經國澤民爲務。

楊錫紱平苗

湖南巡撫楊錫紱平土苗之亂。

楊錫紱屢平土苗之變。並捕黔苗。審知苗民愚而嗜利。其黠者動以書符煽惑聚衆。錫紱捕其首謀。更行保甲法。凡逆苗田產入官。卽令苗民承種。收其租以資積貯。借給貧苗。旣勦且撫。苗民咸化之。

平回部

二十五年庚申將軍兆惠富德大破回逆回人殺和卓木兄弟而降

復命兆惠富德帥兵三萬兩路並進和卓木西逾葱嶺而逃別軍四千騎追阿爾山虜虜以六千伏谷羸師誘入險我奇兵先奪山下擊虜陣動三面乘之殺千餘人斬驍酋阿布都我兵僅傷一卒又進扼走路降者蔽山而下凡萬有二千和卓木手刃不止兩酋挈四百人走巴達克山其酋素爾坦沙拒戰禽和卓木兄弟兆惠檄索之乃殺之函首獻軍門率所部十萬戶及隣部博羅爾三萬戶俱納款愛烏罕亦遣使入貢於是葱嶺以西布魯特等六國皆遣使來貢以噶什噶爾為參贊大臣建牙所節制南路各城其大者設辦事大臣小者置領隊大臣

和卓木兄弟死

葱嶺以西入貢

陳宏謀吏治

二十八年癸未以陳宏謀為兵部尚書

陳宏謀在外任三十餘年歷行省十有二歷任二十有一所究心於風俗利害興革次第舉行凡村莊河道皆繪圖懸壁審視每有興作人以為難成卒就理至此有此命又充經筵講官明年特設協辦大學士以命宏謀漢大臣之有協辦自宏

秦蕙田

謀始。

二十九年甲申。太子太保尙書秦蕙田卒。予謚文恭。

秦蕙田立朝三十餘年。治事勤敬。剛介自守。不曲意徇物。在刑部執法平允。尤爲上所倚重。衆莫不憚其嚴而服其公也。

烏什民亂

回部烏什民作亂。殺辦事大臣蘇成等。參贊納世通討平之。

先是準噶爾敗。烏什酋霍吉斯俘達瓦齊以獻。受王封。及二和卓之亂。霍酋頗持兩端。乃召入京。以阿布都拉代之。阿酋暴戾。辦事蘇成亦宣淫。皆不治事。部民怒。作亂。殺二人。阿克蘇辦事卞塔海聞變。領五百人赴烏什。民開城出迎。已而復閉。卞塔海以礮攻之。城中盡叛。聽阿刺有圖號令。以二千人出戰。卞塔海敗走。又敗庫車大臣鄂寶之兵。喀什噶參贊大臣納世通。伊犁將軍明瑞。各以兵赴援。會卞塔海伏法。兩軍晝夜攻城。虜燭回部乞援于敖罕。遠近震動。時葉爾羌鄂對之妻葉依木。以其子鄂斯在庫車。置酒盡召將士。責以忠義利害。歌舞盡醉。而陰遣人

烏什復亂

收其兵器。又盡縱其馬。人心始定。得不與叛。其餘回城亦不敢動。於是烏虜援絕。我兵薄擊。虜縛首逆以降。我兵入城。殺其黨羽。烏什平。烏什戶部一萬。回境之大都也。

三十年乙酉。回部烏什作亂。左侍衛明瑞擊平之。

烏什小伯克賴黑木圖拉等聚眾五百餘人。乘夜焚掠。據城為變。明瑞進征。抵城。虜二千出犯。乃擊敗之。奪礮臺七。殺二百人。而城堅山險。乃築長圍困之。虜窮守。既久。謀夜襲大營。明瑞偵知之。嚴備以待。虜至。掩擊之。賴黑木圖拉中箭死。虜復立其父為阿奇木。悉眾死守。明瑞簡六百人。中夜攜雲梯薄城而登。虜未覺。挺刃交下。守陣虜驚竄。我兵毀城堞。天明收軍。乃逼城築壘。斷其樵汲。虜糧盡。內潰。縛獻首逆四十二人。遂平烏什。

平烏什

緬甸孟良酋入寇。總兵劉得成敗績。

緬兵入寇

緬酋雍藉牙囑孟良使內犯。車里土司揚言將渡哀龍江。時承平日久。民不知兵。

普洱永昌邊外。一日數驚。總兵劉得成。參將何瓊。詔游擊明浩等。三路皆敗。罪總督劉藻。藻自刎死。

幸江浙。

王世芳

訓導王世芳迎駕。年一百七歲。賞匾額。並緞二疋。後六年入都。祝皇太后萬壽。時年一百十三歲。賜翰林侍講銜還鄉。先是南巡。有湖南耆民湯姓者。年百四十歲。命賜匾額。

三十二年丁亥。大學士楊應琚征緬甸。有罪賜死。

楊應琚至軍。普洱蠻漸退。乃復車里孟良。進至永昌。檄緬言天兵數十萬。陳境上不降。即進討。緬人大出兵。陷木邦。景線。副將趙宏榜始勝。後敗。燒輜重。走鐵壁關。緬兵數萬尾而入。應琚憂甚。疾作。詔兩廣總督楊廷璋赴滇。代治其軍。提督李時升進勦木邦。蠻佯議款。圍之。昌騰越營。乃檄劉德成由烏爾登額赴援。聲勢稍振。緬人乞降。遂緩征。緬人復襲猛卯城。時應琚病痊。鄂甯奏其貪功掩敗。逮至京。

殺楊應琚

征緬

蠻柵

哈國興

王連

蠻敗

賜死。

將軍明瑞大舉征緬，大破之。

明瑞帥滿兵三千，及鎮蜀兵二萬餘，至木邦。緬人望風遁。明瑞自率萬二千，結浮橋，渡錫箔江，遂進攻蠻柵。緬人二萬，立十六柵，環深溝，列象陣以待。領隊大臣觀音保麾兵據山，蠻來爭不得上。翌日，兩軍相持未決，而蠻柵甚堅，其法立木爲柵，聚兵其中，我鎗礮僅及，而蠻從柵隙擊我兵輒中，此其長技也。總兵哈國興三路登山，俯而薄之，軍士皆奮。時出邊逾月，始與蠻遇，一呼直逼柵，有黔兵王連者，先躍入，十餘人繼之，縱橫決盪，蠻恆亂多死，遂破一柵，乘勢復攻破其三，而十二柵之蠻宵遁。當鏖戰時，明瑞首先陷陣，目受傷，仍策馬指揮不少挫，我兵以一當百，羣象皆返奔，蠻遂敗。

三十三年戊子，將軍明瑞與緬人戰，死之。

時軍深入二千餘里，以糧盡，向木邦歸。蠻獲我病卒知之，卽悉衆來追，我軍且戰

皇朝通志卷一百一十五

吹波倫

蠻勢熾

孔拉阿

明瑞戰死

御製輓詩

且行明瑞與觀音保哈國興更番殿後步步為營日行不過三十里自象孔至小
 猛育二千餘里六十日而後至其中又有蠻化之捷時蠻識我軍號每晨吹波倫
 者三而起行則賊亦起而追我次日五鼓復吹伏簣以待賊果來萬鎗突出四面
 霆擊潰墜相藉坑谷皆滿殺四千餘人休軍蠻化數日蠻先過已柵于要路攻之
 不拔乃由間道行至正月蠻破木邦殺珠魯訥執楊重英其軍大至將軍額爾登
 額攻老官屯不克頓兵月餘上趣援明瑞而老官屯之蠻亦至明瑞至小猛育
 遇蠻數萬援兵不至乃命軍士乘夜遁出而自與諸領大臣及巴圖魯侍衛數十
 人率親兵數百斷後及晨血戰皆以一當百已而大臣孔拉阿中鎗死侍衛皆散
 觀音保發數矢連殪蠻尙餘一矢欲復射忽策馬去以其鏃刺喉死明瑞負數創
 亦慮落蠻手從容下馬手自割辮髮授家丁使歸報而縊於樹下家丁以木葉揜
 其屍去事聞帝震悼御製詩輓之柩至親臨賜奠諡果烈以額爾登額總督
 鄂爾不往援誅之

直隸總督方觀承卒。予諡恪敏。

方觀承明於用人。一見與語。卽知其才能所堪。任之以事。皆無不當。後之爲賢明督撫者。若周元理、李湖。凡十餘人。皆夙所拔。于守令丞尉中者也。直隸爲天下總匯之區。繁劇不易治。乘輿歲有臨幸。往來供張。又值大軍征伊犁。緬甸師屢過境。觀承儲備精密。未嘗少缺乏。而民無擾累。自爲清河道。至總督。屢掌治河。洞見地勢。相時決機。前後數十疏。從之輒利。

三十四年己丑。大學士傅恒討緬甸。平之。

傅恒渡曼鳩江。不血刃而行二千里。觸暑雨。士馬多僵。又進破蠻莫。殺溺數千。江水爲赤。副將軍阿里袞亦破西岸之蠻。而兩將罹病。蠻臨大金沙江。樹柵濠外。橫木銳末外向。此其長技也。我兵礮擊木洞而柵不塌。又以生革鉅鈎之。力急鉅斷。代以老藤爲蠻所斧斷。又命火攻。江霧柵濕不爇。值反風遂退。復穴地道。以藥轟之。柵突起又落。蠻自是震怖。緬酋致書議款。諸將憚瘴癘。願罷兵。乃責以納貢。且

哈國興定議

緬平

以詩終始

祭尹吉甫

土爾扈特

歸土司侵地。緬酋欲我返木邦。孟拱議未決。哈國興定議而還。時傳恒未痊。上以軍人久苦。命班師。緬酋以方物請入貢。遂焚船鎔礮而還。共糜餉銀千三百萬。始抵平定。

太子太傅沈德潛卒。

沈德潛卒。年九十七。賜祭葬。諡文愨。德潛以年六十七成進士。恩資稠疊。

帝曰。朕於德潛。可謂以詩始。以詩終矣。

三十六年辛卯。帝東巡。遣使祭尹吉甫墓。

遣吏部侍郎曹秀。先往南皮祭尹吉甫墓。秀先請。御製詩表其墓。許之。

土爾扈特來歸。

初土爾扈特之汗阿玉奇投俄羅斯。居額濟勒河。及阿玉奇曾孫握巴錫。以俄羅斯蔑佛教。又苦征調。遂挈所部以來。衆十餘萬。羣言洶洶。謂有詭計。上慮伊犁將軍伊勒圖一人不能理。命舒赫德往。赫德力白其無他。上嘉之。

紀昀

溫福

阿桂

布勒

金川平

特命開四庫全書館。以紀昀爲總纂官。

紀昀號曉嵐。貫徹經籍。旁通百家。以及詞曲醫卜之類。罔不抉奧。號爲碩儒。

定邊大將軍溫福征金川土司。

初阿爾泰之總督四川也。議合九土司環攻金川。有能得其地者卽畀之。而諸土司散漫不相通謁。又有陰與金川通者。久而無功。乃命溫福移師討之。至金川軍臺攻巴郎拉克之。

內大臣阿桂討小金川蠻。平之。

阿桂統南路兵次翁古爾壘。山尤險峻。而溪南布勒山蠻壘與達河犄角。攻五閱月不能下。至冬水落。乃使健卒夜渡溪。攀援上布勒。躍入其寨。出不意盡殲其衆。而北岸官兵直攻翁古爾壘。蠻方出拒。布勒官兵復以飛礮擊賊。賊遂驚潰。南北岸兵夾攻。溫福西路兵亦至。小金川遂平。遂前伐金川。

三十八年癸巳。將軍溫福敗於木果木。死之。將軍阿桂討平蠻寇。

溫福陣沒

海蘭察
阿桂破蠻

錢陳羣

王倫反

吉林射手

溫福以蠻扼險不得進。駐木果木。小金川頭目煽降蠻突薄大營。奪礮局。斷汲道。四面蹂入。溫福中槍死。戰沒三千餘人。乃以阿桂為定西將軍。轉戰五晝夜。所向克捷。遂復小金川。又進討大金川。連奪其險。蠻復據最高峯。兩礮壁立。負固弛備。阿桂使海蘭察率死士六百。縶引而上。比明躍入礮。盡斬之。各寨奪氣。同時潰敗。三十九年甲午。刑部尚書錢陳羣卒。予諡文端。

錢陳羣卒。年八十九。陳羣學問淵醇。優游林下二十餘年。為東南搢紳領袖。儒臣中能以詩文結恩遇。備商摧者。沈德潛之後。惟陳羣一人而已。贈太傅。

兗州奸民王倫反。大學士舒赫德等討平之。

王倫以清水邪教運氣治病。教拳勇。往來山東。號召亡命。徒黨日衆。羨臨清之富庶。又以我方致力金川。畿甸備弛。夜襲城殺吏。時承平久。民不習兵。賊連陷堂邑。陽穀。分赴臨清。東昌。衆至數千人。帝移蹕熱河。命大學士舒赫德督師。左都御史阿思哈等率健銳火器營兵千。吉林索倫善射手五千為選鋒。時總兵惟一

萬朝興

音濟圖

女賊烏氏

紫光閣

索魯降

以兵三百擊賊於堂邑柳林。不利。賊圍巡撫徐績于梁家淺。惟一援之。賊結筏渡運河。據臨清舊城。佯禁殺掠。以車三百兩塞街巷。脅丁壯圍攻新城。城上礮擊不能中。乃裸婦女血雞犬厭之。復敗其火車。會各郡兵漸集。總兵萬朝興破賊燬浮橋。又破之於三岔河。舒赫德軍抵臨清。驍賊六百人迎戰。舒赫德遣侍衛音濟圖以禁旅三百追賊北門外。自攻東門。賊敗竄城內。短兵巷戰。官軍先後焚斬及赴河死者千餘。音濟圖亦殲于塔灣。還兵搜王倫於城中大宅。手禽之。爲賊所奪。倫遂登樓縱火死。復殲巷戰女賊烏氏等數十萬。其弟王樸。其黨孟燦。王經隆等。檻送京師。誅殺之。凡一月賊平。後以舒赫德有功。畫形於紫光閣。列第四。其子舒常第十。自古雲臺凌煙。未有父子並列者。時人榮之。

四十年乙未。內大臣阿桂大破索諾木。降之。金川悉平。

阿桂進師。六戰六克。攻勒烏圍。寨堅甚。用大礮毀其礮牆。虜穴地死守。土司索諾木之母往河西。將收餘衆抗拒。阿桂遣精兵追勦。於是母子斷絕。不知所出。乃使

金川平

降番諭之母遂降。居以別帳。使作書招索諾木。時官兵合圍。晝夜礮擊。索諾木得母書。率其孥至營降。金川平。

四十一年丙申。金川師凱還。獻俘。廟社。誅叛酋索諾木。

帝謁兩陵岱嶽關里。獻俘。廟社上。皇太后徽號。勒碑太學及兩金川。先是

帝以阿桂功必成。賜扇親畫闌於上。題以同心之言。其臭如蘭。後製詩賜

之。及還。授軍機大臣。又繪功臣五十人像於紫光閣。阿桂居第一。阿桂在金川執緬使送京獄。至是誅索諾木母子弟兄及其頭目。使緬使觀行刑。且告之故。緬使驚怖欲絕。因令論緬酋。明年遂遣阿桂赴雲南。臨邊示以禍福。緬酋乃歸所執蘇爾相。乃拜阿桂武英殿大學士兼管吏部事。

四十一年丙申。戶部奏天下州縣府庫缺乏。

帝震怒。欲盡罷州縣不職者。以筆帖式等官代之。召大學士劉統勳曰。朕思之三日。汝意云何。統勳默不言。帝變色詰責。徐曰。聖聰思至三日。臣昏耄誠不敢

緬服

劉統勳

鄭昭

李湖

阿桂

河州蘭州

遽對退而熟審之。翌日入對曰：州縣治百姓者也。當使身為百姓者為之。語未竟。帝霽顏曰：然。事遂寢。統動能斷大事。力回天聽。多類此。

暹羅遣民憤緬無道。推其臣鄭昭為主。起兵盡復舊封。又侵緬地。尋昭卒。子華立。亦有材武。緬酋孟雲不能敵。東徙蠻得之地。華來貢告捷。詔封華暹羅國王。

四十五年庚子。以李湖為廣東巡撫。平海盜。

李湖以清嚴為政。粵東素多盜。每出洋肆劫。或散布內地。湖密訪其姓名居處甚悉。偵盜首以七月望歸家設祀。分布兵役。旬日之間。禽誅二百餘人。自是海盜肅然。

四十六年辛丑。蘭州回教賊叛。大學士阿桂討平之。

循化之回走馬明心。傳朗誦之法。號新教。與默誦之舊教相仇。殺百餘人。總督勒爾謹調各鎮勦之。捕明心下獄。賊二千人陷河州。犯蘭州。城兵迎戰不利。賊斷河

橋拒援師。索明心甚急。布政使王廷贊使明心登城。賊旌誅之以靖內變。勦爾謹復河州。捕賊孛回蘭州。命大學士阿桂征之。賊據山。有千餘人。皆新教死徒。素業射獵。精火鎗。官軍萬餘營城東。挫衄夜驚。阿桂之軍占營山上。斷賊路而柵山北。以聯聲勢。進奪其險。築長圍絕汲道。賊已窘急。乃滇濠四擊。斬首逆。餘賊悉平。

回民反

四十九年甲辰。甘肅回民張阿渾反。大學士阿桂討平之。

張阿渾犯隆德靜甯。圍伏羌。總督李侍堯追不及。命海蘭察福康安往勦。復

命阿桂督師。至則破賊。進圍石峯堡。阿渾窮蹙乞降。執送東師。

五十一年丙午。安南相阮惠作亂。逐其王黎維祈。

先是黎氏破莫氏而復其國。阮鄭二臣之力也。以功世爲左右輔政。後鄭棟專國。出阮氏于順化。號廣南王。棟遂有篡志。誘土酋阮岳阮惠。攻滅廣南王。惠自爲泰德王。棟自爲鄭靖王。安南所都曰東京。卽交州唐都護治所。而以廣南順化二道

安南亂

象載寶

天地會

鳳山盜
竹城

爲西京。卽古日南九真地。棟死。二子宗幹內鬩。幹遣其臣貢整乞廣南兵以滅宗。於是惠復專國。王維禱卒。孫維祈立。惠盡以象載寶歸廣南。使貢整留鎮都城。整思扶黎拒阮。乃以王命奪回象五十。而阮岳亦奪其輜重。惠使其將阮任以數萬。攻整整戰死。王維祈出亡。阮任遂據東京。欲自王。

五十二年丁未。臺灣民林爽文叛。陷彰化諸羅。

林爽文居彰化之大理棧。地險族強。聚羣不逞。結天地會數十年。將吏務爲蒙蔽。不之問。黨羽橫熾。總兵柴大紀使知府孫景燧調兵三百往捕。勒村民禽獻。景燧焚無辜數小村。怵之。爽文遂因民怨集衆。夜攻營。軍覆將吏死焉。又陷諸羅。殺知縣。鳳山盜莊大田亦陷其縣。臺灣沙土浮疏。不時地震。故城無磚石。皆掘濠樹竹爲城。府城亦樹城也。柴大紀守之。賊來犯。擊殺千人。賊始不窺城。將軍海蘭察等討臺灣賊平之。

水師提督黃仕簡至軍。坐觀望失機解任。命將軍常青代之。遇賊交綏。請增兵。

紅毛樓

柴大紀城守

海蘭察

嘉義縣

吉祥螺

賊十餘萬攻諸羅。城中開紅毛樓。得大礮轟拒。城得不陷。賊晝夜圍攻。絕餉道。柴大紀擊奪之。破其礮車。以四千與賊數萬戰。屢出奇兵。奪賊峙積。以功特授參贊大臣。常青遣總兵魏大斌等三次往援。皆爲賊所破。城圍日急。以將軍福康安、海蘭察代之。大紀奏曰：諸羅爲府城北障。諸羅失則賊尾而至。府城亦危。且半歲以來。守禦甚堅。一朝棄去。克復甚難。而內外義民四萬。不忍委賊。惟有竭力待援。帝覽奏。墮淚曰：大紀當糧盡勢急之時。惟以國事民生自任。雖古名將。何以加之。其改諸羅爲嘉義縣。大紀封義勇伯。福康安聞賊勢盛。請增兵而進。帝命頒內庫所藏大吉、祥、利益、右旋螺。凡將軍、總督、渡臺灣。則佩之以行。以利渡海。風帆十月。守風鹿港。忽順風起。數百艘並進。脅從望風解散。爭爲鄉導。海蘭察連破賊。抵嘉義城。福康安亦至。乘勝追賊。遂擣大里杙。賊萬餘人。乘炬來戰。官軍前鋒千騎伏溝塍。銃矢從暗擊。明發無不中。賊遽滅。火鳴鼓來攻。復尋鼓聲擊之。賊旋敗。旋進。官兵鏖戰竟夜。遂克之。爽文攜家走集浦。此通生番隘口也。據溪岸。疊石環數。

檣林莊二魁

孫士毅
黎維祈遁

三江險

阮惠襲孫
士毅

里官兵伐箐騰險而上。殺千餘人。爽文匿其孥於生番社。自與死黨數十竄箐谷。皆就禽。遂移師擊莊大田。追至郎嶠。禽之。臺灣平。

五十三年戊申。兩廣總督孫士毅克安南。再封黎維祈。

阮惠滅阮任。請維祈復位。維祈危之。攜母妻以下二百口遁廣西。兩廣總督孫士毅以聞。帝以黎氏奉貢百餘年。不欲乘危利土地。命置其家於南甯府。乃出

師問罪。命孫士毅征之。以二萬人直擣王京。惠扼守三江之險。以拒我兵。士毅

破之於壽昌江。再克於市毬江。進逼富良江。江在國門外。賊伐沿江竹木。斂舟泊

對岸。我兵夜奪江心一艦。更番渡兵擣營。賊大敗。黎明大軍畢濟。黎氏宗族百姓

出迎。孫士毅入城宣慰。城環土疊。高不數尺。上植叢竹。內有磚城二。為國王所居。

宮室蕩盡。而維祈匿民間。是夜始出見。士毅豫奉詔册。乃封安南王。

阮惠襲破孫士毅。復安南。詔封惠為王。

詔班師。而孫士毅貪俘阮惠為功。不還。又輕敵不設備。惠謀知。傾巢來襲。軍中置

酒張樂。夜忽報賊至。士毅倉皇禦敵。賊象載大礮衝陣。城兵黑夜相蹂踐。維祈挈家先遁。士毅渡富良江。斬浮橋以斷後。提督許世享總兵張朝龍以下萬餘人擠溺死。士毅走回鎮南關。盡焚棄糧械火藥數十萬。士馬還者不及一半。命褫職待罪。惠自懼再討。詣闕乞罪。改名光平。遣其兄子光顯賫表入貢。言惠守廣南九世。與安南敵國非君臣。且蠻觸相爭。非敢抗中國。請來年親覲京師。并願立廟國中。祀死綏將士。帝以維祈再棄國。乃允其請。賜維祈以三品銜編旗。尋光平來朝。班親王下郡王上。賜冠帶。光平受封號歸。

廓爾喀入寇

五十五年庚戌。廓爾喀犯後藏。待衛巴忠等許歲幣罷兵。

初後藏班禪喇嘛來朝。賜資山積。及卒。資送其財。皆爲其兄仲巴所有。其弟舍瑪爾巴怒。愬廓爾喀。煽之入寇。待衛巴忠將軍鄂輝成德等。陰令西藏堪布等。私許歲幣以罷兵。時達喇嘛不可。而巴忠擅以賊降節奏。諷廓酋入貢。於是廓酋至藏表貢。鄂輝恐前事發覺。屏不奏。尋廓酋以藏中歲幣背約。再舉入犯。駐藏大臣

全藏

福康安

駐藏

白蓮教

保泰等失備。全藏大震。達喇班禪兩大喇嘛。飛章告急。巴忠扈。駕熱河。聞之。畏罪投水死。鄂輝成德。盡以罪委之。

五十七年壬子。將軍福康安征廓爾喀。平之。

福康安進征。盡復藏地。追勦至雍雅山。廓爾喀震怖乞降。不許。復六戰六克。進攻陽布之國都。賊乘險木石雨下。死傷甚衆。又立戰卻賊。其國南隣印度之地。曰披楞。久屬英吉利。與廓積隙。福康安檄之同時進攻。許事平分地。廓人亦乞援披楞。披楞伴發兵船赴之。實逼其邊。廓酋南北受敵。大懼。再卑詞乞哀。時師方挫。而踰八月。則大雪難歸。乃允其降。班師留番兵三千。漢蒙兵一千。戍藏。是爲官兵駐藏之始。嗣後廓人貢獻不絕。

五十八年癸丑。白蓮教徒劉之協謀反。事覺而逃。乃誅其黨。

教匪劉之協。宋之間。唱教授徒。徧川陝湖北。日久黨益衆。遂謀不軌。倡言劫運。將至。以同教鹿邑王氏子曰發生者。詭爲明裔朱姓。以煽惑流俗。至是發覺。其黨伏

貴州苗

宋如椿

禽吳會

英吉利貢

謀發生以幼童免死。戊新疆。惟戮之。為遺運不獲。詔天下大索。

六十年乙卯。貴州苗石柳鄧反。陷永綏。命雲貴總督福康安征之。

銅仁府苗石柳鄧。乾州鎮軍苗吳半生叛。陷永綏。同知宋如椿死之。詔雲貴總

督福康安。四川總督和琳。合兵勦之。破黃瓜烏龍之苗。貴州略定。會總兵福壽攻

乾州。敗走。苗軍大振。其酋吳八月據平隴。稱三桂後。煽動遠近。自稱吳王。勢轉盛。

石柳鄧等皆附之。時苗酋皆許官爵。花翎。散苗優以金錢。吳隴鄧亦許禽吳八月

自效。八月雖被禽。其子廷禮。義復與隴登仇殺。負隅自若。

英吉利遣使來聘。

英使言。前歲大將軍率兵至西藏西南之的密部落。時英國兵船亦相助。倘嗣後

有需用。西洋兵願效力。我廷始知前此廓爾喀之役。其南界亦有邊警外患也。

以皇十五子為皇太子。

皇十五子神勇內蘇。睿慮淵通。尤婉愉孺慕。曲愜上心。先是三十八年。上遣

家法親書太子名緘固收藏。至是御勤政殿。集王公百官啓緘册爲皇太子。於明年元旦御太和殿。親授寶璽。傳位於皇太子。上爲太上皇帝。

皇朝政典舉要卷五

日本增田貢原著

安毛

滄補編

仁和汪厚昌

訂正

錢塘顧梓田

仁宗睿皇帝

嘉慶二十五年

嘉慶元年丙辰舉千叟宴

千叟宴

乾隆五十九年帝正位東宮。六十年冬高宗以御宇周甲將行內禪之禮。大

學士阿桂酌定儀注。元年元旦帝受禪尊高宗曰太上皇帝。及初四日再舉

千叟宴。

鄂勒登保

福和兩將卒於軍

大學士福康安卒於軍。將軍鄂勒登保斬石柳鄧。金川平。

金川征苗軍士中暑毒多死。大學士福康安四川總督和琳等卒。額勒登保統大

軍合勦斬石柳鄧父子及吳廷義。金川平。

以朱珪為安徽巡撫。

朱珪

防變

時楚豫多邪教。流言多潛伏者。珪曰：疑而索之，是激變也。乃親駐界上，籌防禦。徧蒞穎毫二州，集長老教戒。張文告簡而明，民大感化。

畢沅

湖廣總督畢沅擊白蓮教賊，大破之。

白蓮教

湖北枝江賊張正謨起，詭稱白蓮教。宜都長陽長樂教匪一時應和，四出焚掠。湖廣總督畢沅馳赴枝江，與巡撫惠公調兵進剿，連破蕭家巖、栗子山諸寨。湖北兵皆赴苗疆，故姦民乘虛煽誘，分擾諸縣。當陽等處相繼陷。詔諸將分路攻勦。沅與將軍舒公攻當陽，即選驍勇扼山隘，殲其外援三千人。賊悉力死守。沅親督將士以火攻克東門，賊退守西北，復攻拔之，殺賊二千餘，擒渠魁楊殷元等。縣境悉復。馳至襄陽，擊賊於青河口，破之。

悉平

罷御史謝振定。

謝振定

謝振定巡視東城，有乘違制如道而馳者，捕訊之，則大學士和珅妾弟也。怙勢橫甚，振定痛杖之，焚其車於通衢。事聞，有詔指實，則車已焚，無左驗，竟坐罷官。

直聲震

殺和坤
曹錫寶

劉清得民

自是直聲震天下。和坤敗。特旨以主事起用。
大學士和坤有罪。下獄。尋賜死。

帝親政六日。罪和坤。乃下詔曰。當和坤勢熾。舉朝無一人敢劾者。前御史曹錫寶。獨能抗辭執奏。不愧爭臣之職。宜加優獎。以旌直言。追贈副都御史。

南充知縣劉清擊賊王三槐。破之。

劉清甚得蜀民心。王三槐以教匪作亂。清數以鄉兵破賊於南充廣元間。清撫民及士卒。皆以兒子畜之。人樂爲死。賊素知清名。莫敢與戰。遇之輒逃。四州總督宜綿命清招撫三槐。三槐隨清至總督營。約率所部出降。然其實詭覘虛實。無降意。還營復叛。清尋復至羅其清營。其清故清部民。甚德之。清見其清大哭。其清亦哭。去白袍請罪。蓋白蓮教徒衣白也。留清宿其營。奉牛酒。聽約束。甚謹。復遣卒導清備入。徐冉王冷各營。皆開壘列隊。迎送如禮。惟孫士鳳戎服踞坐。清望之拱手。亦卽下坐。語多桀驁。然卒不敢害清。清歸爲檄。使鄉勇羅恩舉持獻其清。其清傳其

衆終不降。後王三槐俘至京。廷訊。僕言官僞民反。帝曰：四川一省，官皆不善。耶對曰：惟有劉青天一人。青天者，南充知縣劉清也。清前後招降川東賊二萬，皆遣散歸農。然不惟撫賊有恩，其攻賊最力，所練鄉勇尤敢死，嘗破其清文儻於方山。三槐於巴江轉戰川東數歲，大小百十戰，斬賊萬人。其入營而撫，出營而戰，往返虎狼之穴，如慈母訓穉嬰兒。蓋史冊所希有也。後堅壁清野議上。帝命經略大臣一委清。賊遂由是滅。後爲登曹二州鎮總兵。論者謂清以書生而將兵，以循吏而殺賊，以明經陟方面而改武職，有國士風。

有國士風
上皇上月

二年丁巳。太上皇崩。

帝馳驛召安徽巡撫朱珪。珪哭且奔。先上奏曰：竊聞皇上純孝，定欲躬行三年之喪。此舉信邁千古。然而天子之孝，不以毀形滅性爲奇，以繼志述事爲大。君心正而四維張，朝廷清而九牧肅。身先節儉，崇獎清廉。盜賊不足平，財用不足阜。惟願我皇上無忘堯舜自任之心，臣敢不勉仁義事君之道。帝嘉納之。及至京

哭臨。帝執其手哭失聲。自是大事有所咨詢。皆造膝自陳。不草一疏。不沽直求恩。不關白軍機大臣。

湖廣總督畢沅循撫苗寨。卒於軍。

畢沅撫苗

畢沅抵乾州。撫諭苗寨。清釐民苗地畝。給還耕種。咸伏地感泣。各歸生業。各省兵次第撤回。沅遵旨留辰州。罹炎瘴而卒。年六十八。朝野惜之。沅識量宏遠。喜愠不形於色。臨大事沈機獨斷。雖萬口不能奪。出任西陲。拓地二萬餘里。名相宿將。往來邊徼。凡遇機要。皆與之上下諏咨。沅抵掌指畫。洞悉利弊。敷歷數鎮。職事修舉。不以察察爲明。煦煦要譽。所薦拔多至大位。

襄陽賊姚之富。達州賊徐天德等起。侵掠州郡。

姚之富

襄陽姚之富。與白蓮教首林齊之妻王氏。陷竹山保康。犯四川西陽。官兵殺賊不下數萬。賊勢益熾。之富衆數萬。最猖獗。蔓延鄧州新野。攻樊城。互有勝敗。四川奸民徐天德。太平王三槐。冷天祿。並起入陝。分犯興安。陝甘總督宜綿破之。達州賊

禽徐天德

又乘霧犯官兵。總兵袁國璜何元卿俱戰死。將軍恆瑞連破之。鄖陽略定。四川總督董善亦禽徐天德。將軍惠齡亦俘劉榮。而之富等復入河南為寇。

羅思舉

夔州千總羅思舉擊四川賊王三槐大破之。

一人破賊數萬

王三槐敗走雲陽。將與白崖賊合。羅思舉率鄉勇繞其前。獲諜知之。即張所獲賊旗。夜襲賊壘。禽斬四千人。初游擊羅定國使思舉伺賊豐城。歸則請帥死士夜襲。伏兵於外以夾攻。可一舉而殲。衆非之。疑為間諜。思舉大怒。乃請火藥獨入賊寨。縱火。風猛焰烈。賊驚。蹂踐陷崖死者無算。器械山積。是捷。思舉以一人破賊數萬。名震四川。鄉勇從者如歸。思舉因險出奇。以少破衆。長劫營。長用伏。長用間。軍中號羅必勝。常曰。晦夜劫營必勝。崖溝間道必勝。冒旗誘敵必勝。

羅必勝

阿桂

大學士阿桂薨。予諡文成。

阿桂行狀

計聞。帝深悼惜。贈太保。阿桂器識宏遠沈毅。遇大事必籌其始終得失。計出萬全。其在軍。每獨坐帳中。秉燭竟夜。或拍案大呼。則次日必有奇謀。尤善知人所

薦舉者率多賢達。

拿王三槐

三年戊午將軍額勒登保禽王三槐平雲陽。

平雲陽

餘黨冷天祿猶據安樂坪我兵環攻三月不下羅思舉梯絕崖縋死士千人縱火三棚乘昏衝突萬衆將明出寨大呼曰吾豐城羅思舉也賊聞破膽潰奔官兵迎擊大破之川東賊衰。

明亮等平姚之富

將軍明亮德楞泰破賊於三壘河平姚之富。

明亮等連戰殲賊首逆林齊王氏姚之富隕崖死斬其首傳三省。

斬冉文儔

將軍德楞泰惠齡斬冉文儔川北賊平。

川北平

德楞泰惠齡破賊通江殺五千人斬冉文儔川北皆平川東賊王三槐與林亮功合圍開縣水陸並進勢張甚觀成舒亮擊殲五千人亮功中槍死。

以百齡爲廣東巡撫。

百齡惠政

抵任獲洋盜四百人尤多惠政及去任士民遮道留肩輿不得發至夜乃乘馬出

城尋擢湖廣總督。楚多劇盜。悉力禽捕。

福甯總兵朱射斗討川賊羅其清。破之。

朱射斗殺諸賊

朱射斗破羅其清於儀隴。斬千餘人。復擊張碎勝等九人。斬首五百餘級。賊又圍儀隴。馳援之。禽楊王富等三百人。尋斬張良庚。蕭占國。餘賊包正洪據隣水。射斗攻之。禽李有隴。孫成。追至開縣。又禽馬官成。莫以才。正洪負險固拒。射斗直攻。斬之。進平石坪房縣賊。遇疾。就醫夔州。陝西賊攻通江南江。勢大張。射斗力疾急馳。大破之。

力疾立功

四年己未。經畧大臣額勒登保督師川陝。平教匪。獲匪首林之華等。

額勒登保殲林之華。覃加耀。羅其清。及蕭占國。張良庚。冷天祿。明亮亦斬漢川賊。

徐天德。悍賊王廷登。復與冉天元合。楊遇春勦天元於蒼溪。禽廷登於南江。

以劉權之為左都御史。

劉權之

帝始親政。首擢劉權之。深資倚畀。

董誥

以董誥爲文華殿大學士。

命董誥兼國史館總裁。尋高宗實錄成。詔誥在館八年。始終其事。宜加優獎。

其父董邦達。從前未入賢良祠。宜祀之。

詔召前博山知縣武君億。已卒。

武億

武君億。先以忤和珅去官。帝在藩邸。聞其名。及親政。置珅於法。詔舉所知大

臣交薦。勅吏部召之。而先一月卒。前任僅七月。多惠政。勸民節儉。荆范泉書院。

祁金

親課士。訓以綱常。附郭佛寺。多女尼。除老弱廢疾外。悉遣嫁之。有賄以二千金者。

辭曰。汝不聞雷聲乎。某矢壽久矣。

蔣攸銛

以蔣攸銛爲御史。

尋授贛南道。廣昌會匪爲亂。往治。激勵士民。禽首惡。誅之餘黨解散。

以阮元爲戶部侍郎。

得士盛

阮元兼經筵講官。典會試。得士最盛。

楊遇春捷

五年庚申。甘州提督楊遇春勦教匪於蒼溪。大破之。

諸寇冠

楊遇春追賊至龍池場。設伏擒王廷詔。又執馬學禮於龍洞溪。並拘偽帥十七人。尋獲冉天士。王士虎等二百餘人於大池壩。先是龍洞溪之捷。俘馘甚多。乃擇驍健八百人。使立功贖罪。咸伏地哭。願報不殺之恩。及勦冉天元。天元驍桀善戰。爲諸寇冠。經略某將右翼。將軍穆克登布將左翼。與遇春議不合。先三日馳出賊前。賊以奇兵斷歸路。萃精銳衝左翼。後隊黑衣乘高自嶺下冲。短兵接。左軍潰。賊遂攻右翼。遇春據廢寨。斷墻力拒。擲炬山下。照耀如晝。以勁弩射之。矢垂盡而天曙。所部殊死戰。無不以一當百。賊遂敗走。遇春治軍嚴整。雖倉卒衆寡不敵。未嘗少卻。平日樸訥。若無能。遇敵機謀洞中。應變如神。尤不嗜殺。能得降人死力。

遇春九戰

良將風

以孫玉庭爲廣西巡撫。

孫玉庭

孫玉庭蒞任。甲子港盜魁李崇玉勢張甚。吏恐不敢聞。玉庭舟師塞甲子港。別率兵由陸路疾馳禽之。部勒甫定。碣石鎮將李漢升適至。請與俱。玉庭恐僨事。不許。

逸崇玉

械鬪

決積獄

傅鼎

破苗巢

李長庚
破蔡牽

因請而行。已近賊巢。忽鳴排鎗。崇玉方飯。大驚跳逸。比圍其廬。僅獲家眷。有旨逮漢升。人服其先見。潮州俗獷悍。毛髮之際輒割刃。其同姓者聚黨復讎。於是合衆而鬪。名曰械鬪。習以為常。鄭為兩姓相鬪。互殺百六十人。有孫映輝者。前金鄉令也。仇生員林哲。斃其族二十三人。林亦斃孫氏滅其二。獄積五年不決。玉庭往鞠之。梟馬姓二十餘人。而奏擬映輝職。餘按律抵罪。遠近肅然。

六年辛酉。貴州苗叛。知府傅鼎擊破之。

石峴苗反。煽動十四寨。并糾合楚苗。各寨沸然。邊民赴愬。雲貴總督琅玕檄傅鼎會勦。三日盡破諸寨。賊據岨屯溝。鼎使黔兵攻其前。自領鄉勇夜探山後。徑蹂升而上。連拔五巢。其破上下潮也。萬山一峽。苗以死守。乃夜分兵左右圍之。親督兵勇礮擊之。火其寨。殲苗二千餘人。建碉堡守之。

八年癸亥。浙江總兵李長庚。大破海賊蔡牽於溫州。

李長庚連敗蔡牽。牽僅以身免。窮追至閩洋。賊糧竭。艇且朽。乃為乞降於總督玉

靈船

賊朱漬
長庚大捷

服官五十
餘年

王杰

德玉德許之。牽得以間繕檣，裹糧揚帆去。浙兵追之無及。尋又擊牽於溫州，奪舟且沉燔者六，斬獲無算。牽畏靈船甚，乃造巨船，高於靈船，刦掠甚熾。遂刦臺灣米數千石，分餉朱漬。遂與之合，攻殺溫州總兵胡振聲，連鯨八十餘，入閩。閩兵不敢擊。詔長庚總統閩浙水師，專勦蔡牽。以溫州海壇二鎮為左右翼，擊賊馬蹟洋。牽漬結為一陣，長庚督兵衝貫其中，斷賊為二。追沉其二舟。又斷牽坐船篷索，終以船高得遁去。牽責漬不用命，漬怒，遂與牽分。而牽勢亦少衰。

十年乙丑，以朱珪為體仁閣大學士，管理工部事。

帝以是命為遵。先帝遺詔也。命朱珪詣裕陵謝。尋卒。年七十六。制曰：大學士朱珪，持躬正直，砥節清廉，經術淹通，器宇醇厚。服官五十餘年，依然寒素。家庭敦睦，動循禮法。洵不愧為端人正士。賜諡文正。

東閣大學士太子太傅王杰薨。

王杰薨，年八十。諡文端。杰由大魁陟宰輔，與和坤同列。和坤斥不附已者，杰接以

五典試

楊遇春

陝兵敗

楊遇春敗

大體而密贊廟謨立朝四十餘年凡五典會試

甯陝兵叛陝西提督楊遇春討之敗績總兵楊芳單騎入營降賊魁蒲大方

楊遇春入朝總兵楊芳赴固原副將楊之震護甯陝營卒陳達順陳先倫怒停米銀事糾衆叛殺副將游擊賊黨蒲大方以楊芳素得士心先護送其家於興安而後歸從賊楊遇春行至西安聞變卽發兵進勦詔德楞泰爲欽差大臣討之賊奔華陽破洋縣脅數千人芳帥固原兵二百人馳至石泉攻賊於孝義廳賊分兵窺子午谷芳往扼谷口遇春又以兵五千自洋縣進擊德楞泰以四千繼之賊攻鄠縣芳復馳救鏖戰終夜身受數創黎明賊知其爲芳而引去時賊勢振至萬人又選步騎三千爲前鋒改推大芳爲首魁迎遇春於方柴關戰數合殺傷相當大芳陷陣力戰伏賊繞出陣後官兵大潰遇春僅率親兵數十登山斷後賊追至忽反走乃收潰卒扼方柴關次日芳馳至謂遇春日叛兵皆百戰之餘驍悍習地利而官兵勤勞九年瘡痍未復且與叛兵皆同功一體之人以兵攻兵終無鬪志賊

楊芳單騎
說賊

兩戰見吾二人皆辟易。尙有舊部之誼。請公按兵緩攻。某單騎入賊營。曉以順逆。遇春從之。時賊矛戟林立。勢不可測。衆叩馬力抑。芳曰。我與楊公計之熟矣。天佑蒼生。我必不死。爲國息兵。卽死且得所。何恨。遂策馬前。萬衆錯愕。芳固得兵心。又善操縱。往見大芳。卽痛哭曰。我與汝曹戮力數年。同患難生死。今對壘如仇敵。吾不忍見汝曹罹族滅禍。請先殺我。於是衆皆哭。逾二日。大芳誘縛先倫達順。以衆降。德楞泰以叛卒窮蹙乞命。奏請首惡二百二十四人盡釋歸伍。

十一年丙寅。知府傅鼐擊貴州苗。平之。

沈希儀遺
法

大小百戰

苗兵三長

先是鼐屢破苗兵。生禽首逆石宗四。是役也。賊戕良苦。故鼐得驅策苗兵深入。轉戰月餘。破寨十六。殺二千人。餘寨皆乞降。永綏苗一舉而平。鼐治苗專用明沈希儀鵬勦法。大小百戰。殲苗萬計。而所用不過鄉兵數千。則訓練之力也。大抵苗疆用兵。異他處。窮山峭壁。苗人驀越如平地。一長也。地不可容大衆。其進無部伍行列。退則獸散於密箐中。伏賊忽起。從暗擊明。敵難猝防。二長也。銃鏡且長。隨山伏

囊沙習步

飛隊

養士法

破蔡賊
許松年

全臺灣

起多命中。惟腰繩藥。無重衣裝。三長也。鼎因苗地。用苗技。先囊沙輕走以習步。兼習藤牌閃躍法。狹路則短兵制之。每戰還必嚴汰。數年始得精兵千。號飛隊。優養勤練而嚴節制之。行山溯風雨而行。列不亂。遺資於道。士無反顧者。鼎共甘苦若妻孥。哭陣亡若子弟。報公憤若私仇。故能致死如一。

福建提督李長庚擊海賊蔡牽破之。

蔡牽合大隊攻臺灣。別部屯洲仔尾。沉舟於鹿耳門。阻官兵。李長庚至。不得入。乃遣別將乘澎湖船進攻。獲三千艘。俘千餘人。復破之於柴頭港。總兵許松年夜焚洲仔尾。牽返救。長庚自後焚其舟。松年進蹙之。賊大敗。明日又擊陸賊。牽困守北仙。以鹿耳門沉舟自塞走路也。越二日潮驟漲。沉舟漂起。牽奪門出。長庚追奪十餘艘。是役也。松年為前鋒。先後殲賊數萬。尸橫數十里。臺灣獲全。長庚所將。止三千人耳。

十二年丁卯。以百齡為兩廣總督。降海寇張保。

百齡

單騎平賊

詫爲天人

李長庚烈
戰死

王得祿

時粵洋久不靖。巨寇張保挾衆數萬。勢甚張。奏撤沿海商船。練水師遇盜輒擊之。羣魁奪氣。始有投誠意。然恐誅不遽來。揚言望見制府顏色。乃降。衷甲頓舟以待。實藉爲嘗試地。百齡曰。粵人苦盜久。今乞降。若不坦懷待之。海氛何由息。遂單船出虎門。從者十數人。保巨艦數百。轟礮如雷。烟燄蔽天。保自環百齡船作跪迎狀。百齡危坐舟中。屹然不動。麾保近前。曉以利害。見者睚眦膽落。詫爲天人。皆面縛。丐命。百齡立撫其衆。許奏乞貸死。旬日解二萬餘人。縱四百餘艘。復令保招降賊酋烏石二。以計誘至雷州。并從者百餘人。斬之。全海肅清。

福建提督李長庚。大破蔡牽。中礮卒。

李長庚進敗蔡牽。追入粵海。時朱濟已爲許松年所殲。其弟渥降。牽黨敗散。止三舟矣。長庚率親軍當牽大船。搥鼓搏戰。擊破牽篷。又以火船維後。船燔之。躍入其船。幾自擒牽者再。其奴林阿小素識長庚。暗由船尾發礮。中喉而仆。當是時。閩粵水師合勦。十倍於賊。而張見陞庸懦。見中軍船亂而退。牽得遁安南。長庚裨將王

蔡賊自盡

得祿誓雪讎憤。明年合勦。率於定海之漁山。大破之。率窘急。舉礮自裂其船。沉海。閩浙二洋皆平。

十三年戊辰。逮兩廣總督吳熊光。戊伊犁。

英吉利船

吳熊光

英吉利兵船十三艘泊香山雞頭洋。其酋度路利以兵船三入黃埔。并有三板船入省河。聲稱防禦法蘭西。意殊難測。故事外洋兵船或寄內洋。俱調兵驅逐。吳熊光念海寇雖稍戢。而師殊老。務為鎮靜。唯喻英人令歸國。而英船遷延至十月起碇。詔奪熊光職。遂逮戊伊犁。

封安南阮福映為越南國王。安南擊英吉利船破之。

阮福映

禁鴉片烟
天主教

阮福映先復全境。遣使入貢。陳為黎氏報讎。且奏其舊封農耐古越裳之地。今并安南。乞以越南名國。詔封越南國王。初安南禁鴉片烟。天主教久絕其市舶。是年英吉利之將駐印度者。聞越南新造可乘。驅十餘艦入富良江。越南人盡斂舟藏之。數百里如無人。伺英船深入。小舟百餘夜出下流。乘風縱火攻之。燼其七艦。

海口餘艘僅得脫。

十五年庚午。以鄧廷禎爲西安知府。

時南鄭韓城有死囚皆受誣。廷禎平反其獄。

十六年辛未。大學士戴衢亨薨。賜諡文端。

國初承前明舊制。機務出納由內閣。軍事下議政王大臣。雍正初西北陞用兵。始設軍機處。特簡重臣親臣爲軍機大臣。於是內閣之任轉輕。故我朝軍機大臣。其重與魏晉六朝唐初之中書令。五代之樞密院等。必大學士兼領軍機。乃可謂之當國。其專直殿閣者。雖膺大拜。實屬閑散。惟戴衢亨由大魁秉政。前後直樞廷三十年。知無不言。言無不盡。以至教匪戡定。厥功多焉。卒年五十七。賜諡文端。

帝西巡。幸五臺山。

以蔣攸銛爲兩廣總督。

時英吉利有護貨兵船擅入內洋。攸銛命停貿易。英人乃遵約如舊例。

鄧廷禎

戴衢亨卒

樞軍大臣

大魁秉政

蔣攸銛督兩廣

天里教

強克捷
捕賊首

襲內城

官官內應

十八年癸酉秋。帝彌木蘭。天里教賊李文成林清謀反。襲京城。留守諸官擊破之。林清伏誅。

天里教者。亦名八卦教。聚眾歛財。愚民苦胥吏者爭與焉。河南滑縣李文成。直隸大興林清爲之首。妖煽徒眾。指星象應在十八年秋九月十五日午時。文成黨數萬。清則密邇京邑。賄通內侍。外倚文成之眾爲援。將乘駕幸木蘭回鑾作亂。謀已定而中外莫知也。滑縣知縣強克捷聞之。捕文成斷其脛。賊不能俟期。遂於九月七日聚眾三千破滑。出文成於獄。強克捷死之。直隸之長垣東明。山東之曹州定陶金鄉。同時殺官陷城。乃命直隸總督溫承惠。河南巡撫高杞。山東巡撫同興。合兵討賊。諸賊倉皇起事。不及赴林清外應之約。清及期使其黨二百人潛入內城。藏兵械混酒肆中。日晡分犯東西華門。首裹白帕爲號。太監劉金引其東。高廣福引其西。闖進喜爲內應。清自居橫村。尙覲河南賊集而後進。時入東華門之賊。卽爲護軍關門格拒奔散。其入西華門之賊。反關以拒官兵。賊得內監鄉導。已

賊攻諸門

皇太子殪

綿志
雷震反賊
賊敗

旋蹕

下詔罪己

皇朝正典 卷三

知大內在西。誤由尙衣監文穎館斬關入。侍衛急閉隆宗門。賊至不得入。太監常永貴殺二賊於倉震門。皇子等在上書房聞變。皇次子急命進撤袋烏銃腰刀。命諸太監登牆以望賊。俄有手白旗攀緣踰養心門者。皇次子發烏銃殪之。再發再殪。貝勒綿志亦以銃殪賊。賊乃不敢進。將火隆宗門。遇留守京師諸王大臣率禁兵自神武門入衛。敗賊於中和殿門外。薄暮忽大雷電。數賊震死。餘股票竄匿。先後就禽。并禽通賊諸太監。十六日飛報。行在。帝行獮至伊瑪圖。忽山潦驟發。遂旋蹕。命皇子先歸。故得靖內難。及得警報。則駕已至白湖。時京師連日大風。揚沙晝暗。謠言四起。警擾達旦。十七日。回蹕駐烟郊。下詔罪己。并責中外諸臣泄沓尸素。致開歷朝未有之禍。以功封皇次子爲智親王。貝勒綿志進郡王銜。諸大臣賞黜有差。以尙書英代倫爲步軍統領。是日禽林清於黃村。十九日。駕自烟郊還宮。人心始定。帝御瀛臺。親訊首逆。及通賊太監。皆磔之。傳首畿內。

楊遇春破賊

將將軍

劉清

文吏善戰

陝西提督楊遇春總兵楊芳連破賊李文成燔死。

李文成既據滑以脛創甚不能言出。又使其黨圍濬。而萃精銳於道口鎮。恃運河之糧以戰守。且爲諸賊號召。承惠等按兵不動。乃以陝甘總督那彥成代之。陝西提督楊遇春副之。又調滿洲健銳火器營兵千。及西安徐州兵數千。遇春卽日率親兵八十。破賊數千。追渡河。禽斬二百餘賊。賊敗入道口。遇春還北岸。斷浮橋。焚渡船。欲營其地。扼咽喉。高杞等不可。那彥成亦聞賊盛不遷。詔切責之。遇春以固原兵多斬獲。賊望見髯將軍輒披靡。又敗滑城援賊二千。遂奪道口。燒萬餘人。復擊走桃源賊三千於城東。進圍滑城。時山東鹽運使劉清大破曹州賊。復定陶。清以文吏善戰。身先士卒。山東略平。直隸總督章煦亦禽賊首馮克善。直隸亦定。詔索倫兵悉赴河南。滑縣爲古滑州舊治。城堅厚。外磚石。內土沙。大礮攻之。遇沙而止。賊運道口糧時城中足支一載。嚴令居民無敢內應。官軍圍滑三面。惟北門隔葦塘未合圍。於是桃源賊首劉國明潛入滑。護文成出收外黨。西入太行。

滑城堅

桃源賊

楊芳

楊芳連捷

阮元平賊

天地會匪

湯金剛

為流寇計。文成歷創不能騎。乃車載出北門。招賊四千。據輝縣山。那彥威遣總兵楊芳追之。芳伏騎白土岡。誘賊佯走。伏起。敗之。殺二千人。文成窮窘。縱火自焚死。陝西總兵楊芳克滑城。俘逆首牛亮臣。

時文成死。滑城未下。陝西賊又起。官軍掘隧皆為所破。楊芳陽築柵進攻。潛掘舊隧。滿實火藥。至期將卒皆擐甲以待。平明。西南城崩裂十餘丈。官軍奮前登城。巷戰至夜。殺賊二萬。免老幼男婦二萬人。俘首逆牛亮臣、徐安國等。檻送京師。滑縣平。明年芳入陝。大破賊。禽逆首譚貴等。以功擢甘肅提督。

十九年甲戌。以阮元為江西巡撫。禽賊首胡秉耀。

時豫東邪教初平。餘黨煽亂。未毛俚假託明裔謀逆。阮元馳往。禽胡秉耀等十七人。誅之。尋獲崇義縣天地會匪。體剛誅之。民情大安。

二十一年丙子。以內閣學士湯金剛督江蘇學政。

帝手勅曰。江蘇士子不患。但須植德。其勉力訓誨。務得真才以佐國政。

劉權之

二十三年戊寅。體仁閣大學士劉權之薨。

劉權之。歟。歷京秩五十餘年。以學行結主知。當官能舉其職。有所敷奏。嘗不令人知。

二十五年庚辰。七月己卯。上疾大漸。戌刻。崩於避暑山莊。宣宗卽位。

仁宗遺詔

時。帝駐蹕避暑山莊。是日崩於行殿寢宮。遺詔曰。十八年禁門之役。直踰宮

垣。皇太子手發火槍。連斃二賊。餘黨驚墜。禁籞獲安。厥功甚鉅。今疾彌留。神器

至重。允宜傳付。皇太子仁孝智勇。必能欽承付託。其卽皇帝位。以嗣大統。仁

宗英察果斷。寬仁大度。在位二十五年。聖壽六十有一。

皇朝政典舉要卷五終

皇明文獻通考卷五百五十五 嘉慶朝

十二

A large rectangular frame containing several vertical lines, creating a grid-like structure. The frame is mostly empty, suggesting it was intended for text or a diagram. There are some faint marks on the left side of the frame.

皇朝政典舉要卷六

日本增田貢原著

遂安毛

淦補編

仁和汪厚昌

錢塘顧梓田

訂正

宣宗成皇帝

道光三十年

道光元年辛巳閩浙總督董教會卒。

教會宏毅明果。在當時督撫中最有聲。嘗謂人不可為無益事。不可出無益語。不可用無益錢。又云刻己為儉。儉於人為刻。人知儉與刻之分。其於涉世也思過半矣。

以嚴如煜為陝西按察使。抵任七日卒。

擢漢中知府嚴如煜為陝安兵備道。如煜周歷數千里。相度形勢。增營改汛。興修水利。帝每與廷臣言疆吏才。未嘗不首及如煜。尋拜陝西按察使。入見。奏對稱旨。抵任七日而卒。秦民巷哭。如失父母。

嚴如煜

董教會

兩廣總督阮元奏修廣州邊備。

阮元平盜

禁鴉片

洋人憚阮元

趙慎軫平盜

阮元奏設郵發局。修廣州城。及鎮海樓。建山水行臺書院。在粵十年。兼署廣東巡撫者六。水陸多盜。前後嚴捕數千計。又擣姑婆山巢。其盜患乃息。西洋貿易多賣鴉片。元惡之。乃疏請禁鴉片。以嚴馭洋商為務。遇事裁抑之。洋船在黃浦殺人。元命必得犯人乃已。洋商不能庇犯人自刎死。又有擊殺民婦者。亦絞決抵罪。洋人憚之。

以趙慎軫為閩浙總督。邊海盜寇盡平。

廣東布政使趙慎軫入覲。帝諭曰。卿誠實不欺。其益勉之。尋除閩浙總督。治軍旅。重申條約。徧頒諸鎮營汛。命諸鎮詳陳文武優劣。驗之以事。故所用皆得人。漳泉江廣人。多租山立廠為業。凡十餘萬人。游民混跡。盜匪為害。慎軫就地勢聯絡立鄉總。盜至鳴鉦逐捕。盜首皆就獲。所部晏然。

三年癸未。以林則徐為江蘇按察使。

林則徐政

孫玉庭

林則徐年二十七成進士。選庶吉士。派習國書。授編修。益究心經世學。識者知為公輔器。仁宗朝授杭嘉湖道。修海塘。興水利。士民德之。至是擢江蘇按察使。決獄平恕。民頌之曰林青天。

四年甲申。罷兩江總督大學士孫玉庭。

河決高家堰。孫玉庭被議撤任。玉庭以廉介結主知。歷事三朝。款歷中外。五十餘年。清操碩德。為天下望。生平嚴重。識大體。劔別姦黨。撫綏遠人。不邀旦夕不可必之功。銷患未萌。天下陰受其賜。

回人叛

六年丙戌。回酋張格爾叛。陝甘總督楊遇春擊之於渾河。大破之。

楊遇春破回逆

回酋張格爾叛。屢寇喀什噶爾邊。將軍慶祥遣兵五千勦之。先後戰沒。敖罕酋亦助張格爾。遂陷喀城。命大學士長齡為揚威將軍。以陝甘總督楊遇春為參贊。遇春連破賊。禽斬數萬。追至渾河。虜悉衆一戰。列陣二十里。會大風揚沙。晝晦。長齡欲待霧進。遇春日。天贊我也。賊不知多少。必不虞我。乃遣千騎赴下流。牽賊勢。

自率大兵渡上流。破勢與風勢相激。直突虜軍。大破之。復喀什噶爾。遇春結髮從軍。大小數百戰。身先士卒。勇冠諸將。陷陣冒矢石。未嘗受傷。彼蒼愛才。殆有默相歟。

楊芳平回

甘肅提督楊芳擊張格爾禽之。

楊芳請從軍。破賊。獲牲畜糗糧。進抵回城。又大破之。復與楊遇春大破張格爾。斬馘數萬。又斬逆酋玉努斯。復和闐。與遇春至蔥嶺。有浩罕賊二千。誘官軍入伏。鏖戰一晝夜。軍幾殆。乃步步爲營。嚴陣出險。帝責諸將孤軍深入。召遇春。以芳代之。芳縱反間。言官兵全撤。張格爾果襲喀城。芳嚴兵以待。賊至破之。又星夜追擊。斬獲殆盡。遂禽張格爾。芳沈毅有幹略。通經史大義。少受遇春之知。執從子之禮。甚謹。威望與之埒。天下稱二楊。

二楊

阮元靖邊

以阮元爲雲貴總督。鎮靖邊夷。

滇省鹽政久刑弊。歲紬課十餘萬。元首劾蠹吏。力塞井竈之私弊。乃疏請酌留溢

獮

額銀兩備邊費。騰越有野人一種。茹毛穴處。時爲邊患。保山夷曰獮。以墾田射獵爲生。持桑弩毒矢。好格鬪。野人畏之。元以萬金招獮三百戶。置騰越邊界。給地屯種。以禦野人。於是南甸隴川土司二十餘寨來乞降。

受俘

八年戊子。帝御午門受俘。命誅張格爾。

回疆戡定。帝親受俘。兵部尙書王宗誠以組縛逆酋張格爾跪闕下。宣旨畢。引交刑部尙書赴西市斬之。故事。凡內地勦賊不獻俘。惟外夷獻俘。故惟康熙雍正乾隆間舉行。而嘉慶朝無之。故衆爭觀以爲盛事。

請容安

九年己丑。請伊犁參贊容安。

敖罕安集延流寓之虜萬餘人。攻喀什噶爾。焚回莊。伊犁參贊大臣容安統師赴援。至阿克蘇。畏虜不進。虜飽颺而去。詔責容安逗留之罪。請之。其父那彥成亦坐免。乃以長齡爲欽差大臣。同楊芳哈朗阿馳至軍。與伊犁將軍玉麟經理邊事。十年庚寅。以朱楨桂爲廣東巡撫。

朱楨桂

蔣攸銛卒

蔣攸銛薦
賢

浩罕納貢

朱楨桂兼兩廣總督。粵地接外洋。其俗獷悍。玩禁令。楨桂申法制。釐海舶。在粵數年。莠民革面。西洋諸國皆奉約束。

故大學士蔣攸銛卒。

蔣攸銛坐鹽梟事。左遷侍郎。召入都。途卒。帝深悼惜焉。攸銛性聰強。熟左氏。其爲政明而不苛。清而不刻。修武備。清吏源。尤壹意培植賢才。所薦者多躋顯秩。

十一年辛卯。浩罕遣使來盟。通商納貢。

浩罕聞官兵大至。遣使求貢。俄羅斯欲以乞援。俄羅斯以浩罕新構釁於我。拒其使。不許入境。浩罕以無外援。乃有求市意。帝命長齡至喀城。則浩罕已遣三頭目來訴前事。並請通商。長齡留其一使。奏言安邊之策。振威爲上。羈縻次之。浩罕無城池。皆以騎衝陣。不能馬上施銃。遇連環鳥槍。則先奔。然其中有鐵列克嶺。兩山夾河。道僅容騎。兩日方能出隘口。不便遠涉。寄信開導。爲羈縻之計。命如其請。浩罕大喜。遣使通商納貢。

永州
亂
猺作

天地會

盧坤破
猺

羅思
舉方
取

永州猺趙金龍犯湖粵。

錦田趙金龍與常寧猺趙福才以巫鬼惑其衆。時楚粵奸民結天地會。屢劫猺寨牛穀。于是金龍煽動其黨。倡言復讎。使趙福才糾合廣東猺湖南猺六七百人。焚掠兩河口。殺天地會徒二千餘人。

十二年壬辰。湖廣總督盧坤破趙金龍。斬之。

時湖南提督海陵阿爲金龍所殺。副將游擊皆戰沒。新田知縣王鼎銘死之。桂陽常寧猺應之。衆號數萬。官兵所調常德水師。荊州滿騎。皆不習山戰。湖廣總督盧坤始至。奏罷之。改調鎮筸苗疆兵。會貴州提督余步雲。雲南副將曾勝。皆來助。距猺巢十餘里。會大雷雨。官兵乘勢進勦。猺悉衆抗拒。各路兵合圍。湖北提督羅思舉。晝夜督將士立泥淖中。擲火弩。斃數千人。猺黨趙立鳳乞降。思舉佯許之。攻益急。擒頭目數百人。金龍易服遁。爲官兵所殺。會廣東猺趙仔青。糾數千人。聲言爲金龍復仇。坤率步雲勝敗之。禽仔青。廣西猺盤均華亦起。官兵禽誅之。廣東連山

本陳如海

連州獠

黃瓜寨獠復煽亂。官兵初失利。曾勝往勦。遂平之。未幾。越南奸民陳如海。又入內洋為盜。坤擊沈其八船。餘寇悉平。

總督李鴻賓討連州獠。敗績。禧恩等討平之。

連州八排獠作亂。李鴻賓同提督率兵六千。三路進攻。獠伏險突擊。三路兵皆敗。死者十餘人。禧恩余步雲再攻。遂降之。

江西
林則徐撫

以林則徐為江西巡撫。

時吳中洵饑。林則徐奏免通糧籌賑。卹盡結京控諸獄。味爽視事。夜半方息。數年如一日。江南人文甲天下。鄉試常萬六七千人。入鎖院時。竭一晝夜之力。不能畢。有擁擠仆斃者。則徐創設信礮。立燈牌。陰以兵法部勒之。日晡而畢。

十三年癸巳。故湖廣總督太子太保吳熊光卒。

吳熊光性樸直。能言人所不敢言。其吏於郡也。大率多政績。

十七年丁酉。以林則徐為湖廣總督。

廣
則徐督湖

時荆襄苦水患。歲以爲常。則徐修築隄工。躬自監視。

十八年戊戌冬。命林則徐以欽差大臣蒞廣東。查辦海口事務。

十九年己亥。鴻臚卿黃爵滋疏請禁鴉片。

黃爵滋

黃爵滋請禁鴉片有旨。下中外大臣議。湖廣總督林則徐條陳利害。深切著明。帝嘉之。

以林則徐爲兩廣總督。禁英人輸鴉片。

則徐督兩廣禁鴉片

林則徐赴廣東嚴禁貿易鴉片。乾隆嘉慶兩次焚鴉片數千函。以除民害。嗣後禁網漸弛。遂販至數萬函。帝患之。特命則徐便宜從事。則徐命英商出所蓄鴉片。張兵威臨之。英商懼呈千餘函。則徐責其少。英商不服。乃命斷其餽餉。英商窮困。盡數送呈。則徐示衆焚之。又復諸國互市。獨禁英商。英人大怒。以兵艦迫曰。不復互市則戰耳。則徐不應。英人侵我船而去。則徐大修海防。會伊斯把爾亞船在洋。我兵疑爲英船。襲燒之。英人來援。其將蘇密多伺廣東之戰稍利。復分兵寇香港。

與英兵戰

陳化成

陳佛

伊里布
英酋

譚林則徐

互有勝敗。英人復乞互市。則徐固執不許。

二十年庚子。以陳化成爲江南提督。

英人以禁鴉片構釁。擾海疆。化成守吳淞。時以英人就撫。廣東將撤防。化成獨謂
欵約不可恃。請留所部兵不去。冬雪方盛。平地積數尺。時掉小舟往來海濱。風浪
中。或踏雪按行部曲。嫗煦如家人。軍中呼爲陳佛。

英人圍甯波將軍。伊里布禦之。禽其女酋。

英國發戰艦數十艘。來犯舟山。分路侵浙東。遂圍甯波。以伊里布爲大將軍。赴餘
姚禦敵。英艦膠沙而止。鄉勇集攻。有女酋挺身奮鬪。手斬數人。鄉勇辟易。一人揮
槍自後撞之。女酋傷。衆因禽之。并獲二十餘人。女酋其國王第三女也。英將致書
餘姚。令曰。還王女。則還侵地。令請命於廣督。不報。英人遂至京師。請和。帝命欽
差大臣琦善赴廣東議之。

二十一年辛丑。褫兩廣總督林則徐職。謫伊犁。

琦善伊里
布被職

及中英和議起。林則徐爲忌者所中傷。謫伊犁。則徐在塞外奉命勸辦開墾事宜。親歷庫車。阿克蘇。烏什。和闐。喀什噶爾。及伊拉里克。塔爾納沁等城。縱橫三萬餘里。水利大興。稍暇則以筆墨自娛。獲者寶之。在官事無巨細。必躬親。家居必熟訪民間利病。白諸當道。民心大服。

褫欽差大臣琦善伊里布職。

伊里布琦善奉命赴廣東議和。英將曰。不還王女。則大舉報之。琦善等私斷返王女。褫林則徐職。于是英人撤浙東兵而駐廣東。悉奪洋館。兵勢甚熾。帝大怒。責伊里布琦善見給奪其職。起用林則徐經理浙東。命親王綿璉爲大將軍。統師赴廣東。英將恐襲擊。棄館入船。我兵追擊于海中。失利。英兵登陸。復取館。我兵再戰不捷。英將請我退兵六十里。償金六百萬兩。乃罷兵。許之。英兵乃去。時東印度鎮將嘆嚙噎奉女王命。以三萬二千人至澳門。英軍大振。再犯廣城。陷香港。厦門。進攻定海鎮海。

英人陷定海。總兵葛雲飛、王錫朋等力戰死之。

葛雲飛、王錫朋往鎮定海。定海之城，三面據山臨海，無屏蔽，輒議請城其三面，列巨礮塞竹山門深港。已而英人集廈門，復請增礮備船，皆不省。英人果犯定海，攻竹山門，又窺東港浦，皆擊卻之。于是雲飛駐土城，王錫朋守曉峰嶺，鄭國鴻守竹山門。英船二十九艘，衆二萬餘，我兵僅四千。飛書大營請濟師，不許。戒死守。毋望援。天雨浹旬，雲飛往來潦中，屢戰卻敵，相持數日。會大霧，英人全隊逼土城。我兵礮沉其舟。英人分攻曉峰、竹山，曉峰無礮。英人奪間道下攻，破竹山，薄土城。雲飛率所部二百餘人持刀步鬪。英酋安突得執綠旗麾兵進。雲飛罵曰：「逆賊終污吾刀，斬之。」刀折，復拔所佩刀再衝敵軍。至竹山門，方仰登，敵刀劈其面，血淋漓，猶登。忽礮洞胸而沒。當寇之逼也，行營有藥桶二，雲飛納火線，書曰「軍餉」。城陷，英兵爭取之，火發，焚數百人。義勇徐保夜探雲飛屍，見兩手握刀不釋，立厓石下。王錫朋亦手殺數十百人陷陣死。處州總兵鄭國鴻亦力戰死。是役也，府帥觀望不救，故

英陷乍浦

三總兵敗。

二十二年壬寅。英人陷乍浦。都統長喜。同知韋逢甲等力戰死之。

英將嘑咄。攻乍浦。先使輪船探津口。商民震悚。避難者相蹈死。時城中兵集而旗色慘淡。衆爲之危。英艦六艘。大如邱阜。我兵望之而氣索。所發礮丸。落水不達。英人大笑。以一艦迫。碎礮臺。先鋒五百人。自唐家灣登。直突南門。南門破。英兵益進。陷東門。都統長喜。同知韋逢甲。帥張惠。周恭壽。欲騎戰。蹶之。英兵林立。籠劍。統而跪。陣堅不可犯。周恭壽奮然策馬直突。三將繼馳。血戰斬百餘人。恭壽中丸墜馬。猶瞋目決起。斬數人而死。我兵敗。退保胡廬城。長喜逢甲亦奮戰俱死。都統徐雲在城先刎死。是役也。閩女殉節者。劉鳳姑。七姑。胡娘之屬。英人亦稱逢甲等爲好官云。

英人陷乍浦。逼吳淞。江南提督陳化成力戰死之。

英人陷乍浦。戈船三十艘。逼吳淞。吳淞以東西礮臺爲犄角。西礮臺在海口。北距

陳化成戰死

周恭壽戰死
長喜死節
閩女殉難

英兵將敗

牛鑑誤軍

英人陷鎮江

裕謙陣亡
祥雲陣亡

寶山大里。陳化成扼西礮臺以守。時制軍牛鑑在寶山。懼甚。化成對曰。無恐。以礮扼險。可決勝。公第坐鎮。毋輕出入也。又語參將周世榮曰。吾與汝福皆不薄。周愕然。化成曰。詰朝戰而勝。則受上賞。不然亦俱不朽。非福而何。明日英船排江進。化成登臺執紅旗揮戰。轟礮及千聲。自卯及巳。壞六七艘。英人沮欲退。我兵噪而奮。牛鑑聞師利趨出。及三里。英人從檣上覘其幟。駕礮狙擊之。鑑跳而免。師遂潰。英人併力攻急。世榮請奔。化成拔劍叱曰。庸奴。誤識汝。世榮逸。英人登岸。礮彈雨下。化成顛復起。猶手燃巨礮。創重歎血死。年六十七。同殉者守備龔齡增。以下合八十餘人。吳淞既陷。越十日。嘉定令練廷璜得屍葦中。百姓罷市哭奠。詔立專祠。謚忠愍。世襲輕車都尉。

英人陷鎮江。欽差大臣裕謙等死之。

英兵已陷吳淞。破橫江鐵鎖關。直進。我兵七萬人沿江列營。無他奇策。英船深入鎮江。陷府城。將軍齊慎夜遁。欽差裕謙副將祥雲海齡等皆戰死。南京大震。

與英議和

命伊里布琦善會英將噶嘑渣定和議。

英兵取鎮江乘勝進至燕子磯距江甯僅三十里。帝知其不可防復用伊里布琦善馳援請和。遂會噶嘑渣于江甯為盟書。其略曰。中國焚滅鴉片。償銀二千六百萬兩。以廣州福州寧波廈門上海為英國交易之區。香港為英國租界。中英官吏以同等交接云。

布噶爾滅浩罕

布噶爾伐浩罕滅之。

布噶爾虜浩罕王子伯克來告捷。布噶爾尤強大。先以女嫁浩罕。伺之多年。遂滅之以為屬部。

臺民殺英人

臺灣民殺英人。總兵洪達免。

英人遇颶於臺灣而船壞。臺人惡英人有年。乘其難禽船人。總兵洪達命殺之。英將噶嘑渣致書曰。暴殺如此而不罰。則我將以兵問之。命解洪達職。使琦善

謝之。

洪達免官

李沅發反

鄧紹良平賊

魏源

編聖武記
海國圖志

林則徐督
陝甘

守備李沅發作亂。新甯千總鄧紹良擊禽之。

鄧紹良自幼以將略自許。補鳳凰廳把總。從征崇陽。身被數創。裳甲盡赤。以功擢千總。嘗守備。李沅發為亂於新甯。紹良帥五百人擊之。賊悉銳迎戰。紹良搗戈直前。所部從之。賊辟易。仍據險抗拒。紹良命將士乘晦銜枚登山。噪而馳。賊驚潰。不知所為。蹂踐死者無算。遂生禽沅發。檻送京師。

以魏源為中書舍人。

魏源借觀史館祕閣所藏。及士大夫私家著述。多識國初以來軍國要務。是年英人屢陷閩疆。軍問沓至。源慨然發揮蘊蓄。排比經緯。馳騁往復。著論議若干篇。又編聖武記。使天下後世咸仰天朝威德。復據林則徐所譯洋人之四洲志等。述海國圖志。其命意蓋欲以洋攻洋。以洋欺洋。師洋技以制洋人。誠宅中馭外之良策也。

二十五年乙巳。以林則徐為陝甘總督。

李星沅平
緬甯

林則徐免戍再起。及臨任。會野番肆劫。先命鎮將防護馬廠。時承平久。營政弛。則徐出按邊。命演巨礮。舉營無知者。一老卒能之。立授以官。士氣爭奮。尋勦番族。漢奸殆盡。明年遷陝西巡撫。關中旱。民不能耕。爭殺牛以食。則徐曰。如此則來歲又饑也。命官收牛。償其值。勸富民質牛。予以息。次年乃大有秋。

二十六年丙午。以李星沅爲雲貴總督。平緬甯賊。

時緬甯回賊作亂。亟調官兵分道進。腹背擊之。渠魁馬國海亡走。潛結雲州回賊馬登霄。海連升等劫囚亂邊。李星沅定謀。檄諸將迅擊。而縱諸回被脅者。不三月。事大定。

二十七年丁未。以林則徐爲雲貴總督。平緬甯賊。

滇中漢回構釁垂數十年。焚殺無虛日。林則徐至。乃諭之曰。止分良莠。不分漢回。適回民丁燦廷赴京。疊控漢民沈正達。有司提犯人解訊。保山民糾衆奪犯人。燬官署。殺回戶。并抗拒鎮道兵。則徐提兵出勦。途次聞趙州客回勾土匪謀亂。進破

林則徐督
雲貴

廣東民逐
英人

其柵殺賊數百。保山民股粟。遣犯人迎師。則徐召漢回父老。諭以恩信。復乘勢搜獲永昌順甯。歷年拒捕。戕官諸匪。誅之。滇人繪像以祀。

廣東民逐英人。

廣民怨英人刺骨。每以小故爭鬪。至是廣民抗拒。悉逐流寓英人。香港英將聞之。竊遣數艦襲廣東壘砦。取之。廣東總兵自至香港謝英將。復侵地。并諸英國軍艦駐港警變。

釋洪秀全

廣西天主教徒洪秀全等謀亂。既囚而釋之。

添丁會

廣西距京都七千餘里。土瘠民貧。苗獍雜處。林深箐密。爲逋逃淵藪。舊有添丁會名目。教主曰洪德元。入其教者。每歲納銀五兩。愚民奉之如神。地方官皆粉飾太平。亦恐以查拏得咎。競相隱諱。洪秀全者。廣東花縣人。年四十餘。有膽略。略識字。

反洪秀全謀

附天主教

不知其姓。前入會教。及德元死。冒姓洪。代爲教主。復附天主教。自稱耶穌之弟。天父火華第二子。復倡言戰死者魂得升天受福。與潯州人馮雲山。韋昌輝結爲死

升天受福

賈令甯捕
賊鄭琛縱

洪秀全反

陷廣西

鄧紹良擊
賊

黨雲山通字義造妖書令富者助銀入教曰來生獲利必百倍施者雲集積資數十萬遂生禍心昌輝家富幼習拳棒膂力絕人互相勾結數年間聚眾二千餘人約期舉事為人所告桂平知縣賈令甯捕三人籍其軍器送潯州獄粵西巡撫鄭祖琛耄而昏噴其多事知府顧元愷伺其意不審訊而釋之秀全等回廣東立寨於佛鎮山專行搶掠聚黨益多楊秀清石達開等凶魁二十七人歸之勢益張

三十年庚戌金田賊洪秀全反陷廣西諸城

洪秀全起事金田得眾數千憚廣東兵強嗾大股賊梁亞四遙為聲援秀全自率郡賊二千人襲破平樂府秀清亦率萬餘人攻鬱林北流縣武舉金廷彪率義勇千餘人來援賊解圍去尋陷永安等數城殺官弁十餘人巡撫鄭祖琛素以諱盜為事至是始入奏廷議始決征勦

千總鄧紹良擊洪秀全敗之

洪秀全屢敗官軍提督向榮檄鄧紹良與為犄角連敗賊賊竄潯州駐大黃江乃

麾兵渡對賊壘而軍別賊數萬自牛排嶺來會紹良引精騎五百衝其陣張左右翼繼之兩路賊皆敗。

命兩江總督李星沅赴廣西勦賊軍敗。

李星沅兵
賊李殿元卻

賊竄平南副將李殿元礮擊卻之賊復來戰禽巡檢張鏞鏞罵賊而死賊返金田老巢李星沅使貴州副將伊克坦布伐之嘉應州民數千人投賊賊勢正熾千總

田繼壽等
戰歿

田繼壽把總潘總邦等皆死之。

立太子

立皇四子為皇太子。

帝疾大漸召諸大臣啓匣宣示諭書皇四子立為皇太子諭曰爾王大臣

等何待朕言其同志贊輔總以國計民生為重毋恤其他。

文宗即位

春正月丁未帝崩文宗即位。

帝遺詔曰皇太子秉性純孝植德貞醕必能欽承付託其即皇帝位以嗣大統。

皇朝政典舉要卷六終

皇朝政典舉要卷七上

日本增田貢原著

遂安毛

淦補編

仁和汪厚昌

訂正

錢塘顧梓田

文宗顯皇帝

咸豐十一年

咸豐元年辛亥。詔天下廣求賢才。

給事中呂賢基應。詔陳言一懋聖學。一正人心。一育人才。一恤民隱。

洪秀全僭王號。犯桂平。陷象州。

洪秀全由金田至大黃江。提督向榮進攻殺二百餘人。及再戰。守備王崇山等十

二人陣亡。秀全益驕橫。自號太平王。分侵桂平武宣諸縣。入象州。

雲貴總督林則徐力疾率師討洪秀全。至潮州卒。

特命以林則徐為。欽差大臣。馳赴廣西。督勦。兼署巡撫事。則徐嘗督粵。威德著

聞。中外想望。至是力疾出。粵民相慶。賊聞之。大半解散。秀全怖。謀遁入海。則徐臥

詔求賢才

呂賢基陳言

洪秀全陷象州

林文忠卒

身車馬... 卷十一

文忠行狀

軍民失恃

林則徐子
汝舟

向榮討賊

張必祿蜀
名將

與兼程日行百餘里從者勸節勞暫息則徐曰二萬里冰天雪窖執戟荷戈未嘗
言苦此時反憚勞乎仍星馳不止病益劇行次潮州卒於廣寧行館則徐長不滿
六尺英光四射聲如洪鐘時方以英吉利為患則徐曰此易與耳終為患者其俄
羅斯乎聞者惑焉臨卒呼星斗南者三年六十六諡文忠其生平勛業不勝枚舉
所最關治亂者莫如辦洋務勦粵匪諸大端而皆齎志以終天下共惜之自則徐
卒軍民失恃賊遂不可制踰嶺涉湘絕長江據金陵又十四年竭海內全力僅乃
克之論者謂假則徐數年賊不足平矣則徐天性孝友自奉甚儉而周給親族歲
數千金尤愛士所至選拔收用性警敏擣伏如神馭左右頗嚴每黑夜潛行警察
羣下無敢為奸而待人則恕且誠樂道人善如不及子汝舟嗣官編修

提督張必祿討粵逆卒於軍以提督向榮代之

張必祿奉 旨馳赴廣西未幾卒於軍必祿蜀中名將三省教匪之亂嘗手刃陷
陣所向披靡戰功最著論者謂則徐善謀必祿善戰使竟其用賊不足平也既沒

賽尙阿督
師江忠源從
軍巴清德
賜刀
達洪阿
長壽
長壽
江忠源

破洪秀全

烏蘭泰

秦定三

以提督向榮代之。榮亦宿將。屢立戰功。素得士心。臨陣身先士卒。所向克捷。賊甚畏之。

大學士賽尙阿至粵督師。秀水知縣江忠源來從軍。破賊於永安。

賽尙阿為 欽差大臣。率都統巴清德。副都統達洪阿。馳往楚粵。及陞辭。特賞

授遏必隆刀以壯其行。侍衛開隆阿。天津鎮總兵長瑞。甘肅涼鎮總兵長壽亦隨

之。賽尙阿至粵。聞江忠源知兵。召致軍前。忠源募鄉勇五百人。使弟忠濬率以來。

號楚勇。忠源始至。弊衣槁項。諸軍竊笑。時賊氛甚惡。官兵莫敢擾。忠源進擊。斬數

百人。又進破永安賊。衆始服其膽勇。

大學士賽尙阿破洪秀全於新墟。

洪秀全由象州回新墟。賽尙阿所募廣潮川楚等兵約三萬人。與都統烏蘭泰刻

期會勦。潛行渡江。令總兵秦定三設伏。一日七勝。殺三千人。賊遁據險。既而官軍

敗。賊勢復振。

陷永安州

僭號偽封

洪秀全陷永安州僭國號封諸賊。

洪秀全水陸攻永安陷之建號為太平天國秀全自為天王楊秀清為東王蕭朝貴為西王馮雲山為南王韋昌輝為北王石達開為翼王洪大全為天德王秦日綱等各稱丞相軍師。

莫家村提

都統烏蘭泰大破賊於莫家村。

賊分大隊屯莫家村烏蘭泰進勦埋地雷誘賊建旗於秀才嶺帳前植一紅蓋賊果大至攻中軍拔蓋而火機觸發燒殺數千人其後見烏都統之旗輒不敢近。

禽洪大全

二年壬子都統烏蘭泰等復永安州禽洪大全。

官兵圍永安日夜礮擊賊潰圍走烏蘭泰追擊斬二千餘人禽洪大全送京師磔之。

賊犯桂林都統烏蘭泰死之知縣江忠源赴援殺馮雲山。

馮雲山犯桂林總兵四人拒戰而沒烏蘭泰聞之以刀刺臂洒血呼將士共飲誓

烏蘭泰中
江忠源解

鄒鳴鶴卻

守廣西城

余萬清棄
道州
賊江忠源破

郴州陷

師赴援。血戰破賊。竟中礮死。江忠源亦力疾馳至。三戰三捷。遂解桂林圍。賊又破
全州。赴湖南。忠源截蓑衣渡。鏖戰兩晝夜。以礮殪馮雲山。忠源以解圍之功。擢知
府。

楊秀清犯廣西。巡撫鄒鳴鶴等固守。賊退。

楊秀清攻省城。鄒鳴鶴與藩司吳鼎昌。副將馬龍開。晝夜守禦。賊登象鼻山。架礮
轟擊。鉛丸如雨。城中靜守不為動。賊設雲梯陵城。城中熬油燔之。又以大竹製呂
公車。高與城齊。奮呼登攻。城中縛炬而燒之。賊焦爛墜殪。相持三十日。賊計竭。解
圍去。

賊陷道州。湖南提督余萬清棄城走。

賊入道州。余萬清失守走。道州俗慄悍。從賊者多爭致死。賊進陷桂陽。江忠源來
戰。大破之。賊棄城遁。轉陷郴州。郴境當湖粵之衝。商賈輻輳。賊據之。勢復振。忠源
會諸軍壁其三門。相持月餘不決。

三

李啓詔死

賊陷桂陽。知州李啓詔死之。

洪秀全敗入永安。官兵圍之。會郴州李嚴通作亂。戰敗歸秀全。俱突圍走。併力攻桂陽。知州李啓詔登陴發礮。殺一賊將。賊怒。令掘煤洞。蠻數百人穿地道。名龍口法。其中用地雷火。城垣迸裂四丈。賊從東門入。啓詔被執。罵賊而死。賊轉破柳州醴陵。進向長沙。

駱秉章守長沙

賊犯長沙。巡撫駱秉章等拒戰。獲蕭朝貴。

賊圍長沙。礮聲聞數十里。駱秉章等登陴拒守。提督鮑起豹。使蜀兵下擊。多殺傷。巡撫張亮基。自雲南來。縋城入。堵禦益力。江忠源亦倍道赴援。會蕭朝貴中礮殪。獲其尸梟之。洪秀全楊秀清聞之。俱來。并力奮攻。勢甚熾。向榮秦定三和春亦來。忠源弟忠濟。自郴州尾賊至。賊伏叢間。挺矛刺忠濟墜馬。遇救免。賊復以龍口法壞城。三千人蜂擁而登。參將張協中戰沒。城中出空棺實土。築堵立成。副將鄧紹良手刃數人。丸透膊不動。官兵齊奮。斬五百人。已而地雷復發。副將瞿騰龍力戰。

又殺數百人。城中糧食火藥俱足。協力死守。城殆陷者數次。終得全。賊退。復犯湘南。

洪秀全陷岳州。進攻漢陽。知府董振鐸。知縣劉宏庚死之。

舊新兄弟

博勒恭武
敗走

岳州富庶

船燈照江

賊攻破寧鄉。殺掠甚慘。楊秀清誘脅各路土寇。其自廣西隨者爲舊兄弟。自湖南投者爲新兄弟。衆十餘萬。圍岳州。其城臨大江。三面陡絕。險峻可守。湖北提督博勒恭武督兵防堵。礮聲未絕。鄉勇導賊入。城立陷。博勒恭武敗走。城中舊存吳三桂軍械槍礮。盡爲賊有。岳州富庶。賈帆雲集。賊入長江。旬日奪五千艘。子女玉帛。盡驅滿載。洪秀全自駕龍舟。橫黃旗。列十餘礮。夜則點三十六燈。他船稱之。江面如晝。數十里火光不絕。遂長驅攻漢陽府。以地雷轟城。冒烟直入。知府董振鐸率家丁巷戰而死。知縣劉宏庚自縊。已而陸賊數萬亦至。陷漢口。漢口五省通衢。爲四大鎮之一。百貨山積。賊悉掠之。渡江去。

賊陷武昌。知府常大瀉死之。

武昌初陷

常大滔
馮培元
演城上

杜受田

翁心存

畿甸警備

賊去武昌

賊攻武昌。向榮率六千人。星夜馳至。連戰大勝。賊尸蔽江而下。天忽大雨。平地水深數尺。榮引軍還營。是夜悍賊數人。伺戰克而怠。攀堞而登。盡釘礮門。黎明。大隊破門而入。城中兵潰。常大滔自盡。馮培元等殉難者數十人。榮阻江無船。不能來援。洪秀全獲優伶二百人。連日演於城上。官兵隔江遙望。不能復攻。

大學士杜受田薨。

杜受田自道光十六年入直上書房。及帝登極。前後十七年。晨夕輔導。未嘗一日離側。及卒。詔以杜受田公忠正直。賜諡文正。

以戶部尚書翁心存兼順天府府尹。

時粵賊四竄。京圻震動。乃徵關東索倫。及蒙古兵。駐畿甸外。其所需車馬芻糧。無算。翁心存皆先期辦治。又列柵屯守。簡民兵以壯聲援。烽埃百里。金鼓四聞。賊憚有備。遂不敢逼。

三年癸丑。洪秀全去武昌。陷興國。知州李源等死之。

陸建瀛走

恩長戰死

殺蔣文慶

米行

洪秀全盡載寶貨。全軍出武昌。舳舻百餘里不絕。進向九江。楚省無復賊踪。官兵入城。又不追逼。賊陷興國州。入田家鎮。道員徐豐玉張汝瀛迎戰。敗績。與知州李源。都司許連城。皆殉之。賊復破黃州。知府金雲門被執。罵賊死。

洪秀全陷九江。兩廣總督陸建瀛敗走金陵。

欽差陸建瀛率兵二萬餘人。船千五百艘。沿江而下。使壽春總兵恩長率二千人先發。遇賊於黃石港。礮擊沉賊船十餘艘。而賊百餘艦俄至。恩長負傷力戰。投江死。餘船被礮覆沒。建瀛夜走金陵。隨行十七人。船二隻而已。金陵諸將奮勵議戰守。建瀛托病不出。賊至九江。收官兵委棄之礮仗。遂據其城。

洪秀全陷金陵。將軍祥厚副都統霍隆武等死之。

洪秀全以九江城空棄去。大軍下江。破安慶。殺巡撫蔣文慶。奪銀數十萬兩。米四十萬石。水陸並進。取太平蕪湖。犯金陵。石達開章昌輝大隊首攻城。城外有壯士米行者。率義勇捍戰。殺千餘人。城兵在聚寶門放空礮。賊知備虛。援絕。百道並攻。

地雷崩城
金陵陷
陸建瀛殉

節
編珠隆阿

劉因優

吳廣
章濬文

陳廷柏
祥厚
霍隆武

殺男婦閻
童子

兩湖城守

吳文鎔

與城存亡

掘地百餘丈。發雷火。城崩十餘丈。守兵潰亂。陸建瀛易服走。為賊所殺。前任廣西巡撫鄒鳴鶴。提督福珠隆阿殉之。上元知縣劉因優。公服坐堂。罵賊投水死。紳士被難者工部主事吳廣。郎中章濬文。山西同知陳廷柏。及孝廉生監數十人。賊益進攻滿城。滿城者滿州軍所守也。將軍祥厚。副都統霍隆武。督旗兵拒戰。閤城男婦悉登陴拒守。人人致死。矢石兩下。賊屢卻屢進。攻擊益急。城遂陷。祥厚以下二十餘人皆殉之。賊盡殲其眾。殺男女四萬餘人。閤童子三千餘人。以洩抗拒之忿。賊圍湖北湖廣總督吳文鎔擊卻之。

賊陷金陵。中原震動。帝知文鎔有威望。自雲貴移督兩湖。至則賊自下游破田家鎮。省城晝閉。居民一夕數驚。巡撫羅綸移營城外。豫為走計。文鎔知之。策馬詣綸約死守。不聽。文鎔怒。拔佩刀置案上曰。城存與存。城亡與亡。言出城者試吾刃。綸默然。議乃定。賊已薄城。文鎔慷慨登城。激勵將士。衣不解者數旬。捍禦甚力。賊遂解圍而去。

鎮揚陷
欲襲北京

金陵大捷
衛陳賊

揚州捷
楊殿邦
瑞善
陳金綬

懋成

查文經
雷以誠

賊陷鎮江揚州。

洪秀全欲分兵守江南。自由淮安襲北京。或說曰。北路無水乏糧。今據長江之險。舟師萬千。宜以金陵為基。乃從其策。遣林鳳祥水陸東下。陷鎮江揚州二府。劫資財千百萬。分扼浦江瓜州。以阻南北路之師。

欽差大臣向榮破賊於通濟門。

向榮攻金陵附郭之土城克之。又襲通濟門。殺數千人。尋取鐘山。禽陳轉樹之。賊懼不敢出。榮又以計殺萬餘人。

總督楊殿邦等破賊於揚州。

漕運總督楊殿邦攻揚州。大學士琦善勝保。直隸提督陳金綬亦合勦。斬賊千五百人。次日五戰五勝。又乘霧攻其不備。破之。城外全無賊蹤。

閩浙總督懋成等破賊於揚州。

懋成與總督查文經會兵圍揚州。左副都御史雷以誠廣延豪俊。捐資募義勇。別

成一軍。賊日出爭路。欲潰圍。官兵每戰必勝。前後殲萬餘。賊始窮蹙。

侍郎曾國藩治鄉兵討賊。

曾國藩以親喪在湖南湘鄉。有詔使練鄉兵討賊。國藩乃詳設方略。練鄉勇。仿

明戚繼光編束隊伍法。創為鄉勇。其制每營五百人。擇官吏書生誠樸者。厚其資

糧。嚴用軍法。先擊衡山瀏陽賊。皆平之。湘勇遂以勁旅稱。俊傑之士相繼而起。皆

以忠節名於時。

湖北按察使江忠源。破賴漢英。解南昌圍。

偽豫王胡以晄犯安徽桐城。破集賢關。遂再陷安慶。偽丞相賴漢英石祥貞攻九

江湖口。進圍南昌。巡撫張芾尙書陳孚恩等拒守。江忠源星夜赴援。賊望其旗幟。

驚曰。江妖來何速也。賊呼官吏為妖。故云。忠源入城與知府林福祥出戰。破賊燒

船。賊復用地雷壞城。肉薄而登。忠源與弟忠濟力戰。賊遂敗走。

參將師長鏢樓船攻揚城。總兵雙來死之。

曾國藩治鄉兵仿戚繼光湘勇營

張芾陳孚恩林福祥

樓船代雲
梯長鑣
師來戰死
罪馮景尼

堅壁清野

上策

河南諸城
陷

先是賊自鎮江出。焚官軍七營於北固山。鄧紹良退守丹陽。琦善出師。破賊於三
汭河。賊退入揚州城。師長鑣命造樓船代雲梯。船尾豎板二丈。乘潮倚城墻。約束
已定。長鑣先突城。賊見樓船駭散。長鑣所期馮景尼兵不至。遂不能登。賊見無後
應。返來焚船。琦善使雙來攻北城。中礮傷。從兵負之退。來忍痛大呼。登城殺賊。次
日遂死。詔褫景尼職。

詔各直省行堅壁清野法。

各路統兵大臣。類以戰功入報。而賊尙縱橫出沒。分陷江南北。郡邑重城亦未有
克復者。帝洞知其弊。詔命行堅壁清野之法。或築壘浚濠。或練團兵。守望相
助。協力同心。一隅有警。四隣畢至。使賊進無所掠。退無所歸。不能乘便超軼。自兵
興訖盪平。終以此爲上策。

賊圍開封府。河南巡撫陸應穀拒戰卻之。

洪秀全以金陵爲巢穴。吉文元入河南。拔永城歸德。殺參將正倫。同知章光熊。知

章光熊

陸應毅

邪法起霧
雷震妖賊

十四縣陷

懷慶城守

余炳
裘寶鏞

奇囚探地
雷

勝保
破帽燒葦

吉林騎

縣錢文偉進圍開封。其城自為河決所陷。就舊址新築。而黃沙壅積。賊不能用。龍口法。三十里內亦無陰蔽。陸應毅城上礮擊賊不能避。賊中有徐軍師者。素習辰州邪法。披髮仗劍。能起雲霧。從下望城。纖微可覩。自城瞰下。模糊不辨。賊攻城屢用此術。是日賊正修法。忽雷火下擊。妖賊震死。大雨如注。平地水深四尺。賊解圍去。而掠朱仙鎮。夜渡黃河。又拔襄城鄆陵等十四縣。向安徽去。

吉文元圍懷慶。知府余炳知縣裘寶鏞固守不下。大學士勝保赴援。大破之。殪文元。吉文元率八萬人渡河。攻懷慶。余炳裘寶鏞憑城固守。賊百道並進。砲聲震數十里。城殆陷者數次。城中有一囚。能破地雷。黎明見草色。知地道所在。伏聽之。聲在城下。即發掘探之。得地雷十五架。皆以棉包藥。灌以油。通線竹竿。遙隔燃火線。藥發城必爆裂。其術既破。炳厚賞該囚。與賊相持逾月。諸道援軍至者二萬人。連營犄角。遙為聲應。勝保率滿洲騎兵二千。直逼賊壘。策馬陷陣。礮丸雨注。破兜帽燒馬鬣而進。戰斬數千人。已而城中糧竭告急。勝保連捷。屢斬賊酋。所率吉林騎又

一城繫安危

儒將之風

賊入晉

張錫蕃

晏宗望

罪訥爾額

僧格林沁

射殺文元。傷林鳳祥。賊大怒。遂解圍西走。勝保窮追。又戮千餘人。詔賞余炳等城守之功。蓋懷慶失守。則大江南北。無復堅城。賊可以長驅北侵。安危所繫甚大也。二將櫻孤城。而十餘萬賊留攻者五十六日。畿內因得嚴備。賊匪不敢乘虛北竄。余炳等防禦之功。亦偉矣哉。勝保智勇兼綜。親冒矢石。視死如歸。戰罷回營。則輕裘緩帶。好接文士。綽有儒將之風。

河南賊入山西。殺山西巡撫張錫蕃。

賊敗於懷慶。南阻黃河。北隔太行。東避重兵。直衝山西之垣曲縣。殺張錫蕃及知縣晏宗望。旋破曲沃。據平陽。未幾為官兵所克復。詔以勝保為欽差大臣。賜神雀刀。諸將有不遵約束者。先斬後聞。

命惠親王為奉命大將軍。討晉省賊。

勝保追賊至晉省城。由潞城黎城入直隸境。進至深州。詔罪直隸總督訥爾額。褫其職。勅惠親王為大將軍。科爾沁郡王僧格林沁為參贊大臣。統四將軍督

旗營察哈爾精兵會勝保進勦賊犯晉豫燕趙者李開芳林鳳祥也。

欽差大臣勝保破賊克復深州。

賊自深州犯欒城一帶烽火不絕於道及聞大將軍征討賊情震慄勝保先驅統馬隊突賊殺數百人遂復深州城。

巡撫江忠源等敗於田家鎮賊陷黃州知府金門死之又陷漢陽知府俞舜卿死之。

江忠源自南昌赴九江至則城已陷賊據田家鎮之半壁山俯瞰礮擊甚烈同知

勞光泰兵不戰而潰又多降賊忠源身親搏戰賊來益多官軍遂敗知府李棟知

縣杜文浩徐豐玉張汝瀛戰死賊水陸並進先陷黃州知府金門罵賊被害漢陽

知府俞舜卿抱印投水死知縣劉鴻庚亦殉難。

賊犯天津鹽大使文謙擊破之。

賊自懷慶潰圍尚有二萬餘人楊秀清由金陵遣朱錫琨往援沿途脅從亦不下

二萬合黨犯天津時大沽守備已嚴長蘆鹽大使文謙督戰多斬悍賊勝保又追

復深州

田家鎮敗
金門
俞舜卿
李棟
杜文浩
徐豐玉
張汝瀛
劉鴻庚

犯天津

至靜海縣。前後數十戰皆捷。

秦日綱陷舒城。刑部侍郎呂賢基拒戰死之。

犯集賢關

秦日綱犯集賢關。各路兵連戰皆敗。游擊賡音太伍登庸死之。賊轉犯桐城。邑紳

節兩游擊死

馬三俊率鄉勇迎戰而敗。城遂陷。呂賢基方駐舒城。誓死同守。衆勸曰：公無守土責。又未司一兵。今賊鋒銳甚。宜退爲後圖。賢基喝曰：吾奉天子命。治鄉兵殺賊。

僚屬皆殉

事不濟。命也。退將安至。遂率士民登陴力捍。賊勢益急。城陷死之。僚屬皆殉。

知府江忠濟大破賊於崇陽。斬陳百斗。

破崇陽賊

初江忠濟援武昌。以舊部千人屬弟忠濟。留長沙勦土寇。及忠濟勦賊通城。崇陽

嘉魚賊益起。忠源兵少。忠濟赴援。大破賊於崇陽。斬陳百斗等數百人。進攻通城。

會賊數萬。圍官軍數匝。勢甚銳。忠源拊忠濟背曰：非弟不能破此賊。語未竟。忠濟

提雙刀大呼躍出。衆從之。忠源操枹鼓助戰。衆殊死鬪。賊遂大敗。禽張西園等二

十餘人。湖北賊平。忠濟尋守江西。賊大至。掘城崩十餘丈。忠濟督壯士囊土塞之。

省城全

湘右營

名振天下

曾軍陷彭
蠡

武昌復陷

戰走石達
開

俄而城又圯。築者悉陷。忠濟挑而免。次日地雷復發。賊噪登城。忠濟揮劍。手斬數人。賊乃退。因麾兵勇急築。賊復穿隧。忠濟鑿濠城下。引水注之。賊計窮。引去。省城得全。

知府李續賓。大破石達開於武昌。

賊圍江西。曾國藩令羅澤南往援。邑紳李續賓佐謝邦翰擊賊。邦翰戰死。續賓代將之。所謂湘右營也。續賓身長七尺。膂力絕倫。能挽三石弓。連破太和安福衛岳二州賊。擢知縣。又克於武漢興國田家鎮。授安慶知府。知兵之名震天下。曾國藩督水師循江下。續賓攻賊孔壠。而國藩師陷彭蠡。不能出外江。兵皆失利。賊勢復振。湘軍亦退駐九江。武昌復陷。國藩頓江西。饒廣告急。義甯亦陷。江西大震。續賓獨善戰。拔弋陽廣信。大破賊。乘勢下蒲圻咸甯。數戰皆捷。又屬曾國華攻武昌。屢破賊。而石達開援兵大至。續賓分軍防戰。遣壯士數百人。執所奪賊旗。誘城中賊。以爲外援。出城夾攻。忽伏起破之。及達開至。鏖戰三日未決。城賊懲前敗不敢出。

復武昌

雨花臺

續賓戰走。達開追至小龜山。斬首八百。別將亦與城賊戰。賽湖未解。續賓返軍。援之。賊望其幟。走入城。自是堅壁不出。續賓命開濠塹。以絕接濟。遂復武昌。又渡江。克大冶興國。直擣九江。

江南提督鄧紹良。大破賊於黃池。

初鄧紹良勦鎮江。援賊大至。紹良以兵少而退。尋與諸軍攻金陵。由雨花臺直薄神策門。斬獲甚多。又率五百人援東壩。紹良單騎先衆大呼陷陣。賊衆辟易。遂敗。紹良乘勝進屯黃池。賊俄自蕪湖來襲。紹良及其陣未定。掩擊之。斬馘無算。及勦徽州。賊援復至。紹良伏精銳於隘。獨以數騎挑戰。賊易其少爭攻。紹良佯北而伏發。賊遂敗走婺源。蕪湖隨又克復。

大學士琦善督師攻揚州。

向榮屯金陵。分軍圍鎮江。琦善營揚州。督攻甚急。鎮揚二城之賊久困。洪秀全使賴漢英援揚州。副都統薩炳阿率馬隊。總兵瞿騰龍都司毛三元率步隊衝其前。

賊退儀徵

修鑑

謝子澄沒於陣

誅景尼於軍

曾國藩治水軍

副將松齡由水路截其後。賊退據儀徵。安徽賊又伺鎮江。鄧紹良迎擊破之。

賊犯天津。蒙古副都統佟鑑知縣謝子澄死之。

勝保連捷。追賊逼天津衛。賊全隊返衝。佟鑑礮擊破賊。乘勝驟進。而馬蹶。賊叢刺殺鑑。謝子澄挺身救之。亦沒於陣。

賴漢英援揚州。城賊潰圍而走。詔褫欽差大臣琦善等職。

詔琦善等誓殲揚城賊。令無蔓延。會賴漢英來援。步步為營。死戰不退。馮景尼師長鏢遇之。先潰。城賊乘機突圍出。與漢英合。偕走和州。帝怒。命誅景尼於軍。長鏢譴戍。琦善落職。

侍郎曾國藩率水師發衡州。

曾國藩督軍衡州。以賊入長江。非水師無以制其死命。遂建三省會勦議。治戰艦於衡湘。時承平日久。人不知兵。水師最屬剗舉。衆相顧愕眙。國藩銳意規畫。設衡州湘潭兩局。製造礮船。國藩精思妙詣。所治有拖罟快蟹長龍舢板諸船。遂極水

大軍夾江而下

奉命援鳳穎

義聲震天下
力疾登陣

江忠源投水死

戰之要。募水勇四千。分前後左右中正副為十營。國藩自統領發衡州。大軍水陸夾江而下。軍聲大振。

胡以眺陷廬州。安徽巡撫江忠源力戰死之。

江忠源平廣濟之宋關祐至九江。賊憚其威名不敢近。又奉命援鳳穎。凡三晝夜。行五百里。賊驚曰。來何疾也。時賊船蔽江。薄城。忠源礮擊卻之。賊又穴地發火。城陷八十丈。忠源與弟忠濟力戰拒之。賊尸山積。遂敗退。復平安福泰。以功加二品服。義聲震天下。又奉命巡撫安徽。及胡以眺向廬州。警報日急。忠源率數百人星馳入城。糗糧火器皆乏。越三日。賊大至。兵丁獸散。忠源力疾登陣。誓死固守。廬城周二十六里。兵僅三千。賊用地雷攻諸門。忠源親督楚勇。殊死殺數百人。相持逾月。賊奪氣將遁。會有告賊以城中食盡者。賊益穿隧。城壞十餘丈。忠源日戰且築。賊破南門。梯而入。忠源知事不濟。引佩刀自刎。左右持之一僕負而去。忠源嚼其耳。僕傷墜地。忠源再戰。被七創。走投水而死。布政使劉豫鈺。參將馬良勳。戴

文淵副將興福。湖州知府陳源堯。縣丞艾延輝。同知鄒漢勳皆死。城遂陷。而知府胡元煒降賊。時賊勢大振。官軍援至者十餘壁。皆不能前。忠源弟忠溶自湖南來。戰亦不利。忠源治軍。推赤心待人。得其死力。所過秋毫不犯。每戰親陷陣。踔厲風發。能以少擊衆。故所向有功。賊之起也。王師十萬環視莫敢先。忠源以書生倡義。軍氣一新。其後楚軍豪傑輩出。卒克金陵。皆忠源風聲所鼓也。先是忠源建三省會勦策。請治舟師扼上游。曾國藩遂用此策肅清江南。以成大功。忠源嘗過國藩。語移時去。國藩目送曰。平生未見如此人。必當立名天下。然當以節烈死。及忠源死。賜諡忠烈。

四年甲寅。欽差大臣勝保。大破獨流賊。

先是官兵挫折。勝保建以圍爲攻之策。屢獲成效。所陷諸城。以次收復。惟獨流窮賊負嵎不下。詔促期速清畿甸。於是臨陣之將。親冒矢石。鼓勇之卒。不避死亡。因大破獨流之巢窟。賊走據東城。又追擊破之。

湖廣總督吳文鎔擊賊於堵城。兵敗死之。

吳文鎔自帥七千人。進薄黃州。壁堵城。會大雪。日行泥淖間。拊循士卒。而巡撫羅綸不給軍械輜糧。及賊至。文鎔自督將士力戰。都統劉富成手刃數人。軍士爲之氣振。繼斬數十人。賊再犯再敗。而別賊大至。酣戰未決。火起後營。官軍驚潰。文鎔下馬。向北痛哭曰。無以對 聖恩。遂投水死。及曾國藩疏陳文鎔死事之狀。并論羅綸之觀望。詔逮之。綸服藥死。文鎔性方嚴。遇事能持正。與林則徐並負天下望。爲同官所螫。卒齋志以終。

賊犯金鄉。知縣楊鄭白以全家殉。又陷臨清。知州張積功等死之。

河北賊勢已衰。洪秀全密令安徽賊渡河犯山東。金鄉。楊鄭白失守。全家殉難。賊乘勢又攻臨清。勝保來援。勝負未決。賊以地雷破城。盡擁而入。張積功與副將德慶皆戰死。未幾河北軍來破賊。復臨清。

欽差大臣勝保破賊於曹縣。殪曾立昌。

復臨清

吳文鎔死節

東境悉平

青麟素得
士心

復岳州

賊逸臨清據曹縣。勝保連戰破之。追擠支河。僞丞相曾立昌溺死。餘賊殄殲無遺。東境悉平。僧格林沁亦大克於阜城。賊走連州。又陷高唐。知州魏文霸罵賊而死。賊復陷武昌。布政使岳興阿按察使曹懋堅死之。

自賊據漢陽。武昌危如累卵。及賊來圍。巡撫青麟率千餘人屯外城。兵氣不振。居民遷徙殆盡。守陣卒不滿雉堞。麟素得士心。餉乏數月。以家蓄充犒賞。已而食盡。又陷糠。衆尙不忍去。及城陷。岳興阿曹懋堅殉難。麟將自縊。衆擁之出走。長沙被罪死。先是常德府陷。知府景星死之。

提督塔齊布破賊於岳州。獲曾天養。

先是荆軍取漢陽。楚軍復岳州。泊南津。賊悉銳來犯。楊載福手刃賊首汪得勝。殪千餘人。彭玉麟亦破之於羅山。曾國藩使鄧州總兵陳輝龍迎擊螺螄。乘勝進。船膠沙被圍。與游擊沙振邦皆戰死。運使褚汝航。同知夏鑿。千總何若澧。俱馳援之。與賊血戰。皆被傷死。并亡數百人。賊乘勝益進。塔齊布揮隊當之。親兵黃明魁陷

陣以矛刺鬚酋。卽僞丞相曾天養。賊中最驍勇者也。於是賊褫魄潰走。楚軍亦復京山安陸。荊州軍復天門。江南軍復涇化太平。

侍郎曾國藩督諸軍破賊。復武昌漢陽。

賊敗岳州。退入武昌。曾國藩召諸將議取武昌之策。羅澤南水師扼長江。塔齊布陸師控洪山。諸軍進迫沙湖。賊守城之法。不守陴而守險。其精悍者集城外花園。外瀕大江。內枕青林湖。大營安百餘礮。勢甚嚴。然阻水陸。官軍不能前。沿江船檣林立。賊酋皆以五采飾帆。粲如雲錦。官軍自螺山下勦。楊載福先戰破賊。國藩以此關不破。則難收全捷。因分水師爲兩班。一過鹽關上鸚鵡洲。一排礮轟擊而下。並懸重賞。能得五采帆者與十萬錢。諸軍爲之奮力駛入。頃刻獻采帆者六。賊勢不支。官軍縱火。焚二百餘船。其陸軍攻花園者三路齊進。李續賓突江營。羅澤南擊湖營。唐訓方李光榮衝中營。同時縱火。與江中烟焰相合。天光殷赤。漢關白沙賊壘盡陷。李孟羣率諸隊進攻武昌門外之鮎魚套。賊誤失火藥。大艦霹靂一震。

五采帆

懸重賞

官軍火攻

唐訓方
李光榮

復兩城

衆船皆飛。賊尸落半空。是夜稍息。詰朝猛攻。諸軍之士皆奮。無不以一當百。血肉兩飛。凡大戰兩日。盡焚賊船。賊夜開關逃竄。塔齊布要路盡斃之。遂取武昌。彭玉麟楊昌泗亦攻漢陽。拔之。同日復兩城。不過午未之間。知府許廣藻追餘賊。亦拔黃州府。

提督塔齊布知縣羅澤南破陳玉成復興國黃梅。

復興國城

陳玉成由興國犯大冶。以拒武昌官軍。羅澤南馳赴興國。破賊追殺十餘里。遂復城。塔齊布突大冶。怒馬衝陣。手斬賊酋。追至南關。殪千餘人。兩軍遽取。又克於半壁山田家鎮。賊又渡江來犯。復夾擊破之。焚橫江鐵鎖。及數千艦。進取廣濟。斬雙城賊三千。塔齊布特進突黃梅城。肉薄而登。賊力拒。士多傷。齊布面中石。血流不止。督戰益急。遂拔城。曾國藩陳戰狀。詔戒其輕進。齊布讀之感泣。誓死報國。侍郎曾國藩督諸將大破陳玉成於孔壠。

面中石

讀詔感泣

捷孔壠九江

陳玉成黃梅敗後。合安慶賊。據孔壠驛。與對岸九江賊相連。曾國藩遣李孟羣率

李鴻章

復含山
攻巢縣

何桂珍

水師攻之。七戰七捷。悉焚潯江船。塔齊布。李續賓。羅澤南。亦會勦大克。賊尸山積。小池之賊。望風遁。諸軍進攻九江。破羅大綱。盡焚其船。

編修李鴻章破賊取含山城。

巡撫福康安久攻廬州不下。欲斷賊接濟。而以東南通巢湖。賊運糧不絕。康安計先取含山巢縣。始能制其死命。然以地遠勢險。終難其人。編修李鴻章合肥人有膽識。嫻韜略。先受呂賢基之薦。以赴皖。在廬州戎幕。至此慷慨請行。康安壯之。鴻章率千總莫青雲之練兵。會佐領輯順之吉林馬隊。繞道赴含山。督兵進攻。三戰三捷。又携攻具薄城急擊。賊尸紛墜。忽城中火藥震裂。賊自驚亂。兵勇乘機奮登。斬二千人。遂復含山。又移軍攻巢縣。

徽寧道何桂珍破李兆受於霍城降之。

何桂珍雲南人。戊戌進士。選庶吉士。尋擢侍講。入直上書房。及廣西盜賊起。數抗疏言軍事得失。天下想望丰采。出爲徽寧池太廣兵備道。時安廣久陷。桂珍所治

破李兆受
兆受來降

在江南阻賊。漸募鄉勇。率二百人。西至霍山。號召土兵三千人。激以忠義。破李兆受於霍城。兆受故河南捻匪之魁。有衆數萬。至是爲桂珍所破。桂珍又檄商城團丁。扼賊歸路。自進擊兆受。兆受窮困。與馬超江等相繼來降。桂珍命散脅從萬人。百姓歡呼。餽餉不絕。軍勢大振。

五年乙卯。江蘇巡撫吉爾杭阿破賊。復上海。

洋商總埠

自三年秋。土寇據上海。與粵賊相通。上海爲洋商總埠。百貨充軻。爲賦稅所出。官兵攻勦。歲久無功。吉爾杭阿與參將虎嵩林水陸並攻。浙江道員石景芬亦會戰。江甯知府劉存厚施地雷壞城。諸軍勇登。禽斬謝安邦。劉麗川。江西賊又陷饒州。曾國藩自馳援之。

斬謝劉二賊

河北平

郡王僧格林沁禽林鳳祥。河北賊平。

僧格林沁破賊於連鎮。禽林鳳祥。送京師磔之。僧王復移師拔高唐。賊渡河北保。馮官復進擊。禽李開芳等八酋。誅之。

武昌陷

賊復陷武昌。巡撫陶恩培。知府多山死之。

賊據漢陽漢口為犄角。恐水師攻擊。不敢渡江。武昌省城兵力雖單。尚能自保。陶恩培多山櫻城固守。賊取道青山來攻城。胡林翼李孟羣在外破賊。忽見武昌火起。急馳回則城已陷。恩培等與游擊陶德壽皆力戰死之。

徽州知府石景芬連戰破賊。復徽歙婺源。

復四城

徽州居環山之中。地勢險阨。賊未輕犯。會土寇誘賊陷之。石景芬請援。巡撫何桂清連戰皆勝。復徽州歙縣。乘勝又取休寧。賊走入婺源。景芬又攻下之。江西軍亦破江浦。荊州軍克仙桃鎮。江西軍復饒州。

扎拉芬
隨州敗

西安將軍扎拉芬擊賊於隨州。死之。

扎拉芬由陝西統兵至襄陽。會賊破參將劉富成。犯隨州。扎拉芬迎擊。斬千餘人。賊至愈多。扎拉芬受重傷。猶裹瘡血戰。遂歿。

以荊州將軍官文為湖廣總督。

楊需職

復廬州

塔齊布卒
忠臣報國

莽阿布

扎拉芬已敗。賊棄隨州。破德安府。豫州戒嚴。先是湖廣總督楊需之軍。敗於廣濟。詔褫其職。以官文代之。文分諸將扼襄河潛江。自赴襄陽為之節度。尋復雲夢。應城。軍威復振。

欽差大臣和春。巡撫福康安。克廬州府。

廬州陷已二年。和春福康安駐軍於三里岡。大小數百戰。屢勝。而城未拔。賊來援者皆敗去。於是兩將臨陣疾攻。鄭魁士等架梯先登。發火箭。大破之。焚五千餘人。遂復城。浙軍亦復安徽石埭。楚軍平德安漢川等城。

湖南提督塔齊布討賊。卒於軍。

曾國藩之治鄉兵也。塔齊布衣短衣帶刀。日侍國藩。與語奇之。謂其忠勇可大用。齊布素以智勇顯。所向無敵。在湖南屢著戰功。此時攻具大備。傳令攻九江城。病起。卒。年三十九。為人忠孝。涅忠臣報國字於左臂。居常恂恂如無能。及臨陣。先士卒。他軍或卻。必策馬馳救。常負火槍佩雙刀。提長矛。川之精妙無虛發。其弟莽阿

羅澤南連捷

復義寧

禽陳大爲

布先一年戰死於獨流。

賊陷義寧。都司吳錫光敗死。按察使羅澤南破賊。復其城。

賊陷義寧。都司吳錫光往援。全軍覆沒。錫光素有驍名。已死。江西軍喪氣。羅澤南統兵繼進。遇賊於梁口。澤南張三伏破之。斬數百人。進據雞鳴峰。義寧全城在目。中又大戰。殪七千人。次日復薄戰破之。悉焚沿江壘柵。是夕賊棄城走。遂復義寧。湖北巡撫胡林翼破賊於金口。禽陳大爲。遂克漢陽。

先是楊霽之師潰於廣濟。胡林翼請曾國藩以所部千人回援武昌。到半日而城陷。漢陽亦失。林翼與彭玉麟水師扼賊防。超軼時武昌三次淪陷。公私掃地。無資可辦。林翼曰。不攻漢陽。則荆襄梗塞。不攻武昌。則咸蒲騷擾。乃分兵三路設伏。親率大隊。旋繞與賊戰於京口。禽僞丞相陳大爲。殺七百人。賊又率大隊六路來犯。林翼發伏襲後。賊敗入城。不復出。此役也。禽斬千餘。淹死無算。林翼乘勝由京口渡江。以火龍船破浮橋。水陸夾攻。遂取漢陽鎮。

布政使羅澤南大破石達開於義寧。

羅澤南上書曾國藩曰。武昌居湖楚上游。九江爲豫章門戶。今爲賊所據。江西之義寧武寧。湖南之平江臨湘。均無安枕之日。欲克九江。必由武漢而進。欲克武昌。必由崇通而入。國藩因奏使澤南回援武漢。而以彭三元普承堯副之。進攻通城。悍賊萬餘人。見官軍至。突出擊之。澤南令軍士席地坐。待賊逼。大呼齊起。大破之。斬賊酋三人。明日復戰。奪門入。遂取城。尋克崇陽。敗於木梯山。再戰大捷。進攻蒲圻。不利。復殊死登攻。遂拔咸寧。自是武昌以南無賊蹤。而石達開乘虛入義寧。江西賊勢日棘矣。澤南會胡林翼楊岳斌自率湘勇營洪山。林翼壁城南。岳斌屯京口。爲水師犄角。時賊築十三壘於武昌城外。高與城埒。悍賊二萬突出。甚銳。林翼奮戰。旋卻。旋進。紛拏不決者數次。澤南潛師出賽湖堤。林翼見之。佯敗走。賊追躡甚急。澤南俄出其背。夾擊破之。賊皆縋城入。澤南又攻拔東南壘。造浮橋進攻。入步街。奇兵襲後。立取之。焚其船廠。殺數千人。賊復由竄出。斷軍後。澤南與李續賓

澤南連捷

毀賊壘

希洛戰歿

藤牌手鈎
連槍

復揚州

夾擊。又斬數百人。再誘賊入伏。殺千人。賊怒。大隊衝伏。復擊殪數百人。是夜賊築石壘。壓城。澤南薄擊毀之。續賓別出窰灣。絕餉道。賊八千人攻其後。澤南使劉騰鴻出洪山東。自出其西。又殪千餘人。賊自是閉城不復出。

賊犯瑞州。副將周鳳山赴援破之。

賊入瑞州。知府劉希洛拒戰。歿於陣。曾國藩遣副將周鳳山率九江全軍援之。遇賊於樟樹鎮。鳳山令曰。賊稱勁悍者惟藤牌手。我軍鈎連槍足制之。努力毋退。乃選槍手數隊破之。斬驍賊六百人。鳳山又會水師營官劉于瀉築壘。斬千餘人。復瑞城。

六年丙辰。賊陷揚州城。提督鄧紹良赴援復之。

瓜州鎮江賊相合攻揚州。破之。知府世焜參將祥林力戰陣亡。詔鄧紹良援揚州。紹良冒雨渡江。率精銳環攻六晝夜。親奮勇先登。及堞而墜者數四。遂拔之。

太子太保湯金釗卒。予諡文端。

湯金釗卒

連復三城

江忠濟戰死

湯金釗品行端正。宣宗朝協贊樞衡。恩眷彌篤。帝御極之四年。重赴鹿鳴宴。加太子太保。並賜御書扁額。兩朝禮遇之盛。罕有倫比。自七十五歲。每日晨起寫經書二百字。十三經皆遍。卒年八十四。知府江忠濟與賊戰於通城。軍敗死之。

先是江忠濟堵勦粵寇。破賊於藍山。再破之於嘉禾。三破之於寧遠。連復三城。殺二千人。移軍勦通城。至則召團勇千餘人。助聲威。出其不意。破四營。賊數萬人悉銳來。四面環攻。忠濟落圍中。衆勸退。忠濟叱斥。戰益烈。賊從後營入。團兵驚散。忠濟手刃退者數人。策馬突陣。力竭死之。勇兵三千。戰死幾盡。無一降者。詔贈按察使銜。賜卹典。忠濟忠源弟。忠勇敢戰。兄弟前後殉難。天下壯之。

布政使羅澤南破賊於武昌。中礮死之。

羅澤南攻武昌。屯洪山。賊乘夜襲之。營兵礮石以投。登者皆殪。嗣後每夕必至。澤南設伏破之。賊不復犯。澤南欲扼審灣。賊出爭。大戰小龜山。斬七百人。賊又出萬

羅澤南戰
死
羅澤南遺
言

二百餘戰

制敵之道

人突陣。澤南力戰，殺數百人。追至城下。賊又乘霧出城。澤南搏戰走之。會守壘兵少。賊伺之。大舉來犯。澤南擊破之。再追至城。偶礮丸中額。氣益振。裹創力戰。歸營劇甚。臨死握胡林翼手曰：武漢未克，江西復危。不能兩顧。死何足惜。恨事未了耳。其與迪庵好爲之。迪庵李續賓字也。語畢而瞑。澤南湖南湘鄉人。質樸深沈。究心濂洛之書。通知世務。期見諸施行。在軍毅然以滅賊自任。所部將弁皆其鄉黨。信從。故所向有功。前後克城二十。大小二百餘戰。其臨陣以堅忍勝。如其爲學。或問制敵之道。曰：無他。觀大學知止數語盡之矣。左氏再衰三竭之言。其注脚也。此其所以能以書生摧巨寇。率生徒數十人轉戰大江南北。湘勇之名以成。國初所用皆八旗及東三省兵。各直省綠旗兵。嘉慶初平定川楚教匪。始以鄉勇輔兵之不足。然十裁二三耳。迨粵逆起而楚勇湘勇名天下。營兵反爲世詬病。此兵制之一變也。而楚勇自江忠源始。湘勇則自羅澤南始。

巡撫胡林翼大破石達開於武昌。

江西無完
土

舉火爲號

舒保公馬
隊

吉爾杭阿
戰死

皇朝通志卷七十一

石達開入江西。連陷瑞州臨江。南出吉安。東趨撫州建昌。江西無完土。警報日急。胡林翼念武昌猝不可復。乃遣劉騰鴻普承堯出瑞州應援。而令曾國華統其軍。古隆賢率萬人來援武昌。約城中舉燧爲識。夾攻官軍。林翼諜知。佯舉火。城賊爲信。果出。陷伏而大敗。林翼返擊隆賢。又破之。達開自金陵來援。衆號十萬。林翼分水陸力戰。會都統舒保公馬隊至。合擊大破之。焚東湖船七十。平其八十壘。時武昌賊大窘。林翼與續賓穿濠固守。以待賊糧之絕。

江蘇巡撫吉爾杭阿。攻金陵。力戰死之。

吉爾杭阿至鎮江。慨然謂曰。攻堅不如斷糧。因據高資之餉道。金陵賊大恐。數萬人盡銳來戰。知縣松壽歿於陣。吉爾杭阿所率不過萬人。或說曰。賊爭糧。生死所關。故鋒銳不可當。姑避往鎮江。彼喜獲餉。必不相迫。吉爾杭阿歎曰。我以一部郎。不數年位開府。仗節鉞。受國恩厚矣。今戰而勝。賊糧必斷。巢穴可覆。遂率親兵馳衝高資營。賊衆合圍。吉爾杭阿血戰死。副都統綳關哭曰。吾與吉公偕來。公已

死 魏 魏 投 江

死。吾何忍獨生。亦投江死。

賊陷江南大營。欽差大臣向榮敗退丹陽。

向榮聞高資之敗。遣張國樑馳援。三戰三克。賊走回金陵。議大舉。於是鎮江溧水。賊均合力突大營。榮兵力單弱不能禦。金陵賊亦出焚七橋。甕營。國樑苦戰潰圍。走。榮收散卒。退保丹陽。

保丹陽

總兵彭玉麟克南康府。

南康外接大江。內控鄱陽湖。為水路衝要。曾國藩遣彭玉麟攻之。連勝。焚其戰艦。積聚。賊棄城走。遂復南康。

復南康

石達開入漢陽。欽差大臣官文等合擊破之。

毀黃州賊

石達開怒樊口之敗。入漢陽鎮。官文使都興阿等合剿破之。盡毀黃州壘。而武漢之賊死守不下。官文與胡林翼分南北岸。逐日攻逼。大小數十戰皆捷。

賊犯丹陽。提督張國樑迎戰破之。

向榮病

復成盛等

向榮卒

勝山破

皇朝通志卷一百一十一

賊乘勝攻丹陽。向榮憂憤，病轉篤。張國樑勸諸將曰：「主帥病危，衆皆廢怠，諸君如舍生努力，必能取捷。」諸將皆諾，乃偕出戰，果大破賊，斬數千人。

總兵劉騰鴻破章昌輝於瑞州。

曾國華劉騰鴻率楚勇復咸寧等六縣，又攻瑞州。曾國藩亦發兵合勦，拔南城。章昌輝來援挑戰，騰鴻從北岸犄其後，南城兵角其前，大破之。江右軍復振。

欽差大臣向榮卒於丹陽軍。

賊數犯丹陽，勢甚熾。或勸向榮避其鋒，榮太息曰：「吾病不能進，何顏更走？當死於此耳。」遂以軍事付張國樑，曰：「卿才足辦賊，吾死何憾。」復躍起疾呼曰：「終負國恩，一慚而絕。」榮自道光三十年勦賊，追至金陵，大小千百戰，竟以積勞病歿。

賊犯瑞河口，道員劉于涓擊破之。

賊陷吉袁瑞臨諸府，大修戰船，抵瑞河口。道員劉于涓焚其船破之，賊又來犯于涓，以勞山礮破之，遂復靖安安義。

程智泉戰
歿

江南提督和春攻三河賊大破之。參將程智泉戰死。

賊據三河未下。和春督諸軍夜擊賊營。懸梯登城立拔之。賊敗走巢湖。又追焚其船。斃八千人。禽十一酋。皖軍之功。以此役爲第一。惟參將程智泉驍勇敢戰。深入而歿於陣。皖軍尋又取無爲州。

邊錢會圍廣信城。江西知府沈葆楨拒戰破之。

江西建昌府有邊錢會者。以錢塗硃描金爲號。煽惑愚民。屢禁不已。徒衆蔓延。遂結粵賊入南豐。連陷新城瀘溪。遂圍廣信。沈葆楨時籌糧於河口鎮。聞變。單騎馳還。則賊已迫城。吏民盡散。葆楨徒步登陴。區處妻林氏爲林則徐之女。同在危城。躬汲爨以餉士卒。軍皆感奮。葆楨開門擊賊。斬三千餘人。斃其渠酋。餘黨潰散。郡境肅清。

章昌輝殺楊秀清。洪秀全殺章昌輝。

向榮已死。金陵賊酋相慶。楊秀清素以洪秀全爲贅疣。至是陰有自立意。乃令其

邊錢會

賊酋相殺

下呼以萬歲。秀全趨召章昌輝石達開密圖除之。昌輝先至。秀清召之與飲。昌輝戒備以往。酒酣。昌輝抽刀刺秀清胸。割而烹食。盡殺其黨羽。達開後至。責其殘酷。昌輝怒。將併圖之。達開縋城夜遁。昌輝悉殺其母妻子女。秀全益懼。乃密以秀清餘黨謀攻昌輝。執而磔之。悉殺其族。時達開在安慶。乃傳昌輝首示之。達開始回。同知李元度林源恩攻宜黃崇仁賊破之。

取宜黃崇仁

李元度林源恩率江楚兩軍轉戰建撫間。大小數十戰。賊未平。或說曰。宜黃崇仁。撫建之賊衝也。欲斷建昌。莫如取宜黃。欲斷撫州。莫如取崇仁。二人善之。先攻宜黃。破之。次取崇仁。賊逃入臨江。江南軍亦破句容溧水賊。

勦巢縣

編修李鴻章破賊復巢縣城。

李鴻章督吉順嵩于昌麟等勦巢縣賊。攻西北門。鄭魁士攻南門。被礮傷。猶力戰。城遂陷。湖中賊來援。鴻章等復戰。斬七千人。江西劉于濇一軍亦克新淦。楚南軍復分宜袁州。

欽差大臣官文復漢陽。巡撫胡林翼平武昌。禽古文新。

先是襄陽土寇朱中瑞黃宜中煽飢民爲亂。焚樊城。破鄧州。隨州土寇趙邦璧亦侵擾郡縣。時官文分楚軍勦之。故武漢二城之賊得延殘喘。於是襄樊平。乃大舉攻武漢。官文胡林翼督戰益急。漢陽地接荆襄。外江內湖。爲武昌屏障。賊陷武昌。自漢陽始。克漢陽。則武昌自復。於是官文自督諸將圍漢陽。臬司李孟羣總兵王國才楊昌泗架梯攻城。馬隊舟師盡會之。賊礮子兩落。兵勇蛇行而進。數伏數起。賊礮不能傷。昌泗孟羣斬關而入。諸軍鼓勇畢登。殺七千人。餘賊爭渡者水師殲之。浮尸蔽江而下。是日胡林翼等攻武昌。水師斷橫江鐵鎖。陸軍攀援登城。賊失守分七隊。突門而出。諸軍環擊。殲萬餘人。禽古文新等。二城同日克復。

克復二城

浙江巡撫曾國荃破賊復安福縣。

楚軍拔袁州進勦吉安府。恐安福賊襲其後。曾國荃急攻之。斬驍悍數千人。守備劉之能等亦破其伏賊。遂復縣城。

臨沅都司畢金科與賊戰陶溪大破之。

陶溪渡設伏

饒州近鄱陽湖常被侵掠。防饒者雲南畢金科勇而有謀。謂都司林保曰：吾以二千守此。賊來者殆萬人。豈可以力敵耶？非出奇難取勝。乃設伏陶溪渡。前隊迎賊。佯卻。賊爭追之。後隊橫截為兩。金科居中策馬奮突。所當披靡。鏖戰至渡。左右伏起。大破賊。斬千餘人。追至鄱陽。連戰皆克。饒州始安。金科後攻景德鎮死之。

曾國藩勞軍

侍郎曾國藩援南昌。至九江勞軍。

無西顧憂

江西自五年饒廣告陷。賊悉衆據湖南。水師分爲外江內湖。隔絕不通。烽火逼省垣。曾國藩以爲省會者百城所屬。無南昌是無江西也。遂勒水陸軍兼程赴援。且整舟師。徐圖大舉。時章門公私交迫。戰士懸釜待炊。岌岌不終日。國藩至。調餉轉糧。人心始定。連戰復南康袁州。國藩無復西顧憂。乃至九江勞軍。使千總張金壁赴建昌破德安賊。李續賓李能通等又破瑞昌賊。

巡撫胡林翼大破陳玉成於蘄州。

破賊馬家渡

陳玉成自皖北犯蘄州。破諸營。武昌大震。胡林翼聞警。急渡江赴黃州。收潰卒得數千人。賊十餘萬環巴河。連壘亘數十里。時巴水暴漲。惟三台河有橋。林翼恐賊渡河蔓延。急使千人扼橋。潛師出龍山。與諸軍合擊於馬家渡。大破之。遂平蘄黃。按察使李續賓大破賊於梅家洲。

章門水軍

先是賊掠江西。舟沈塞河口。爲浮梁鐵鎖。築城於梅家洲。環礮嚴守。官軍仰攻不利。退入內湖。曾國藩益治水軍於章門。令彭玉麟統領。軍勢復振。袁吉瑞臨以次皆復。衆議會勦九江。李續賓謂九江賊與湖口犄角。湖口不拔。九江不可取也。乃決策水陸攻湖口。續賓又令弟續宜率馬步軍攻梅家洲。自率師揚言攻宿松。而伏於湖口山後。士皆捫蘿上。黎明玉麟襲湖東。游擊黃翼升擊梅花洲。皆用水師。提督楊岳斌迫石鐘山。賊方悉銳來戰。續賓伏發。從山頂下擊。賊兵大敗。梅花洲賊亦棄城走。於是內外水師始通。會勦取彭澤。乘勝拔姑汭城。續賓以功除浙江布政使。是役也。水師血戰。死傷亦多。故得大捷。事平之後。曾國藩請於朝。立楚

梅家洲大捷

軍昭忠祠於石鐘山歲時祭之。

皇朝政典舉要卷七下

日本增田貢原著

遂安毛

淦補編

仁和汪厚昌

錢塘顧梓田訂正

七年丁巳提督張國樑大破賊於句容。

自江南大營退丹陽賊據句容竊發四掠張國樑分兵應援自提勁銳間道突句容放火城外奮戰斬數千人賊怖不復出楚南軍亦復奉新縣。

侍郎曾國藩以喪解任總兵楊載福代領其軍。

武昌之陷也曾國藩留羅澤南攻九江使彭玉麟援鄂州及石達開連破諸郡又使玉麟赴援時湖北道梗玉麟易服為賈客間關千里達大營乃率其軍轉戰敗賊會載福統水軍至九江而國藩適丁父憂帝賞假治喪所帶兵勇使暫交其弟國華管帶並使提督銜楊載福代領其軍。

副將李定泰魯占鰲擊賊於溧水大破之。

句容捷

楊載福
曾國華

李定泰

魯占鰲

金陵安慶賊據烏山爲援。和春使副將魯占鰲擊破之。賊又渡河擊壘。副將李定泰縱火焚之。橫尸徧野。又合兵攻溧水。斬三千人。

賊圍壽州。道員金光筭擊走之。

壽州古壽春城。淮南之險要也。常屯重兵鎮守。賊來欲奪之。金光筭募死士縋城斫營。斬驍悍二十人。賊復來爭。再戰走之。斃千餘人。自是賊怖不敢近壽州。光筭勇敢素著。屢立戰功。後攻正陽關。河流迅急。船覆而死。同時浙軍復安徽婺源。叅將師長鏞戰死。江西軍亦破賊於撫州。

師長鏞

都統多隆阿等大破賊於楓樹坳。

多隆阿

先是賊突黃梅。騎隊千餘奮邁無前。官軍發連環槍破之。賊又突皖北。壽春總兵鄭魁士兵潰桐城。賊進取小池口。鮑超攻城西。牽制賊勢。而多隆阿王國才分路攻段窰。楓樹坳。斬千餘人。揚州軍亦大捷瓜州。楚軍復英山縣。

傳振邦

總兵傳振邦。副將虎坤元破賊。復溧水城。

王家河
李續宜

黃岡大捷

吉順

賊壘數十。列鄔山抗守。傅振邦環擊。以次平之。遂攻溧水。噴火投城。城中潰亂。虎坤元突焰登門。斬驍酋。諸軍奮戰。斬六千人。城遂復。楚軍別與賊二十六戰。誅七千人。江南軍亦復句容城。

總兵鮑超擊賊。大克於王家河。知府李續宜又擊黃岡。大破之。

鮑超與賊戰王家河。斬五千人。水爲之赤。賊又據黃岡。蕪水之衝。知府李續宜五路軍皆捷。陣斬溺斃凡三千餘人。蕪黃路通江。楚軍取瑞州。而賊勢未衰。續宜自請擊。胡林翼壯之。令統十三營軍進勦。賊軍適大至。續宜望曰。賊入我彀中。彼弱者當我強。而強者當我弱。能先勝其左。則右亦不支。然後合力中軍。成功必矣。乃密分勁兵襲其後。而自領中軍。偃旗息鼓。突騎出不意擊其前。左路之城果潰。我左營與中軍合。遂克中路。唐道訓等攻右營。賊又走。鏖戰過晡。三路之賊皆敗。氣勢始衰。楚軍亦破小池口。全楚平定。

總兵吉順破廬州。總兵鄭魁士又破賊於巢湖。

鄭魁士

李成謀

陳玉成敗

太湖賊

楚之敗賊回皖城。合河南賊攻廬州。總兵吉順力戰破之。殪三千人。總兵鄭魁士輕舟順風擊賊巢湖。焚十餘艦。楚南軍亦復彭澤。江西軍克鎮江。總兵李成謀擊陳玉成破之。

陳玉成率數百艦乘風入華陽鎮。李成謀旬日轉戰及千餘里。取望江銅陵東流三城。賊又築二城。諸軍不能拔。成謀前驅薄擊。投火彈。適中賊藥。城牆迸裂。烈焰騰空。諸隊突入。斬芟殆盡。奏功之速而偉者。最推此戰。揚州軍亦復瓜州。江南軍平鎮江城。

江西賊犯太湖。都統多隆阿。知府李續宜等迎戰破之。

江西賊數萬犯太湖。多隆阿鮑超迎戰。斬四千人。李續宜彭玉麟等水陸互擊。又殪六千人。江西賊勢爲之大挫。而皖賊猶熾。遂陷霍山。旋即收復。楚軍亦復臨江府。

浙江提督鄧紹良大破黃池賊。再戰峩橋。軍敗死之。

俄橋
鄧紹良殉

葉名琛

巴篤斯

官文

英佛入天
津

黃池賊三路來犯。鄧紹良迎戰破之。時別賊攻浙江太急。紹良分兵應援。賊伺虛。俄突義橋。紹良腹背受敵。會援軍至者亦敗。賊軍四面陵騰。勢不可制。紹良整衣。裳向北再拜。自焚營而死。浙江遂不可支。

廣東吏捕賊於英船。英領事巴篤斯起兵入寇。

時葉名琛爲兩廣總督。其府吏往捕廣民犯令私役英船者十二人。英人拒之。吏怒。焚英人館。英領事巴篤斯發兵陷黃埔諸砦。遂焚省城。廷議遣官出償金與英人和。兵始罷。明年。廣人復掠英之商船。領事訴之。府吏輕視。不治犯人。領事怒。復攻廣東諸砦。自是兩國兵結不解者連年。

皖城賊犯蘄州。欽差大臣官文擊破之。

皖賊八萬。乘官軍迎新年。襲蘄州。官文豫度有此謀。設備待之。比賊至。一戰卻之。賊轉犯荆橋。多隆阿擊走之。楚軍亦大捷。復安徽英山。

八年戊午。英人佛人攻廣東。轉入天津。

穆親王

擊英佛之使

和春

舒保破賊

英佛二國協議攻廣東。轉入北河。渡諸砦。直入天津。帝患其犯北京。命穆親王赴天津視事。英佛偕請曰。開諸港互市。傳耶穌教。留公使於北京。穆親王錄其所請。還以奏聞。於是二國兵引去。明年二國使臣至天津。問去年所約之事。進船入北河。守兵礮擊殺數十人。使臣以事出不意。僅以身免。

欽差大臣和春。提督張國樑。攻洪秀全於金陵。大破之。

和春張國樑進圍金陵。攻克秣陵關。關爲金陵南面外蔽。守禦甚堅。官軍渡河。擊平黃泥庵壘。直斬關入。馘六千人。賊閉城不敢出。時石達開在蜀。楊輔清竄閩。林紹璋敗於湘潭。韋志俊被忌家居。林啓榮被圍於九江。黃文金坐困於湖口。張朝爵陳得才孤守皖城。但以金陵舊窟。賊糧饒足。而上游諸州爲賊所據。呼吸可通。聲援遙應。故賊雖危蹙而未蹙也。

副都統舒保破賊於麻城。

賊敗於河南。兼行襲麻城。舒保倍道回援。則城已陷。乃擊破南路賊。

布政使李續賓。總兵彭玉麟。克九江。林啓榮李興隆伏誅。

林啓榮據九江已十年。官軍取彭澤河口。摧其羽翼。乃得專力九江。賊百計死守。官軍環攻穿城。賊以火器力拒。先登將士多死傷。官文爲書獎勵。將士皆感泣思奮。李續賓彭玉麟率十六營水陸進攻。發地雷。磚石飛翻。城崩百餘丈。諸軍奮登。聲動天地。賊死者一萬七千人。積尸填巷。流血成渠。磔林啓榮。李興隆之骸。楚軍亦破麻城賊。殺五千人。

磔林李二賊

欽差大臣和春。破洪秀全於雨花臺。

洪秀全伺官軍之懈。悉衆衝突。冀一勝以解圍。而雨花臺形勝尤絕。勢所必爭。和春偵知其情。令總兵李若琳伏兵於慈湖銅井二路。自與張國樑更番巡警。賊果自雨花臺攻營。遇伏而敗。死者千餘人。皖城之爲聲援者。爲總兵富慶阿所破。死者又數千。入福建者知府陳維漢破之。

江西巡撫劉坤一。敗賊於撫州。

白鷺洲破

劉坤一等攻撫州。斬數千人。樂安宜黃南豐建昌相繼收復。曾國荃破賊於白鷺洲。又克吉水萬安。皖賊犯蘄州者。楚軍擊破之。

曾國藩起復

詔起侍郎曾國藩辦理軍務。

金陵賊衰保泰

江西賊犯閩境。陷章武等處。按察使保泰移軍建寧以防賊。而金陵賊勢漸蹙。力圖外擾。冀官軍分援勢離。詔起侍郎曾國藩辦理軍務。時浙軍屢報捷。賊入閩

顧飛熊

境者亦敗。參將顧飛熊等克浦城光澤。江西軍亦破常山賊。

金陵三捷

欽差大臣和春大破洪秀全於金陵。

吳全美

李秀成取來安據之。遙為金陵聲援。和春遣將一戰收復。洪秀全愈危困。欲潰圍走。和春復謀翦其翼。命總兵吳全美攻破義橋魯港。斬二千人。秀全忿恚。出兵於神策太平兩門。分犯大營。副將張玉良馮子材陷陣。擐旗。馘驍賊數人。賊大敗。自

張玉良馮子材

龍膊子至莫愁河。尸積如山。和春復攻金川門。破城外之壘。浙江軍亦復壽昌。揚

翰殿華

州總兵翰殿華等大敗賊於九洲。

曾帥援建
寧

晏瑞書

金陵長圍

廬州陷

蕭開甲武
成功

賊圍建寧府。侍郎曾國藩出師援之。

閩賊蔓延猖獗。所復諸城多再陷。賊乘勢取崇安建陽。進圍建寧府。浙江巡撫晏

瑞書檄諸將赴援。曾國藩奉命援閩省。自船山進軍。聲威大振。賊有懼心。

提督張國樑攻金陵賊。破之。

官軍築長圍於金陵城外。穿山越水。屹如長城。周迴至百餘里。復連船爲水營。城

賊益窘。秀全悉衆突出。欲潰圍走。張國樑令南北軍分攻太平金川兩門。東西軍

各擣雨花臺。國樑策馬前進。諸軍奮戰。賊千餘人。

皖城復陷。廬州總兵蕭開甲。知府武成功死之。

賊據三河伺廬城。巡撫福某以師老無功。召入京。命都統勝保代督軍。行未

至。賊乘虛攻廬州。蕭開甲武成功提兵堵禦。衆寡不敵。皆血戰而死。

閩賊圍玉山。守備彭大壽擊破之。

閩賊敗於建陽。圍玉山縣。守備彭大壽屢出戰。破之。賊始越嶺去。松谿寧化賊亦

為福建軍所破。龍泉浦城賊受浙東之勦而敗。

知府曾國荃取吉安。誅李雅鳳。

拔吉安

江西漸平。惟吉安孤城死守。曾國荃連戰拔府城。禽李雅鳳等誅之。楚軍亦攻安徽太湖。收復之。

張運蘭捷安仁

侍郎曾國藩使道員張運蘭破賊於安仁。

曾國藩援閩未至。賊望風走江西。據安仁。國藩率所部移屯弋陽。斷走路。攻安仁。

張運蘭登城縱火。水師自河面礮擊破之。斃四千人。

陳玉成復陷揚州城。

浦口敗

陳玉成自上游犯浦口。鞠殿華迎擊。敗績。和春使馮子材率六千人來援。賊分兵血戰。勢益熾。沿河百餘壘。望風齊潰。同知孔繼鏢。知府官維新。副將陳昇均陣亡。

江浦天長隨陷。賊遂襲揚州。總兵富明阿守備詹起綸。殊死防戰。賊軍益至。遂失

守。賊入城掠鎰重。盡運送鎮江。

揚城復

提督張國樑破賊復揚州城。

揚州賊犯邵伯警報日至。張國樑領大軍夜選精銳攻城。賊出戰敗退。忽有悍賊出北門掠陣。國樑飛馬迎擊破之。遂復府城。

陳玉成陷六合。運使溫紹原等死之。

溫紹原百戰

血書乞援

先是陳玉成入鄂州。長江重城望風瓦解。溫紹原募鄉兵守之。六合以孤城歸存。大小百戰。屢破賊。保六年之久。及揚州陷。官軍不復顧六合。賊伺之。大隊俄來圍城。紹原激勵士卒誓以死守。嚙指草血書告勝保乞援。不至。時張國樑復揚州。引兵援六合。遇賊於陳板橋。不能進。賊急穴地崩城。蟻附而登。紹原視事不可為。攜妻子投水而殉。先是紹原以功擢運使。仍留防六合。代其職者為李守誠。亦殉難。總兵羅玉斌。知縣馮明本。典史葉楸。都司王家幹。夏定邦。守備余城恩。千總海從龍。皆巷戰死。

欽差大臣勝保降李兆受。取天長城。

張德勝

賞降賊

新城據

勝保破三河集賊。天長賊復據馬家壩。乃遣副將張德勝破之。進攻天長。先有擒首李兆受納款。至是果爲內應。夾擊破賊。遂復縣城。勝保奏捷。奉旨兆受補參將。更名世忠。嗣後有反正者。命立功自贖。能克復城池者。加恩以示獎勵。新城安仁賊。爲楚軍所破。前後斃者二萬人。江境賊殆盡。

提督張國樑。總兵張玉良。擊石達開。大破之。

石達開援金陵。陷溧水。知縣周觀銘督戰陣亡。和春遣張玉良擊江藍埠。斬千餘人。乘勝圍溧水。雲梯登城。立拔之。賊潰走。陷伏死者又五千人。援賊適來攻高古山。張國樑親率數十騎。怒馬陷陣。左右衝突。萬衆披靡。手刺黃衣酋殪之。李若琳亦戰克。殲六千人。

浙江布政使李續賓擊陳玉成於三河集。死之。

李續賓將楚軍破黃安。勦皖城。會曾國藩於蘄州。遂復太湖潛山。進突三河集。斬數千人。會陳玉成自六合率大隊來。李世賢又自廬州來。會衆合十萬。連營於金

必死報國

李續賓戰
死
曾國華等
殉

牛鎮白石山。烽火亘數十里。諸將避銳。退守桐城。李續賓獨奮曰。軍事有進無退。戰死吾分也。飛檄召援軍。而賊已雲集。天適大霧。官軍戰敗。副將劉坤山。參將彭友勝。游擊胡廷槐。鄒玉堂。杜廷光等。先後戰死。衆勸續賓退圖再舉。續賓曰。軍興九年。皆以退走損國威。長寇志。吾當縱橫血戰。殺一賊則爲國除一害。且吾大小數百戰。每出不望生還。今日必死報國。不欲從死者。退爲計。將士皆曰。願從死。及暮。賊攻益亟。續賓開壁馳突。斬數百人。及夜。總兵李續燾。副將彭壽祥斫營。賊反擣虛入奪其營。決河隄斷官軍去路。壽祥等戰敗。續賓知事不可爲。從容具衣冠。望闕叩首。取所奉。廷寄硃批奏摺焚之曰。不可使宸翰辱賊手。乃躍馬貫陣力戰死之。同知曾國華。知府何忠駿。知州王揆一。同知董容方。知縣楊德閏。及從九品李續藝。張浦萬。皆殉焉。道員孫守信與丁銳義。激勵士卒。守中右營。至十二日亦陷。俱死之。是役文武官弁死者數百人。兵勇數千人。而中營爲最多。續賓崛起田間。以平賊自任。能以少擊衆。大小數百戰。克復四十餘城。未嘗挫衄。號令

嚴明所至百姓歡迎耕市不變死之日兩湖江皖士民巷哭如失父母

副都統多隆阿破賊於荆橋

荆橋戰績

花涼楓香捷

三河之敗為東征一大變遠近震動潛太復陷多隆阿勦黃泥賊與數萬人戰荆橋十合十勝斬六千人軍務復振楚將唐道訓等亦有南陽河之捷嗣後破花涼亭楓香驛賊殺一萬三千餘人浦城順昌為浙軍所復陽陵太平賊亦為皖軍所敗

九年己未薛三元以江浦城降

薛三元請獻城贖罪和春遣李世忠受降掩其不意疾戰斬千餘人先是賊中知三元之反正相攻於內會世忠至圍始解三元薙髮降未幾復叛世忠執誅之

蕭啓江

總兵蕭啓江與賊戰於賢女埔破之

賊伺贛州屯新城墟蕭啓江奉會國藩之命援贛至賢女埔偵知賊有八萬眾乃伏兵諸隘誘賊賊果出戰伏兵起谷樹楚軍幟賊驚以為神棄壘走追斬無算連

楚軍機

浦口捷

城龍岩賊爲福建軍所破。江皖之軍亦復黃池婺源。

提督張國樑總兵李若琳破賊於浦口。

皖北悍賊合黃池敗賊擁衆八萬屯烏衣鎮。圖爲六合援。張國樑遣李若琳率本部兵由黃山迎勦。賊又連九洑州賊直突浦口。國樑自率大軍截賊爲數段。若琳時克黃山而還。途過浦口與國樑夾擊。殪三千人。江楚軍亦拔南安府。

陳玉成陷廬州。前布政使李孟羣生員吳毓衡死之。

陳玉成由六安來侵。李孟羣擊卻之。玉成復率大隊來戰。副將鄧清知縣李孟荃兩營忽陷。賊乘勢破中營。孟羣持矛屹立。厲聲罵賊。手刃悍賊三人。死之。其父按察使李卿毅曩殉湖北。父子雙忠。世咸壯之。先是合肥生員吳毓衡慨然以討賊爲己任。首倡團練。一戰殲渠魁。州縣倚任之。毓衡益慨奮。每臨陣所向皆靡。方廬城陷。勢成孤立。玉成素銜之。傾衆環匝其寨。毓衡撫勉諸勇。曉以大義。衆感奮誓死不去。賊圍攻旬月。糧盡援絕。毓衡知不可爲。椎牛饗士。令皆醉。謂衆曰。此我

吳毓衡

椎牛饗士

毓衡死節

國之日也。馳入賊軍。當者皆斃刃下。血戰經時。僅餘親兵十餘人。體無完膚。毓衡下馬北向再拜曰。臣力竭矣。自以戈刺胸死。

石達開入湖南。總兵劉培元等敗績。

據險自雄

石達開久與洪秀全隔絕。擁衆已至十餘萬。欲據險自雄。乃入湖南。破總兵劉培元。彭定泰。陷桂陽。興甯。宜章。巡撫駱秉章。與邑紳左京堂宗棠。傳檄諸郡。一月得軍四萬。時賊犯新田。官文恐賊突長沙。復遣諸將先入鄂。受方略。

道員劉長佑。勦永州賊。破之。

賊犯郴州。進伺衡州。魏喻義率鄉勇迎擊。斬千餘人。賊改道由甯遠。侵永州。時劉長佑回兵來援。深入力戰。斬七千人。遂解其圍。副將余星元。別破郴州賊。別賊在涿洲者。江南軍破之。據景德。浮梁者。曾國荃破之。玉成再伺盱眙。皆敗。遂走滁城。陳玉成陷定遠。前淮揚道郭沛霖。知縣周佩濂。死之。

陳玉成糾合捻匪。圍定遠。郭沛霖。周佩濂屢戰卻之。賊復驅大隊疾攻城。城遂陷。

沛霖佩濂
死節

破陳玉成

四路會勦

李世忠破
賊

沛霖殉之。佩濂巷戰。受數十創。猶揮刀斬數賊而死。周汝諮、周炳濂等從死者十餘人。

巡撫胡林翼擊陳玉成於小池驛。大破之。

石達開犯湖南。攻寶慶。衆號六十萬。胡林翼命李續宜往援。破賊解圍。總督官文定四路會勦之策。曾國藩循江下。多隆阿攻潛山。李續宜出松城。林翼向英山。會陳玉成率數十萬來抗。勢甚張。多隆阿悉力拒戰。而賊日益至。圍鮑超數重。聲息不通。林翼使金國琛以八千人踰潛山。冒大雪逼賊軍而陣。賊望見大懼。曾國藩亦自宿松分兵來援。林翼督之。與玉成戰於小池驛。大破之。遂復潛山太湖。

副將李世忠破陳玉成於滁州。

陳玉成率死士攻來安。犯滁州。李世忠偵賊已驕。挑戰佯敗。精銳四伏不動。賊以爲怯。及賊退憩。世忠遣兵環譟賊營。試之。賊不以爲意。礮聲斷續。張虛勢。及夜忽寂然。世忠知火藥已竭。乃鼓噪驟進。踔厲迅發。縱火燒營。賊大駭。世忠乘勢掩殺。

破二十八壘。滁圍遂解。江南軍亦平六合天長。

知府李續宜。總兵劉長佑等。破石達開。

石達開寶慶敗後。尚據東南路。諸軍會勦。大戰賀家坳。李續宜金國琛先登陷陣。

斬胡德孝等數百人。其龍安鞏橋賊。趙道煥。田興恕。破之。斬黃立英等五百人。劉

長佑追賊至白倉。達開張黃蓋指揮迎戰。副將胡福發躍馬衝突。諸軍乘之。殺千

餘人。湖省肅清。同時信豐賊入廣東惠紹者。亦為官軍所擊破。

洪秀全犯清壩。營官張德勝。格洪額。擊敗之。斬吳汝孝。

洪秀全不得逞志於盱眙。來犯清壩。營官張德勝。格洪額。併力迎拒。吳汝孝素

以驍悍稱。自鎮江逸至皖北。大肆荼毒。德勝久疾之。適視其立陣。策馬揮槍刺之。

斬其首懸鞍。賊殊死來奪。皆為官軍所殲。石牌賊亦為楚軍所破。斃者數千人。

石達開犯桂林不克。遂陷慶遠府。

廣西自洪秀全竄後。免兵者殆十年。達開屢遇懲創。無可竊據。乃來廣西。圍桂林。

金國琛

趙道煥

田興恕

胡福發

斬吳汝孝

曹澍鐘
蕭益澧

劉長佑

韋賊降

江西堡障

天堂寇

九洲洲捷

巡撫曹澍鐘固守。投火箭焚壘。劉長佑由湘營。蕭益澧自柳州皆來援。破賊解圍。賊南走。攻慶遠。陷之。時皖軍復懷遠。江南軍數敗於六合浦口。既而克江浦。韋志俊以池州降。古隆賢來寇。復陷之。

彭玉麟駐安慶。韋志俊請投誠獻城。玉麟允之。自往受降。池州遂平。時志俊使古隆賢攻蕪湖。隆賢反引賊來寇。志俊破之。而軍心中變。城遂陷。

侍郎曾國藩會師於鄂州。

曾國藩已解閩浙圍。駐軍建昌。為節度。江西倚以為堡障。時石達開入湖南。擾千餘里。勢欲窺蜀。國藩奉命將入蜀。抵鄂州。時石達開屢經懲創。蜀已有備。故又緩國藩之行。移屯上巴河。國藩將攻皖。諸將分道征勦。胡林翼往蘄黃策應。及國藩會師。軍心益壯。賊之襲天堂者三萬人。官軍迎擊大破之。殺數千人。

十年庚申。總兵張國樑大破賊於九洲洲。

張國樑既破江浦賊。水陸並進。薄浦口。九洲洲賊出援。國樑奮擊破之。斬千餘人。

結捻匪

袁甲三

屢奏大捷

哈芬布

又焚九洲賊壘。殺數千人。

陳玉成會捻酋張樂刑入寇。副都統多隆阿連戰破之。

陳玉成結捻酋張樂刑。由廬州來侵。衆號十萬。多隆阿等力戰破之。殺七千人。賊又來侵奪。金國琛擊破之。禽藍承宜磔之。參將余際昌克高橫嶺。斬三千人。太湖賊棄城夜走。多隆阿破之。拔潛山城。

以袁甲三爲欽差大臣。代勝保討賊。復鳳陽臨淮。

淮河上下。爲捻匪所盤踞。與金陵諸賊。互爲應援。勝保一挫。軍威不復振。廬州定遠。久淪賊中。詔命勝保赴河南辦勦匪之事。特以袁甲三爲欽差大臣。督皖省軍務。命速殲醜類。甲三督兵克臨淮。取鳳陽。屢奏大捷。鄧正明等乞降。而捻首張元龍。據臨淮不下。甲三誘執而磔之。又獲僞丞相張先等十四人。誅之。皖軍亦平白盪橋。楚軍取建德縣。

石達開犯廣東。副將哈芬布擊走之。

石達開自桂郡解圍。展轉入廣東。連山鄉勇奮擊破之。賊復犯仁化。樂昌始興皆爲鄉勇所破。又擾南雄州。副將哈勞布擊走之。

總兵張國樑取上下關。

金陵有上下關。七里洲久爲賊據。九洲已敗。和春張國樑申明大義。解散賊黨。秦禮國謝茂廷相率投降。請攻上下關爲內應。國樑進攻下關。禮國自內起。遂拔之。乘勝取上關。獲礮百餘。船六十。釋脇從。拯難民。約五千人。時江南軍破江浦。而賊又陷廣德。捻匪掠清江者爲官軍所殺。皖軍克滁州。復全椒。

李秀成陷杭州。巡撫羅遵殿布政使王友端等死之。

是時金陵糧食漸竭。賊酋皆食粥糜。官軍皆以爲旦夕可破。而李秀成襲杭州。守陣兵少。賊掘清波門城遂陷。滿州兵戰不支。巡撫羅遵殿布政使王友端等均殉難。兵部右侍郎戴熙適在城中。亦從容死節。官紳殉者極多。將軍瑞昌率滿洲兵守杭。立牙營。謂之滿城外郭已陷。瑞昌令曰。賊衝我滿人尤甚。金陵之慘可驗也。

取上下關

杭州陷

玉良援杭

等一死耳。不如殺賊而死之爲愈也。於是婦女悉登陴守禦。相持七日夜。張玉良聞變。提浙軍馳至。遣諜約瑞昌接應。使守備王玉林攻武林錢唐二門。別伏兵於艮山民舍。玉良聞城中礮聲。知戰已交。自攻艮山門。賊投磚石力拒。伏兵自民舍突出。自樓架板度而登城。斬數十人。艮山門已敗。而瑞昌來存亦破賊。開武林門。納師。共擊殺數千人。李秀成敗走。遂復省城。皖軍亦拔績溪。再克舒桐。長興亦爲江南軍所復。

解金壇圍

賊圍金壇。兩江總督何桂清遣將破之。

時賊聚建平。而李秀成爲之首。如楊輔清。李世賢。劉官芳。賴文鴻。古隆賢。皆百戰之勁寇。并力陷建平。輔清又取東壩。世賢拔句容。溧陽。秣陵。關亦相繼失守。賊又攻金壇甚急。何桂清等與浙江巡撫王有齡。遣諸將援之。馬德昭。曾秉志。克溧陽。埠。劉成元。潛軍赴金壇。轉戰皆捷。城圍遂解。熊天喜復廣德。田宗興破分水。建平尋復。

和春敗績

欽差大臣和春總兵張國樑與洪秀全戰金陵敗績

和春益募壯勇增築長圍意謂取金陵在指顧將士志驕及援浙江在營兵單軍餉不繼士始有離心洪秀全偵之檄各處賊首來攻陳玉成據善橋陳坤書屯高橋李世賢逼北門楊輔清伺南門金陵城外遍地皆賊而大營勢孤勁兵精騎皆從張玉良援杭未還張國樑晝夜苦戰勢益熾會淫雨浹旬日酷寒如裂士皆無奮志一夜諸營火發全軍悉潰和春走丹陽賊衆追躡王浚熊天喜拒戰皆敗軍士赴水死者無數河爲之不流

金陵賊陷丹陽提督張國樑死之欽差大臣和春負傷道卒

國樑戰死

諸賊大隊圍丹陽憚張國樑不敢近徧築壘步步結營竊令黠賊入伏大營狙國樑出戰自後礮擊創甚猶奮勇手刃數賊躍馬投河而死國樑初在粵爲賊後率

周天爵

所部降時皆疑之廣西巡撫周天爵知其忠勇保護甚至後從向榮所向無敵擢

倚如長城

提督統江南軍務東南倚如長城及其死丹陽遂陷和春突圍而出賊進迫常州

和春死
王浚死

蘇州陷

徐有壬死

和春集潰兵迎戰。胸受槍傷。走至濬野。嘔血而死。提督王浚回擊丹陽。中丸死。熊天喜馳救。殺賊甚多。又力竭而死。時天長六合之賊勢甚銳。三路來寇。李若琳等力戰卻之。

賊陷蘇州城。巡撫徐有壬死之。

蘇省東南財賦之區。以常州爲屏蔽。歲輸金數百萬。以充餉。賊先拔常州。蘇兵不滿四千。脆弱不習戰。徐有壬激厲拊循。令張玉良率之以守高橋。三戰皆捷。會賊守九龍山。壓高橋而戰。玉良遂敗。賊勢大張。稱數十萬。敗卒震怖。應賊城遂陷。有壬遇害。次子振翼。族弟徐曾庚。妾施氏。幕友鮑鄂。家丁楊安。從死。按察使未鈞。投井。教授張鏡淳亦殉。賊取蘇州。侵掠四近。常熟知縣周沐潤募義兵破之。遂復江陰。賊又入浙江。取嘉興府。

總兵彭玉麟攻樅陽。遂破之。

賊據池州。築堅城於樅陽。彭玉麟以水師破之。斬千餘人。進攻池州。萬勝宗等窮

慶遠提

迫降。後察有異志，乃誅之。

巡撫劉長佑擊石達開於慶遠，破之。

石達開據慶遠，蔓延滋甚。劉長佑與戰，斬三千人。平樂思恩以次平定。賊棄慶遠，遠走貴州境，尋犯廣順、永寧，皆為官軍所破。

以侍郎曾國藩為兵部尚書、兩江總督。

曾國藩未入蜀，督兵江皖。是月，蘇州失守。總督何桂清坐奪職，以國藩聲威素著，不避艱險，特命為兩江總督。加尚書，據上游，以江楚為根本，以便宜進兵。國藩調鮑超之七千人，朱品隆之三千人，令待命，並令左宗棠益募湘勇四營，訓練成軍，以資進剿。

道員趙景賢破賊於湖州，進擊杭州，賊走之。

賊破甯郡，廣德直赴湖州。先是，趙景賢舉行團練法，獨任其事。在蘇聞警，馳歸，與湖州守瑞春圖捍禦。部署既定，賊大至，圍攻。景賢提刀乘陣，誓必死。與江南援軍

趙景賢三捷

瑞春湖州守城

蕭翰慶敗
死

周夔全興

應寶時復
松江

夾擊斬數千人。圍三日而解。尋蘇州陷。楊輔清衆十萬來犯。沿城大掠。火光燭天。景賢閉城。意氣自若。會鹽運使蕭翰慶自石埭來。馬蹶被害。所部敗散入城。景賢拊而用之。兵力稍厚。時賊已圍五門。景賢血戰數晝夜。斬馘無算。圍始解。而杭州城再被圍。景賢率兵馳援。圍始解。而湖州又告急。卽回援。則賊已至峴山。副將劉仁福自平湖潰歸。通欵賊中。率廣兵二千。佯爲援兵。謀入城內應。景賢偵知。陽治具善待。館之於外。陰簡精兵圍擊。殲之。磔仁福於市。竿其首以示賊。賊爲奪氣。解圍遁。詔以景賢三次解圍之功。賞按察使。

石達開陷歸化。安順知府周夔。參將全興死之。

周夔全興破賊於象鼻嶺。復永甯州。會連升闕賊大至。圍歸化。二人力戰死之。

直隸同知應寶時破賊。復松江府。

賊據松江。伺上海。直隸同知應寶時率兵團乘其不備。直攻南門。殲殺數十人。斬關入。又殪千餘人。奪七十餘船。遂拔其城。楚南軍亦復賀縣。浙江軍攻餘杭臨安。

曾帥督江
南軍務

李淮等戰
死

拔之。

以曾國藩為 欽差大臣督江南軍務。

曾國藩練集兵勇。部署嚴整。駐軍祈門。以固吳中人心。兼壯徽甯聲勢。特旨為
欽差大臣。督江南軍務。副都御史張芾。駐軍徽州。久無成效。召入京。皖南軍務
盡歸國藩。

陳玉成陷金壇。知縣李淮。參將周天孚。死之。

陳玉成圍金壇數月。李淮等請援。鎮江而馮子材來援。途中力戰破賊。金壇路始
通。子材急遣副將向奎。統勁旅。星夜馳援。未至。城中力竭失守。淮等皆戰死。時賊
圍上海者。勢極鴟張。按察使江清驥擊卻之。丹陽賊圍北渡者。亦為江南軍所破。
賊入徽州者。遂陷府城。

石達開圍鬱林。副將鄒世堂。赴援破之。

石達開自興元潰走。尚擁衆數萬。圍鬱林。又使別賊攻興安。知縣榮志出戰。而賊

是月又見長

十四

鬱林圍解

京師戒嚴

大沽陷

自間道入城。蔣顯敷力戰而死。榮志亦傷。適鄒世堂援兵至。力戰破賊。斬數千人。圍始解。

以將軍都興阿代李若琳督江北軍務。

江北軍務提督李若琳病不能軍。以荊州將軍都興阿代之。率騎步諸軍赴揚州。會京師有英法之警戒嚴。官文請以都興阿助僧格林沁以修攻戰。並與曾國藩胡林翼各請提兵入衛。已而英法就和議。都興阿仍赴江北督軍事。

郡王僧格林沁與英法戰於北河。破之。

英法合兵二萬。駕百艦直擣北河。僧格林沁率滿兵迎戰。破之於河口。英人佯偃戰旗以給我。竊分軍襲後夾擊。滿兵竟敗。因議休戰。二國之將疑其偽不聽。急攻大沽陷之。滿兵盡失沿河之守。於是二國復致使講和。請開天津諸港。贈償金八百萬。不許。二國兵復深入。僧格林沁以滿騎突戰大破之。禽英將一人。

英法陷北京。帝幸熱河。與二國平。

英法率精銳萬餘人。萬礮電擊入通州。僧格林沁力戰數次。滿騎多殲於丸。軍遂大潰。帝率后妃諸王避熱河。復命恭親王留守。時二國兵長驅逼北京。恭王急馳使議和。二國將曰。返俘修盟。期以三日。不得命。則直蹂北京。恭王之報。過期不至。二國兵遂入京城。燬圓明園之宮觀。二國復贈書恭王。請如前約。恭王遂聽之。乃還俘囚。引二國將於禮部廳。修盟書。出償金一千二百萬兩。以與二國。又以牛莊登州臺灣潮州瓊州九江漢江爲互市場。和議始成。二國兵引去。尋復與俄羅斯訂約。大購礮械。嚴備海防。

陳玉成圍壽州。巡撫翁同書等擊卻之。

陳玉成率二十萬人圍壽州。巡撫翁同書登城相度形勢。爲戰守之備。及賊至。不能逞志。轉攻北關。城上發巨礮擊卻之。副將王鳴鐸復要擊於津渡。及夜。再用火攻。殺賊二千餘人。賊大敗走。

李秀成陷甯國府。前提督周天受。道員福咸死之。

遼國陷

周天受死

李秀成攻盩厔。周天受、福威誓以死守。至七十餘日。糧盡援絕。賊攻益亟。城遂陷。二人巷戰死。天受之弟天培。上年與賊戰河北陣亡。其弟天孚亦死於金壇之敗。兄弟三人先後殉節。詔建祠於原籍四川。並祀三人。此月嚴州亦陷。副將封九貫戰歿。江陰陷而隨復。上海軍亦克金山。楚軍援南陵者。拔難民數萬放之。賊陷餘杭。副都統傑純擊破之。

復餘杭

賊陷餘杭。傑純擊之。手斬執旗酋數人。賊敗走。復由寶樹進。銳甚。傑純復陷陣斬黃衣酋二人。賊勢披靡。尸骸徧野。追殺數十里。遂復餘杭。

南雄賊攻安遠。浙江布政使林福祥等擊破之。

安遠之捷

南雄州賊攻安遠。連營六十里。勢大張。林福祥與總兵阿隆阿合勦破賊。焚六十壘。殺二千餘人。

總兵鮑超。道員張運蘭。破李秀成。斬吳桂先。

曾國荃駐軍祈門。賊來犯。張運蘭出戰。斬汪懷忠。徽州賊援休寧來爲犄角。二營

斬吳桂先

石達開犯
湖南

兵夾擊。殺千餘人。李侍賢自浙江送礮入城。李秀成亦自蕪湖。率數萬人來援。運
蘭與鮑超等。力戰破賊。追入黟縣復城。次日大戰於柏莊嶺。斬吳桂先。秀成傷走。
賊在壽昌者。爲浙江軍所破。

石達開陷綏寧。知縣吳熊父子死之。又陷東安。知縣趙榮祺父子死之。

石達開擁衆欲由黔入蜀。未果。分黨犯湖南。吳熊與其子鑣。典史馬星恒。城步知
縣安和。均殉難。兩城俱陷。賊又圍武岡。道員江忠義。屢戰破之。賊轉陷東安。趙榮
祺與長子燕棠。幕客胡琅笙。吏目周炳勳。訓導蕭國煦。皆死節。兩城既陷。江忠義
會三路兵。進戰。破達開。達開走。侵青岩。再敗。轉破長寨。同知劉宗元被執。罵賊死。
賊圍建昌。太常卿左宗棠擊破之。

賊入南贛。圍建昌。爲左宗棠所破。又走陷德興。宗棠遣軍破之。復城。賊轉陷婺源。
官軍進戰。斬悍賊百餘人。復城祈門。軍亦復建德。

賊攻湖口。兩江總督曾國藩遣將擊破之。

復湖口

擊敗李秀成

禽林天福

賊長驅深入爭湖口。國藩檄諸將赴援。賊又攻彭澤不克。益薄湖口。梯而登。會水師來助戰。斬登者數百人。奪長梯三百。賊夜遁。遂復縣城。

李秀成伺祈門。犯蘆村。兩江總督曾國藩擊破之。

李秀成伺祈門。國藩遣諸將屯蘆村。古隆賢賴裕新來攻而敗。賊萬餘人。反圖死突。國藩分兵斷其後。賊又大敗。自此喪膽。不復窺祈門。蘇州軍亦戰寶山。殺賊二千人。浙江賊犯湖州者。屢挫於趙景賢。其入浮梁者。左宗棠殲之。江山常山。江浙軍復之。獨江西賊入福建者。遂破汀州。

十一年辛酉。黃文金犯景德鎮。左宗棠鮑超迎戰。破之。

黃文金五路來犯。左宗棠鮑超分途鏖戰於石門洋塘。殺千餘人。文金宵遁。超一軍獨進。至彭澤再戰。殪二千人。遂復建德。禽林天福。賊之犯祈門者。唐義訓擊破之。

副將成大吉戰松子關。斬然首龔瞎子。

斬龔瞎子

陳玉成與龔龔瞎子率五萬人攻松子關。成大吉兵僅二千五百人。大吉激厲士卒。一可抵百。正酣戰間。使別隊從山左截路。擊斬龔瞎子。賊衆驚潰。陷谷。大吉追擊殲四千人。次日賊欲爲瞎子復仇。五路來寇。大吉奮戰。又破之。

陳玉成陷黃蘄二州。

黃蘄陷

陳玉成率十萬衆。犯霍山營。破副將余際昌。襲取黃州。又陷蘄州。別分數萬人入孝感雲夢。取德安隨州。勢甚猖獗。

左宗棠擊李侍賢於青華街。大破之。

克青華街

賊陷徽州。據休甯城。曾國藩使朱品隆等攻破之。遂拔城。李侍賢又陷婺源。據青華街。左宗棠擊之。斬二千餘人。賊猶死戰不退。宗棠出奇兵大破之。乘勝進。而城中別賊出犯樂平。宗棠追扼於柳家街。接戰大勝。而援賊又至。宗棠返旆復戰。破之。祈門兵亦破厯口。賊遂越嶺而逃。

邑紳何長治沈維城。破賊於青浦。禽徐太湖。

食徐太湖

自常熟昭文以團練有功。諸城邑紳皆勤修堵禦。賊亦畏之。守備方聚興破賊蘇州。邑紳何長治沈維城許子蘭會義民連戰禽徐太湖。進至嘉定。而城賊出援。沈維城獨奮身越濠。殺賊甚衆。力竭而死。黃渡安亭賊各設偽局。盡爲邑紳所毀。戮其僞官胡銀龍劉蘭升等。鄉團激義憤。齊心殺賊。所保全實多。楚軍亦復雲夢應城等處。而乍浦平湖反陷賊。

常江義民破李侍賢於大溪。復常山江山二縣。

義民破賊

李侍賢連陷常山江山二縣。義民團聚與賊戰於大溪。灘破之。立復二縣。而遂安壽昌蘭溪又陷於賊。

左宗棠大破李侍賢於樂平。

李侍賢由鄱陽湖犯范家村。左宗棠時參會國藩軍務。率兵勇敗賊三千人。宗棠以景德陷。拔營赴樂平。侍賢來攻。連壘至十餘里。宗棠開門奮戰。縱橫盪決。殪五千人。侍賢易服遁去。

李侍賢遁去

總兵鮑超成大吉破陳玉成於集賢關。

陳玉成屯集賢關。勢漸振。曾國藩遣鮑超、胡林翼遣成大吉，并力會勦。五戰五捷。玉成又築壘菱湖，與安慶賊接應。曾國荃亦遣水師破之。玉成浮水僅免。再鼓餘衆入德安、隨州，拔兩城。

將軍多隆阿破賊於揚州。

賊犯揚州。多隆阿迎戰破之，斬數千人。別賊襲鎮江者，將軍巴東阿破之。據汀州者，福建軍取之。上海軍殺嘉興賊二千人。又破平湖乍浦賊。

李秀成破副將余際昌，追犯大冶。游擊曾紹霖擊破之。

李秀成率八萬人入寇。其窺興國者，破余際昌，進至大冶。游擊曾紹霖迎擊破之。總兵鮑超成大吉，擊赤岡賊破之。

鮑超成大吉，專攻集賢關外赤崗嶺，不利。乃環濠立礮臺數十座，晝夜輪攻。賊糧盡，勢窮。超遣守備吳亮才入壘招降。賊多投順，獨第一壘賊夜突圍而走。適河水

暴漲沮渡。超等蹙擊。斬四千人。

浙江巡撫曾國荃。大破吳定才於安慶。

先是曾國荃竭力作長濠以圍安慶。賊懼乞降者相踵。獨菱湖吳定才不屈。率悍賊來犯。諸軍環擊。斬五千人於北岸。其克南岸者斬千餘人。長興縉雲賊。浙江軍平之。蘇賊犯上海者亦敗而還。

福建按察使張運蘭等破賊復徽州。

曾國藩自祈門移營東流。皖南賊窺祈門者。提督江長貴破之於西武嶺。張運蘭等亦克黟縣。嶺外援賊至者亦敗還。徽州賊亦望風而潰。運蘭遂復府城。

左宗棠大破李侍賢於柵樹嶺。復景德鎮。

宗棠率軍追李侍賢。直至廣信府。賊走入鄱陽。宗棠抵景德。賊聞而宵遁。宗棠追戰柵樹嶺。破之。遂復景德鎮。

總兵彭玉麟道員蔣凝學破李秀成復武昌城。

破賊西武嶺

復景德

宗棠移葵源

李秀成連陷武昌等七州縣。彭玉麟、蔣凝學等會勦，立復武昌、通城。成大、吉、何紹彩由保安進破賊。大冶、興國、通山賊棄城赴義甯。義甯亦爲湘軍所復。太常卿左宗棠破賴裕新於新建。

曾國藩以婺源界江皖浙三省之衝，尤爲扼要，命左宗棠分兵移屯。宗棠已克建德，乃移婺源，而賴裕新率二萬人來犯。據新建，宗棠進破之，斬千餘人。

道員李元度破李秀成於瑞州。

復新昌

李秀成陷新昌，以瑞州爲老營。官文使李元度乘取義甯之勢，進圍瑞州。元度馳馬隊襲破之，復新昌。又合軍攻瑞州，都司易咸臨，羅寅先登復城。

副都統舒保破賊，復德安。

攻德安

陳玉成分兵守孝感、德安，以牽制官軍。圖窺荆襄，官文率水陸諸軍，節次嚴勦，先取孝感，使舒保等攻德安。賊嚴防不下，乃築長圍以困之。賊六千冒死突出，不勝。又出六千衝軍後而敗。官軍四合，架雲梯，一鼓奮登，開門納師，擊殺三千餘人。

陳玉成楊輔清犯太湖。總兵胡裕發拒戰破之。賊又來寇。都統多隆阿擊破之。

陳玉成安慶敗後。與楊輔清合。號稱十餘萬。直犯太湖。官文胡林翼檄諸將赴太湖拒戰。賊數萬依山爲長蛇勢。亘二十餘里。屢下挑戰。諸軍不爲動。夜大雨。賊兵潮進。胡裕發力拒。飛礮隨雨落。殺千餘人。太湖圍始解。賊又欲納桐城之衆以解安慶圍。多隆阿堵勦馬鞍山。而別賊自桐城至。參將唐仁芳破之。追抵城。城賊出戰。多隆阿破之。玉成輔清皆走。多隆阿又繞攻其後。再破之。斬黃賊亦遇楚軍之勦而敗。

總兵鮑超破李秀成於豐城。

李秀成出瑞州。由臨江渡河據豐城。連營百里。軍聲大振。曾國藩令鮑超進勦。賊造浮梁。過河列陣。與官兵抵抗。超分兵四路奮迅齊擊破之。斬八千人。

浙江巡撫曾國荃大破陳玉成。復安慶城。

安慶省城淪陷。九年。城賊不下四萬。曾國荃統領全師。銳意圖之。陳玉成自來援。

安慶大戰

多隆阿破之。絕餉道。國荃益專力攻圍。破其北門。而賊自外益至。旌旗林立。火光照天。賊屢出。不利。遂傾巢突出。國荃奮戰達旦。斬三千人。賊鋒大挫。嗣後賊更番迭攻。官軍亦輪班應之。賊每戰不得志。由湖中送糧城中。為官軍所奪。國荃益發地雷陷城。賊逸南門者。多溺於江。由西東北者。水師環擊破之。殺一萬六千人。玉成褫魄而走。曾國藩亦遣將取池州。

吉林黑龍
騎兵

克桐城

巡撫曾國荃。都統多隆阿。與陳玉成楊輔清戰桐城。破之。將軍穆圖善力戰拔桐城。桐城為七省要道。安慶咽喉。城堅而高。賊負隅待援。陳玉成擁眾數萬。來往於集賢關。曾國荃恐其與桐城合。相機進剿。多隆阿亦以吉林黑龍江騎兵。擊玉成輔清走之。穆圖善與諸將圍桐城。填濠架梯。奮呼登城。斬千餘人。玉成遁蠟樹窠。多隆阿遣諸將追剿。又殺千餘人。宿松黃梅廣濟之戰。賊皆連敗。諸城盡復。楚軍亦拔黃州。斬四千人。

總兵鮑超援撫州。破李秀成於河口。

李秀成攻撫州。鮑超赴援。破之河口。平七十壘。乘勝追賊至鉛山。一鼓拔之。江西肅清。

李侍賢陷嚴州府。餘杭縣城。

李侍賢圍嚴州兩月。遂破南門。副將羅大春被傷而遁。城遂陷。賊又攻餘杭。知縣吳滢督團勇固守。衆寡不敵。亦陷。賊乘勝陷連山諸暨紹興。

兩江總督曾國藩遣將破陳玉成。巡撫胡林翼援皖城。卒於軍。予諡文忠。

陳玉成破霍山。取官軍旗幟冒裝。馳入黃隨陷之。胡林翼以爲賊意在解皖圍。皖圍解則大勢全去。墮賊計必矣。乃定策遣李續賓回援。而賊圍皖益急。又赴安慶。約城賊夾擊。精悍悉聚。國藩亦從南岸遣將破集賢關。斬數千人。禽劉瑄林而磔之。援賊由桐城來者。又爲多隆阿所破。蓋安慶爲金陵屏障。久陷城中。陳玉成據爲巢窟。室家在焉。故援之甚銳。而桐懷太潛之官軍不動。驍悍爲之被戮。城中糧垂盡。勢大蹙。適南岸賊復由武甯內犯興國。省城甚危。林翼病嘔血。憊甚。猶率師

克安慶

胡林翼卒

回援而皖圍終不解。惟南岸賊望風走。而官軍遂克安慶。國藩以林翼力主圍皖之議。推其首功。詔加太子太保。桐城廬舒。以次克復。孝感德安亦隨平。而林翼病劇。卒於武昌節署。林翼性聰敏幹實。事至立斷。無留難。嘗曰。國之需才。猶魚之需水。鳥之需林。人之需氣。草木之需土。得之則生。不得則死。才者無求於天下。天下當自求之。故其所薦不盡相識也。

巡撫曾國荃破賊。復無爲州。

無爲州居皖北形勝。控金陵。引蕪湖。爲賊必爭之路。故屯泥汊口。阻官軍。曾國荃督水師勦之。見其壘居高難仰攻。自扼楊家橋。斷歸路。賊果大懼。夜走無爲州。國荃追抵城下。先是國荃禽馬玉棠之奴。諭玉棠令獻城。自效而謀泄。賊拘玉棠。兩黨相攻於內。國荃乘之疾攻。斬二千餘人。賊據東關者。楚軍破之。而處州復陷於賊。

賊圍隨州。湖廣總督官文遣將破之。

賊黨內攻

隨州餘孽連豫州捻匪犯襄陽副都統舒保攻之未拔官文使降賊劉維楨馳抵隨州假用陳玉成偽書誘令出城而設伏四路賊信偽書由西南門齊出劉嶽昭等由東北門入殺萬餘人

以兩江總督曾國藩兼掌浙江軍務

時賊勢猖獗浙江全省爲之糜爛故有是命自巡撫提督以下均受其節制

李秀成陷杭州將軍瑞昌巡撫王有齡等死之

諸軍攻勦劇急重城連復金陵勢蹙洪秀全懼甚令李秀成李侍賢分路侵擾以分官軍兵力秀成進拔浙江諸郡直攻杭州張玉良由上游來援王有齡嬰城嚴防賊營鳳凰山以俯瞰城中玉良力攻中礮死頃之城中糧竭堅守兩月而陷有齡自縊於署越四日駐防滿城亦陷瑞昌殉難前後死節者學政張錫庚浙江提督饒廷選處州總兵文瑞鹽運使莊煥文等皆其著者也

楊輔清犯徽州總兵朱品隆赴援破之

杭州陷

駐防城陷

楊輔清犯徽州。總兵張運桂堅守待援。曾國藩遣朱品隆往援。諸軍合攻破之。輔清受傷逃。值大雪不能追。皖軍亦復六合天長。

賊犯上海。刑部郎中潘曾瑋入朝。定洋兵會勦之議。

自蘇州失守。避難者均集上海。賊氛甚惡。欽差大臣龐鍾璐招潰兵募壯勇。又勸諭英佛各國會勦。雖頗有禽斬。勢終不克。鍾璐聞曾國藩軍威大盛。因遣使乞援。會帝軫念東南。博求將帥。國藩上疏。舉李鴻章。乃令率師進援。時賊又陷浦東。上海知縣劉郇膏赴援。於是官紳集議。請立會防局。潘曾瑋航海入京。謁議政王軍機大臣。定洋兵會勦之議而還。

舉李鴻章
會防局

秋八月癸卯寅刻。帝崩於避暑山莊行殿寢宮。穆宗即位。

上疾大漸。召宗人府宗令右宗正御前大臣軍機大臣承寫。硃諭立皇長子為皇太子。諭曰。神器至重。必宜傳付元良。皇太子仁孝聰明。必能欽承付託。其即皇帝位以嗣大統。該王大臣等尤當盡心輔弼。贊襄政務。喪服仍二

十七日而除。布告天下。咸使聞知。是歲上尊諡曰顯皇帝。廟號文宗。同治四年九月甲申葬定陵。上在位十一年。聖壽三十有一。

皇朝政典舉要卷七下終

皇朝政典舉要卷八上

日本增田貢原著

遂安毛

淦補編

仁和汪厚昌

訂正

錢塘顧梓田

穆宗毅皇帝

同治十三年

同治元年壬戌。以曾國藩為協辦大學士。節制東南各省軍務。

穆宗立。兩宮太后垂簾聽政。以國藩為先帝重臣。委任益至。加協辦大學士。

命統籌東南全局。是時公弟國荃有直搗金陵之師。李鴻章有援勦蘇滬之師。

楊載福。彭玉麟。有肅清長江下游之師。大江以北。多隆阿有圍攻廬州之師。李續

宜有派援潁州之師。大江以南。鮑超有進攻甯國之師。張運蘭有防勦徽州之師。

左宗棠有規復全浙之師。十道並出。皆受成於公。此外袁甲三及李世忠。淮上之

師。都興阿。防江北之師。馮子材。守鎮江之師。並奉旨統籌兼顧。國藩自駐安慶。

節制各軍。

統籌全局

編修李鴻章創興淮軍。

淮軍

銘軍

初賊逼上海。官紳乞師於曾國藩。國藩舉幕僚李鴻章至淮上。募勇得八千人。名曰淮軍。鴻章以千總劉銘傳爲管帶官。乃創立銘軍。遂收南匯縣城。降賊酋吳建瀛。劉玉林。於是建瀛所部三千人。玉林所部千人。皆屬銘軍。賊將吉慶元聞之。合川沙賊來寇。銘軍又擊破之。遂復川沙城。擢都司。加游擊。克奉賢金山衛。擢參將。秋。自浦東敗賊野雞墩。又大破賊於四江口。擢副將。

浙江巡撫左宗棠破賊於開化。進克遂安。復衢州。

左宗棠自婺源起兵。破楊輔清於開化。又破賊於馬金街。斬逆酋藍以道。殪五千餘人。復遣劉典王開來劉璈李耀南克遂安。金嚴賊圍衢州。宗棠自率軍往援。克招賢關。賊首李侍賢敗走。遂克之。

四品頂戴美人華爾破賊於松江。又敗賊於上海。克蕭塘。

華爾者。美國部落鈕要人。初。本國爲將。以罪廢。來上海。國人欲殺之。會賊陷蘇。

克衢州

州。上海將治兵。候補道楊坊。愛其勇。匿之家。介上海道吳煦。言於美領事。獲免。以是德吳煦。願効死力。咸豐間。賊陷松江。令華爾募西勇數十人爲前行。我數百人。半夷服。半常裝。繼之。華爾誡曰。有進無退。退者斬。賊迎戰。槍礮雨下。令皆伏。無一傷者。頃之突起。手加額爲號。百二十槍齊發。賊無當者。至是年。賊又犯松江。衆數萬。華爾率五百人禦之。賊圍之數十重。華爾乃分其衆爲四圓陣。陣分五重。人四嚮。最內者平立。其外遞俯。至最外者幾踞地矣。皆以槍外指望之者如饅頭刺鍼。然將居中吹角爲號。一動無不動。數十槍齊舉。賊披靡遁走。時浦東賊據高橋。逼上海。華爾約英法兵列陣海濱。而自率所部攻高橋。盡平賊壘。上海解嚴。詔賞四品翎頂。以其願改服色。隸中國也。後又進攻蕭塘。克之。

賊陷湖州。福建督糧道趙景賢被執。

是時湖州四面皆賊。惟留大錢口一線路。賊又踞其地。自此內外隔絕。餉道不通。賊屢受趙景賢防湖之挫。恨次骨。趙景賢者。湖郡歸安人。賊屢犯湖。皆賴景賢率

趙景賢被
執

團勇死守得全。至是選死士三千人，解城圍。由南北門出擊，各掃十餘壘，獲賊糧。搬運入城。是時城內外水陸兵民十餘萬，未幾糧隨盡。越二日，奉飭赴福建糧道之任。及賞加布政使銜之命。公感泣誓死。其後軍民羅雀掘鼠，食草根樹皮皆盡。縣丞某欲通賊，事敗立斬之。有搜掠者，仍按軍法。及城陷，公拔刀自刎，爲所奪，被執至蘇。

知府曾貞幹克繁昌及南陵蕪湖，進攻雨花臺，卒於軍。

曾貞幹師次三山。三山者宣池羣賊四萃之區，軍入援絕，寇十倍。貞幹以計招降之。三縣義民之陷賊者，煥咻而厲招之，得四千人，編伍約法，用破魯港。克繁昌，下南陵蕪湖。與兄國荃會兵進薄金陵雨花臺。時江東疫癘大作，貞幹病甚，將假歸休養。適李秀成率大隊來犯，貞幹力疾當四路防衛餉道，血戰四十六日，賊始解圍遁。貞幹積勞不起，卒於軍。

曾貞幹卒

荊州將軍多隆阿克廬州，囚陳玉成，誅之。

拔廬州

陳陳玉成

進攻龍游

多隆阿率軍二萬進攻陳玉成於廬州。令部將石青吉爲前鋒。青吉營於城西北隅。破賊壘斬數千人。遣騎軍斷其糧道。玉成營城外。恃水爲險。隆阿決水揜之。隄未成。援賊大至。乃罷掘隄擊賊。大破之。遂并力攻城。青吉建飛虎大旗。單旗出。賊見輒奔逸。遂毀柵城。樹雲梯。由西門而入。遂拔廬州。殪賊萬計。生禽八百有奇。斬僞官二百十三。解散七千餘衆。賊酋陳玉成率數百騎奔壽州。依練總苗沛霖。多隆阿遣將追之。距城四十里。逼獻陳囚。沛霖不得已。囚玉成解前督師勝保營。誅之。玉成爲賊中第一凶渠。竭數年之力。始克殲之。隆阿奏令石青吉以五千人留守廬州。

知州劉典破賊於衢州。

李侍賢謀踞金華爲老巢。分布賊黨於龍游湯溪蘭溪。衆數十萬。聯營數百里。扼官軍進取之路。直隸州知州劉典拒戰。奪隘數十。衢州東南北賊壘皆平。乃進攻龍游。龍游城小而固。賊計以堅城老我師。而蘭溪湯溪皆以捍黨拒守。全浙賊勢。

注重於此。巡撫左宗棠令蔣益澧攻湯溪。劉典攻蘭溪。公自攻龍游。擒酋張樂刑圍清河。游擊陳國瑞擊走之。

賊踞天長六合。屢攻未克。游擊陳國瑞偵知賊有驍將曰陳振邦。設計降之。遂克其城。以振邦爲義子。後亦以戰功著。天長既復。清淮髮捻猶熾。漕運總督吳棠奏調國瑞往剿。國瑞僅率壯士五百人赴敵。而賊衆十萬。已將淮關稅銀數十萬兩掠去。國瑞急揮軍追擊之。賊敗走。奪回所掠銀。會擒酋張樂刑圍清河。國瑞率所部馳援。賊易其兵少。圍之。國瑞短小精悍。服紅統襖。策馬馳入賊陣。與壯士往來奔擊。賊皆披靡敗走。自此賊中稱紅孩兒軍。聞名膽寒。既解清河之圍。擒匪退保泰興宿遷等城。國瑞以功擢副將。加總兵銜。奉命進剿。皆克之。斬級逾萬。生擒老賊數百。拔出難民八千。移軍邳州。累戰皆捷。捻酋高圭力竭請降。餘黨解散。江北悉平。

命僧親王督辦防勦捻匪事宜。

詔博多勒噶台親王僧格林沁督山東河南直隸山西四省督撫提鎮將兵大員均受節制。是冬攻渦河捻圩，誅其酋楊興太，羣捻多降。

原任安徽巡撫李續宜卒，以唐訓方爲安徽巡撫。

李續宜以復安慶功，調補湖北巡撫。既又移撫安徽，屢奉密詔討苗逆。續宜分軍屯穎壽，解潁州圍，克霍邱城。詔授欽差大臣，適丁憂。命仍署巡撫。三疏辭謝，舉唐訓方以自代。續宜夙患咯血，至是增劇，卒於家。年四十有一。敕照總督例賜卹，建立專祠，予諡勇毅。當是時，苗沛霖反覆無常，且安徽四戰之地，租稅無所出，唐訓方既受安撫之命，支持危局，頗深賴之。

江蘇布政使曾國荃會兵部右侍郎彭玉麟克金柱關。

江蘇布政使曾國荃自湘鄉循江而進，破南岸賊於荻港，舊縣三山峽魯港，克繁昌南陵，又破北岸賊於望銅城，開雍家鎮，克巢和含山三城，又攻克濡須口西梁山，沿江北岸賊壘悉平，遂率陸軍逼金柱關，兵部右侍郎彭玉麟分水軍爲三隊。

克金柱關

一隊守溪。一隊衝入內河。一隊輦礮立岸。環城轟擊。夜半射火箭焚其西門。礮樓。賊從火焰中逸出。積骸滿渠。遂克金柱關。東梁山賊寨亦下。又復太平蕪湖。沿江南岸賊壘悉平。陸軍進攻秣陵關。玉麟率水師由烈山赴之。會於拔頭關。奪江心洲蒲包洲。進泊金陵護城河口。陸軍亦進營雨花臺。

參將程學啓破李秀成於上海。

僞忠王李秀成等率賊十萬犯上海泗涇。連營百。參將程學啓以八百人駐新橋。當其衝。賊圍之數十匝。公登營發礮山礮抵禦。賊進逼則開壁門衝擊。賊退旋至。自辰至申。如是者九。會李公鴻章親率軍至。學啓望見李公旗。始空壁出夾擊。賊大敗。遁走嘉定。事聞。賜號勃勇巴圖魯。擢副將。

副將華爾率英法兵復嘉定青浦。進克浦東奉賢。

初李鴻章率師至上海。華爾屬焉。乃立常勝軍。募中國勇。令華爾教練。其勇糧倍於湘淮各營。勇募至三千人。令參將李恆嵩爲之副。華爾會英提督何伯。法提督

賊遁走嘉定

克嘉定青浦

卜羅德攻克嘉定青浦。留英法兵與常勝軍共守之。英法兩提督奉旨嘉獎。華爾授副將。尋又克浦東奉賢。

捻賊犯陝西。多隆阿大破之於商南。

捻賊自河南竄陝西。逼西安。官軍迎擊失利。詔多隆阿馳赴陝西督辦軍務。時

偽扶王陳得才勾合捻酋張樂刑姜汰陵二十餘萬衆。三路窺秦。隆阿慮關隘爲

其所奪。命雷正綰爲先鋒。率三千人兼程前驅。自率大軍繼之。抵商南。陳酋躡於

後。截我餉道。隆阿回軍掩擊。大破賊於紫荊關。復其城。賊宵遁。令馬隊追之。步隊

列營少息。單騎入商南。姜酋猝至商邑城甚陋。且當賊來衝要之路。城中僅衛卒

數十。衆咸驚怖。隆阿從容布置。城門洞開。命十數騎列陣以待。賊不敢逼。數日賊

北趨。後軍亦至。隆阿已豫檄陶茂林等。設伏於武關。截賊去路。自率五千人追擊

二百里。其地亂山崎嶇。兵難展布。乃棄馬登山。覘賊所向。以旗指揮。三戰三捷。賊

墜崖澗死者無算。姜酋僅以身免。是役也。以數千疲卒。當悍賊五六萬。聞者莫不

復商南城

偉之。

授鮑超爲浙江提督。

賊雷聚皖南。東連蘇杭。西濱江上。自建德東流。下至銅陵蕪湖。戰爭紛紛。鮑超各路策應。條東條西。風馳電掣。精銳莫當。既解銅陵圍。進克青陽。拔石埭。下太平涇縣。攻甯國。大破賊於寒亭管家橋。進軍高阻山。僞輔王楊輔清匿城中。僞保王洪容海等數十萬衆。繞城築壘。絡繹三十里。超擊破之。奪望城岡。賊四出襲我軍。僞循王魏超成列隊於胡廬山。楊輔清復於大東門出。超奮擊之。皆大奔。斷賊數萬於城中。分兵躡追。殲賊二萬有奇。城下。楊輔清以單騎逸。洪容海自廣德州以十萬衆降。後從超轉戰至嘉應州。官至總兵。

浙江提督鮑超大破賊於石湖埠。

李秀成竄江北。破江浦浦口。巢縣和州含山。圍石湖埠。官軍四十餘日。鮑超自青弋江馳救。抵無爲州。賊聞風解圍去。所向披靡。列城皆復。禽賊數萬。李秀成遁入

降
洪容海來

圍石湖埠

金陵。

副將華爾復慈谿城死之。

先是上海軍克奉賢金山青浦餘姚等處。而浙江賊伺甯波。會廣艇軍與法國兵構讐。引賊攻陷慈谿縣。美人華爾率軍越境攻之。華爾自在上海呈請隸我版圖。屢以戰功。由四品翎頂擢升副將。聞慈谿告警。率常勝軍來援。既至慈谿。揮兵先登城。會賊發巨礮。遽中其胸。腹穿而死。得旨於甯波松江兩府。建立專祠。從優議卹。

華爾戰歿

美人白齊文從賊至漳州。浙江巡撫左宗棠獲之。

華爾既歿。美人白齊文代統其軍。以酬薄頗生失望。遂却餉銀往投賊。嘗勸李秀成盡棄江浙兩省之地。斬伐茶桑。焚燬廬舍。然後并合大隊直趨北方。據齊豫秦晉上游之勢。以控東南。乃可以逞志。幸秀成戀故土。其說不行。白齊文美之無賴子也。始助我國。繼又投賊。屢次被禽。解送美領事。領事乃放之東洋。白齊文復由

獲白齊文

日本潛至福建漳州再助賊。後左宗棠獲得之。美之。福州領事慶樂爲之力請。謂送國正法。宗棠以其罪大不許。由閩送浙。正法。道經山陰。舟覆而死。

法人卜羅德克南橋鎮。拓林進軍南匯。死之。

李世忠令參將程學啓等以四千人進南匯爲北路軍。英法軍進金山爲南路軍。會攻南橋鎮。賊恃三道土城。槍礮雨下。法提督卜羅德奮勇當先。冒煙直入。賊衆驚潰。遂取南橋。又進攻拓林。賊方負固。英兵及常勝軍營金山。賊來援。又擊走之。復取拓林。次日追賊至南匯。卜羅德督戰南橋。爲槍丸中傷死。詔賜祭。並賞庫貂彩絨給其家。

知府李慶琛攻太倉。卒於軍。

時西兵方議趨金山。李慶琛以五千人攻太倉。蘇賊李秀成大股來援。我軍皆陷。慶琛及同知周士濂死之。青浦寶山同時大震。李世忠共英法二國軍突圍走。上海賊遂踰青浦。徑逼松江。

卜羅德戰
歿

逼松江

攻漢中

賊攻漢中。提督哈連升擊退之。

賊兵由華陰縣至潼關。攻漢中。提督哈連升固守。礮擊殺五百人。賊環攻三晝夜。不克。遂遁去。連升追擊之。復殺千餘人。

賊犯闕鄉。知縣王其昌死之。

王其昌戰歿

賊由陝西潼關小路犯河南闕鄉。知縣王其昌巷戰死之。陝州知州王詔督兵馳援。復其城。城賊竄澠池宜陽汝洲。

賊犯穎州。布政使賈臻擊破之。

穎州圍解

賊圍穎州。重濠鹿角。並用地雷轟其城。游擊范文英等中傷。裹創堵禦。會狂風起。烟焰回撲賊陣。時勝保由太和督兵馳援。布政使賈臻自內夾攻。大敗之。斃千餘人。奪三十七壘。賊圍遂解。

賊首石達開侵四川。提督胡中和。按察使司劉嶽合擊。破之。

石達開久擾四川。擁衆數萬。據橫江。蕭慶高何必勝分道進攻。拋火彈燒二十餘

石達開遁走

皖城陷

李秀成來援

李世賢助戰

寨提督胡中和由山後合擊。殪二萬餘人。臬司劉嶽攻雙龍場。大破之。殪萬五千人。陣斬偽都督等四十餘人。郭集益等以三千人來降。石達開遂遁燕子灘。又追擊之。斃千餘人。餘賊入雲南境。未幾復入蜀。總兵朱桂秋敗之。賊竄盪江。賊首李世賢陷皖城。候選訓導丁翥死之。

我軍逼金陵。洪秀全令李世賢取皖城。意圖據上游以爲援應。世賢率十萬衆圍攻。城中援絕糧盡。死傷山積。遂破城而入。丁翥奮身獨戰。力竭死之。翥皖人。素讀書明大義。慷慨不避難。以皖城當賊衝要。乃創練民團。自咸豐間甯國兩次失陷。皖城屹然獨存。賊相戒不敢犯。至是城陷。賊衝恨刺骨。恣意屠殺。死者數萬人。

江蘇布政使曾國荃大敗李秀成於金陵。

秋。曾國荃雨花臺之軍。患疫未已。兵氣尙衰。賊酋李秀成由蘇糾合大衆馳援金陵。號六十萬衆。結營數百。旗幟如林。用西洋火器環攻我軍。十晝夜不止。部將倪桂中礮死。國荃亦受重傷。血流如注。乃裹創力持不退。浙江賊酋李世賢復來助。

戰。賊用火藥開地道轟官軍營壘。國荃令軍中掘隧迎之。相持月餘。賊又來襲我糧道。力戰卻之。賊攻營愈急。乃悉衆開壁大戰。俘斬數萬。圍解。世賢遁廣信。秀成遁江北。復分軍追擊破之。

以江甯將軍都興阿辦理江北軍務。

先是江北大營潰。六合儀徵等處皆失。江北遂不置帥。由江南帥何桂清和春兼轄。軍極疲弱。揚州岌岌不保。無何江南大營又陷。詔江甯將軍都興阿赴揚州辦理軍務。既抵揚州。整軍經武。壁壘一新。屢破江皖等賊。至是賊再犯境。再破之。又大破之於儀徵。江北肅清。

江北肅清

以多隆阿爲欽差大臣。勦陝西回匪。

勝保覆軍於陝西。回氣益熾。詔授多隆阿爲欽差大臣。由樊城急赴陝西。入潼關。擊賊之背。一戰而捷。遂解同州之圍。回氣倡亂九閱月。受創始此。遂扼賊於洛河之南。其地古稱沙苑。樹木叢雜。軍士搏戰。進退頗艱。特創滾營法。逼賊壘。

同州圍解

二年癸亥提督鮑超援涇縣。又破楊輔清於高祖山。

正月元旦賊衆七萬圍涇縣。架梯蒙絮。悉銳攻城。守將易開俊以木石下擊。賊始退。時提督鮑超在高祖山聞警疾馳入境。設伏大克。悉焚其壘。賊解圍而走。超自涇歸。適西河賊來。將圖一逞。望見旌幟愕曰。鮑超來矣。一鬪而散。先是楊輔清據西河。衆十餘萬。嘗伺高祖山營。超令總兵宋國永守營。親伏太子廟以伺其變。已而賊三萬來圍。超令總兵梁美材潛伏斷後。鼓角一聲。三軍突出。宋國永乘勢夾擊。賊亂奪路。美材伏發斷路。賊大敗。悉復西河麒麟山等隘。

以浙江巡撫左宗棠爲閩浙總督。

左宗棠率蔣益澧劉典克龍游湯溪蘭溪三城。及金華紹興府。浙東肅清。遂水陸並進。克桐廬富陽。僞聽王陳炳文由餘杭赴臨安。以襲後路。又敗之。詔授左宗棠閩浙總督。仍兼浙江巡撫。以劉長佑爲直隸總督。

劉長佑奉直隸總督之命。並督直隸山東河南三省交界地方。勦匪事宜。時山東馬賊擾近畿輔。捻酋張總愚賴文洸橫行齊豫間。欲北渡黃河。上知長佑起兵間。諳行陣。乃以北門鎖鑰付之。長佑馳驅戎馬無甯晷。直境再肅清。自遷安冷口。歷臨榆九門口。修牆柵濠塹。增兵屯防。馬賊以平。回弁馬榮叛。署雲南布政使岑毓英大破之。

回弁馬榮率數千人入雲南省城。屯五華山。五華山城中最高處也。時道路洶洶。皆言榮叛。而榮夙爲總督潘鐸所取信。鐸終以榮不負己。親詣五華書院。諭令移兵屯城外。榮已諾矣。方登輿。榮指送其黨突以矛刺之。遂遇害。居民驚亂。前澂江府岑毓英聞變。持短兵巷戰。榮召回黨絡繹入城。是時岑毓英代理藩司。乃閉署門。率親兵千人晝夜堵禦。回來則憑垣發礮。或開門縱擊。賊皆披靡。榮懼外援且至。遺書巡撫徐之銘乞降之。銘率臬司等詣毓英言狀。毓英曰。賊雖入城。吾當以死戰破之。乃分兵守東南門。用間離其黨。而陰遣使召馬如龍入援。如龍既至。諸

三朝正身錄 卷之八

紳民亦率團兵至。合擊榮於城內。大破之。馬榮逃走。南甯省城危而復安。

水師提督黃翼升等克楊舍汛。李秀成來犯。復大破之。

克楊舍汛

提督黃翼升。會同副將劉銘傳。合攻楊舍汛。汛爲沿江著名要隘。悍賊堅守。猛攻六日克之。時江陰至無錫。數千里。賊營密布。屢撲楊舍。皆受大創而去。僞忠王李

秀成等回援。水陸數十萬衆。分路內犯。會總兵滕嗣武。郭松林。各迎擊。斬級數萬。

秋克江陰無錫金匱。

道員席寶田破賊於饒州。復都昌湖口。

席寶田軍抵饒州。賊壁陶溪渡。我軍甫至。屯近郊。會暮。壘未就。風大起。舉幕。寶田

克陶溪渡

心動。亟勸兵戒備。遣驍卒伏道旁。寇夜果大至。內外伏起。追斬及百里。平陶溪渡。

尋敗之於洋塘石門。又敗之於青山橋。斬首三千級。又攻都昌湖口。下之。加布政

使銜兼業鏗額巴圖魯。

親王僧格林沁大破捻賊於雉河集。斬捻首張樂刑。

斬張樂刑

僧親王攻擒匪於雉河集克之斬逆酋張樂刑姜台凌等樂刑凶悍為擒中渠魁至是伏誅遠近稱快惟其從子張總愚逸出王復移軍克淄川擒又攻鄒教匪於

白蓮池

提督鮑超復建平下東壩進克金壇

鮑超連捷

青陽被圍鮑超馳援至三山賊解圍遁追破偽報王蓋仁德於曹塘斬級六萬賊

復建平

酋張勝祿等殺監逆獻頭降收復建平鼓行至壩東踏平城外三大石壘偽隨王

下東壩

楊柳谷率三萬衆降遂下東壩進攻句容大戰於塔岡城斬賊七千城賊內亂夜

克金壇

縛偽翰王項大英偽烈王方成宗來降戮二逆於市引兵趨寶堰破堅壘進克金

壇常州賊由丹陽來犯大破之斬首逾萬

布政使曾國荃督師大破賊於金柱關

將金柱關

李侍賢糾得賊數萬礮船數百出東壩犯金柱關分竄蕪湖曾國荃派武明

營扎東梁山朱洪章兩營扎龍山橋以為聲援金柱關守將羅逢九朱南桂截賊

皇朝政典要覽 卷八十七 同治朝

十

於花津上驅渡萬頃河。疊有斬禽。賊水陸兼進。朱南桂出擊。燒其四船。賊始奔北。賊復犯三汊河營寨。朱南桂等擊敗之。追至河干。萬化林等水營乘勢奪船數十。號。斃賊千計。朱南桂等整旅渡河。分道疾進。萬化林等亦自下游環擊。遂毀卿家橋賊卡。羅逢元朱洪章武明良等。又攻破涂家渡二壘。并破西岸之一卡一壘。賊又繞竄新圩角。朱洪章輕騎敗之。羅逢元進攻薛鎮。賊竄花津。撲新圩角。朱南桂羅逢元等分路截擊。破之。乘勝進至萬頃河。破卡壘十餘座。時李祥和自金陵前來會勦。賊大潰。我軍追至新圩南河邊。水師彭楚漢亦自梅塘嘴追賊而至。一鼓蕩洗。餘賊走溺於河。先是灣址賊犯清水河。萬化林等縱火攻之。賊潰。收復灣址一隘。復進攻三里橋賊壘。賊退據黃池。任星元等奮力仰攻。各賊驚潰。遂復黃池。次日進攻破伏龍橋護駕墩花津賊巢。羣賊遁往金寶圩溧水丹陽一帶。由是賊不敢窺蕪湖金柱關一隘。而甯國蕪湖道路亦通。

欽差大臣多隆阿擊回逆於雷化鎮。破之。進拔孝義鎮。

拔孝義鎮

回匪於龐谷莊沙窩雷化喬干等處挑挖長濠綿亘三十餘里並於東西北三面設立重濠木城拒守甚堅多隆阿率諸軍進逼先將雷化鎮攻克破其長濠並將龐谷莊喬干兩處續行攻拔並迎勦西路援匪大獲全勝乘勢攻拔孝義鎮並平毀附近小村七八處軍威大振。

欽差大臣多隆阿大破回逆於倉頭鎮。

陝西回逆竄踞同朝一帶以倉頭鎮爲老巢多隆阿督軍進逼倉頭賊穴揮隊縱擊城內賊衆大亂我軍奮勇登城遇賊卽殺餘匪奪路狂奔復經官軍馬隊追殺二十餘里禽斬甚夥其投渭河溺斃者不計其數當將倉頭鎮攻克東路同朝一律肅清。

浙江按察司劉典會總兵王沐克復駁縣。

休甯藍田之賊經王沐會浙師進勦紛竄駁縣並蔓延黃土坑等處有乘虛南竄之勢王沐分軍進勦屢獲勝捷賊遁歸駁縣老巢浙江臬司劉典親至漁亭約攻

克復駁縣

劉典

駭縣王沐自督軍出桃源洞抵石山街攻破賊卡賊賊傾巢出援劉典當其左王沐當其右鏖戰一時遂復駭縣計斬賊首五名餘匪五六千人生擒五百餘名解散甚夥

營官王大魁等破賊於祁門斬偽王胡鼎汶

韓進春被圍

偽堵王黃老虎由祁門界桃墅鎮一路帶領悍賊十餘萬與許家山陳家嶺等處踞賊會合悉眾來犯營官王大魁等率槍隊六百名憑河扼之賊欺官軍勢孤冒煙而進韓進春見眾寡不敵非猛戰不可收回槍隊調馬隊迎勦行至中途被賊圍住時賊環長濠數匝後隊迤邐四五里韓進春親率死士衝其右翼引出被圍之兵楊必遇等統馬步突圍而出衝其左翼韓鳳飛等直搗中堅賊陣屹立不動將士憤怒短兵相接人人致死賊乃披靡逼至河邊賊復背水死拒適韓進春擊退西路之賊率兵馳至三面夾擊賊始大潰計自已至申血戰四時弁勇中有一人而殺四五十賊者計殺賊二千餘人斬偽王胡鼎汶賊敗退三十餘里之楓

血戰四時

樹壠。祁門之賊勢遂蹙。

已革總兵張曜大破擒匪於尚店寨。

項城北尚店寨匪徒趙鳳岡勾合捻酋王九現徐四萬吳萃亭李如淞等抗拒官兵。張曜督兵進攻。復飭陳州府劉拱辰刑部郎中袁保慶帶兵策應。張曜督兵奮力圍攻。該逆抵死負隅。曜復會同劉拱辰袁保慶等力攻七晝夜。以地雷轟塌賊寨。各將弁冒死猛登。斃賊數百。未能搶入。營官李忠奎陣亡。是晚擒逆吳萃亭帶同三十餘人。越牆出。乞命投誠。詎知逆衆窺蹙欲遁。擒酋徐四萬等均斃。張曜乃揚言撤兵。密伏濠外。逆衆果於五更衝出。遇伏而創。遁回寨內。我軍乘勝跟蹤搶入。巷戰多時。生禽擒酋李如淞。教匪連登榜等十餘人。并悍賊三百餘人。擊斃千餘人。獲馬四百餘匹。此股逆匪雖未四竄。而驍悍異常。賴將士死力。乃克全行勦滅。汝東項境一律肅清。

江蘇巡撫李鴻章大破賊於崑山。復新陽崑山二城。

汝東項境肅清

勾合捻賊

皇朝通志卷之...

十一

鴻章既克太倉。進逼崑山。僞暮王譚紹洸等。由蘇城糾集大股五六萬來援崑山。賊二萬人亦出城接應。我水陸各軍兩面擊退。暮逆等復踞月河橋。城賊亦出列營二十餘座於北門一帶。鴻章率戈登符信周良材等攻破之。殺賊萬餘。復與戈登等攻破玉義鎮賊營。以斷賊由崑回蘇之路。賊來衝突。屢敗入城。翌日賊由小西門撲出。奪路狂奔。鴻章率程學啓各軍追擊。礮彈雨集。賊大敗回竄。隨飭各營尾追。直抵城下。四面環攻。礮船先由水關潛進。遂復新陽崑山二城。計共禽悍賊七千餘人。斃二三人。城賊盡行勦除。僞暮王等亦投水死。

總兵張文德守備李耀光大破賊於牧馬口。

丹陽賊取牧馬口據之。官軍攻之不動。游擊湛恩榮飛騎衝突。手斬數賊。總兵李耀光從礮丸中躍馬先登。斬執旗酋。直擣中堅。官軍無不以一當百。遂焚其營。東湖伏賊聞聲齊起。總兵張文德擊破之。賊前後死者三千餘人。次日張文德乘大霧疾攻。大破之。追至丹陽。

峽福山石

洋將戈登大破賊於福山。克常熟。

戈登攻福山營於舊城之巔。令呂宋兵乘小舟。薄賊壘。駕浮橋。死士伏城下。遂破東西賊營。緣城而入。盡殲城內賊衆。遂奪福山石城。解常熟圍。

俄人侵據我疆。詔將軍明緒防禦之。

塔爾巴哈台巴克圖卡倫之外。有俄兵三四百人。隨帶器械礮車。在彼居住。意欲先占地方。潛立石壘。明緒令其將兵撤回。該兵官執意不允。乃行文西悉畢爾衙門。令其撤隊。齊桑淖爾有俄國派兵數千。耕地蓋屋。詔明緒等探明確實。一律防範。

明緒防俄

苗沛霖踞懷遠以叛。命價格林沁督兵進剿。

苗沛霖叛

安徽苗沛霖自僱親王北上。擁衆復叛。襲攻蚌埠水師營。潛入踞懷遠城。公然背叛。分黨進逼蒙城。圍攻壽州。巡撫唐訓方馳回臨淮。僧親王以溜川逆匪未平。不能兼顧。派都司施欽恆帶勇一千交馬新貽調遣助剿。苗逆親率萬餘人在。

征
僧親王南

蒙城東南結營。擬斷我糧道。馬新貽令游擊陳德雄等排礮船布河下。自率練兵及總兵王才秀等分路擊之。賊敗遁。我軍追斬二千餘人。生禽二百餘人。惟凶渠張建猷數壘堅持未下。逆黨分踞潁上鳳臺二縣。復添大隊據守正陽。其黨潘培復踞三河尖卡。圍攻六安壽州霍邱潁州同時告警。凶燄驟張。逆黨四出。大有并吞長淮之意。詔僧格林沁由淄川返旆南征。與李續宜唐訓方南北夾擊。安徽巡撫唐訓方破苗逆於定遠。

苗逆勾合髮匪自六安竄至廬橋。直逼定遠鳳陽一帶。唐訓方令道員秦榮等防守卡寨。副都統克蒙額爲游擊師。別遣輕兵進援田趙等圩。苗逆不虞我軍猝至。望風奔逸。我軍追斬千餘人。苗逆併歸定遠。復添馬隊追擊之。至定遠北三十里。苗逆迎敵。我軍從旁擊之。又殺千餘人。賊敗至張橋。又爲參將所擊。訓方親由廬郡來援。遇賊於定遠東南之澤地方。復大敗之。賊大股向巢縣一帶南遁。其餘分走定遠之光明池河等處。鳳陽定遠一律肅清。

苗逆敗遁

遇伏

都統多隆阿破回逆於交河口。連克高陵涇陽二縣。

多隆阿率師次交河口。會病作不能督戰。令穆圖善陶茂林跨渭爲營。以驍將朱希發趙旣廣副之。令希廣等結營北岸。當賊衝。戒曰。慎毋輕出。二將爲賊所激。不能久守。背令出戰。遇伏而歿。多隆阿聞之。力疾乘輿。率二千人往援。大破之。克交河口。十三村賊巢剪滅殆盡。尋破馬烏什東沙河諸巖。餘逆膽落。不敢迎戰。隆阿遣卒招撫。賊詭應之。而陰運輜糧西走。隆阿料其詐。密令曹克忠繞道截擊。自率大軍進薄高陵。無戰不克。無堅不破。旬日之間。連克高陵涇陽縣城。及塔兒寨。永樂店。咸陽之渭城灣。蘇家溝。馬家堡。白起營。各賊巢六十餘處。縱橫二百餘里。京兆亦定。乃遣雷正綰援甘肅。陶茂林解鳳翔城圍。進攻白吉原各賊巢。悉平之。關輔肅清。

都統多隆阿克蓋屋。傷目。卒於軍。

多隆阿欲度隴。勦回匪。先掃蕩漢南川賊。以清後路。賊偵知之。乃東遁。而賊酋蓋

藍會善守

多隆阿卒

劉典剿賊

大順適陷整屋。隆阿馳軍圍之。藍會殊善守。乃選健卒數百。力攻月城。密令諸將奮攻。日不兩日。賊必出。出必走西門。近山設伏破之。藍會可禽也。乃親上礮臺督戰。兩時。賊死者八九。隆阿忽爲礮子中傷左目。鼓聲猶不絕。是夕賊果由西方遁。伏起。藍會中數槍。遂成禽。餘黨悉滅。隆阿創甚。旬餘卒於軍。年四十有七。事聞。贈太子太保。賞一等輕車都尉世職。入祀昭忠祠。並於立功地方建立專祠。賞銀治喪。予諡忠勇。

浙江按察使劉典大破賊於徽州。

劉典自嚴州回兵。卽馳赴皖南。時賊已逼近徽城。由巖寺街至萬安街。北至許村。南至東關。衆約十餘萬。劉典催兵速進。出賊不意。約唐義訓王沐尅期會剿。次日。飭黃少春攻長林。自率中營從萬安街搜勦而下。賊驚潰。追過河西。復結陣回拒。典分兵橫直夾擊。賊敗遁。時黃少春已由右路進攻巖寺街。据山梁。王沐馳至。并力夾擊。斃賊萬人。餘黨退往徽州之許村。以及藍田一帶。僞金王濂王天將鍾王

等逆復進踞潛口。率衆來撲。典率所部屢擊破之。復與黃少春等兩路並進。攻克潛口賊壘。賊竄太平黟縣而去。左宗棠飭黃少春等馳赴漁亭。與王文端等會勦。提督鮑超等會諸軍復建德巢縣。進克和州含山二城。

徽州自王沐回景德鎮後。賊又從太平竄入黟縣之許村。唐義訓擊卻之。李溶進攻建德。再戰克其城。大江以北。自忠曾下竄。賊勢稍衰。我軍攻克東關銅城牐。劉連捷彭毓橘等進逼巢縣。水陸攻擊。遂克巢城。檄鮑超蕭慶衍諸軍進取和州。含山二城。克之。諸軍進攻江陰九袱州。

浙江巡撫曾國荃復雨花臺石城。

雨花臺石城據險雄峙。屏蔽金陵。守賊衆而且悍。是時曾國荃已奉命爲浙江巡撫。仍留金陵督軍事。至是先將聚寶門外四面石壘攻拔。卽緊逼石城。趙三元李臣典等率兵分三路。肉薄而登。遂克其城。賊竄遁。蕭孚泗等從後追擊敗之。國荃以此城爲金陵犄角。賊所必爭。乃設伏誘賊。金陵賊果來。伏起奮擊。賊大敗回。

城。

兵部右侍郎彭玉麟。水師提督楊岳斌克九洲。

九洲者。在江心急浪中。賊築壘數十。列舟環之。爲金陵犄角。又有闌江磯草鞋。峽七里洲燕子磯。中關下關諸隘。相犄以爲固。彭玉麟陳船上流。分二隊。南從秦淮向下關。北繞永安洲向草鞋峽。更列軍爲南北後應。提督楊岳斌自督戰。以枯荻灌油。燒屯舟。因燒旁壘。入襲燕子磯。破之。明日昧爽。繞岸而攻。人皆死戰。賊分三隊。發火槍。死傷數百人。至夜。岳斌令曰。洲破。乃還師。傳餐而戰。部將俞俊明。成發。翔王吉。任星元。更番夜攻。彭玉麟夜選精壯四千。持短兵登岸。黑霧中潛燒賊壘。諸將皆冒礮踐尸。蟻附而上。人忘其死。九洲竟破。萬餘賊無一脫死者。獲馬三百餘匹。江北軍爭飛書相慶。詔問狀。稱其神速。傳旨優獎。

偽忠王李秀成犯江陰。副將劉銘傳會諸將大破之。

偽章王護王普王潮王侍王自無錫至江陰。顧山連營。聚賊出犯。李秀成已渡江。

至無錫。合五僞王之衆。水陸數十萬。冀援江陰。竄常熟。劉銘傳與諸將合謀。謂宜乘賊未定。擊之。賊北自北溇。南至張涇橋。東自陳市。西自長壽。縱橫六七十里。爲壘數百。憑河扼險。毀橋梁。納礮船。勢大熾。於是劉銘傳進北溇。攻其左。郭松林進南溇。攻其右。周盛波等進麥市橋。爲中路。黃翼升以水師助之。松林先敗賊於陳市。翌日。越南溇趨長涇。賊大驚。諸軍四面縱擊。松林持刀陷陣。東西決盪。血染衣襟。賊大潰。追至祝塘。銘傳破北溇賊營三十二。盛波等軍破麥市橋賊營二十三。松林破南溇賊營三十五。共殺賊數萬。禽僞王朝將以下百餘酋。獲馬五百匹。船三十艘。僞印二百顆。軍械無算。餘賊潰遁。自顧山以西無賊踪。以毛鴻賓爲兩廣總督。

時苗捻回。髮在在蠶聚。連兵半天下。餉需匱乏。特甚。粵東係財富之區。餉源所出。洋務釐務。軍務頭緒紛繁。關繫緊要。朝廷特簡鴻賓督之。不啻有蕭相國鎮守關中之望。

趙景賢死

福建布政使趙景賢陷於賊。不屈死之。

賊自太倉敗歸。揚言景賢將襲蘇州。景賢自上年湖州城陷被執。屢求死不得。間僞王譚紹洸聞景賢欲獻城。乃大懼。招與共飲。酒半問曰。汝通妖兵耶。曰。我本官軍。何謂通妖。曰。汝欲獻蘇州耶。曰。蘇州本大清地。何謂獻耶。曰。死期至矣。景賢仰天大笑曰。求之一年而不可得。今何幸也。連舉巨觥。罵益厲。賊舉洋槍對擊其胸而死。賊壯其忠。具棺瘞之。遇害時作絕命詩曰。亂刃交揮處。危冠獨坐時。又云。厚貌徒爲爾。孤忠矢弗他。事聞。詔建立專祠。賜諡忠節。

綏陽大捷

雲貴總督勞崇光。大破石達開於綏陽。

勞崇光赴雲貴之任。甫抵綏陽。遇石達開率賊衆萬人至。崇光猝召鄉團迎戰。斬賊數百人。總兵沈宏富亦來會勦。連破之。又殺四千人。

斬石達開

賊酋石達開犯蜀。總兵楊應剛禽斬之。

石達開與章昌輝分爭後。率死黨犯浙楚兩廣黔滇。意圖據蜀。由雲南渡金江。官

軍扼隘迎擊。斃數千人。絕其糧道。賊自知陷絕地。親擁大衆。水陸來戰。總兵唐友耕用火攻。殺賊數千人。逸賊墜崖落水。順流而下。死者萬計。達開以八千人走老鴉璇。進退無路。總兵楊應剛禽斬之。餘黨數千。圍殺無遺。自馮雲山蕭朝貴斃於湖南。楊秀清韋昌輝自相殘殺。石達開至是又爲蜀將所禽。而洪逆諸僞將。殺戮殆盡矣。

總兵戈登復吳江震澤二城。

英將戈登與程學啓取花涇港。進攻同里。戈登與副將李恆嵩知吳江賊必無備。遽率常勝軍逼北門。盡燬城外賊壘。明日賊開門降。遂收復吳江震澤二城。

總兵陳國瑞破山東捻匪。復蘭山縣。進克郟城。

陳國瑞奉命勦山東賊。率所部二千人。進軍沂州。破援賊李成之衆。賊畏避不敢出。踞蘭山縣境。築城浚濠以自衛。國瑞身先士卒。越濠梯城。斬其軍師孫化詳。降仲村賊酋宋三綱等。餘賊望風納款。乘勝進攻郟城。克之。散遺脅從萬餘人。

總兵陳國瑞大破教匪於白蓮池。

陳國瑞既克復郟城。進兵攻兗州白蓮池。白蓮池者。教匪宋維明等巢穴也。中環九大山。山峻路險。賊寨其上。出却入保。爲患多年。國瑞兵至。逆酋劉雙印率黨迎戰。國瑞命部將郭寶昌襲賊後。遏其歸路。命康錦文潛師伏山徑中。俟賊過半。橫出截之。國瑞自將一軍衝其中堅。三路夾擊。斬賊萬餘。禽劉雙印等二十餘酋。餘賊負隅死守不出。攻月餘未下。會夜大雨。國瑞料賊防弛。乃冒雨緣崖暗登。大破之。斬逆酋宋維明。劉錦春。殲賊逾萬。教匪乃平。

總兵陳國瑞解蒙城圍。斬苗沛霖。

安徽自苗沛霖復叛。江東震動。朝命陳國瑞隨親王僧格林沁。幫辦江北軍務。國瑞率兵三千人。進援蒙城。苗沛霖之圍蒙城也。城中兵少食盡。賊數萬蟻附環城。築壘城外百里。皆附苗民。圩與相犄角。他軍援蒙者。壁數十里外。國瑞至。攻紅里圩。王窰等處破之。連毀附圩賊營數十。轉戰而前。直擣其巢壘。苗逆率死黨迎。

敵國瑞驅兵奮擊。賊崩潰。整軍再戰。復大敗之。賊乃拒河固守。不敢出。日用大礮。向官軍營中轟擊。子落如雨。國瑞方閱文書。甫離席。礮子破其坐。國瑞大怒。命置交椅於營門外。端坐大呼曰。我陳國瑞也。任爾施礮。無我則有爾。有我則無爾矣。賊聞言。放數十礮。皆不中。乃相顧大駭。遂止不轟擊。日以長河高壘自固。國瑞一日乘黑夜大雨。令壯士涉河。潛入賊船。斬守船賊數人。奪其船爲浮橋。進逼賊營。立營五座。背水爲陣。奮呼搏戰。連破賊巢。生禽賊酋苗天慶等。斬首八千。苗沛霖夜携數十賊巡濠。爲官軍巡哨者暗中擊殺。三日後始知之。於是苗逆平。

浙江巡撫曾國荃克秣陵關。進扼孝陵衛。

曾國荃督師攻克秣陵關僞城。於是金陵西南隅。逆賊往來之路已斷。冬十月。攻克城外賊壘二十餘座。分軍扼孝陵衛。

記名提督程學啓殺降賊定蘇州。

美人白齊文暗與賊通。美將戈登偵知之。告李鴻章。而急歸崑山爲備。會程學啓

進攻蘇州。盡破齊婁二門外賊壘。城賊譚紹洸率悍黨死守。而偽王郜雲官有二心。密欺於學啓部將鄭國魁。學啓與戈登軍舸見雲官於城北洋澄湖。令斬秀成。紹洸以獻。秀成覺之。遁去。雲官刺殺紹洸。並殺其黨千餘人。開齊門迎降。學啓入城。撫視降酋。列名者八人。乃密白李鴻章。恐八酋終不可制。必誅之以定衆。於是宴八人於帳內。屏從卒於外。旋閉營門。發一礮。伏甲頓起。一酋頓足曰。吾固知爲程某所賣。於是悉斬八人。學啓單騎入城。呼曰。八人詐降。已殺之。餘不問。若等無動。動者斬。賊衆若崩厥角稽首。無敢枝梧者。遂於十月二十七日收復蘇州。李鴻章奏程學啓功第一。詔賞穿黃馬褂。予雲騎尉世職。賞戈登頭等功牌。銀萬兩。李鴻章犒常勝軍銀七萬兩。未幾助攻宜興。克之。

三年甲子。浙江巡撫曾國荃克僞天保城。

曾國荃攻克鐘山石壘。僞號天保城。分軍扼太平神策二門。城圍始合。賊縱男女八千人出城。以節糧食。又有夷人以輪船載糧。夜用三板船。運至中關濟賊。國荃

並擊而取之。賊糧亦斷。

提督何必勝、蕭慶高破陳德才，復漢中。

陳德才據漢中府，當金陵圍急，洪秀全令回援。陝西巡撫劉蓉偵知之，令提督何必勝、蕭慶高督兵急攻，破法慈院賊巢，會堯會克勝等斬馘二千餘人。諸軍直薄漢中，斬千餘人，復府城，乘勝抵上元觀，必勝設伏誘賊，又斬賊數千人，餘賊回城固守，必勝渡河窮追，直抵城，燒其營，蕭慶高梯城入，拔之，復進攻洋縣，賊尸山積，遂復其城。

陳德才圍提督成大吉，總兵趙克彰於棗陽，總兵楊朝林來援破之。

陳德才欲援金陵，結皖賊王庭幹、豫賊王大喜，合衆十餘萬人入棗陽，提督成大吉、總兵趙克彰前後會勦，被圍，劈鞍以炊，殺馬以食，而士氣不衰。會總兵楊朝林來援，與成大吉、趙克彰夾擊之，斃四千人，圍始解。

以都興阿爲西安將軍，調任盛京將軍。

朝廷以甘肅回匪鴟張。命都興阿率所部黑龍江馬隊。赴綏遠城。會同德勒光名爾濟公。辦理防務。數拜西安將軍。至則攻克寶豐。由定邊向甯夏。軍威大振。無何拜盛京將軍。

以恭親王爲大將軍。以盛京將軍都興阿爲欽差大臣。

捻匪者始於山東。游民相聚。其後河南之光固。安徽之穎毫。江蘇之淮徐。羣盜剽略。脅從愈衆。諺名爲捻。或曰其黨明火劫人。捻紙然脂。故謂之捻。捻首四人。張總愚。任柱。牛洪。賴文洸。自洪賊苗練。嘗糾合之。與官軍戰。益習攻鬪。後西捻張總愚自陝西直竄畿輔。至河間。京師戒嚴。詔恭親王爲大將軍。節制各督撫。會神機營。王大臣出城備寇。以盛京將軍都興阿爲欽差大臣。管理神機營事務。春壽馬隊。及張曜宋慶陳國瑞等軍。均歸調遣。乃令陳國瑞擊賊於海豐。張曜宋慶擊賊於滄州。皆破之。會各路軍集。逐賊於商河。西捻張總愚勾合粵賊入豫。總兵張曜大破之。

張總愚又由宛南竄盧氏。勾合粵賊入豫。總兵張曜追之於黑峪。留部將防回。自率精兵合南陽總兵宋慶軍。馳繞盧氏。斷擒匪粵賊勾合之路。敗之於鎮平內鄉。又敗之於淅川確山。又破之於鄖陽。冒雨渡河。截賊於南化集。追過鄖陽四百五十里。又大破之。復還破偽啓王梁成富。賊衆遁入楚境。

擒匪犯河南諸州。郡王僧格林沁。欽差大臣官文等。擊破之。

霸山解圍後。擒匪復竄襄樊安襄。鄖荆道歐陽正塘。副將龍藻琦。接戰不利。總兵梁洪勝馳援克之。鄖陽樊城得保全。敗賊入河南鄧州。與漢南粵賊合。衆數十萬。蔓延數百里。僧格林沁由新野入棗陽擊之。隨州總兵楊朝林來會。鏖戰四時。衝突二十餘次。賊始敗。殺溺數千人。總兵梁洪勝擊之於安陸。巡撫張之萬擊之於信陽。又殺數千人。賊敗之後。又分犯隨州應山。欽差大臣官文督軍。以副都統舒保爲前鋒。遇擒於德安之區。大敗之。追奔入山谷。賊回鬪。舒保力竭死之。湖北諸軍皆奪氣。狀聞。追贈都統。予諡貞恪。

楊朝林

張之萬

舒保戰死

法將德克碑助攻富陽。進攻杭州。

勒伯勒東以法國副將權授浙江總兵。統軍一千五百人。上年左宗棠進攻紹興。勒伯勒東親自燃礮。炸裂而死。以法國參將法爾弟福。權受副將。接統其衆。法爾弟福。又名達耳城福。又名買忒。又會攻紹興。賊環放洋槍。法爾弟福立橋上。腦左中槍。遂死焉。左宗棠疏言法爾弟福忠義奮發。身先士卒。遽爾捐軀。請照副將從優議卹。詔曰。可。勒伯勒東亦從優議卹。李鴻章遂以德克碑接統其衆。令助攻富陽。至是隨攻杭州。克望江門外三石壘。攻鳳山門。皆有功。浙江平。乃撤兵回國。閩浙總督左宗棠辦理浙省善後事宜。

杭州既克。左宗棠移駐省城。申虜獲之禁。婦女財物。各從其主。有敢言取自賊中者。罪之。禁軍士無得入民房。招商開市。奏停杭州關稅。立清賦局。減杭嘉湖稅賦。三之一。善後事宜。百廢俱舉。衆聲稱頌。

署浙江巡撫蔣益澧辦理浙省善後事宜。

杭州既克。詔獎布政使蔣益澧。賞穿黃馬褂。左宗棠赴閩。益澧署理巡撫。招

流亡。務耕作。停關稅。減民賦。儲財用。實倉廩。毀淫祠。建書院。尤輕財好士。凡善後事宜。百廢俱舉。一時翕然稱之。

總兵郭松林。會總兵戈登等。破偽代王黃精忠。復宜興荆溪。

戈登
美敘羅殿

吳勝清

賊據宜興荆溪。李鴻章令郭松林及洋將戈登。美敘羅殿攻城。賊出抗拒。松林傷丸。裹創再戰。破賊於上湖橋。偽代王黃精忠奮力來援。吳勝清等四面圍攻。賊遂走。焚船千餘艘。復益攻城。賊開城遁。追殺無算。遂復二城。

戰嘉興

總兵程學啓攻嘉興。禽劉得福。總兵何安泰中丸卒。

何安泰

程學啓進逼嘉興。陣禽偽天將劉得福等。斃悍賊千餘人。逼城猛攻。賊冒死抵拒。總兵何安泰中丸卒。湖州援賊。又犯盛澤。學啓遣兵擊破之。

總兵程學啓克嘉興府。卒於軍。

程學啓進逼嘉興。賊守城甚固。官軍多傷亡。學啓環攻不息。督洋人用巨礮轟塌

劉士奇
陳學啓卒

陳二會

吳毓芬吳
毓蘭

城垣親冒矢石。登城爲鎗丸所中。部將劉士奇等力戰克其城。學啓創重而卒。學啓自至上海。所向有功。詔謚忠烈。

提督鮑超破句容。誅賊首項大英。方正宗。

鮑超攻句容。夜望城東。火光燭天。知內亂已作。急引軍東向。而賊已啓南門衝出。諸軍乘勢勦殺。賊縛二酋以獻。卽僞翰王項大英。列王方正宗也。乃誅之。遂復其城。又設伏破茅山賊。復金壇縣。蘇州軍亦破楊舍常州之賊。沿江盡平。

道員吳毓芬。吳毓蘭。破賊於招仙橋。斬賊首林得英。

金壇之敗。賊據小蜀山。僞值王林得英亦至。李鴻章令道員吳毓芬。吳毓蘭等。破之於招仙橋。追至丁上橋。伏尸數十里。斬林得英。解散難民四千人。

江蘇常鎮道潘鼎新。大破賊於晟舍鎮。克湖州。

嘉興府既克復。江蘇常鎮道潘鼎新。移軍吳樓南潯。大小數十戰。遂抵湖州。時劇賊悉聚晟舍鎮。鎮屬烏程。爲府城屏蔽。死守不下。鼎新督軍士連攻兩晝夜。槍子

克湖州

禽洪仁玕
禽洪仁珍

馮子材
詹啓綸
開花破

過脅下衣皆洞穿。礮藥置於前。為賊彈所燃。燕及胸。衆撲救始免。督攻益力。卒拔昇仙九壘。克其鎮。遂北至八里店。沿途賊屯望風潰。乘勝奪三里橋。徑逼城下。羣賊奪入城。城不得閉。我軍奮勇從之。遂克湖州。餘賊奔潰。按察使席寶田。輕騎疾追。禽秀全之弟。偽千王洪仁玕。又窮搜獲秀全之兄。偽英王洪仁政。並殺餘賊數千人。

記名提督劉銘傳。禽偽護王陳昆書。克常州。

劉銘傳進圍常州。攻燬常州城外賊壘數十座。四面合圍。四月。破北門入。禽偽護王陳昆書。遂克常州。

廣西提督馮子材。率總兵詹啓綸復丹陽。獲賴桂芳。總兵譚勝達。又破賊於東壩。

廣西提督馮子材。督軍圍丹陽。徐州總兵詹啓綸。以開花礮斃賊五百。斬關而入。賊抵死巷戰。官軍奮擊。殺七千人。禽洪秀全妻弟。偽來王賴桂芳。遂復丹陽。賊又犯東壩。勢甚剽悍。總兵譚勝達。躍馬突陣。立斃數酋。諸軍力戰。賊大潰。追殺七千

餘人。

總兵郭松林、李朝斌復長興縣。

王永勝

李朝斌水師

李鴻章令郭松林等率三千人攻長興。湖州廣德賊數萬人來援。松林與王永勝夾擊，斬數千人。李朝斌水師自賊背夾攻，又殺萬人。乘勢攻城，賊槍礮並發，總兵張正全傷臂，仍裹創督攻。松林首先衝入，諸軍齊登，遂下長興。

命楊岳斌為陝甘總督。

是時浙寇竄江西。命楊岳斌督師往勦，兼防皖。未幾拜陝甘總督之命。及江甯平，又加太子少保。一等輕車都尉世職。岳斌乃督陸軍掃蕩而前，入蘭州。

提督鮑超大破賊於撫州。

賊竄江西踞許灣，欲犯南昌。分黨蟻聚金谿，窺建昌。屬縣皆為所有。江西告急。鮑超馳救抵撫州。賊自雙鳳嶺、琉璃岡、九子嶺、苦竹冲、洲洋至許灣，綿亘數十里。周築長牆，牆內賊營纍纍如貫。超軍裹岡，亦深溝高壘，苦持久之。賊稍懈。超令曰：破

長牆決死戰在今日。乃分兵趨四隅。親督軍搗中堅。越五層鹿角而入。有部將一人退者。手刃之。士益用命。長牆破。賊不能遁。軍亦不得出。人人自爲戰。血濺征袍。如洗。槍鐵皆紅。圍殺竟日。破賊壘一百餘座。斬首四萬級。進克金溪。瀘溪。南豐。新城。僞聽王陳炳文。僞甯王張學明。僞獎王陶金曾等。率衆七萬降。卽令前降將洪容海約束。

提督鮑超破賊於甯都。遂克瑞金。

初僞康王汪海洋。自許灣大敗後。餘衆五萬竄瑞金。又并入丁太陽等數千人。湖州逃匪數千人。合僞侍王李世賢三江五湖之衆三萬。勢復熾。回圍甯都。連營四十里。超率大軍連破之。圍解。斬馘萬餘。海洋自瑞金遣僞主將秦彪詐降。超列陣待之。賊果搖旗鼓譟。勢驕甚。超驟擊之。賊驚潰。爭入城。開西門遁。追至莖田達閩界。

福建按察使張運蘭拒賊於武平。死之。

秦彪詐降

唐義訓郤

王開琳

浙江餘寇既由江西狂奔至閩。時閩省空虛，遂陷汀漳二郡。張運蘭率五百人趨武平拒戰，衆寡不敵，遂被執，罵賊支解而死。賊竄後，都司湯友德得公遺骸，又得其元於學宮，面如生，事聞，贈巡撫。予諡忠毅，賞騎都尉世職。詔武平及湖南、廣東各建專祠。

李侍賢犯徽州，總兵唐義訓等擊破之。

李侍賢陷績溪縣，直擣徽州。總兵唐義訓率師擊郤之，左宗棠自屯溪，王開琳自臨溪馳至，會義訓攻城，賊開門遁去，遂復績溪。

記名提督陳國瑞大破陳得才於麻城。

官軍圍金陵急，賊糾合陝西、皖、豫各省髮捻數十萬赴援。髮酋陳得才屯踞麻城，白杲鎮，陳國瑞奉命由皖、豫入楚剿賊。賊聞官軍至，先於麻城西築壘數十，綿亘四十里，與皖、楚各官軍相持月餘未下。國瑞始至，兵纔八百人，不俟大兵齊集，卽於是日三更分五路進兵，拔其木柵，禽斬大小頭目百餘人，餘賊驚潰下竄，先

是逆酋陳德才聞國瑞將至。泣語其黨曰。紅孩兒至。吾不得生矣。至是果敗。遁入
蘄州境。國瑞追擊之。賊敗竄至英山霍山之界。衆尚二十萬。國瑞與楚皖軍合擊。
正酣戰間。賊目忽見國瑞旗幟。驚曰。此孩兒軍也。所至衝殺。勢如山倒。賊大敗不
支。禽僞端王藍成春於陣。僞將馬融和等乞降。陳德才服毒死。遺散脅從難民十
餘萬人。江北大定。

浙江布政使曾國荃復江甯。生禽李秀成。洪仁達。粵賊平。

我軍既克雨花臺。破僞天保地保城。江甯之圍已合。曾國荃督諸軍環攻之。賊死
拒。殺傷相當。鑿隧道三十餘穴。並爲賊破。總兵李臣典偵知城賊糧足。徒恃苦戰。
力必憊。乃請於曾國荃曰。師屯城下二年矣。不急克。將生變。若於龍膊子地方。重
掘地道。功必成。國荃韙之。乃令李臣典率副將吳中國等。日夜穴城。三晝夜隧成。
以火藥實棺中。火發。轟陷城垣二十餘丈。國荃戒軍士披甲以待。城壞。親冒矢石。
衝殺入城。時六月十六日也。於是搜殺數日。生縛僞忠王李秀成。首逆洪仁達於

焚洪秀全尸

偽天王府掘洪秀全尸焚之。斃賊黨十萬餘人。李秀成在賊中推首選。所部皆悍黨。秀全見官軍攻急。先一月飲藥死。秀成代統其衆。又以所乘駿馬與小天王洪福。使早逸。故得獲時。訊供在囚籠中三日。書七萬餘言。叙其初起。及與官軍戰。至就禽之後。皆詳述之。本欲解俘京師。因別禽賊目。見秀成皆長跪。解京路遙。恐生他變。因卽誅之。論者謂禽洪福不足重輕。不得秀成。賊不滅也。廷賜國荃一等威毅伯。賞戴雙眼花翎。加太子少保。授山西巡撫。國荃乞病歸里。辭巡撫之任。李臣典以力戰過勞。越三日卒於軍。詔封一等子爵。贈太子少保。諡忠壯。建專祠。

金陵平。行告祭之禮。封賞功臣。

金陵已平。修告成之禮。遣官祭諸陵。大封功臣。曾國藩加太子太保。以一等侯世襲罔替。國荃太子少保。一等子。蕭孚泗一等男。欽差大臣科爾沁親王僧格。林沁再賞一貝勒。令其子受封。大學士兩廣總督官文世襲一等伯。江蘇巡撫李

賊平告祭
功臣封爵
十五人

殘賊嘯集

姜玉順

喬松年
英翰

郭寶昌
張得勝

鴻章一等伯。陝甘總督楊岳斌。兵部右侍郎彭玉麟。均加太子少保。一等輕車都尉世職。四川總督駱秉章。浙江提督鮑超。輕車都尉世職。西安將軍都興阿。江甯將軍富明阿。廣西提督馮子材。均騎都尉世職。京口副都統魁玉雲。騎尉世職。又別叙從前有功死事之臣。

親王僧格林沁總督官文巡撫喬松年會勦髮逆餘黨降之

金陵已平殘賊嘯集分犯新洲柳林官文使任大吉率師往剿圍攻未下僧格林沁遣兵會攻姜玉順自陝來合擊斃偽天將蔣開楊賊敗走蘄水廣濟僧格林沁進次上巴國與官文合勦前後殺數千人賊復走皖城巡撫喬松年與臬司英翰郭寶昌張得勝何紹彩等軍分扼霍山六安破賊於楊柳灣土門河三省會剿是時金陵已破賊無可歸汪世弟等三酋率二萬衆投張得勝何紹彩軍乞撫馬融和投英翰郭寶昌軍乞撫藍成春赴僧格林沁軍乞撫魏康福等四酋赴蔣凝學軍乞撫先後遣散者十餘萬人

江西按察使席寶田禽僞幼主洪福磔之。

江甯既克。殘賊扶僞幼主竄至廣德。廣德本爲賊踞。曾國荃由建平往剿。賊敗走。復其城。追賊於山谷中。連戰皆捷。僞幼主洪福合衆萬餘人。由皖出江西。已革按察使席寶田追之於新城。賊已遁。遂率輕兵裹糧疾追數晝夜。軍士議休止。席寶田曰。洪福賊所倚以爲號召。行與瑞金賊合。不可得矣。賊奔逸千里。日夜疾行。輻重婦女相隨。屬見無追軍。行必緩。我急趨間道。先要擊廣昌石城間。賊可滅也。仍勒軍傳餐而進。越二日至石城之楊家牌。危崖阻紆數十里。日向暮。前隊止不進。寶田怒曰。度嶺賊卽是。汝等何懈怠在斯耶。令斬前軍隊長以徇。於是諸將皆奮薄而上。平明嶺盡。果見賊。呼噪縱擊。俘斬過半。遂禽僞王洪仁。黃文英。洪仁政。及他諸渠酋數十人。而洪福免脫。會軍中所俘小兒牧馬者。語其曹曰。小天王過此矣。越二日。部將周家良因就禽之。果洪福也。巡撫沈葆楨以捷聞。詔復席寶田按察使原職。賞黃馬褂。加雲騎尉世職。洪福磔於南昌市。

提督郭松林克漳州城。

浙江敗賊竄閩。張運蘭、林文察皆戰歿。省城岌岌。李鴻章令提督郭松林將五千人航海援閩。克漳州。復漳浦。雲霄。詔安。賊竄嘉應州。

捻匪犯蘄水關口。圍都統富森保。總兵石青吉馳援。卒於軍。

光羅髮捻馬融和等大股犯蘄水關口。都統富森保被圍。總兵石清吉率師救之。屢戰未解。俄賊萬餘前來猛攻。青吉馳救。行至藥山霧未散。賊渡抄陣後。圍之數重。四營已截爲二。血戰數時。身被九槍。大呼陷陣而死。富森保乃突圍出。同時戰歿者副將江星南、谷明發、游擊曾占彪、段會元。

親王僧格林沁窮追髮捻賊。賊走入山東境。

僧格林沁追髮捻賊於豫鄂之間。斬僞端王藍成春。悍酋黃中庸等。降賊十萬。悉安輯之。既而追賊於光黃汝鄧之交。多山谷沮洳。騎不得逞。累中賊伏。喪部下良將。恆齡、舒通、額蘇克金等。僧王益怒。日夜追一二百里。宿不入館。夜不解帶。席地

石青吉死

而寢。未旦傳餐。士皆橐糗糧。一日王自率親兵數千爲前鋒。與賊十萬遇。夾水而軍。賊久怖追軍。無所掠食。步賊足皆腫裂。不能行。會薄暮。未測我軍虛實。願就撫。總兵陳國瑞爲之關說。已有成言矣。賊先遣二渠酋來謁王。王見酋怒甚。語未半。趨令斬之。賊衆大驚。皆散走。併入山東境。

皇朝政典舉要卷八下

日本增田貢原著

遂安毛

淦補編

仁和汪厚昌

訂正

錢塘顧梓田

同治四年乙丑命協辦大學士曾國藩督師山東。

督師山東

先是髮賊既平。錫封曾國藩一等毅勇侯。至是又命剿山東賊。直隸山東河

南三省綠旗各營均歸節制。國藩上疏奏請潘鼎新以兵輪前赴天津。可以壯畿

輔之威。可以補臣迂緩之過。至於節制三省。臣實不堪鉅任。懇請收回。成命。

上不許。國藩遂沿淮西上。抵臨淮關。

貴州巡撫田興恕。正教士罪。獲遣戍邊。

田興恕

初西人文乃爾入貴州傳教。不循理法。巡撫田興恕殺之。西人譁於朝。詔褫興

恕職。發往新疆效力。行至甘肅。時左宗棠總督陝甘。並授欽差大臣。督辦軍務。乃

奏留田興恕防秦州。甘回不敢犯境。十二年始釋歸。

詔設長江水師。

詔兵部右侍郎彭玉麟著理漕運總軍再疏辭官。上鑒其誠許之。玉麟乃與曾

國藩奏定長江水師之制。自荆岳二州至崇明縣五千餘里。設提督一員。總兵五

員。以六標分汛。營哨官七百九十八員。兵丁萬二千。月餉雜費歲銀六千餘萬。以

長江釐稅供支。不煩戶部。復與國藩合奏營制章程二十四則。事宜三十則。奉

詔定為六卷。載入方畧。頒之天下。

霆營降兵叛。按察使陳士杰討平之。

江南既定。霆營降兵復叛。自湖北京口趨江西吉袁。入湖南醴陵安仁。走郴州。霆

營善戰有名。行數千里。無與逆戰者。原任江蘇按察使陳士杰統桂郴列營要擊

於桂陽縣。大破之。復降者數千。餘眾奔散。

科爾沁親王僧格林沁戰歿於曹州。

髮捻賊為僧王窮追。遁入山東境。窘迫彌甚。屢欲請降。王怒未解。不許。至曹州。賊

霆營兵叛

長江水師

僧親王戰
歿

不得已。抵死回拒。僧王命陳國瑞、郭寶昌、成保、何建熬等軍迎戰。不勝。退入空堡。賊圍之數重。官軍糧草俱乏。逮夜洶洶欲潰。諸軍固請突圍出。王部分諸將。自與成保馬隊俱。使降賊桂三率百騎爲前驅。桂三已有異志。既出堡。卽反走。沖我軍。賊乘勢奔突。時陳國瑞所部步軍後隨。不及擁護。時已昏黑。官軍與賊不相辨。遲明。見道旁小圩。收隊入堡。不知王所在。俄有賊首戴三眼翎。揚揚過圩者。軍中始知王死。陳國瑞率數百人衝入賊隊。迹至麥塍中。見王尸受八創。乃負尸歸。是役也。內閣學士全順、總兵何建熬皆死於陣。事聞。帝震悼。輟朝三日。遣侍衛偕王世子伯彥納謨祜赴山東迎喪。賜祭葬。建專祠。配享太廟。繪像紫光閣。賜諡曰忠親王。

以潘鼎新爲山東按察使。大敗捻賊於豐縣。

自捻匪北犯。僧王卒於曹州。北軍殘破。南軍一時難集。惟道員潘鼎新提所部五千人航海北上。入衛畿輔。朝命移駐濟甯。固直東門戶。授山東按察使。率軍巡

微遇於豐縣之陳家莊。賊衆百倍於我。鼎新不稍卻。直前鏖戰。血肉相薄。自辰至酉。賊潰遁。躡擊之。再接再厲。轉戰豐沛。魚台。定陶。數百里間。賊踪漂忽。我軍與之追逐。雖疲而奮。非鼎新之善於將兵。何以能此。

提督周盛波大破捻賊於張莊王圩。

捻匪由鄂竄皖。曾國藩調提督周盛波。由江南移勦。復調赴徐州。適安徽巡撫英翰被圍於雉河集。雉河爲捻逆老巢。凶焰方熾。諸軍莫敢撓其鋒。盛波晝夜疾馳。越宿州。趨蒙城。直擣西洋集。大破賊於張莊王圩。賊遁走。

貴州按察使席寶田擊僞康王汪海洋於信豐。大破之。

席寶田要擊汪海洋於信豐。扼鐵石嶺。海洋至則結陣迎戰。寶田以精兵攻其後。又以一軍左繞叢山。襲寇壘。夾攻。大破之。直研壘門。部將榮維善望見海洋大旗。急前搏之。刃其背。殲萬餘人。來歸者二萬人。海洋剽悍勇猛。所將皆羣寇養子。久在兵間。惜不畏死。至是悍賊殺戮殆盡。海洋亦遁和平。又遁於嘉應州。

五年丙寅浙江提督鮑超大破僞康王汪海洋於嘉應州。誅之。

僞康王汪海洋偕陪王譚體元佑王李元濟踞嘉應州。鮑超率大軍合擊之。先是鮑超丁母憂乞回籍不許。及金陵復再請許之。自汪海洋寺由閩擾粵。詔促超率兵出。乃大破之。會大風雨。賊夜遁。超先設伏於黃沙漳北溪白沙壩等處。起擊之。尸滿山谷。斬譚體元。李元濟。賊目數百名。生禽二百餘名。乞降者三四千人。旋又據獲賊供首逆汪海洋被槍子從頭左偏穿出兩眉際。立即墜馬。昇回州城。業已氣絕。又據延邵道康國器追賊至豐順縣北白水寨一帶。斬禽無算。生禽逆渠洪秀全之婿。僞金王鍾英。僞幼陪王譚標。僞懷王周春之侄周祉福。僞朝將黃松。僞朝將何涓勝。黃蘇。解營。左宗棠親訊明確。軍前正法。浙江提督鮑超盤獲首逆汪海洋養子汪長林。僞宗王汪起賢。福建藩司王德榜盤獲汪海洋之妻張氏。訊明正法。又獲僞列王李海青。僞天將粟時之。僞神將劉汝涓等賊目三百餘名。粵軍副將鄭紹忠搜獲僞贊王賴阿養。朝將劉必勝。及悍賊一百九十六名。副將

鄧在倫等亦搜獲逆目王友才、江德勝、王亞剴等十數名，均立予斬決。此外被脅日淺者，委弁遞送各原籍安插。

閩浙總督左宗棠凱還。

先是閩浙總督左宗棠統全師入閩，至是乃奏凱班師。詔賜一等恪靖伯左宗棠在閩撫瘡痍，舉淹滯，清伏莽，脩武備，量財用，肅官方，勸耕作，勤庶事，以勗爲因。而尤以造輪船爲急務，舉沈公葆楨接辦船政。

命知縣斌椿率官生等游歷各國。

總理各國事務衙門奏酌派前任山西知縣斌椿率同官生等前赴外國游歷，採訪風俗，得旨如所請行。

甯夏回酋馬萬選等降。

甯夏回目馬萬選等懇請投誠，都與阿會同穆圖善批准，勒限獻城繳械。回逆將城池圩卡全行撤去，各堡回人俱移往納京牖一帶，繳出槍礮刀矛多件，並陸續

保立等正法

呈繳銀米。都興阿因該回未能遵限獻城。且城內逗留回人不少。所繳馬匹。又皆疲乏不堪。並非戰馬。該回等似覺首鼠兩端。乃將辦繳銀米之回目。保立等十一人正法。並帶隊進城。搜查驅逐。恩威並用。

奉天馬賊馬傻子窮蹙請降。不赦。

奉天馬賊馬傻子。屢抗官軍。擾害奉天熱河吉林三省。曾國藩以烏爾圖那遜所部兵數較少。派色爾固善等。管帶吉林黑龍江馬隊九百餘人。馳赴奉天。屢擊敗之。賊大窮蹙。赴花里雅春軍營乞降。文祥等以該逆罪大惡極。與被脅反正。悔罪輸過者迥異。因將該逆押赴軍前正法。梟示。並將其死黨王振東。齊海等。一併正法。其餘黨三百名。概予免罪。

親王伯彥訥謨祜。剿馬賊於遼陽。

馬賊大股渡江東竄。而遼河東西兩岸。尙有小股多起。沿村裹脅。隨在搶掠。經伯彥訥謨祜。督帶蒙古官兵。馳往昌圖。派兵在遼陽商舖一帶追勦。殺賊數十名。並

誅馬傻子

遼賊遼陽

將賊首王洛疻等三名。生擒正法。搜獲賊匪三十餘名。

親王伯彥訥謨祜。追破馬賊於鄭家屯。又破之於東沙嶺。

伯親王行抵八面城後。馬賊避兵渡江而西。親王進擊於鄭家屯。斃賊八九百名。

遣途追捕。禽斬甚多。另股賊首孫九江等。盤踞東沙嶺。復經親王馳剿。斃賊三百

餘名。並將賊首趙豁牙等。陸續弋獲。訊明正法。三日之內。連獲大捷。

提督周盛波。敗張總愚於鉅野。破牛落紅於亳東。

擒酋張總愚。大股由荷澤定陶。擾及鉅野鄆城。攻破鉅屬之太平寨圩。周盛波進

剿。敗之於鉅野。追至武城荷澤。破方阜賊巢。又往來游擊徐宿穎壽等州。大破牛

落紅於亳東。追至扶溝。鄆陵。許州。

酋據范縣。直隸總督劉長佑克之。

擒酋張總愚。與賴文光牛洪台居范縣舊城。銳意北渡。劉長佑至大名督戰。屢擊

敗之。收復范縣舊城。羣擒併力南趨。擾及豐蕭碭山等處。任柱復分股竄至舊邳

誅趙豁牙

敗張總愚

破牛落紅

設黃河水師

黃河底。其後隊均在邳睢所結之姚家集。大王集等處。劉長佑與曾國藩會議於沈家口。劃地防河。創設黃河水師。國藩謂足深恃。其後卒賴以平捻。其自濟甯以上之開河袁口一帶。水勢極淺。為捻酋渡運熟徑。曾國藩將曹縣金隄集楊飛熊。及魏家灣王心安兩軍。調赴運河以東。憑河堵禦。以固北防之路。以曾國荃為湖北巡撫。剿捻賊。

曾國藩使劉銘傳攻黃陂。克之。賊走河南。復犯河北境。帝以曾國荃嫻軍略。授湖北巡撫。見機防剿。視師襄陽。

協辦大學士兩江總督曾國藩。抵臨淮病。命江蘇巡撫李鴻章代視師徐州。

曾國藩自徐州拔營起行。次曲阜。偕衍聖公孔祥珂拜聖林。又巡視運河。登泰岱。抵臨淮染病。乃疏薦李鴻章視師。詔以肅毅伯李鴻章專辦勦賊事宜。仍命

國藩歸鎮金陵。

苗酋陶新春陶三春分据豬拱箐海馬姑。

歸鎮金陵

海馬姑

豬拱箐者。隸貴州威甯州境。與海馬姑相犄角。去滇之鎮雄州界皆不百里。苗酋陶新春陶三春分據之。糾集苗教各匪。及髮賊石達開餘黨。凡十數萬人。疊擾滇之鎮雄宜良大姚廣通黔之大定黔西威甯畢節。邨堡凋殘。驛道梗阻。且擾及川

蜀川楚。

東捻逆曾任柱等入湖北。提督郭松林破之於德安。追及白口。敗績。

東西捻

冬捻賊牛洪死。張總愚竄入陝西。任柱賴文洗入湖北。是時不復合并。遂有東西捻之號。提督郭松林督軍往剿東捻。破之於德安。克應城雲夢。復敗賊於皂河楊澤。又追捻於白口。深入中伏。我軍敗潰。松林傷足仆地。部兵負以出。其弟芳超戰歿。

六年丁卯。浙江提督鮑超。大破捻賊於安陸永隆河。

粵賊既平。命浙江提督鮑超移軍剿捻。久追逐於鄂豫之間。捻賊聞風趨避。不得一戰。至是始遇賊於安陸永隆河。大戰破之。追奔五晝夜。斬首二萬餘級。

安陸永隆河

授劉松山爲廣東陸路提督。

洪洞之捷

獻縣之捷

松山既受廣東提督之命，敗擒賊於蒲城富平，躡三原，越高陵，拔綏德，賊自宜川渡河，闖山西，陷吉州鄉甯，松山立復之，追至洪洞，夜繞出賊前，大破之，賊遂遁平陽，出橫嶺關，東犯保定，松山冒雪日行百數十里，先入援，至河間，追及之，戰於獻北，賊大敗走，抵祁州，又敗之，追及博野，賊自深州南渡滹沱，松山乘機逐北，自彰德抵鹽山滄州，會諸軍合圍蹴之，詔賞黃馬褂三等輕車都尉世職。

雲南布政使岑毓英大破回逆於曲靖，進克鎮雄。

詔補岑毓英雲南布政使，破回逆於曲靖，拔霑益馬龍，援昭通，生禽僞帥阮三，斬僞王鎖朝升等，遂克鎮雄，擒首逆白金品，賊遁，毓英督兵追勦，又敗之於雲貴四川交界之豬拱箐。

雲南布政使岑毓英克海馬姑及豬拱箐，獲苗酋陶新春陶三春等。

初陶三春等既分據海馬姑豬拱箐等處，地勢倍極險要，賊中呼爲鐵桶江山，外

鐵桶江山

克鎮雄

有二龍關。大了口。小了口。三隘。賊密布堅壘。出掠退守。操縱自如。布政使岑毓英。偵知賊防稍弛。密令部將張保和。林守懷。夜領二千人。鈔出二龍關後。襲吳家屯。毓英自督三千人。攻二龍關。昧爽。賊傾巢出犯。戰方酣。忽聞關後槍礮聲。賊大驚。回救。兩軍夾擊。三隘皆下。遂奪吳家屯。斬級數千。獲輜重牲畜無算。賊自海馬姑來援。毓英截擊於半道。斬其酋。餘黨奔竄。又令部將蔡標。劉重慶。分軍圍剿海馬姑。亦克其紅巖尖山。賊援斷。遂逼豬拱箐之老巢。賊黨多禦人。俗連袂踏歌。此唱彼和。以傳其事。毓英令禦人之從我軍者。徧山環歌。諷以解散。賊中聞歌而逸者。萬餘人。禦目大紅袍來降。毓英用其計。破賊。斬馘二萬。生禽偽大元帥陶新春等。皆磔之。拔出男婦共四萬餘人。遂合剿海馬姑。斬陶三春。是役也。談戰狀者。無不咋舌。

以沈葆楨爲船政大臣。

船政之議。發自左宗棠。謂非沈葆楨莫肩其任。葆楨既受船政大臣之命。設船

日意格
德克碑

陽於距晉省四十里之馬尾山麓。地曰中岐塢。內濱江者爲船漕。如鐵廠機器廠之類。皆參列其後。以洋將日意格爲監督。德克碑副之。事係勅舉。百緒繁興。機器來自外洋。殊形詭製。相顧瞠目。旁觀者懼不克終事以爲難。葆楨與日意格。堅明約束。五年告成。

陝甘總督左宗棠。率諸軍分討捻回。

左宗棠取道武昌。提兵一萬二千人。由潼關入秦。是時東捻任柱。賴文洸。擾山東河南。西捻張總愚。擾秦中。又陝回甘回數十起。衆至數百萬。橫行腹地。兩省幾無完土。左宗棠接統陝甘軍。部署諸營。不令捻回合勢。提督劉松山領萬餘人。總兵郭寶昌領三千人。總兵劉厚基領三千人。是爲剿捻之師。提督高連陞領三千人。京卿劉典領五千人。是爲剿回之師。總兵楊和貴。總兵周金品領三千餘人。屯鳳翔。總兵周紹濂領二千餘人。屯宜君。郎中吳士選領千餘人。防渭。復以親兵三千餘人。水師千人。黑龍江馬隊千餘人。分布華州。華陰。潼關。渭南。臨潼間。是爲兼討

部署諸營

擒回之師。於是諸軍所向克捷。張總愚既破於延州。復南竄。乃自宜川踰山至壺口。乘冰橋渡河。山西大擾。左宗棠遣劉松山各軍渡河追躡。上以山右毗連畿輔。召左宗棠親往督師。宗棠自率五千人赴援。奏請以劉典代督陝甘軍。直隸總督劉銘傳創議防守運河。進扼膠萊。

先是直隸總督劉銘傳破捻賊於黃安東。又追至宛郡。在信陽整軍。由棗陽與賊馳逐。東自應山黃陂。西出安陸襄棗。又山南陽至鄭州。日踔百里。逐賊山東登萊青各處。於是創防守運河。進扼膠萊之議。膠萊河者。元至正間所開新河。以通漕運。而避海道之險者也。至是劉銘傳會同潘鼎新。會勘河道形勢。共築長牆。北起南店。南至柳林口。未幾解沐陽城圍。追逐至諸城。日照。斬偽魯王任柱。復由官邱間道馳濰東北。夜銜枚擊。大破之。賊西走新城。復截擊。東走壽光。追至祥河。瀾河之交。任賴黨匪盡殄。李鴻章奏劉銘傳首剏阨守運河。并軍兜剿之議。卒能大獲奇捷。勞苦功高。以銘傳功第一。詔賞三等輕車都尉世職。

馬陵山
臥龍寨

郟城

日照

山東布政使潘鼎新自濰縣敗賊於馬陵山臥虎寨進軍郟城日照。

是時捻匪東西冲突已成流寇。曾國藩李鴻章會議用圈制策。四面合圍。以殲其黨。乃於運河晝夜梭巡。賊數來犯不得逞。俄東軍偶懈。賊遂偷渡。潘鼎新急拔隊。出昌邑濰縣追剿。連戰皆捷。陣禽賊目黃得宜。復遇賊於海州之石榴橋。搏戰至坊山。賊趨山南。我軍自北上奪其巔。下視賊五六萬。亘數十里不絕。較東過運河前迥殊。而我軍得勢益壯。自上下擊。賊雖衆不支。連日戰於馬陵山臥虎寨。賊亡命困鬪。悍賊麾兩翼騎圍我於中。鼎新傳令爲圓陣。跪伏持槍外擊。而翼以長矛。酣戰半日。頻危者再。賊卒不能撼。氣寢衰。我軍疾起大呼。排牆直進。賊出不意。遂驚潰。我軍傷亡三千餘人。賊死十倍。自與捻戰。惟此最惡。又戰於郟城西。獲賊目楊天燕。陳金福等。斬級千數。及至海州。大戰於上莊。賊潰散不復能陣。日受降數百人。復追擊於日照東北。收降悍賊李世忠。王占鰲。張向春。趙林高等。賴文洸與十餘騎遁走。捻勢日蹙。

提督郭松林大敗捻酋賴文洸於壽光。

東捻走壽光。李鴻章令郭松林率健勇萬人，號武毅軍，與劉銘傳各率所部并力擊之。至杞城與賊遇，大戰破之。賊遁走。二軍皆委鎗重，裹糧追逐。捻將沿海南走，阻瀾河不能遁。牛喜子率白旗賊犯銘傳軍，賴文洸率藍騎賊犯松林軍。我兩軍縱擊，士皆以一當百。捻大潰。壽光民圩皆從壁上觀。見官軍勝，開圩助殺。捻多死於瀾河，浮尸二萬餘，俘一萬餘人，獲騾馬二萬匹。偽烈王徐昌先、首王范汝增等皆伏誅。賴文洸、水南奔，松林統兵疾追，至汶江爲揚州官軍所獲，東捻平。

獲賴文洸

貴州按察使席寶田進攻苗匪於荆竹園。

席寶田軍次沅州，議合攻荆竹園。荆竹園者，苗教之巢藪也。天險四塞，堡寨櫛比。官軍十餘歲，無能至壘下。教匪有白號、紅號、黃號之目，皆假天主名，誘苗侵掠，以爲利。時天柱苗出攻，裨將龔繼昌擊卻之。進軍石阡，遂薄荆竹園屯焉。席寶田覘度地勢，獨北岡稍利，仰攻。因前作二壘逼之。

教匪

獻縣之提

廣東陸路提督劉松山大破擒賊於獻城。

擒賊餘黨自垣曲入河南趨衛輝復自河南北犯直隸至河間獻縣左宗棠令提督劉松山繞出賊前大破之賊反奔山東。

七年戊辰按察使席寶田敗苗於荆竹園復之。

席寶田軍次荆竹園攻其北寨黃元果握矛先登後軍從之寨寇多墜崖死寶田疾入東南燒其屯柵寇數萬來援反鬪大破之斬九千人收牛萬蹄馬百匹旗幟礮械無算餘寇潰遁旬日之間而荆竹園驟復羣苗始震矣。

復荆竹園

復饒陽城

西捻張總愚犯畿疆山東巡撫丁寶楨率師入援復饒陽城。

初西捻張總愚擁衆數萬自晉而豫漸犯畿疆北蹂定州及保定勢且燎原去

禁輦僅二百里朝廷震動至遣宿衛之旅出國門備寇丁寶楨率師入援先

至河間一日夜行數百里卒出賊前轉戰雄任祁高肅之交復饒陽城上嘉之

褒詔凡七下聲赫中外無何西捻平加太子少保。

直隸總督劉銘傳大破捻酋張總愚於荏平南鎮。誅張總愚。

西捻張總愚自竄河朔。直隸總督劉銘傳馳抵東昌。會同各軍追剿張逆於鹽山。滄州德平。疊獲大捷。賊向博平清平一帶。圖撲運河。適馬頰河黃水漫入河西北岸。長牆築就。銘傳會提督郭松林軍。縱橫合擊。賊衆盡殫。張逆挾數十騎走。騎兵追至荏平南鎮。張逆棄馬遁入高粱中。赴水死。生禽其侄張政江。降賊四千。銘傳晉一等男爵。

陝甘總督左宗棠率諸將三路平回。

西捻既平。陝西提督左宗棠乃率師還陝。至西安省城。公部兵數萬人。諸將以劉松山爲最。劉典已署陝西巡撫。戮力同心。遂定三路平回之策。令劉松山由綏德取道花馬池。直擣金積老巢。爲北路。道員周開錫由秦趨鞏討鞏。昌河狄之回。爲南路。左宗棠與劉典督諸軍。驅陝回入甘。爲中路。遂破回巢數百。斬馘數萬人。以曾國藩爲武英殿大學士。

三路平回

張總愚死

竹侯入相

曾國藩抵蘇州省垣。有此。命國藩至上海。駐鐵廠。查閱輪船洋礮工程。又回金陵。

以曾國藩爲直隸總督。

曾國藩拜此。命疏請陞見。自金陵啓行。士民攀送。填塞街巷。爲詩歌以餞者。數十百人。抵京。賞紫禁城騎馬。尋趨朝。皇太后親問軍務辛勞。恩賞優渥。

貴州按察使席寶田破苗於清江廳。

席寶田進窺台拱。台拱苗最強。右清江而左鎮遠。爲之犄角。台拱下。而後苗事可言也。不取兩城。無以制台拱。不悉平寨頭前路苗寨。斷寇援東道。無以取兩道。於是先徇清江路。乃揚言進兵。而以輕兵縋萬山。襲其後。寨可盡破。部將榮維善者。驍桀冠一軍。奮請行。因裹糧約束。夜率所部疾趨山谷間。懸軍五日。圍繞數百里。至柳樹街南岸。則清江廳也。遂大戰。蹙苗赴江水。尸蔽江下。苗懼欲遁。維善反攻柳羅烏包之屬。稿雍諸名寨皆下。剿撫兼施。清江北岸悉定。遂移軍畧南岸。以規

鎮遠。遂破抱金。入撫松柏洞。唐本有屯之。九太白。潘老冒。糾萬人圍攻。本有歛兵守。榮維善從他道。張兩翼遮苗。苗反在圍中。本有復出合擊。大破之。因收南岸十九寨。越日拔黃牯屯。斬悍苗三千。九太白遁走。

八年己巳。貴州按察使席寶田克清江廳城。部將榮維善進軍黃飄山。戰死之。

席寶田克苗匪於稿繞。又克平塘坡烏溝。旁取數十寨。寨頭達鎮遠百里。苗寨蕩焉。又使黃潤昌鄧子垣別將萬人。從北入攻。而寶田專南路。是時黃鄧軍已抵思州。遂會師攻鎮遠。克之。遂拔施秉城。斬五六千級。越日渡沅水。進攻黃敖屯。清江大寨。二曰公鷺。董敖。自昔負固。寶田至。攬其形勢。孤峯矗立。部將榮維善。猱升及山腹。寇擬維善墮巨石。維善急抱樹後。二人附其背。石激躍樹過。三人者皆無恙。驚以爲神。維善已踐其巔。諸將亦率師登。斬其酋。遂拔董敖。還攻公鷺。又破之。諸苗寨百七十人悉下。清江廳城復。維善率六千人往會黃潤昌鄧子垣軍。黃鄧先至黃飄山。遇伏敗沒。維善聞之。大怒。率親兵二百人。求其尸。袒衣持刀。戰良久。苗

公鷺董敖

黃飄山敗

江右關石
虎岡

圍之數匝。乃退保一山。苗來益衆。急起潰圍出。反攻山間苗寨。破之。得其飯以果腹。復出縱擊。終不得脫。苗列炬夜守之。三晝夜。二百人皆戰死。維善被禽。苗以鐵炭鐵釜。加其首曰。大紅頂戴。罵不絕聲而死。黃軍既敗。湖南大震。越日張秀眉復乘虛攻巴治。席寶田憤甚。親馳至破之。走保稿米。稿米羣寇所集。破稿米則寇勢益落。乃闇行五十里襲之。寇殊死戰。裨將徐啓瑞戰不力。斬以徇。將士奮死陷陣。寇大敗。斬數千人。寇棄稿米遁。夏六月。克瘳洞。又克冰洞。秋九月。克勝乘。燒糧十萬石有奇。十月。龔繼昌克抱巖九寨。復遣蘇元春拒寇於天柱。破之。

回逆犯雲南。布政使岑毓英大破之。

回逆率大隊圍犯雲南省城。勢甚猖獗。號三十萬。環省垣西南北。賊壘延袤十餘里。省東之江右關。石虎岡。賊碉林立。悍回馬添順踞尋甸城。與爲犄角。岑毓英令副將楊玉科。率所部攻武定。元謀大姚。祿勸。定遠。白井。易門。皆下之。遂解省城之圍。

進兵甘肅

陝甘總督左宗棠進兵甘肅。

是時陝西已平。總督左宗棠進兵甘肅。劉松山已趨定邊。花馬池。魏光燾。周紹濂。劉端冕。出合水甯州。正甯。擣環慶。雷正綰。黃鼎。由董志原涇州趨鎮原。崇信。華亭。固原。李耀南。吳士邁。由隴州寶雞趨秦州。左宗棠率親兵馬步四千。道永壽。邠州。長武。以赴涇。令馬德順屯靈臺之上。長日里鎮。策應南北。遂開賑卹。集流亡。勸民種秋糧。兵燹遺黎。栩栩有生意矣。於是諸路皆捷。蘭州道通。

蘭州道通

船政大臣第一號兵輪成。

試演兵輪

船政大臣沈葆楨。第一號輪船成。葆楨親出洋試演。遣官駛赴天津。請旨派王大臣勘驗。皆如法。未幾二三號成。奏派輪船統領。隨時訓練。以專責成。總兵張曜。大破回逆於甯夏。平之。

先是甘肅回匪剽亂。詔總兵張曜。率所部屯古城防勦。左宗棠奉命赴涇州。節制征回各軍。命張曜移軍西進。張曜軍次蘭州。大破回於察漢綽爾。又破賊於

甯夏肅清

紅柳樹。追至廣宗寺。解定遠營之圍。復大破之於甯夏城。陝回竄入賀蘭山。又敗之於福因寺。進攻王家疃。納家寨破之。悍黨殲焉。於是甯夏肅清。

天津教案

天津教案

天津民焚燬法國教堂。殺傷教民數十人。天津大擾。曾國藩在病假中。奉命與通商大臣崇厚分謗。不獎士民義憤。以粵捻初平。宜堅保和局。不宜與洋人構衅。又慮四國合從。敗約變不測。京師震驚。於是辦理稍柔。津民不知此義。遂以怨崇厚者。并怨國藩。然府縣議抵之說。究賴國藩力拒之。奏曰。府縣本無大過。送交刑部。已屬法重情輕。彼若立意決裂。雖百請百從。難保無事。且外國論強弱。不論是。非。若中國有備。和議當易定。已令銘軍拔赴滄州。以資防衛。崇厚懼事決裂。奏國藩病勢甚重。請另簡重臣來津。乃召李鴻章於潼關。引兵馳赴天津。會辦會兩江缺出。仍以國藩調補。而李鴻章爲直隸總督。踰月事定。國藩與人書云。內疚神明。外慚清議。深自引咎而已。

九年庚午廣東陸路提督劉松山攻馬五於金積堡卒於軍。

劉松山進軍金積堡攻馬五寨督軍士燒寨門礮中左乳猶力戰不退創甚而卒年三十八狀聞詔從優議卹贈太子少保諡曰忠壯賜祭葬祀京師昭忠祠。敕陝甘諸行省暨本籍建專祠松山既死陝甘總督左宗棠以其從子錦棠代統其軍并貽書錦棠有堅守退屯之語錦棠乃祕其書一戰禽馬五再戰大破河狄之援賊軍威復振於是左宗棠薦錦棠可大用。詔加三品卿銜及金積堡平誅馬化澂父子又禽馬八剖心以祭忠壯公錦棠由道員加布政使銜提督周盛傳大破回匪於北山平之。

甘回內犯全陝戒嚴。朝命李鴻章督辦陝西軍務奏調提督周盛傳率所部盛字軍隨征增募馬隊立盛字飛騎一軍五月入潼關回逆懾先聲不敢東竄而北山潰勇士匪蔓延綏德延安同州境盛傳馳扼韓城澄城郃陽間乘賊未備冒暑速攻滅之又偵賊在官川山中卽派隊分道進剿自督親軍連破賊於河鬼川孔

北山悉平

嚴寨賊瓦解。乃分兵徧布宜洛。錦延數百里。作遠勢兜圍。不使漏網。先後禽匪酋馬意龍。戴德勝等。北山悉平。

貴州按察使席寶田大破苗寇於台拱廳。平之。

席寶田攻苗匪於施洞。俘斬逾萬。拔之。遂連克班鳩。白沈。甕版。詔賜上方珍物。

寶田自荆竹園至此。三接詔矣。時苗地日蹙。川軍至黃飄山。會師巖門。克之。進

軍叫烏。川軍亦克甕谷。寶田以北岸苗寨已悉定。台拱旦夕不可下。而前拔出降

苗萬戶以上。懇土給耕。宜及時撫定。又以台拱苗寨數百。革夷最大。議暫留屯。備

要害。休士卒。以爲攻取之資。乃督軍改革夷。先取其旁寨。夜薄之。皆潰。遂破革夷。

縱火燒左右諸寨。畧盡。越日。台拱廳城。殲寇數千。詔賞頭品頂戴。台拱既克。

賊聚九股河。而丹江凱里廳。爲其窟穴。寶田轉戰而前。疊破餘寨。斬首數千級。苗

日益困。請歸化。遂次第攻降苗寨二百一十。

詔加陝甘總督左宗棠。騎都尉世職。

克台拱

多左宗棠克金積堡。馬化隆伏誅。宗棠奏言關隴諸回。視金積為向背。今金積破。回勢瓦解矣。詔加騎都尉世職。

十年辛未。以應寶時為江蘇按察使。

應寶時

應寶時在江南。數接日本使臣。日人頗推重之。日本有安井仲平者。風裁峻整。文行兼優。為寶時所契。著有管子纂註。左傳輯釋。寶時嘗序以贈之。

安井仲平

以大學士曾國藩仍任兩江總督。

朝廷以曾國藩為兩江總督。日病甚。疏辭兩江。詔曰。兩江該大臣舊治。其勿辭。第坐鎮其間。諸事自可就理。國藩三至江南。百姓皆扶老携幼。焚香以迎之。

貴州按察使席寶田。破苗逆。復沅水六城。進克雷公山寨。

披丹江

席寶田進軍牛場。復進軍凱里。皆拔其寨。苗遁保雷公山。由是沅水南北岸。乾隆中所設六廳城皆復。五月軍薄雷公山。寇寨險峻。且時方暑雨。寶田親執桴鼓。督戰。竟日。破斬三萬級。苗酋張秀眉跳免。還軍施洞。寶田遣龔繼昌。蘇元春。唐本有。

張秀眉

楊玉科戰績

謝蘭階督攻之。

詔加楊玉科記名提督。

先是岑毓英令部將黃文學、楊玉科、李維述等分攻姚州、永北、鎮南等處回逆。以總兵楊玉科功最多，黃文學克永北而亡，諸將乞休，乃命西北各營皆統於楊玉科。因令直擣迤西，遂連克麗江、鶴慶、劍川、浪穹、鄧州、賓州、永昌。詔嘉楊玉科戰績，加記名提督。

越南蘇欄漢作亂，廣西巡撫劉長佑檄總兵劉玉成討禽之。

以劉長佑爲廣東巡撫，受印兼旬，移廣西巡撫。先是粵東西奸民出關劫掠，越南官兵不能制，我軍於是。有河陽安邊之役，及悍酋吳終伏誅，而蘇欄漢復起。蘇欄漢者亦粵人，流寓越南。上年秋襲諒山，詔廣西提督馮子材進軍龍州。於是我軍復有收馬長慶之役，欄漢懾中朝兵威，乞撫於兩廣帥瑞麟，而自踞廣安招納亡命。其情叵測。劉長佑既視事，與瑞公銳意主剿。時匪首鄧建新擾水軍，曾亞日

竄北靈諒江襲上林社秋總兵劉玉成圍曾亞日於上林匪窮乞降獲亞日等四百餘人駢誅之玉成復會廣東軍攻克舊街抵海寧匪散亡過半蘇軻漢奔東興爲廣東將所禽劉長佑以越南各路漸靖檄玉成西赴太原會攻瓊山北山越日副將陳得貴游擊李揚才克越南從化府遂會劉玉成克通化白通旋擊破瓊山北山匪巢

陝甘總督左宗棠命諸將進攻河州

移軍靜靈

先是甯夏諸回平左宗棠令諸將進規河州遂移軍靜靈又移軍安定是時平黑山回盡平黨川回壘且剿且撫

十一年壬申廣西巡撫劉長佑討蘇軻漢餘黨平之

蘇軻漢敗

劉長佑擊敗蘇軻漢餘匪於三星山禽其酋何三甯挽於是東潮甯諒所轄皆平總兵楊玉科破回酋杜文秀於大理誅之

回逆既屢爲楊玉科所迫退踞永平岑毓英檄楊玉科督兵進剿玉科奮力圍攻

抵軍大理

杜文秀死

大理平

駐軍蘭州

遂克永平。復漾濞。進取雲南縣。拔趙州。遂抵大理。大理東臨洱海。西倚蒼山。自回首杜文秀竊踞十有八載。城堅且厚。內更築土垣包僞禁城。玉科爲地道轟蹋東南城。率死士衝入缺口。賊猶踞土城死拒。復用地雷破之。斬二千餘。玉科復增調五千人。環攻僞禁城。文秀糾死黨出戰。玉科親擊之。賊衆大敗。文秀退入僞城。飲毒死。其黨蔡廷棟昇尸以獻。乃剗其首。解送京師。時岑毓英軍次紅崖。距大理百二十里。城既破。始來部署撫事。蔡廷棟等佯納款。陰埋地雷於行館。欲害之。玉科偵知之。密白毓英伏兵城外。而自以二百人先入僞府。据礮樓大呼。二百人出戰。礮發。毓英伏兵乘夜入城。與玉科軍合。巷戰竟日。賊死傷十倍於我。乃焚僞府。奪門出走。遂克復大理。文秀子女及其黨魁楊榮。蔡廷棟均伏誅。大理平。

陝甘總督左宗棠駐軍蘭州。奏調諸將分討回逆。

河州諸回平。循化撤納歸誠。夏諸軍攻肅州。西南賊壘皆下。逾月。左宗棠遣駐蘭州省城。奏調宋慶軍由神木赴甘助剿。以張曜軍屯金積堡。移劉錦棠軍赴西甯。

陶生林金慶元戴宏勝馬步軍赴肅州未幾劉錦棠大破回逆於西寧大通

武英殿大學士曾國藩薨

曾國藩薨

曾國藩薨春秋六十有二江南士民巷哭江寧將軍以聞上震悼輟朝三日追

贈太傅賞銀三千兩治喪賜祭一壇諡日文正入祀京師昭忠賢良祠各省

建立專祠公喪之歸百姓蒸香追送盈路擁喪不得行江南家家繪像以祀謚思

弗置廿年如一日

貴州按察使席寶田禽苗酋張秀眉磔之

誅張秀眉

席寶田等既破苗匪於施洞俘送張秀眉金大五諸酋於長沙磔之苗疆平詔

嘉獎賞騎都尉世職寶田用兵五年拓地千餘里破寨千數殲苗及百萬自有

三苗以來兵威所極未有至此者也

船政大臣兵輪二十艘告成
船政大臣沈葆楨服闋復出視事是九年公丁父憂詔百日後仍出任事疏

請終制許之。至是復出。前後造成兵輪二十艘。曰萬年清。曰鎮海。曰湄雲。曰海鏡。曰揚武。曰飛雲。曰安瀾。曰靖遠。曰鎮威。曰伏波。曰福星。曰濟安。曰永保。曰深航。曰大雅。分布各海口。初立拉鐵打鐵鑄鐵輪機水缸諸廠。開學堂二所。選幼童之敏者居之。分習駕駛。製造諸藝。所學皆成。尋議酌改船式。挑匠徒。試令自造。不用洋人監督。因疏陳善後事宜。非沈葆楨精心果力。不能成也。

詔兵部右侍郎彭玉麟出巡長江水師。

曾國藩既薨。詔促彭玉麟出視師。聞命即行。時長江水師規制寢弛。弁勇橫

行。玉麟一出。効罷營哨官百八十餘人。杖責革去。各當其罪。江湖肅清。旋召入

見。即日被命署兵部右侍郎。未數日。再疏力辭。優詔從之。仍命每年巡閱長

江。專摺奏事。乃奏定巡閱章程。一歲自上游本籍衡州出巡。至江浙度歲。一歲自

下游江浙出巡。至衡州度歲。於浙省城西湖築室三楹。亦名退省齋。為下游事竣

休息之所。

巡閱長江章程

日本置領
事

日本使領事官來辦通商交涉事宜。

領事官本廳在福州者。兼管廈門臺灣淡水事務。在上海者。兼管鎮江漢口九江甯波事務。在香港者。兼管廣州汕頭瓊州事務。

十二年癸酉。雲南布政使岑毓英。率總兵楊玉科。討平回逆餘黨。

回逆自首逆杜文秀伏誅後。餘黨尙據雲州等城不下。統將岑毓英。命楊玉科統兵進攻錫臘。克之。復進取順甯。又命蔡標率所部會勦。夏四月克雲州。餘孽悉平。提督周盛傳至新城。築土城礮臺等。

回黨悉平

海口情形

新城

先是李鴻章移督直隸。奏調提督周盛傳。率所部屯衛畿輔。至是乃檄飭徧勘海口情形。盛傳建議以故明之新城。上蔽津郡。旁臨大沽北塘。附近扼要。舊有土城已圯。礮臺亦偪仄不可用。宜改築。乃築內外城各一。城內大礮臺三。城上環置小礮七十有一。此外兵房藥庫。倉廩義塾。及城外溝河橋閘。惟備皆所部任其役。逾年功竣。

肅州回逆平。詔加陝甘總督左宗棠協辦大學士。

金順宋慶徐占彪合攻肅州。秋左宗棠至肅州。督攻破之。屠客回一千五百餘人。屠土回五千四百餘人。悍酋馬文祿並黨魁八人磔之。惟白彥虎逸出關外。拔出漢民男女一千一百餘人。回民老弱男女九百餘人。肅州平。關內肅清。詔公以總督協辦大學士。改騎都尉爲一等輕車都尉世職。

十三年甲戌。以曾國荃爲陝西巡撫。

起用曾國荃爲陝西巡撫。改東河總督國荃治軍嚴而有恩。大兵所至。秋毫無犯。胡林翼嘗歎賞之。曰雖條侯用兵。不是過也。

日本犯臺灣。詔巡撫沈葆楨巡視之。

初日本商船有遇颶風避泊臺灣者。誤入生番境。生番殺之。日本以復讎爲名。使其將西鄉從道率軍艦五艘。進寇臺灣。詔命沈葆楨巡撫兼辦各國通商事務。是時倭兵已登岸結營。伺隙而動。葆楨切責之。仍招諭生番諸社。宣布皇仁。番

肅州平

曾國荃治軍

巡視臺灣

平番社

中日會盟

社願違約束。倭人亦爲之奪氣。乃修城垣。築礮臺。練營勇。繕軍械。無日不爲戰守之備。會提督唐定奎渡臺。衆心益奮。日兵遂違約撤兵。

日本使大久保利通來乞盟。許之。恭親王與日人盟於京師。

以日人侵我臺灣故。使使責之。不聽。將致師。日人懼。以參議兼內務卿大久保利通來行成。且請盟。我以內亂初平。重休養。許之。使恭親王及大學士文祥。吏部尙書寶鋆等。與日使會議定約。日人有建屋修道於臺灣者。准給費銀四十萬兩。番人所斃難民等。准給卹銀十萬兩。日兵退。乃盟。

日本退出臺灣

巡撫沈葆楨通籌臺灣生番境善後事宜。

善後事宜

日兵既退。沈葆楨通籌善後事宜。請仿照汀、蘇巡撫駐蘇州例。令福建巡撫移駐臺灣。兼理學政。疏陳十有二便。且云。從前官吏所治。祇海濱平原三分之一。餘皆番社耳。今綜前後山計之。可建府者三。建縣者十。事之當剗始。當變革者。非十數年不爲功。且化番爲民。尤當行之以漸。實爲國家億萬年之利。得旨允行。遂分

開拓郡縣

南北兩路開山。南路自崑崙坳至大石巖。直抵卑南。北路自新城至大清水溪。大濁水溪。直抵岐萊。統計二百里有奇。地極荒險。日光不到。內各有凶番抗拒。經我搜剿。互有傷亡。亦有良番叩營乞撫。願爲嚮導。因建碉堡十二。礮臺六。屯兵以鎮之。琅璠者。故相福文襄郡王。征林爽文時。駐兵處也。其地可爲縣治。葆楨親往。察勘。疏請築城設官。添建恆春縣。以鎮民番。杜窺伺。遂順途按視淮軍。凡陣亡及染瘴死者。皆躬奠之。衆爲感奮。

十二月甲戌酉刻。帝崩。今上卽位。

遺詔曰。朕蒙皇考文宗顯皇帝覆載隆恩。付畀神器。冲齡踐阼。寅紹丕基。臨御以來。仰蒙兩宮皇太后垂簾聽政。宵旰憂勞。嗣奉懿訓。命朕親裁大政。十餘年來。敢不惟日孜孜。勤求上理。朕體氣素強。本年十一月適出天花。加意調攝。乃邇日以來。元氣日虧。以致彌留不起。豈非天乎。顧念統緒至重。亟宜傳付得人。茲奉兩宮皇太后懿旨。醇親王之子。著承繼。文宗顯皇帝爲子。入承大統。爲

051
1

000015

皇朝政典舉要卷八下終

嗣皇帝



21101000187903